

সেনার কল্প

উপন্যাস

শ্রীহরেন্দ্রমোহন ভট্টাচার্য্য বেদান্তশাস্ত্রী

সারস্বত লাইব্রেরী,
১২৫১২ নং কর্ণওয়ালিস ষ্ট্রীট, কলিকাতা।

অগ্রহাসন,
১৩২৮ সাল।

[All rights reserved to the Author]

মূল্য ১৫০ একতালিকা বাক্সে আসা যাবে।

প্রকাশক—

শ্রীরবীন্দ্রমোহন ভট্টাচার্য

প্রিন্টার—শ্রীগিরীজচন্দ্র সোম,

শীতলা প্রেস—

৪।১ নং চান্দাবাগান সেকেন্ড লেন,

হুজিরাহাট, কলিকাতা ।

উপহার



.....

শ্রী.....

.....

.....

শ্রী.....

.....



সোণার কঙ্কণ

প্রথম পরিচ্ছেদ

সে দিন ভাদ্র মাসের অসীতাষ্টমী,—ভগবান শ্রীকৃষ্ণের জন্মতিথি।
শঙ্কা হইতেই অবিরল অথচ মন্দ মন্দ বৃষ্টিপাত হইতেছিল, পল্লীর গৃহে
তে শঙ্খ ও ধ্বনির গন্ধের সহিত তালের বড়া ভাজার গন্ধ উখিত হইয়া—
'তালের বড়া খেয়ে নন্দ নাচেরে' এই পুরাতন গানের স্মৃতিটুকু মনে
গাইয়া কোন্ অতীত দীর্ঘ দিবসের এক আশীষ-কালাহল—এক
পূর্ব মত্ততা—এক অদ্ভুত উৎসব-কল্লোল, হৃদয় মাঝে জাগাইয়া দিতেছিল।
শ্রীপুর নামক পল্লীর দক্ষিণ প্রান্তস্থ বোস্ বস্তীতে মহাসমারোহে
সন্মতসবের আয়োজন হইয়াছিল; এতক্ষণে পুরোহিত মহাশয় তাঁহার
গন্ধ ময়লা পরিধের বস্ত্রখানি উরুদেশ পর্য্যন্ত উত্তোলিত করিয়া ভূপরি
ত্র মুর্জ্জণীর আবরণ দিয়া, পৌরহিত্যের চিহ্ন স্বরূপ মস্তকে শিখা
হলাইয়া আসিয়া উপস্থিত হইলেন, এবং জলসিক্ত ভয় ছত্রটী অদূরে বস
করিয়া কোমরাবৃত গামোছা খুলিয়া লইয়া সর্বত্র মুহিতে মুহিতে ঘুরিয়া
উঠিলেন,—“আঃ, কি ছুর্যোগ গো!”

কেহ তাঁহার কথার উত্তর করিল না, সমর্থও করিল না—কাহারও
কর্ণে গিয়াছে বলিয়াই বোধ হইল না; সকলেই তখন নীরব, নিস্তব্ধ।

পূজার সমুদয় দ্রব্যাদি আয়োজন ও সুসজ্জিত হইয়া ছিল। দক্ষিণ
দিকে পুষ্পপাত্রে সুরভি কুমুমরাশি আপূর্ণ ও সচলন তুলসী দল
স্বামিনী হুর্বাগুচ্ছ চন্দন মালা প্রভৃতি। বাম মুখাসিত জলপূর্ণ কুণ্ড,

নানাবিধ ফল মিষ্টান্ন সংযুক্ত নৈবেদ্য, অষ্ট ফল ধূনাচিত্তে বক্ষ ধূনা পুড়িয়া সন্ধ্যা গৃহটী অপূর্ব ধূপ-গন্ধাদিত করিতেছিল। সম্মুখে তাঁহাদের চিরাগত কুল-পদ্ধতিক্রমে, বটপত্রাকৃতি একখানি কাষ্ঠ বিনিশ্চিত শয্যাধার অপূর্ব সজ্জায় সজ্জিতছিল। বাড়ীর সকলে, আশে পাশে চারিদিকে ও বারেণ্ডায় নীরবে বসিয়া শ্রীকৃষ্ণ জন্মের গান শুনিতেছিল। নাটমন্দিরে বসিয়া এক সুকণ্ঠ গায়ক পুরাতন গান গাহিয়া সকলের চিত্ত বিনোদনের চেষ্টা করিতেছিলেন, গাহিতেছিলেন,—‘একবার গা তোলো হে অনন্ত ; কংস ভারে ধরা হোয়েছে ভারাক্রান্ত।’

ঠিক এই সময়, সেই বাফীর উত্তর দিকের রাস্তা দিয়া এক দীর্ঘ কঙ্কালসার মাতাল টলিতে টলিতে চলিয়া যাইতেছিল। জলে তাহার সমস্ত গাত্র, পরিধের কাপড় ভিজিয়া গিয়াছিল। সে যে বড় অধিক মাতাল হইয়াছে, এরূপ বোধ হইল না,—গতিস্থলিত হইলেও লক্ষ্য স্থির ছিল। সে হন হন করিয়া পথ বহিয়া গ্রামের উত্তর সীমায় চলিয়া গেল এবং একখানি প্রাচীরবেষ্টিত ক্ষুদ্র বাড়ীর রুদ্ধ দ্বারে আঘাত করিয়া ডাকিয়া বলিল,—“পুঁটে ; ছয়োর খোল্।”

যে আসিল, তাহার বয়সের সীমা ত্রিশং বর্ষের অধিক নহে। নাম পঞ্চানন দত্ত তারপরে পঞ্চদত্ত এবং বর্তমানে পঞ্চ মাতাল বলিয়া সকলের নিকটে পরিচিত। তাহার ডাকে কেহ উত্তর দিল না, রুদ্ধ ছয়োরও খুলিল না। সেই সময় আকাশের রাষ্ট্র আরও একটু জোরে পতিত হইতে লাগিল। পঞ্চ পুনরপি ডাকিল—এবারও সাড়া মিলিল না, তখন সে দরোজায় লাগি মারিতে লাগিল। পুনঃ পুনঃ পদাঘাতে কাঠের দরোজা ঝনাৎ ঝনাৎ করিয়া কাতর-চীংকারে মর্ষবেদনা ব্যক্ত করিয়া প্রহার করিতে নিষেধ করিতে লাগিল। কিন্তু তাহার নিষেধ প্রার্থনা মঞ্জুর না করিয়া যখন, পঞ্চ নির্মম পদাঘাতে ভূশায়িত করিবার উপক্রম করিল, তখন বুঝি ;

তাহারই বেদনা বুঝিয়া বাটার মধ্য হইতে একজন আসিয়া দরোজা খুলিয়া দিল। যে দরোজা খুলিয়া দিল, সে এক বৈষ্ণবী, পক্ষু তাহার দিকে একবার ক্রুকুটীকুটীলনরনে চাহিয়াই বাটার মধ্যে চলিয়া গেল।

বাটার মধ্যে লম্বালম্বি ভাবে দক্ষিণ মুখে একতাল্য তিনটী কুঠারি, বছকালের সংস্কার অভাবে ফাটিয়াগিয়াছে; ইঁট বসিয়াছে—জানেলা দরোজা খসিয়াছে এবং মাঝে মাঝে অশ্বখ ও বটের গাছ গজাইয়াছে। সেই কক্ষ ত্রয়ের মাঝের কুঠারিতে উঠিতেই পক্ষু দেখিল, সে গৃহ অন্ধকার, বাহিরে যেমন বৃষ্টি পড়িতেছে, সে গৃহের ছাদ দিয়াও তেমনই অবিরল দারায় বৃষ্টিপাত হইতেছে। তখন সে বাহির হইয়া পার্শ্বের আর একটী কুঠারিতে উঁকিমারিল, দেখিল,—সেই গৃহের এককোণে পাঁচ বছরের এক স্নমন্ত বালক বুকু করিয়া এতটুকু জায়গার মধ্যে, খুব জড় সড় হইয়া এক রমণী অবস্থান করিতেছে।

পক্ষু ইহাকে খুঁজিতেছিল। সমস্ত গৃহে ভাঙা ছাদ দিয়া জল পড়িতেছিল, কেবল সেইদিকের কিয়দংশে পড়িতেছিল না। পক্ষু আসিয়াই ধমক দিল; সুরাবিজড়িতকণ্ঠে ও অভ্যস্ত ভাবায় বলিল,—‘কি রকম, লুকিয়ে থাকলে শুকিয়ে যায় বাবা; আমি এসে যে ডেকে, ডেকে মারা পড়ছিলাম—এদিকে জলে ভিজে ফুলে উঠেছি, দয়া কোরো গিয়ে দরোজাটা খুলে দিয়ে আসতে পারনি, মূণিক?’

ভীতিবিজড়িত কণ্ঠে বিনীত স্বরে রমণী বলিল,—“বাহিরের বৃষ্টিপাতে আমার ডাক শুনিতে পাই নাই; আমার একটু শুমও আসিয়াছিল।”

প। ছুয়ার খুলে দিলে বুঝি যোশী বোষ্টনী?

রমণী পক্ষুর স্ত্রী—নাম বসন্তকুমারী। বসন্ত বলিল,—“হ্যাঁ; ওর দয়ার—ওর করুণার সীমা নাই, আমার জন্ম ও অনেক কষ্ট সহ করিতেছে, বুঝি আমার মা থাকিলেও অমন পারিত না।”

পক্ষু জড়িত কণ্ঠে বলিল,—“আমি অত কথা শুনিতে আসি নাই, আসিয়াছি কিছু টাকার জন্য ; টাকাকে একটা পয়সাও নাই, নেশা করা চলিতেছে। না, পুলিশের দৃষ্টি আমার উপর ভারি প্রথররূপে চলিয়াছে, চুরিটা চামারিটা করিয়া নেশা করিব, তারও উপায় নেই। এর মধ্যে তিনবার জেল খেটেছি ; আর পাঁচটা না,—জেলের কষ্ট বরং সহ্য যায়, মদ খেতে দেয় না, ঐ কষ্টটা বড় বেশী হয়।”

বসন্ত কাঁদিয়া ফেলিল, বলিল,—“প্রভু ; স্বামীন্ ! অভাগিনীর হৃদয় দেবতা,—কি কথা বলিলে ? আর শুনাইও না—আর বলিও না, আমার বুক যে ফাটিয়া যায়। তুমি ত মূর্থ নও, তুমি যে পাশ করা সুপণ্ডিত। তোমার আজ একি হৃদশা, তুমি চুরি করিয়া সুরাপান করিতেছ,—জেলের কষ্ট সহ্য করিতেছ ; আর আমি হতভাগিনী, পাঁচ বৎসরের ছেলে লইয়া, না খাইয়া এই ভাঙা ঘরে মরণের চেয়েও অনন্ত বাতনা ভোগ করিতেছি। এখনও রক্ষা করো, এখনও অভাগিনীর কথা শোনো, মদ ছাড়িয়া দাও ; পাপ হইতে পুণ্যের ধারে এসো, তোমার ভাত খায় কে ; তুমি চাকুরী করিলে—তুমি চেষ্টা করিলে, আমাদের ছুটি পেট রাজার মত চলে যাবে।”

প। রাখ তোমার নভেলি বোল চাল, আমায় টাকা দাও, ঢের জানি মাগিক ;—অমন বক্তৃতা কোরতে আমি যে নেহাৎ অপারগ, তুমি মনে ক’রোনা। কিন্তু বাবা পুলিশের রুলের গুতো, আর খাড়া ওয়ারেন্ট যদি দেখে ; ত সব বিগড়ে যায় যাছ। দিনে তোমার এখানে আসবার উপায় নেই, এসেছি লুকিয়ে, যাব লুকিয়ে। ক’টা টাকা আছে বলো ত মাগিক ;—সত্যি বলো। আমি তোমার স্বামী—অপদেবতা, যখন ঘাড়ে চেপেছি, না নিয়ে ছাড়বো না।

ব। তুমি আমার দেবতা,—তোমাকে সম্মুখ করিয়া বলিতেছি

আমার একটা পয়সাও নাই, তোমার ছেলে—তোমার পুঁটে, ঐ হতভাগার আজ তিন দিন জ্বর হয়েছে, ওকে একরতি কুইনান বা এক পয়সার সাবু বালী খেতে দেই, তার সংস্থান আমার নেই। যা ছিলো ক্রমে ক্রমে সমস্ত উড়াইয়া দিয়া গিয়াছ, পরে এই চারি বৎসর হতভাগিনীর যে ছই একখান অলঙ্কার ছিলো, কতক বেচিয়া আমি পেটে খেয়েছি, কতক তুমি কাড়িয়া লইয়া গিয়াছ। এখন কি করিব, কোথায় যাইব—কাহার ছয়ারে দাঁড়াইব, কিছুই বুঝিয়া পাইতেছি না; বামুন হইলে, রাঁধিয়া উদরানের যোগাড় করিতে পারিতাম। এক স্বজাতির বাড়ী ;—তা প্রদেশের কোন কায়স্থরই সেরূপ অবস্থা নহে, কাজেই সে পথও বন্ধ।

প। অত কথা শুনতে আসছি না, তিন মাস পরে এসেছি, এই তিন মাসের মধ্যে একমাস ছিলাম জেলে, দুমাস আছি বাইরে। দুমাসের মধ্যে তোমাকে দেখাও দেয়নি টাকাও চাইনি, লোকের গাঁটটে আসটা কেটে, চুরিটা চামরিটা কোরে, কোন রকমে চালিয়েছি। কিন্তু আবার শুনছি, আমার নামে পুলিশের ওয়ারেন্ট বাহির হয়েছে, খুব লুকিয়ে কাজ চালাতে হচ্ছে। দাও, দাও; কিছু টাকা দাও,—সয়ে পড়ি।

ব। কোথায় পাব; আমার ত কিছু নাই,—ঘরে একমুষ্টি চালও নাই, সত্য বলছি প্রভু; আজ সারাদিন আমার পেটে ভাতও পড়ে নাই।

প। আমি তোকে ভাল মতেই জানি; না মারলে তুই টাকা দিস না; আর কি গহনা তোর আছে বল?

ব। সত্য বোলছি—তোমায় সামনে কোরে বোলছি, আমার দ্বিতীয় বস্ত্রও নাই।

পক্ষু সবেগে গিয়া তাহার বক্ষস্থলে এক ভীষণ পদাঘাত করিল, সে পড়িয়া গেল, আরও ছই তিনটা পদাঘাত করিয়া একটু হটিয়া আসিয়া পক্ষু বলিল,—“কেমন হয়েছে; এখন দিবি ত?”

বসন্ত চীৎকার করিয়া কাঁদিয়া উঠিল, বলিল,—“ওগো অমন করিয়া মারিও না, আর সহ করিতে পারি না,—একদমে বাহাতে মরিতে পারি তাহাই কর।”

প। এখনও বোলছি, ভাল ভাবে বোলছি—আর আসিব না ; পাঁচ ছয় দিনের কাজ চালাবার মত গোটা কতক টাকা দাও বাপু, খসে পড়ি।

ব। একটা পয়সাও নাই—তোমায় কি দিব, অভাগিনীর কথা ছাড়িয়া দাও ; বাছা আমার সারাদিন জ্বরের জ্বালায় ছটফট কোরেছে, আর মা কিছু দে বলে গড়াগড়ি দিয়েছে—একটা পয়সার অভাবে তা'কে একটু খাবার কিনে দিতে পারিনি, মোড়োলদের গাছতলা থেকে একটা পেয়ারা কুড়িয়ে তাই দিয়েছি।

প। ও কথা তুলো না মাণিক ; আজ তিন দিন আমারও পেটে ভাত পড়েনি। সেদিন বাদব পুরের হাতে এক বেটার পকেট মেরে তিনটে টাকা পেয়েছিলাম, তর্কি দিয়ে এই কদিনের মদ মুড়ি খেয়ে খাটাচ্ছি, এই দেখ বেটা—চোখ খাগি ; পেট কেমন ধড় ধড় কোচ্ছে। দে, দে ; দশটা টাকা দে হারামজাদি ; আমি খুব হাঁটতে পারি এই রাত্তিরেই শ্রামপুর যাব মদ আর মুড়ী কিনে খেয়ে তাজা হবো। এই দেখ ; ভিজ়ে বর্ষার-শেয়াল হয়ে গিয়েছি।

ব। একি শুনি প্রভু ; তোমার পেটে অন্ন নাই কেন ? তুমি কি আমার অক্ষম স্বামী ; তুমি যে বি এ পাশ করিয়াছ ;—তুমি যে আমার মুখোজ্জল করা দেবতা, তুমি চাকরী করিলে, আমাদের টাকার অভাব কি।

প। রাখ তোমার পেত্নী কাঁছনি, দিবি কিনা বল ?

ব। কোথায় পাবো।

প। র'স, যাতে পাস তা কচ্ছি।

ব। আর মারিও না, আর সহ করিতে পারি না ; এমনি করিয়াই

মারিয়াছ, যা টাকা ছিল, যা গহনা ছিল ; তা এই জন্মই দিনে দিনে তোমাকে দিয়াছি, এখন কড়ার কাঙালিনী আমি । আর মারিও না—আর কিছুই নাই ।

পঞ্চু গিয়া জরাক্রান্ত যুগ্ম বালককে টানিয়া তুলিল, বালক চীৎকার করিয়া কাঁদিয়া উঠিল, পঞ্চু তাহাকে পুনঃ পুনঃ পদাঘাত করিতে লাগিল, বসন্ত চীৎকার করিয়া কাঁদিয়া তাহাকে বক্ষ পঞ্জরে টানিয়া লইতে গেল, পঞ্চু তাহাকে একপ ভাবে লাথি মারিল, যে সে ছিটকাইয়া দূরে গিয়া পড়িল, বালক পুনঃ পুনঃ পদাঘাতে চীৎকার করিয়া অজ্ঞান হইয়া গেল ।

তখন “যা সব যমালয়ে ; আমি চলিলাম আর আসিব না” এই কথা বলিয়া পঞ্চু বাহির হইয়া চলিয়া গেল ।



দ্বিতীয় পরিচ্ছেদ

পরদিবস প্রভাতে বৃষ্টি সম্পূর্ণ থামিয়া গিয়াছিল, আকাশ মেঘ নিম্মুক্ত নবোদিত বালার্কিরণে বসুধা বর্ষণার্জ দেহ শুকাইয়া লইতেছিলেন। পক্ষী কলরবে প্রকৃতি কেন জাগিয়া বসিয়াছিল। নবমীর রবিকর পৃথিবী বক্ষে ছড়াইয়া পড়িবার সঙ্গে সঙ্গেই নন্দোৎসবের মিসিল বাহির হইয়া পড়িল; সকলেই সে উৎসবানন্দে যোগদান করিল,—নীরব পল্লীর রাস্তায় রাস্তায় উৎসবের আনন্দ গাথা গাহিয়া গাহিয়া ফিরিতে লাগিল, কেবল হাসি ও আনন্দ ছিল না হতভাগিনী বসন্তের মুখে। সে প্রহারক্লিষ্ট জ্বর-জর্জরিত বালক পুত্রকে ত্রোড়ে করিয়া, বসুদের বাড়ী আসিয়া উপস্থিত হইল, এবং দরোজার একপার্শ্বে উপবেশন করিল, তখন সেখানে আরও অনেক ভিখারিও ভিখারিণী যুটিয়াছিল। জন্মোৎসবের ভিক্ষাদানে ভিক্ষুকদিগের তৃপ্তি বিধান করিবেন—এইরূপ ঘোষণা বার্তা শ্রবণ করিয়াই ভিখারি ও ভিখারিণী আসিয়া যুটিয়াছিল। বাড়ীর কর্তা মথুরবাবু এদেশের লোক নহেন;—কেহ তাঁহাকে চিনিত না, শোনা যায়, এই বাড়ীর ষিনি মালিক, তিনি খুব বড়লোক ছিলেন। দেশে তাঁহার জমিদারী বা ভূসম্পত্তি কিছুই ছিল না বটে, কিন্তু কলিকাতায় সূতা পটিতে তাঁহার বৃহৎ এক আড়ত ছিল এবং ইষ্ট ইণ্ডিয়া কোম্পানীর সাহেবদের সহিত তাঁহার সূতার কারবারে অনেক টাকা লাভ হইত। তিনি সপরিবারে কলিকাতায় বাসও করিতেন,—এই পল্লীভবনে বৎসর বৎসর জুর্গোৎসব, দোল, চড়কপূজা, নন্দোৎসব প্রভৃতি হিন্দুর পর্বেপলক্ষে আগমন করিতেন এবং ঐ সমুদয় কর্ম্ম অতি সগারোহে সম্পন্ন করিয়া

পুনরায় কলিকাতায় চলিয়া যাইতেন। তারপরে হঠাৎ একবার মহামারিতে তাঁহারা সকলেই এক সময়ে মৃত্যু মুখে নিপতিত হইলেন।

বহুকাল পরে মথুরানাথ নামধেয় এক বৃদ্ধ আসিয়া উপস্থিত হন, তিনি কে; কোথা হইতে আসিলেন, সে পরিচয় বড় কেহ পাইল না, তবে সর্বময় কর্তা হইলেন, কেহ কোন আপত্তিই তুলে নাই, তাঁহার স্ত্রীও ছিল না, পুত্রওছিল না, ত্রিজগতে কেহই ছিল না, তিনি একা। লোকটী যে ভাল ইহা বলিয়া লোকের বিশ্বাস ছিল দোল ভ্রমোৎসব প্রভৃতি উৎসবে, এবং দীন হীনকে ভিক্ষাদান এ সকলে বেশ মুক্ত হস্ত ছিলেন।

যখন ভিখারী দিগকে ভিক্ষা দিবার জন্য ধামা ধামা চাউল, মুড়ী, মুড়কী, মিষ্টান্ন ও পয়সা লইয়া লোকে সমুদয় সমবেত হইল, তখন মথুরাবাবু আসিয়া সেখানে একখানি চেয়ারে উপবেশন করিলেন। ভিক্ষার দানের দ্রব্য ও বাবুকে সমাগত দেখিয়া সমাগত ভিখারী ও ভিখারিণী উঠিয়া দাঁড়াইয়া এক সঙ্গে চীৎকার-কোলাহলে সমুদয় বাড়ীখানি একম্পিত্ত করিয়া তুলিল। চারি পাঁচজন লোকে দেয় দ্রব্যগুলি ভিক্ষুক দিগকে বিতরণ করিয়া দিতে লাগিল, যাহারা ভিক্ষা পাইল, তাহারা চলিয়া যাইতে লাগিল, কচিং কেহ কেহ বা ভিক্ষালব্ধ দ্রব্যগুলি সামলাইয়া রাখিয়া পুনরায় দ্বিগুণ আদায়ের চেষ্টায় ফিরিতে লাগিল।

• এইরূপে কয়েক দণ্ড দান ও গ্রহণের পর ক্রমে ক্রমে তৎকার্য সমাধা হইয়া গেল, যাহারা ভিক্ষা দিতে আসিয়াছিল, তাহাদের চাউল চিড়া মুড়কী প্রভৃতি ফুরাইয়া গেল, তখন তাহারা ধামা চূপড়ী ও বস্তা প্রভৃতি ঝাড়িয়া ফেলিয়া পাত্রগুলি লইয়া চলিয়া গেল, ভিক্ষুকগণও চলিয়া গিয়াছিল, বহুজন পূর্ণ স্থানটী দেখিতে দেখিতে শূন্য হইল। মথুরাবাবু উঠিলেন এবং চলিয়া যাইতেছিলেন, সহসা তাঁহার দৃষ্টি প্রাচীরের দিকে গেল, দেখিলেন মলিন-

ছিন্ন বসনে সমস্ত দেহ আবৃত করিয়া এক রমণী খুব জড় সড় ভাবে উপবিষ্ট এবং তাহার ক্রোড়দেশে মুখ গুঁজিয়া একটা বালক বসিয়া আছে। অবস্থা দেখিয়া তিনি বুঝিলেন লোকটা ভিক্ষা লইতে আসিয়াছিল, কিন্তু হয় পায় নাই, নয় অণু কিছু জামাইবার আছে।

বাস্তবিকই বসন্ত ভিক্ষা লইতে আসিয়াও উঠিয়া গ্রহণ করিতে পারে নাই, আজ তাহার এই পথে নূতন পদার্পণ, ভিক্ষুক জীবনের—মুষ্টি ভিক্ষা গ্রহণের আত্মই নূতন প্রভাত। যদিও সে অভাবের নিদারুণ দংশনে জঠর জ্বালারী জ্বলনে গ্রামের বাড়ী বাড়ী হইতে ভিক্ষা করিয়া আনিয়াছে, কিন্তু এমন ভিক্ষুক দিগের সঙ্গে মিশিয়া ভিক্ষা লইতে আর কোন দিন লোকের দ্বারস্থ হয় নাই। আজ তিন দিন হইতে তাহার পেটে কিছুই পড়ে নাই,—তাহার বালক পুত্র কিছু না খাইয়া মারা যাইতে বসিয়াছে তাহার উপরে মাতা পুত্রে গত-রাত্রির প্রহারে জর্জরিত হইয়াছে।

সারা রাত্রি বসন্তের নিদ্রা হয় নাই, অতিশয় প্রহারে আর সন্মুখে অরক্লিষ্ট—অভুক্ত রক্ত বালক সন্তানের প্রহার দেখিয়া, মাতার প্রাণ বজ্রদগ্ধ লতার মত জ্বলিয়া পুড়িয়া থাক হইয়া গিয়াছিল, তারপরে অজ্ঞান হইয়া পড়িয়াছিল,—সেই অজ্ঞান অবস্থার শান্তি ও সে অধিক্ষণ উপভোগ করিতে পার নাই। ভাঙা হাদ দিয়া অবিরাম বৃষ্টি পড়িয়া শীঘ্রই জাগাইয়া দিয়াছিল, সে উঠিয়া প্রহারক্লিষ্ট রোরুণমান ক্রেশ-কম্পিত বালককে বুকের মধ্যে টানিয়া লইয়া জাগিয়া জাগিয়া রাত্রি কাটাইয়াছে।

তাহাদের বাড়ীর পার্শ্বে যশোদা বোষ্টমীর ক্ষুদ্র পর্ণ কুটার। বসন্তের পুণ্ড্র অতিশয়জ্বর এবং বৃষ্টিপাতে তাহাদের কতদূর কষ্ট হইতেছে, তাহাই দেখিবার জন্য গুটি কয়েক ভিক্ষা লব্ধ মুড়ি লইয়া যশোদা বোষ্টমী যখন বাড়ীর ভগ্ন প্রাচীরের পশ্চাৎদিক দিয়া আসিয়া বসন্তের নিকট বসিয়া ভিজিতেছিল, সেই সময় পক্ষ আসিয়া ডাকাডাকি করিতেছিল এবং এই

যশোদাই পঞ্চকে দরোজা খুলিয়া দিয়া নিজের বাড়ী চলিয়া গিয়াছিল। পঞ্চ মাতাল—পঞ্চ নিষ্ঠুর এবং পঞ্চ যে বসন্তের উপর পশুভাব ব্যবহার করে, বৈষ্ণবী তাহা জ্ঞাত ছিল, কিন্তু সেই বাদলের রাত্রে কোন প্রকারেই সেই নিষ্ঠুর পশুর আক্রমণ হইতে সেই অসহায়া রমণীকে রক্ষা করিতে পারিবে না বুঝিয়া, সে চলিয়া গিয়াছিল। যে হেতু সে নিজে স্ত্রীলোক দুর্বল, বৃষ্টির দিনে, অপরকে রক্ষা করিবার জন্ত ডাকিলেই বা কে আসিবে। সুতরাং কোন চেষ্টাই করে নাই। অতি প্রত্যায়ে উঠিয়া সে বসন্তের নিকট আগমন করিল এবং তাহার নিকট সমস্ত কথা শ্রবণ করিয়া বলিল,— “আর তুই এমন কোরে কতদিন কাটাবি মা ; আমার সঙ্গে ভিক্ষা কোরতে আরম্ভ কর ; দশ ছয়ারে ঘটি পরিয়া ভিক্ষা কোরলে তোর আর আর তোর ছেলের পেট চোলে যাবে। না খেয়ে এমন কোরে মরবি কতদিন।”

অনেকক্ষণ ভাবিয়া চিন্তিয়া বসন্ত স্বীকৃত হইল, কিন্তু তাহার মনে পড়িল এক কথা—সে কথা ভাবিতেও তাহার ভারি লজ্জা করিল, বলিতে আমাদেরও লজ্জা করিতেছে ;—ছি !

স্বামী যার পশু—মাতাল—চোর নিষ্ঠুর, নিশ্চম ; এক কথায় মনুষ্য নামের অযোগ্য, ঘর ছয়ার যাহার রৌদ্র ও বৃষ্টি—এমন কি শিশির বিন্দু অবরোধ করিতে অশক্ত, পেটে যার অন্ন নাই, পরিধানে যার বস্ত্র নাই, মাথা গুঁ জিবার আর স্থান টুকু পর্য্যন্ত নাই, তাহার আবার রূপ-যৌবন কেন।

• অনেক রাজরাণীরও তেমন রূপ নাই। সেই তৈল গীন, প্রসাধন হীন আনীতম্ব বিলম্বিত কেশ রাশি, সেই আকর্ণ বিশ্রান্ত নয়ন, সেই শুধাংশু সন্নিভ মুখভাব, সেই দীর্ঘ ছন্দ সম্পূর্ণ দেহ বৃষ্টি, সেই অতসী-কুসুম-বর্ণ কয়জনের আছে ! ইহা লইয়া সে করে কি ; মনব সমাজ যে পশু সমাজে পরিপূর্ণ। ময়না, শ্যামা, চন্দনা প্রভৃতি পানীর স্বর মিষ্ট, শীশ দিয়া নানাবিধ স্বর বিস্তার করিয়া গান গাহিয়া মানুষকে সুখী করিবার চেষ্টা

করে, কিন্তু মানুষ এমনই কঠোর প্রাণ, ও বিচার বিহীন যে, তাহাদিগকে ধরিয়া আনিয়া খাঁচার পুরিয়া তাহাদের চির স্বাধীনতা ধন হইতে বঞ্চিত করিয়া ফেলে। তাহাদের বংশ বৃদ্ধি হইতে দেয় না, আত্মীয় স্বজনের কাছে যাইতে দেয় না এবং বিচরণের কাননকুঞ্জে মুক্ত বাতাসে উড়িয়া উড়িয়া ঘুরিতে দেয় না। আর কৰ্কশ কণ্ঠ কাক, পেচক প্রভৃতির দিকে ফিরিয়াও চাহে না, তাহাদিগের স্বাধীনতার উপর কেহ হস্তক্ষেপও করে না।

যাহা হউক, ভিক্ষা করিতে বাহির না হইলে, যখন আর বাঁচিবার উপায় নাই, তখন সে যশোদার কথায় স্বীকৃত হইল। যশোদা বলিল,— “তবে চল; মথুরাবাবুর বাড়ী জন্মোৎসবের ভিক্ষা লইয়া আরও পাঁচ বাড়ী ঘুরে আসিগে।”

বসন্ত পুনরপি চিন্তা করিতে লাগিল। প্রথম চিন্তাতেই তাহার মনে হইল এর চেয়ে কি মঙ্গল ভাল নয়? নদীতর। জল আছে, পরিধানে এখনও একটু ছেঁড়া কাপড় আছে, নেহাৎ না হয় সন্ধান করিলে—চেষ্ঠা করিলে হই হাত দড়িও পাওয়া যায়,—তবে মৃত্যু পথ কঠিন কোথায়, ভদ্রলোকের মেয়ে, ভদ্রলোকের পুত্র বধু হইয়া ঘটি ধরিয়া ছয়ারে ছয়ারে ভিক্ষা করিয়া বেড়ানোর চেয়ে মরাই কি মঙ্গল জনক নয়! তারপরে মনে হইল, আমি মরিলে ঐ হতভাগ্য শালক আমার কোথায় যাইবে, তাহার যে তিন কুলে জন্ম কেহ নাই, বাছ! আমার আজ চারদিন জ্বরের জ্বালায় চোখ মেলাইতে পারে নাই; বাছার পেটে যে একটা দানা নাই। কাল যে বিকাল হইতে অভাগিনীর নিকট ‘মা বড় খিদে; কিছু খেতে দে মা’ বলিয়া কাঁদিতে কাঁদিতে ঘুমাইয়া পড়িয়াছিল, তারপরে অভাগা আমার, পিতার প্রহারে মৃত্যুর মত হইয়া সারা রাত্রি হইতে অজ্ঞান। যদি ওঠে—যদি জাগে তখন কুধায় কি কেবো, পাড়ায় ঘুরিয়া চাহিয়া চিন্তিয়া অনেক দিন

কাটাইয়াছি এক এক বাড়ী হইতে দশ বার দিন করিয়া চাতিয়া আনিয়াছি ।
প্রথমে যাহারা দয়া করিয়া দিয়াছে, তারপরে তাহারা বিরক্তির সহিত
দিয়াছে, অবশেষে ঘণার সহিত, তারপরে নাই বলিয়া ফিরাইয়া দিয়াছে,
আমার নিত্য অভাব তাহারা কতদিন দিয়া পুরাইবে । দেখি, ভগবানের ইচ্ছা
পূর্ণ হউক । আমার কৰ্ম দোষে—আমার অদৃষ্টে যাহা থাকে, ঘটতে থাকুক,
হতভাগার জন্মে সে সুখের পথ—মরণের পথ অবরুদ্ধ ; কাজেই যশোদার
সঙ্গে ভিক্ষায় যাওয়াই স্থির । সে পুত্রকে টানিয়া জাগাইয়া লইয়া
কোলে তুলিল এবং যশোদাকে বলিল,—“চল মা ভিক্ষায় যাই, কিন্তু লইব
কিসে করিয়া ? আমার ত পাত্র নাই ।”

যশো । মাটার ভাঁড় নেই ?

ব । না । যেটায় জল খাইতাম ; সেটা কাল ষখন আমাকে মারিয়া
ফিরিয়া যান, তখন সেটাকে ভাঙিয়া রাখিয়া গিয়াছেন ।

যশো । অমন বর মরে গেলে মানুষের মঙ্গল বই অমঙ্গল নয় ; ছি ;—
বামুন কায়েতের ঘরে এমন নর পশু জন্মাতে আমি কখনও শুনিনি ।

একটা আগুনের হলুকা বসন্তের বুকের ভিতর প্রবেশ করিল, মনে
হইল,—যোশীকে ধমক দিয়া বলিয়া উঠে—ছোট মুখে বড় কথা ; আমার
স্বামী নর পশু ? তিনি যে বি এ পাশ । য়েবার পাস করিয়া আমার বাপের
বাড়ী গিয়াছিলেন, সেবার কত লোক যে তাঁহাকে দেখিতে আসিয়াছিল,
হায়রে,—সে দিনের আনন্দ আজ আমার কোথায় গেল, কপূরের শিশির
মত—হাতীতে থাওয়া কতবেলের মত, সব কোথা দিয়া কোথা চলিয়া
গিয়াছে । বাপ গিয়াছে, মা গিয়াছে,—বাড়ী ঘর ছরার তাঁহাদের সব
গিয়াছে, সে ছুদিনের অসীম আনন্দ অপূৰ্ব ভাব-বৈভব এখন বোধ হয়
স্বপ্ন ! শ্বশুরের বাড়ী আসিয়াছি ;—দশরথের মত শ্বশুর ছিলেন,
কৌশল্যার মত শ্বশুড়ী ছিলেন, চাকর ছিল, চাকরাণী ছিল, বাগান ভরা

আম, কাঠাল, নীচু, পিচ, পেয়ারা, গোয়াল ভরা গরু, মরাই ভরা ধান, আর বুক ভরা স্নেহ-করণা আনন্দ, সব গিয়াছে!—সব শূন্য! সকলে ভাবিয়া ছিল, আমার স্বামী হাকিম হবেন, আমি তাঁর সঙ্গে বাসায় যাব। আর আজ তিনি মাসে মাসে জেলে যান, আর আমি চলিলাম যশোদা বোষ্টমীর সঙ্গে ভিক্ষায়।

তাহার চক্ষু হইতে জল ঝরিয়া ক্রোড়স্থ ক্ষুধিত, তৃষিত, ও পীড়িত ও প্রহারিত পুরের ললাটে পতিত হইল। বালক মাতার মুখের দিকে চাহিয়া বলিল,—মা তুই কানচিস্; আমি না খেয়ে মোরে যাই—উঠে দাঁড়াতে পারি না, তাই চাই মা; চাইলেই তুই কাঁদিস; আর চাব না মা, তোর নাই কোথা থেকে দিবি—কেমন মা?”

যশোদা বলিল চল পুঁটে; আমরা বোসেদের বাড়ী যাবো, সেখানে গিয়ে তোর খাবার চেয়ে দেবো, অনেক খাবার পাওয়া যাবে।”

পুঁটে কোন কথা কহিল না।

ব। ভিক্ষা নেব কিসে কোরে, আমার কথার উত্তর দিলে না।

যশো। আঞ্জ চল; আমার ভিক্ষার পাত্রেই ছুজনের ভিক্ষা চেয়ে নেব এখন,—তারপরে বৈকালে কুমোর বাড়ী হোতে তোমার ভিক্ষার ভাঁড় চেয়ে এনে দেব।

অতঃপর যশোদার সঙ্গে বসন্ত ভিক্ষা করিতে চলিয়া গেল।

মথুরাবাবুর বাড়ী গিয়া যখন সমবেত ভিখারী ও ভিখারিণীর মধ্যে যশোদার সহিত বসন্ত প্রবেশ করিল, তখন তাহার মনে হইল, প্রেত নিবাস নরকভূমি আর কোথায়, এইত! বস্ত্রহীন গাত্র, অন্নহীন উদর, কঙ্কালসার মানব মানবীর কোলাহল, গলিত কুণ্ঠি ক্ষয় কাসি যক্ষ্মা প্রভৃতি রোগাক্রান্ত দেহী মানব মানবী ছিন্ন হস্ত, কর্তিত পদ নরনারী ও জাতি বর্ণ বিহীন মনুষ্য একত্রে—এক সঙ্গে সংমিলিত আর কোথায়? নরকে;—সেই

নরকে সেও উপস্থিত একমুষ্টি ভিক্ষার জন্ত ; কিন্তু তাহাই বা কখন মিলিবে, সকলেই সময়ের মুখ চাহিয়া উপবিষ্ট, তৎপরে যখন তাহা বিতরণ হইতে লাগিল, তখন সেই প্রেত ফোলাহলে—তাহাদিগের গতাগতিতে—তাহাদিগের আশ্ফালন উল্লঙ্ঘনে বসন্তের দাঁড়ান ভার হইল। সম্মুখে অগ্রসর হইতে না পারিয়া ক্রমশই পশ্চাতে হটিতে লাগিল, কিয়ৎক্ষণ পরে যশোদা কোন দিকে চলিয়া গিয়াছিল, সে আর দেখিতে পাইল না। গায়ে জড়ান ভিজা কাপড় ও শতছিন্ন, তাহাতে ভিক্ষা লব্ধ দ্রব্য রাখিবারও স্থান ছিল না, কাজেই সে ভিক্ষা লইয়া কেথায় রাখিবে ; এই তেতুতে উঠিল না, ভিক্ষাও মিলিল না। সেই ভিক্ষুকগণের ঠেশা ঠেশি ছড়াছড়ি গমনাগমনের মধ্যে সে ফিরিয়া চলিয়া যাইবারও পথ পাইল না, কাজেই সে একেবারে প্রাচীর সংলগ্ন হইয়া পুরটীকে বুকের মাঝে চাপিয়া ধরিয়া বসিয়া থাকিল।

মথুর বাবু কাজেই তাহাকে তদবস্থাতে দেখিতে পাইলেন এবং তাহার নিকটস্থ হইয়া বলিলেন,—“কে তুমি গা ; বোধ হয় ভিক্ষা লইতে আসিয়াছিলে, পাও নাই কেমন ? আরও বোধ হইতেছে, তোমার এই নূতন বৃত্তি।”

বসন্ত কথা কহিল না, আরও জড়সড় হইয়া প্রাচীরের দিকে হটিয়া গেল। মথুরবাবু ধমক দিলেন, বলিলেন,—“মাড়িতে আসিয়া পাত্র ঢাকা কেন ? বল না, কে তুমি, কেন ভিক্ষা লও নাই ?”

বসন্ত তথাপি উত্তর করিল না।

ম। গেলোরে এসোছ বাপু ভিক্ষা করিতে, সাধিয়াও যে সাড়া মিলে না। কোলের ছেলোটত দেখ্‌চি বেশ্‌ ফুটকুটে। দেখিরেঁ ; আমার দিকে ফের দেখি, তোকে কখনও দেখেচি কিনা !

বসন্ত বস্ত্র মধ্য হইতে হস্ত বাহির করিয়া বালকের মস্তক চাপিয়া ধরিল,

সে হস্ত দেখিয়া মথুরবাবু বিস্মিত হইলেন, সেরূপ মলিন লাবণ্য, সেরূপ বর্ণোজ্জ্বল সৌন্দর্য্য, সহসা দেখা যায় না। তিনি বলিলেন,—“এ হাত ত ভিখারিণীর নয়, কে তুই বল না : মুখের কাপড় খোল।”

বসন্ত কাঁদিতে লাগিল।

মথুরবাবুর সহসা মনে পড়িল, বসন্ত হইতে পারে, তিনি জিজ্ঞাসা করিলেন,—“তুই বসন্ত নাকি ;—তুই ছয়ার ভিখারিণী হোয়েছিস নাকি ?”

বসন্ত আরও জোরে কাঁদিয়া ফেলিল, মুখের কাপড় হস্ত দ্বারা একটু সরাইল, বন্ধ দেখিলেন, তাহার অনুমান সত্য,—সে বসন্তই নিশ্চয়।

তখন তাহাকে ডাকিয়া সঙ্গে লইয়া চলিয়া গেলেন।

বাড়ীর মধ্যে লইয়া গিয়া বলিলেন, বসন্ত তোর কি আর দিন চলিবার মত সম্পত্তিও নাই ?”

কাঁদিতে কাঁদিতে বসন্ত বলিল,—“না।”

ম। পক্ষু বাড়ী আসে না ?

ব। তিনমাস পরে কাল রাতে আসিয়াছিলেন।

ম। তুমি আমার অভাবের কথা তাহাকে বলিয়াছিলে ?

ব। আমি কি বলিব, তিনিই তখন টলিতে টলিতে আসিয়াছিলেন—তিনিই তাহার মদের টাকার জন্ত, আমাকে আর আমার ঐ বালক সন্তানকে নিদারুণ প্রহার করিয়াছিলেন।

ম। লোকটা একেবারে বোরে গিয়েছে, তুমি এখন কি করিবে ?

ব। বশোদা ষোষ্ঠমী বলিয়াছে, সে আমাকে ভিক্ষা করিতে সঙ্গে লইয়া যাইবে, দশ ছয়ানে ভিক্ষা করিলে, নাকি আমার ও আমার ছেলের পেট ভরিবে।

ম। কে, তুমি ত ভিক্ষা করিতে পার না। ভিখারীরা সব ভিক্ষা

লইয়া চলিয়া গেল,—তোমার যশোদাও বোধ হয় ভিক্ষা লইয়া চলিয়া গিয়াছে, তুমি ভিক্ষা লইতে আসিয়া ভিক্ষা লও নাই কেন ?

ব। কতবার লইব বলিয়া উঠিতে গিয়াছি, পারি নাই—ভয়ে আর লজ্জায় পা টলিয়াছে, তাই সরিয়া গিয়া প্রাচীরের কাছে বসিয়া ছিলাম। যশোদা কখন কোন পথে চলিয়া গিয়াছে দেখি নাই।

ম। আমি তোমাকে একদিন তোমার বাড়ী গিয়া বলিয়া আসিয়া-ছিলাম, তোমার নিতান্ত অভাব হইলে, আমার বাড়ী ঘাইয়া খাইও ; আমার বাড়ীর গিন্নি নাই, তুমি গিন্নি হইবে।

ব। আমি ঐ জন্মই আসিতে পারি নাই।

ম। কি জন্ম ?

ব। আপনি ঐ কথা বলিয়া আসিলে লোকে আমাকে ‘মথুরাবাবুর গিন্নি’ বলিয়া উপহাস করিতে আরম্ভ করিয়াছিল। আমি সব অপবাদ সহ করিতে পারি ; কেবল চুরি আর ঐ কথাটী সহ করিতে পারি না।

বৃদ্ধ মথুরাবাবু হো হো করিয়া হাসিয়া উঠিলেন, শুদ্ধ-স্বটিক-সঙ্কাস-পরসী-নীরস্থ তলদেশ দর্শন করিয়া, মানুষ যেমন বুঝিতে পারে, সেখানে কি আছে, মথুরাবাবুও তেমনই বুঝিতে পারিলেন। কিন্তু বুঝিতে পারা গেলেও তিনি নিজের মনের ভাব চাপিয়া বলিলেন,—“তা’ দোষই বা কি, গিন্নি হোয়ে থাকবে—বাড়ীর দাস দাসীর উপরে হুকুম চালাবে, তোমার সেবা শুশ্রূষা করিবে, আমি তোমাকে গিন্নি বলিয়া ডাকিব ; অধিকন্তু তোমার ছেলের শিক্ষার বন্দোবস্ত করিব, জামা কাপড়াদেব, বড় হোলে বিয়ে দেব, তোমার কোন অভাবই রাখব না। সেই ভাঙা বাড়ীতেও আর থাকিতে হইবে না, আমার এই সুন্দর বাড়ীতে এসে থাক, সবই দেব—তোমাদের নামে উইল কোরে দেব, আমি মরে গেলে এ সব তোমার

ছেলেরই হবে। এখন কেবল তুমি সেই মাতালটাকে ভুলে যাবে, সে এলে তাহার সহিত কথা কহিতে পারে না—তাহার নামও মুখে উচ্চারণ করবে না।”

পথিমধ্যে বিষধর সর্পকে দেখিলে পথিক যেমন চমকিয়া পিছাইয়া সরিয়া দাঁড়ায়, বসন্তও তেমনি দাঁড়াইল। তাহার চক্ষুর জল রুদ্ধ হইল, সজল চক্ষু নির্জল রক্তবর্ণ ধারণ করিল। দর্পিতা সিংহীর মত গর্জন করিয়া বলিল,—“আপনি কি ভাবিতেছেন, আমি হিন্দুর মেয়ে নই,—আমি কি মরিতে জানি না, আমি স্বামীকে ভুলিব? আমি আমার ইহকালের দেবতা—পরকালের আশ্রয়, আমার-শান্তি রাজ্যের সান্ত্বনৈশ্বরকে ভুলিব? তাঁহাকে অবমাননা করিব? আর যাহা শুনিতে নাই, তাহা করিয়া পোড়া পেটে অন্ন দিব;—ছেলেকে পড়াইব? জীব-জগতে হাসিয়া খেলিয়া বেড়াইব? কেন মথুরাবাবু; আমার ঘরে পরসাই না থাক—নদীতেও কি ডুবিয়া মরিবার উপযুক্ত জল নাই? গলায় দড়ি দিবার একগাছি দড়িও কি সংগ্রহ করিবার শক্তিও কি আমার নাই।”

ম। তবে একদিন সে পথ অবলম্বন কর নাই কেন?

ব। ঐ বালক সন্তানটার জন্ত। কিন্তু যখন দেখিব, উহার জন্ত আমি যাই,—উহার রাখিবার শক্তি আমার নাই, তখন আমার পথ আমি দেখিব।

ম। তবে এক কথা শোন; তোমার বাড়ী আর তোমার থাকা চলবে না।

ব। কেন?

ম। আমি বিবস্ত্র সূত্রে অবগত হইয়াছি; দত্ত বাবুরা পক্ষুর দেনার দায়ে যে ডিক্রি করিয়াছে, তজ্জন্ত ঐ বাড়ী ক্রোক দিয়াছে, শীঘ্রই নিলাম

করিয়া লইবে। সেখানে তুমি কি প্রকারে থাকিবে? তাহারা বোধ হয় ইট-কাট ভাঙিয়া লইবে।

ব। তখন যশোদার বাড়ী থাকিব।

ম। রাজরাণীর রূপ লইয়া ভিখারিণীর বাড়ী-থাকা পদে পদে বিপদ জনক, তাই বলিতেছিলাম, আমার বাড়ী থাক।

ব। ভবিষ্যতের বিপদ অনুমান করিয়া, কেহই বর্তমান বিপদ বুকে ধরিতে চাহে না।

ম। ভাল একটা কথায় স্বীকৃত হও।

ব। কি বলুন?

ম। পঞ্চুর সহিত সাক্ষাৎ করিতে পাইবে না।

ব। কেন?

ম। সে মাতাল—সে তোমাকে মারে—

ব। আমাকে মারে;—আমার স্বামী আমাকে মারিবে—আমি যদি সহ্য করিতে পারি, আপনার তাহাতে কি হইবে।

ম। আমার বাড়ী—ভদ্রলোকের বাড়ী—সম্ভ্রান্ত লোকের বাড়ী, আমার দাস দাসী ও লোকজনের সম্মুখে একটা মাতাল আসিয়া তোমাকে অবমাননা করিবে—মারিবে, এ ঘটনা আমি ঘটিতে দিব; তুমি আমার কে? তোমার জন্ত আমি এ অবমাননা সহ্য করিব কেন?

• বসন্ত কথা কহিল না।

ম। গিনি না হও মেয়ে হইয়া থাক। লোকে কেবল স্ত্রীকেই গিনি বলে না, মাকে ও খুড়ী জ্যেষ্ঠ পিসি মাসি প্রকৃতি যিনি কর্তী থাকেন, তাহাকেই গিনি বলে; যেমন গিনি মা। কাকা বলিয়া ডাকিও; কেমন রাজি আছ?

ব। আছি। তবে যতদিন স্বামী-দত্ত ভাড়া বাড়ীটিও আমার

বলিতে থাকিবে .ততদিন আসিব না। যখন নীড়ভ্রষ্টা পক্ষিণীর গায় শব্দ
স্বাশুড়ীর ভিটা হইতে বিচ্যুত হইব, তখন আপনার আশ্রয়ে আশ্রিত
হইব।

মথুর বাবু একবার তাহার অপাদ মস্তক চাহিয়া দেখিলেন, তারপরে
কিছু চা'ল ডা'ল ও নগদ দুই আনা পয়সা দিয়া বিদায় করিয়া দিলেন।

তৃতীয় পরিচ্ছেদ

ভিক্ষালব্ধ তণ্ডুলাদি লইয়া অতিশয় সঙ্কচিত ভাবে শিশু সন্তানকে লইয়া বসন্ত যখন পথ বহিয়া বাড়ী ফিরিতেছিল, তখন শারদীয় প্রকৃতির প্রাথমিক বিকশিত রৌদ্র, হৈম কিরণে চারিদিক আচ্ছন্ন প্রচ্ছন্ন করিয়াছিল এবং দত্ত বাড়ীর নন্দোৎসবের নগর কীর্তনের দল নাতিদূরে গোল করতাল রামশিঙা বাজাইয়া—‘ব্রহ্মা নাচে শিব নাচে আর নাচে ইন্দ্র, গোকুলে গোয়লা নাচে, পাইয়া গোবিন্দ।’ গাহিয়া আসিতেছিল, পাছে তাহার নিকটে আসিয়া পড়ে, এই ভয়ে সে অত্যন্ত ভীত হইয়া লজ্জাবতী লতার মত বড় জড় সড় ভাবে, অথচ দ্রুতপদে বাড়ী চলিয়া গেল। কিন্তু বাড়ীর ভিতর প্রবেশ করিতে পারিল না।

ব্যাধ বিতাড়িতা হরিণী যেমন ছুটিয়া চলিয়া বাইতে বাইতে সম্মুখে জাল টাঙান দেখিয়া দাঁড়ায়, বসন্তও বাড়ীর পার্শ্বে গিয়া তেমনই দাঁড়াইল। দেখিল, একজন আদালতের পেয়াদা লইয়া কয়জন লাঠিয়াল তাহার বাড়ীর প্রাচীরের ক্ষুদ্র দরোজার পার্শ্বস্থ গ্রাম্য রাস্তার উপর দণ্ডায়মান এবং দত্তদের গোমস্তা রাম বিশ্বাস একখণ্ড কাগজ আঁটা দিয়া দরোজার গায় লটকাইয়া দিতেছে এবং শ্রীনিবাস তুলি একটা ছোট চোলে তাল লয় বিহীন পুনঃ পুনঃ আঘাত করিয়া মর্ম বেদনাত্মক পূর্ব স্বামীর স্বত্ত্ব বিচ্যুতির সংবাদ ঘোষণা করিতেছে।

বসন্ত সেখানে উপস্থিত হইয়া বৃষ্টিতে পারিল, এতদিনে সে গৃহ হারা হইল। তাহার স্বামী বোধ হয় দত্তবাবুদের নিকট কবে মণ্ড ক্রয় জগু সামান্য কিছু অর্থ লইয়া, অধিক টাকা ঋণের স্বীকার-লিপি লিখিয়া

রেজেপ্তারি করিয়া দিয়াছিলেন। এখন সুদে আসলে আরও অধিক করিয়া দত্তবাবুরা নালিশ করিয়া দখল করিয়া লইলেন। তাহার স্বামী এইরূপ করিয়াই যে সমস্ত সম্পত্তি বিনষ্ট করিয়া ফেলিয়াছেন।

সে আর সেখানে দাঁড়াইতে পারিল না, পৃথিবী তখন তাহার পায়ের তলায় পড়িয়া কাঁপিতেছিল। হায়, এতদিনে সে আশ্রয় শূন্য হইল! নীড়ভ্রষ্ট পক্ষিনীর মত তখন সে পুনঃ পুনঃ তাহার বাড়ীর দিকে চাহিতে চাহিতে যশোদা যোঞ্চবীর বাড়ী চলিয়া গেল।

যশোদা তখন ভিক্ষা লইয়া কেবল বাড়ী আসিয়াছিল। বসন্তকে সঙ্গে করিয়া যশোদা মধুরবাবুর বাড়ী গিয়াছিল এবং তাহাকে পার্শ্বে লইয়া বসিয়াছিল। কিয়ৎক্ষণ পরে যখন ভিক্ষুকগণের আগমন সমাপ্ত বুঝিয়া ভিক্ষাদান কার্য্য আরম্ভ হইয়াছিল। তখন যশোদা বসন্তকে ডাকিয়া ভিক্ষা লইতে যায়;—যশোদা ভাবিয়াছিল বসন্ত নিশ্চয়ই তাহার পশ্চাৎ পশ্চাৎ আসিতেছে, জনতার আধিক্য বশতঃ সে চাহিয়া দেখিতে পারে নাই, তারপরে বাহির হইয়া যখন দেখিল, বসন্ত তাহার সহিত বাহিরে আসিল না, তখনও ভাবিল একটু পিছাইয়া পড়িয়াছে, এখনই আসিবে, এই আসে আসে করিয়া অনেকক্ষণ তাহার প্রতীক্ষায় দাঁড়াইয়া থাকিয়াও যখন তাহার সাক্ষাৎ মিলিল না, বা আসিল না;—তখন সে দত্তবাবুদের বাড়ী ও অন্যান্য যে যে বাড়ী জন্মাষ্টমীর উৎসব হইয়াছে, সেখানে ভিক্ষা মাঙিতে চলিয়া গেল এবং এইমাত্র গ্রাম ঘুরিয়া তৎকার্য্য সম্পাদন পূর্ব্বক গৃহে ফিরিয়াছিল ও তাহার ক্ষুদ্র পর্ণ কুটারের দাবায় পা ছড়াইয়া বসিয়া ভিক্ষালব্ধ দ্রব্যগুলি ভাগে ভাগে তুলিয়া রাখিবার চেষ্টা করিতেছিল।

সহসা বসন্তকে সম্মুখে দেখিয়া বলিল,—“ব'স; তুই কোথা গিইছিলি মা? আমি অনেকক্ষণ তোর জন্তে দাঁড়িয়ে ছিলাম।”

ব। আমি উঠি উঠি করিয়া উঠিতে পারিলাম না, পোড়া ভয় ও লজ্জা
* যেন আমাকে জড়াইয়া ধরিয়া স্থবির করিয়া দিয়াছিল।

য। তবে কি ভিক্ষা করিতে পারিস নাই ; তোর আঁচলে ও কি ?

ব। আঁচলে চাল আর দু' আনার পয়সা; তোমরা চলিয়া আসিলে
মথুরাবাবু ডাকিয়া দিয়াছেন।

য। লোকে বলে, মথুরাবাবু লোক ভাল নয়। মানুষটা কিছু
মুখ পোড়া বটে, কিন্তু ওর প্রাণটা খুব ভাল, ভেতর ভেতর খুব দয়ালু ;
হঠাৎ কথা শুনলে, বড় দুঃস্থ বলে বোধ হয়। তা' বাড়ী যা, কাল সমস্ত
দিন কিছু খাসনি, আজ সকাল সকাল বেঁধে বেড়ে ছোটো খাবার উষ্মা
করে নাওগে, আমিও কাল রাতে ছুটি মুড়ী মাত্র খেয়ে ছিলাম ; খাওয়া
দাওয়া কোরে তোর ওখানে যাব এখন।

ব। কোথায় যাব মা ; আমার সে গুড়েও বাসি। শশুর শ্বশুরী
ভিটেটা বুক ক'রে পড়ে ছিলাম, এতদিনে তা' হ'তেও তাড়িত
হ'লাম মা ?

য। কেন, কি হ'ল ? পক্ষুঁকি আজ সকালে এসে তোমার
তাড়িয়ে দিয়েছে ?

ব। না ;—তিনি আসেন নাই।

য। তবে ?

ব। এক ঘেয়ে ঢোলের বাজনা শুনি না। দত্ত বাবুদের
গোমস্তা, লোকজন আর আদালতের পেয়াদা এনে, বাড়ীতে পরওয়ানা
জারি ও বাঁশ পুঁতে দখল কোরে নিচ্ছেন।

য। পক্ষু বুরি টাকা ধার করেছিল ?

ব। বোধ হয় তাই ; ঐ রকম কোরেই আমার সর্বনাশ করেছেন,
শশুর শ্বশুরী এত বিষয়—এত বিভব, সব নষ্ট করেছেন। তিন শো

টাকার দলিল দিয়ে তিরিশ টাকা নিয়ে মদ কিনে খেয়েছেন। আমি শুনেছি কেবল তিনি নন বাঙলার অনেক হতভাগ্য ঐ রকম করেই পথের ভিখারী হয়েছে। যাই হোক মা ; এখন আমার আশ্রয় কোথায়— এই ক্ষুদ্র সম্ভানটি নিয়ে আমি কোথায় দাঁড়াই মা ?

য। তোমার বাপের বাড়ী কি কেউ নাই ?

ব। না, মা ; আমার কেউ নাই। আমার এক কাকা নাকি ছিলেন ; তিনিও বিবাহী হয়ে কোথায় গিয়েছেন, কেউ বলতে পারে না আমি কখনও ঠাহাকে চক্ষেও দেখি নাই। তুমি কি আমার বাপেদের পরিচয় শুনিয়েছ ?

য। না, মা ; আমি এ গাঁয় সবে ত ছ বছর এসেছি, এর আগে মল ডাঙ্গায় ছিলাম। তোমার বাপের বাড়ী কোন গাঁয় মা ?

ব। আমার বাপের বাড়ী শ্রাম নগর ; সে কলিকাতার কাছে।

য। কি ঘটনায় এত দূরে বে হ'য়েছিল ?

ব। আমার স্বামী কোলকাতার কলেজে পড়িতেন, কলেজের মধ্যে নাকি ভাল ছেলে ছিলেন এবং বি, এ পড়িতেন। বাবা তাই অনেক টাকা খরচ কোরে বিয়ে দেন। সে দিনের অবস্থা—সে দিনের কথা মনে হলে, এখনও বুক ফুলে উঠে। বি, এ পাশ স্বামী আমার, দেখতে কত লোক আসিত, আর আজ মাতাল—জঘন্য জীবে পরিণত। সবই অভাগিনীর অদৃষ্ট। যাই হোক মা ; এখন কি করি, কোথায় যাই তুমি ভিন্ন আর আমার কেহ নাই, বলিয়া দাও এখন কি করিব ?

যশোদা চিন্তা করিল, তারপরে বলিল,—“এখন ত ছ্যান কোরে এসে আমার বাড়ী কড়াইয়ে কোরে রেঁধে খাও ; তারপরে যুক্তি করে যা হয় একটা করা যাবে।”

বসন্তও তাহাই স্থির করিল এবং আঁচলের চাউলগুলি ও ভিক্ষালব্ধ অপর দ্রব্য যশোদার দাবায় ঢালিয়া দিল।

চতুর্থ পরিচ্ছেদ

ভাদ্রের খর রৌদ্র যখন বর্ষাসিক্ত বসুধার অঙ্গ শুষ্ক করিয়া দিবার জন্ত প্রাণপণে যত্ন করিতেছিল এবং তাহার উগ্র তাপ-তপ্ত হইয়া পল্লীর পক্ষীকুল বর্ষার প্রবৃদ্ধ বৃক্ষের পত্রকুঞ্জে লুকাইয়া পড়িয়া নীরবে বিমাইতে ছিল ; শুধু কেবল ঘুঘু গুলা তাহাদের অমুচ্চ বর্ষা বিরতির • জড়িত কর্ণে ডাকিয়া ডাকিয়া কালের সীমা ঘোষণা করিতেছিল তখন বসন্ত যশোদার ক্ষুদ্র দাবায় বসিয়া একা জাগিয়া জাগিয়া ভাবিতেছিল । পার্শ্বে মাটীর উপর পড়িয়া তাহার শিশু সন্তান ঘুমাইতেছিল এবং তাহার পার্শ্বে মলিন বস্ত্রাঞ্চল পাতিয়া হস্তোপাধানে যশোদা ঘুমাইতেছিল ।

বসন্ত ভাবিতেছিল, এখন কোথায় যাইব,—যশোদার এই অরক্ষিত ভাড়া বাড়ীতে থাকিব কি করিয়া । ভগবান সব লইলেন, পোড়া রূপ লইলেন না । তাহার অঙ্গ-আবরণের একখানি বস্ত্র নাই,—রক্ষা করিবার ত্রিকূলে কেহ নাই, তাহার শরীরে পচা গন্ধময় ফোড়া পাঁচড়া হয় না কেন ; তারপরে মনে হইল, খাইবই বা কি,—এই গ্রামে একদিন রাজার মত স্বশুধের পুত্রবধু ছিলাম, দাস দাসী ছিল, যারগা-জমি ছিল ; বাড়ীঘর ছয়টি ছিল, পালিত পশু-পক্ষী ছিল ;—আজ কেই আমি, কি বলিয়া যশোদা বৈষ্ণবীর সঙ্গে সঙ্গে পোড়া উদরের জন্ত ছয়টি ছয়টি মুষ্টি ভিক্ষা করিয়া কি প্রকারে ফিরিতে পারিব ! ভাবিতে ভাবিতে অনেকক্ষণ কাটিয়া গেল, এই সময় যশোদা পাশ্ মোড়া খাইয়া উঠিল বসিল এবং পালিত বস্ত্রাঞ্চলটুকু ঝাড়িয়া নিজ শরীরের যথাস্থানে সংস্থাপন কর্তব্য বসন্তের মুখের দিকে চাহিয়া জিজ্ঞাসা করিল,—“কি মা ; তুমি বুঝি কটুও শোও নাই ?”

ব। শুয়ে ছিলাম, পোড়া চখে ঘুম আসিগেল না।

য। অত ভাবনা ভেবো না, গোবিন্দ যা ঘটাবেন তাই ঘটবে।

ব। কেবল গোবিন্দের তরসা কোরেই ত আছি, কিন্তু এখনই দে
দাঁড়াবার জায়গার দরকার। তুমি আমার মাঝে চেয়েও ব্যথার ব্যোথী,—
তুমি অসময়ের বন্ধু,—নিরাশ্রয়ের আশ্রয়—বিপদ কালের সাথী
কিন্তু না; আমি তোমার এখানে থাকিলে তোমারও আমার উভয়েরই
বিশেষ অমঙ্গল ঘটবার সম্ভাবনা। যাই কোথায় মা?

য। মথুরাবাবু বলেছেন ত' আবশ্যিক হইলে আমার বাড়ী এনে
থেক এবং তোমাকে মা বোলে ডেকেছে, যদিও লোকটা মুখ পোড়া,
কারণ-অকারণে দশ কথা শুনিয়া দেয়, কিন্তু খাওয়া পরায় কাকেও কষ্ট
দেয় না, এবং তোমার উপর ওর একটু টানও আছে; অসময়ে প্রায়
তোমার বাড়ী আসে এবং সাহায্য করে থাকে।

ব। ঐ টুকুই ত কাল হয়েছে মা। ঐ আসা যাওয়াতেই লোকে
অনেক কুকথা রটিয়েছে, তিনি সেই কথা শুনে আমার উপর আরও চটে
গিরেছেন এবং অবিশ্বাস কোয়েছেন, সেই সময় হইতেই ঐ কথা তুলে
মার ধোর বেশী কোরতে লেগেছেন। কি করিব মা; চারিদিকেই
অকুল সমুদ্র। তুমি এক কাজ কোরতে পার মা!

য। কি বল মা, তোমার সাহায্যার্থে যা করিতে বলিবে, প্রাণপণে
তা' করিব।

ব। তুমি একবার হিরু দলের কাছে যাও।

য। তার কাছে গিয়ে কি করিব। সে আবাব মথুরাবাবুর
ঠাকুর দাদা, কথা কহিতে গেলে কামড়াতে আসে, বুড়ো হয়ে যেন খেঁকী
হয়ে গিয়েছে—আগে অত ছিল না।


ব। আমার নাম করে বলিবে,—তিনি আপনাদের জাতি কুলের

বধু—তাঁর ক্ষুদ্র শিশু আপনাদেরই বংশ জাত—যদিও বিধির বিপাক—অদৃষ্টের গুণে আজ নিরাশ্রয়—পথের ভিখারী, কিন্তু আবার হয় ত ঐ বালক তোমাদের জ্ঞাতি বলিয়া পরিচয় দিতে সক্ষম হইতে পারে, আপনাদের কুল বধু,—আপনাদের জ্ঞাতি শিশু যদি নিরাশ্রয় হইয়া অপরের বাড়ী গিয়া আশ্রয় লয়, তাহা হইলে আপনাদেরই দুর্নাম রটিবে। যদিও বাড়ীখানি আপনারা খরিদ করিয়া লইয়াছেন, তথাপি উহার একটী কুটুরী তাঁহাকে বাস করিবার জন্য ভিক্ষা দ্বিন। আর বাড়ীর মধ্যস্থ জমিটুকু এবং প্রাচীরটি দখলে লইবেন না। অপর ইঁট কাঠ ভাঙিয়া চুরিয়া আনুন, তাহাতে তাহার কোন আপত্তিই নাই; ইহা লইয়া তিনি ভিটায় থাকিতে পারিবেন। আরও বলিয়ো তিনি তাহাকে এ রূপা করিলে তাঁহার আশীর্ব্বাদে নিশ্চয়ই আপনার সম্ভান সম্ভতিগ্ণ হুখে থাকিবে,—কাঙালের আশীর্ব্বাদে বড় ফল ফলিয়া থাকে।

বশোদা কিয়ৎক্ষণ চিন্তা করিল। তারপরে একবার বাহিরের দিকে ঝুকিয়া পড়িয়া আকাশের দিকে, একবার আপন বাড়ীর পাশে চারিদিকে দেখিয়া বলিল,—“তবে তাই বাই;—পরামর্শ নেহাৎ মন্দ নয়।”

বশোদা গৃহ মধ্যে গিয়া বস্ত্র পরিবর্তন করিল, তার পরে বলিল,—“তুনি ঘরখানি ঝাঁট দিয়া ঐ কাটা কঞ্চি ও চলা গুলি আকার পর্দা রাধিও এবং সন্ধ্যা গুছাইও আমি শীঘ্রই বাজার করিয়া সন্ধ্যার মধ্যেই ফির্কিব।”

সে দিন মঙ্গলবার; পল্লীর সাপ্তাহিক হাট।



পঞ্চম পরিচ্ছেদ

বেলা চারিটা বাজিয়া গিয়াছে, হিরু দত্তর কাছারি বাড়ীতে কতকগুলি প্রজা বসিয়া কলিকায় ধূম পান করিতেছে এবং হিরু দত্ত অদূরে একটা মাদুরের উপর বসিয়া তাহাদের সহিত কথাবার্তা করিতেছেন। তাহার পুত্র শশিভূষণ দত্ত কলিকাতায় কোন মার্চেন্ট অফিসের বড় বাবু। মাসিক তিনি তিন চারিশত টাকা উপার্জন করিয়া থাকেন এবং সপরিবারে কলিকাতায় বাস করেন। তিনি জন্মাষ্টমীর সাতদিন ছুটি লইয়া বাড়ী আসিয়াছেন; তখন অদূরে হুইথানি চটী জুতার বক্ষে চরণ চাপাইয়া পাঘচারি করিয়া ফিরিতেছিলেন, সেই সময় যশোদা বৈষ্ণবী গিয়া তথায় দর্শন দান করিল।

যশোদাকে গ্রামের সকলেই চিনিত, লোকটা বলিতে কহিতে, ডাকিতে-হাঁকিতে লোকের আপদে-বিপদে সম্পদে-উৎসবে সকলেরই কাজে লাগিত।

যশোদা তথায় উপস্থিত হইয়া প্রথমে কর্তাকে তৎপরে গমনশীল শশিবাবুকে নমস্কার করিল এবং শশিবাবুকে জিজ্ঞাসা করিল,—“দাদাবাবু কবে এলে গা?”

শশিবাবু গমনে বিরত হইয়া বিনীত স্বরে বলিলেন,—“জন্মাষ্টমীর ছুটিতে পরশু বাড়ী এসেছি, তুমি ভাল আছ?”

যশোদা যাহার জগতে কেহ নাই, ভিক্ষা যাহার উপজীবিকা তাহার আর ভাল মনে কি, কোন রকমে শরীরটা সুস্থ থাকিলেই ভাল।

শ। সেটাত ভাল আছে?

য। গোবিন্দের রূপায় মাস কড়াইয়ের মত, এতে বড় পোকা টোকা ধরে না। যাদের ঘরে পয়সা নাই, খাবার ঘরে থাকে না, তাদের খেতেও ইচ্ছা হয় ;—‘নাই ঘরে খাই বেশী।’

শশীদত্ত মৃদু হাসিলেন এবং গায়ের সাটের পকেট হইতে একটি সিকি তুলিয়া তাহার সন্মিকটে ফেলিয়া দিলেন, তারপরে বলিলেন,—“আজকার কাজটা কোন রকমে এতেই চালাও গে।”

যশোদাও উপযুক্ত অবসর বুঝিয়া বলিল,—“দাদাবাবু যদি দিলে, আজকের হাটের কাজটা সেরে দিলে ভাল হত। তুমি বোধ হয় শুনেছ ; কাড়ালকে শাকের ক্ষেত দেখাতে নাই। ভিথারী আমরা,—না চাইতে ছাতি দিলে হাতির দাবি করিয়া বসি। না চাইতে দয়া কোরে সিকিটা দিলে—আমার বড় আশা জাগিয়া বসিল, আর কিছু পাইলে আজ হাটবারের দিন ভাল মাছ তরকারি কিনিয়া লইয়া তিনজনে বেশ উদর পুরিয়া খাইতাম। মাছ যে আক্কারা ভিফার চাল বেচে তা কিনে খাওয়া পোষায় না। একটাকা পাঁচ সিকা করিয়া সের দাদাবাবু!”

শ। তিনজন লোক কোথা হ’তে হল রে ?

য। পঞ্চদত্ত মাতাল হোয়ে ছারে গোল্লারে গিয়েছে না! তুমি কি তার কোন খবর রাখ না দাদাবাবু ?

শ। হাঁ, শুনেছি ; বি এ পাশ করা লোকটা—মাগুরের মত মানুষ ; মদ খেয়ে একেবারে বোয়ে গিয়েছে। সে এখন চোর হোয়েছে, গাঁইটকাটা হোয়েছে, মধ্যে মধ্যে প্রায়ই জেলে যায়, মধ্যে মধ্যে বাঁধী এসে নাকি বোঁটাকে মদের টাকার জন্যে দারুণ প্রহার করে। অহা-হা শুনলেও কষ্ট হয়, ওরা আমাদের জ্ঞাতি ; এখনও পূর্ণ শোচের মধ্যে আছে।

য। সেই বোঁটা এতদিন কোন রকমে খণ্ডর ঝাঙড়ী ভিটের পোড়ে

ছিল, আর দশ ছয়োরে মেড়ে পেতে খেতো বোটা বড় ভাল। তোমাদের বাড়ী নাকি পঞ্চ টাকা ধার কোরেছিল, তারই বদল বাড়ীখানা নিলামে বেচে তোমরা দখল কোরে নিয়েছ।

শশীবাবু যেন চমকাইয়া উঠিলেন, জিজ্ঞাসা করিলেন,—“কতদিন?”

য। আজ সে তার ছেলে নিয়ে আমার ভাড়া কুঁড়েয় গিয়েছে। তাই ত বলছিলাম তিনজনের উপযুক্ত বাজার কোরে নিয়ে যেতে হবে।

শশী দত্ত পকেটে হাত দিয়া দেখিলেন, আর একটা ছয়ানি বই কিছু নাই, থাকিলে দিবার ইচ্ছা ছিল। দু' আনিটাই যশোদার সম্মুখে ফেলিয়া দিয়া জিজ্ঞাসা করিলেন,—“এখানে কি হাট খরচের জন্য ভিক্ষা লইতেই আসিয়াছিলে; না, অন্য কোম কাজছিল?”

য। অন্য কাজই ছিল। আপনি বাড়ী এসেছেন, তাই এ উপরি লাভটা হোয়ে গেল, গোবিন্দ আপনার মঙ্গল করুন

শ। কি কাজে আসিয়াছ?

য। সেই বোটা কর্তা বাবুর কাছে দরবার করিতে পাঠাইয়াছে। তাহার প্রার্থনা এই যে, থাকিবার জন্য বাড়ীর একটি কুঠুরি দিয়া করিয়া ছাড়িয়া দিন; আর বাড়ীর পানীচীর টুকু ভাঙিবেন না, বাড়ীর মধ্যের জমি টুকুও দখল করিবেন না, অপর ঘর দুয়ার ইঁট কাট বাহা আছে বিক্রয় করিয়া লউন। সে সেই আশ্রয় টুকুতে থাকিয়া প্রাচীরের মধ্যের জমি টুকুতে নিজ হাতে চাষিয়া খুড়িয়া শাকটা সব্জিটা লাগাইয়া বিক্রয় করিয়া খাইবে, আর বাড়ীর বাহিরে জমি জায়গা যাহা আছে, আপনারা লউন।

সরল হৃদয় শশীবাবু বলিলেন,—“অন্যায় দরবার নয়।”

হিরু দত্ত স্থির কর্ণে পুস্তকের সহিত যশোদার কথোপকথন শ্রবণ

করিতেছিলেন। তাঁহার বিশ্বাস ছিল, তাহার পুত্র 'ইংরেজি লেখাপড়ায় বত নায়েক'ই হউক, বিষয় কর্মে কিছুই না। আরও তাহার বিশ্বাস ছিল, তিনি মরিয়া গেলে তাঁহার ছেলে বিষয় রক্ষা করিতে পারিবে না; যেহেতু তাহার চিত্ত মেয়ে মানুষের মত, এক কোটা চক্ষুর জলে গলিয়া যায়। তাঁহার আরও ধারণা ও শাস্ত্র জ্ঞান এই ছিল যে,—'বীর ভোগ্যা বসুন্ধরা;—জোর যার মুলুক তার' ছলে বলে কৌশলে না করিতে পারিলে ভূমি সম্পত্তি বৃদ্ধি হয় না। তিনি বলিলেন,—“যশোদা; এই দিকে আর শুনি।”

যশোদা কর্তার দিকে গেল, শশীবাবু যে কথা বলিতেছিলেন, তাহার শেষ পর্য্যন্ত আর বলা হইল না;—তিনি পায়চারি করিয়া ফিরিতে লাগিলেন এবং তাহার পিতা যে, তাহার কথা উপযুক্ত জ্ঞান না করিয়া যশোদাকে নিকটে ডাকিয়াছেন, তাহা বুঝিতে পারিলেন এবং তিনি ঐ আবেদনে কি বিচার করেন, তাহা শুনিবার জন্য উৎকর্ণ রহিলেন। যশোদা নিকটস্থ হইলে হিরু দত্ত জিজ্ঞাসা করিলেন,—“কি তুই কি বলছিস্?”

বিনীত স্বরে যশোদা বলিল,—“পঞ্চু দত্তর স্ত্রী আপনাদের গেষ্মাত না?”
হি। হাঁ;—তাই কি?

য। তিনি আপনার নিকটে পাঠিয়ে দিয়েছেন।

হি। কেন?

য। তাঁর বাড়ীটুকু আপনি দেনার দারেন্ দখল করিয়া লইয়াছেন।

হি। সাধ করিয়া লই নাই বাছা,—নগদ তিনশো টাকা ধার করিয়াছিল, আজ তিন বৎসর একটি পয়সাও দিল না, তারপরে বান্ধ থেকে পুঁটী মাছের মত নগদ টাকা বার কোরে—নাশ দিবে, কত ভয়রাগির পর তবে বাড়ীটুকু দখল লইয়াছি—তাই কি ছাই আমার টাকা হবে; অর্ধেক টাকা উঠিবে কিনা সন্দেহ। যাক, সে বলে কি?

ষ। না, সে এমন কিছুই বলে না, আপনি টাকা পাবেন, বেতে নিয়েচেন। তাতে আর তার বলিবার কি আছে! তবে তার স্বামী মাতাল একেবারেই পদার্থ শূন্য—মল্লুঘুড় বিক্রীত বলিলেও চলে। কোথায় থাকে, কি করে, কেউ জানে না। মাঝে মাঝে শোনা যায় জেলে গিয়েছে,—

এই সময় শশীবাবু নিকট আনিয়া দাঁড়াইলেন এবং বলিলেন,—
“আহ-হা লোকটা বি, এ পর্য্যন্ত পড়িয়াছিল, এত জ্ঞান অর্জন করিয়া মানুষ যে এমন পশু হইয়া বাইতে পারে, এ ধারণা কর জনে করিতে পারে। বোটা কি করিয়া খায়?”

ষ। ভিক্ষা করিয়া,—খান ভানিয়া দশ দুয়ারে মাড়িয়া পাতিয়া।

হি। যাক্, অত কথাই দরকার নাই। এখন সে কি বলে তাই বল।

ষ। তিনি বলেন, বাড়ীর প্রাচীরটা ভাঙিবেন না, আর একটা কুঠারি ভাঙিবেন না, ঐ প্রাচীরের মধ্যে যে জায়গা টুকু আছে সে টুকুই দখল লইবেন না।

হি। থাম। আমি স্বীকৃতি করতে চাই,—এ হুকুম জারি কেন?

ষ। আজ্ঞে হুকুম জারি নয়, দরবার করিতে পাঠাইয়াছে, ঐ টুকু তাকে ভিক্ষা না দিলে সে যাবে কোথায়।

হি। সে যাবে কোথায়, সে ভাবনা আমি ভাবিতে পারি না, যখন তিনশে টাকা পুঁটীমাছের মত গুনে নিয়েছিল, তখন মনে করা উচিত ছিল, তার বো-ছেলে দাঁড়াবে কোথায়।

ষ। সে কি মানুষ বাবু? সে যদি মানুষ হবে, তবে কি তার এত দুর্দশা। বোটার না খেয়ে ঐ অবস্থায় পড়ে থাকে, তার উপরে সেই

তাহার স্বামী হতভাগ্য পশু মাঝে মাঝে এসে মদের টাকা আদায়ের জন্য নির্দয় প্রহার করে, মার সামনে শিশুটিকে আছাড় মারে।

শশীবাবু শিহরিয়া উঠিলেন। কি বলিতে যাইতেছিলেন, বলা হইল না, হিরুদত্ত আগেই বলিয়া উঠিলেন,—“অত কথা শুনতে চাইনা, তার বৌ ছেলে সে মারুক, কাটুক, রাখুক—তা অপরের কি। তুই কি বলছিলি তাই বলে চ’লে যা; আমার আর পাঁচ কাজ আছে।

য। আমার যা বলিবার তা ত বলিয়াছি; এখন আপনার কি হুকুম হয়, শুনিতে পাইলে চলিয়া যাই।

হি। আমার আবার কি হুকুম হবে; টাকা দিলে সম্পত্তি নইয়াছি, সমস্ত টাকা দিতে পারে, অবিশি দয়া করিয়া ছাড়িয়া দিতে পারি।

য। ওগো; সে একটি পয়সার কাঙাল, টাকা দিবার শক্তি থাকিলে অগ্রত্ৰ যাইয়াও বাড়ী করিতে পারিত।

হি। তবে কি বিনা মূল্যে দিতে বল? তার স্বামী টাকা গুলি খুণে নিন,—সে বাড়ী ঘর দখলে রাখিল, আর আমি বেটা টাকা গণিয়া দিয়া চোর হইয়া রহিলাম, এ এক রকম মন্দ কথা নয়।

য। আপনি আর সব ঘর ছয়ার ভাঙ্গিয়া নিন; বাড়ীর পিছনে বাগান পুকুর জায়গা জমি সব নিন, কেবল ঐ একটি কুঠারি ও বাড়ীর মধ্যের জমি টুকু তাঁকে ছাড়িয়া দিন।

হি। বিষ্টু সেকরা ঐ বাড়ীতে গিয়ে বাস করবে; তার সঙ্গে পাঁচশ টাকা দর হয়ে গিয়েছে, অতএব পক্ষর বৌ বের বাড়ী ছেড়ে দিলে চলে যায়।

য। কোথায় যাবে?

হি। কোথায় যাবে, তা আমি জানি কি? আমি টাকা দিলে আর চোর হইনি?

য। আপনাদের জাতি কুলের রধু ;—আর একজনের বাড়ী গিয়ে দাসী বৃত্তি করিলেও আপনাদের হুঁয়াম হবে, দত্ত বংশের আপনাই এখন গোষ্ঠীপতি, বড় লাগিতে বড় গাছেই লাগে, লোকে নিন্দা করতে আপনাদেরই করবে ।

হি। যারে যোগী ; তুই যে আবার পুরুত ঠাকুরের মত হিতোপদেশ দিতেও শিখেছিস্ দেখছি ! যা, যা ; আর জেঠাগো করিস না। তার যেখানে ইচ্ছে গিয়ে দাসী বৃত্তি করুক বা—বা করিতে ইচ্ছা হয় করুক, স্পষ্ট কথা জ্ঞায় কাজ করিব, কারু ফাঁকি দিয়ে নেবও না, দয়া করে ছেড়েও দেব না ; তবে তাকে বশিস ; যদি গতির খাটিয়ে খেতে স্বীকৃত থাকে, আমার বাড়ী এসে রাধুক বাডুক থাক্ দাক্ থাকুক, কিন্তু মাইনে কিছু দিতে পারিবনা, কেননা কাজ করবে সে একা, খাবে ছটো লোকে। গরীবের ঘরের ছোট ছেলে গুলো খুব ভাত টানে, তা আমি জানি ।

যশোদা আর কি করিবে, একবার করুণ নয়নে শশী বাবুর মুখের দিকে চাহিল, দেখিল শশী ত্রিফলান এবং নতবদন, সে যে পিতার বিচারে সন্তুষ্ট হইয়াছে, এমন মনে হকনা, কিন্তু বিষয় পিতার, সে তাহার উপর কি আদেশ করিতে পারে ; তিনি আর সেখানে অপেক্ষা করিলেন না, বৈঠকখানার ঘরের মধ্যে প্রবেশ করিলেন এবং পশ্চাৎ দ্বার দিয়া নামিয়া চলিয়া গেলেন, যশোদাও বিদায় হইল ।

তারপরে যশোদা শশীবাবুর দিকট ভিক্ষালব্ধ পয়সা দিয়া মৎস্য তরকারি প্রভৃতি হাট হইতে ক্রয় করিয়া লইয়া সন্ধ্যার কিঞ্চিৎ পূর্বে বাড়ী উপস্থিত হইল এবং সমস্ত বৃত্তান্ত বসন্তকে শুনাইল। বসন্ত শুনিয়া দীর্ঘ নিশ্বাস পরিত্যাগ করিল। রাত্রে আহারাদি নির্বাহের পর যশোদা জিজ্ঞাসা করিল, “তোমার ঘরে আর কোন জিনিস্ পত্র আছে কি ?”

ব। কিছু না, যে কাপড় খানি ছিল, তাহা আমি বৈকালে গিন্না বাহির করিয়া আনিয়া ছিলাম।

য। এখন কি করিবে ভাবিতেছ ?

ব। ভাবিয়া কোন কিনারা পাচ্চিনা মা ; যত ভাবছি, তত অকূল সমুদ্র। কোথায় যাই, কার কাছে দাঁড়াই, কে দয়া করে, একমুঠা পেটের অন্ন দান করিয়া অভাগিনীকে রক্ষা করে, অধিকন্তু এই ক্ষুদ্র সম্ভানটির জন্ত আমার সব গেল, এর উপায় কি করি।

তারপরে উভয়ে অনেক কথা বার্তা অনেক তর্ক বিতর্ক অনেক আলোচনা আন্দোলন হইবার পরে মথুর বাবুর আশ্রয় লওয়াই স্থির হইয়া রছিল।

বসন্ত সে রাত্রে যশোদা বৈষ্ণবীর পর্ণ কুটারেই অবস্থান করিয়াছিল।

পরদিবস যাই যাই করিয়া বসন্তের মথুর বাবুর বাড়ী যাওয়া হইল, সে দিনও সে যশোদার বাড়ী অবস্থান করিল, কিন্তু আর থাকা চলেনা, তাতাকে একা রাখিয়া যশোদা ভিক্ষা করিতে বাহির হইতে পারে না, সঙ্গে লওয়াও নিরাপদ নহে, আবার ভিক্ষা না করিলেই বা খোরাকি চলে কোথা হইতে।

সেদিন সকালে উঠিয়াই, বালক পুত্র বুকে করিয়া বসন্ত মথুর বাবুর বাড়ী চলিয়া গেল। যশোদা সঙ্গে গিয়াছিল।

বসন্ত বখন মথুর বাবুর বাড়ী উপস্থিত হইল, তখন নেলা বড় অধিক হয় নাই,—রন্ধনাদিও আরম্ভ হয় নাই।

মথুর বাবু তাহার আগমনে হৃষ্ট হইলেন, বাহিরে কিছু প্রকাশ করিয়া না বলিলেও তাহার মুখ ভাব দর্শনে বসন্ত ও যশোদা তাহা বুঝিতে পারিল। সে হৃষ্ট ভাব দর্শনে যশোদার মনে একটু খটকা লাগিয়াছিল, কিন্তু অচিরে তাহা দূর হইয়াগেল, মথুর বাবু বলিলেন,—“থাক মা বসন্ত আমার মায়ের মত হইয়া—মেয়ের মত হইয়া, আপনার বাড়ী মনে করিয়া জীবন কাল এখানে বাস কর ; আমি বুড়ো হইয়াছি, মেয়ের মত হইয়া আমার দুটা খেতে

দিও। পিতৃ সেবার তুল্য জ্ঞান করিয়া আমার সেবা করিও, অনেক দিন হইতে রাধুনির হাতে খাইয়া, পরের হাতে খাইয়া সতেছি; স্নেহের মানুষের রক্তনের কেমন আশ্বাদ—আপনার জনের শুশ্রূষা কেমন তৃপ্তিজনক, তাহা আদৌ আমি জানিনা, আমার সব ছিলো মা; কিন্তু একদিনে এক মুহূর্তে আমার সব খুঁচিয়া গিয়াছে, সে সব কথা পরে তোমাকে জানাইবার ইচ্ছা রহিল। তবে জানিয়া রাখ, আমার একটু দোষ আছে, সহজেই রাগ হয়,—তখন যে কাহাকে কি বলি, তাহা স্থির থাকেনা, আর সেই জন্তই আমার বাড়ীতে চাকর বাকর টিকেনা। তোমার উপরেও যে সে রকম না ঘটবে, তাহা মনে করিওনা, কিন্তু তাহা মনে রাখিও না, দত্তবাবুর পশু গ্রাস হইতে আমি তোমার বাড়ী ঘর জ্বার ঘিরাইয়া লইতে চেষ্টা করিব, আমি ভিতরে ভিতরে সংবাদ রাখি, পঞ্চকে পঞ্চাশ টাকা কর্ক দিয়া তিনশত টাকার দলিল লেখাইয়া লয়, উহার অধিকাংশ দাদন ঐ প্রকার।”

মথুর বাবুর কথায় নিতান্ত আনন্দিত হইয়া যশোদা বসন্তকে রাখিয়া বাড়ী ফিরিতেছিল, মথুর বাবু নিষেধ করিলেন, বলিলেন—“এবেলা তুই ও এখানে থাক।” তারপরে বসন্তের মুখের দিকে চাহিয়া বলিলেন,—“বামুন ঠাকুর যেমন রাখিয়া থাকে, অপরাধের লোকের জন্ত তেমনই রাখিবে, কেবল তোমার আমার রান্না পৃথক ভাবে করিও।”

বসন্ত বলিল, “আমিই রাখি, আবার বেতন দিয়া লোক রাখা কেন কাকা?”

ম। আমার বাড়ীতে দুই তিন জন ব্রাহ্মণ কর্মচারি আছে, আর লোকও খার অনেক, তুমি পারিবে কেন?

বসন্ত স্থান করিতে গেল।

সে দিবস বসন্তের রাখা অন্নব্যঞ্জাদি ভোজন করিয়া মথুর বাবু যেরূপ তৃপ্তি লাভ করিয়া ছিলেন, বৃষ্টি জীকেন তেমন করেন নাই।

ষষ্ঠ পরিচ্ছেদ

সন্ধ্যা উত্তীর্ণ হইয়া গিয়াছে, শারদীয় শুক্ল শশধর রক্ত কিরণে সমস্ত জগৎ আলোকোজ্জ্বল করিয়া তুলিয়াছেন, পল্লীর কানন হইতে কুসুম গন্ধ টানিয়া আনিয়া ধীর সমীর চারিদিকে ছিটাইয়া দিতেছে।

এই সময় মথুর বাবু সন্ধ্যা আঙ্গিক ক্রিয়া সম্পাদন করিয়া আঙ্গিকের গৃহ হইতে নিজের অবস্থান গৃহে প্রবেশ করিলেন। 'বসন্ত তাহারই একটু আগে পল্লীর অনায়াসলব্ধ মথুর বাবুর ভাগ্যের স্থিত ফলমূল লইয়া ঘাঘাতে বৃদ্ধ মথুর বাবু তাহা সেবন করিতে পারেন, এরূপ ভাবে প্রস্তুত করিয়া এবং ছগ্ন হইতে ক্ষীর, সর, ছানা তৈয়ারি করিয়া থালা পুরিয়া লইয়া সেখানে উপস্থিত ছিল, সে গুলি দেখিয়া মথুর বাবু হাঁসিয়া বলিলেন,—'মা না হইলে কি ছেলের মর্ষ বোঝে; আমার ঘরে সমস্ত দ্রব্য থাকা সত্ত্বেও শক্ত জিনিষ খাইতে পারি নাই, দাঁত নাই—চিবাইতে পারিনা, কাজেই শক্ত ফল মূল ভোজন আর হয় না, এমন করিয়া ছেঁচিয়া চিনি বা লবণ মাখাইয়া কে সুস্বাদ করিয়া দিয়াছে, কেই বা এক ছগ্ন হইতে ক্ষীর, সর, ছানা দিয়া নিত্য ভোজন করাইয়াছে।'

বসন্ত সঙ্কচিত হইয়া নম্র স্বরে বলিল,—'কাকাবাবু আমি এমন কিছু করি নাই, যাহার জন্য আপনি এত আনন্দিত হইয়াছেন, আপনি আমাকে যেরূপ বিপদ কালে আশ্রয় দিলেন—বাপের মত কষ্টা বলিয়া গ্রহণ করিলেন, আমি যেন তাহা পালন করিতে পারি। এই আশীর্বাদ করুন।'

মথুর বাবু জলযোগের দ্রব্য সম্ভারপূর্ণ থালার নিকটে আসনে উপবেশন করিয়া ভোজন করিতে লাগিলেন এবং বসন্তকে বলিলেন,—'এখানে বোস মা, আমি তোমাকে কয়টা কথা জিজ্ঞাসা করিব।

সোণার করুণ

বসন্ত ঝাঁড়াইয়া ছিল বসিল।

ম। আমি হিরুদন্তর স্বাভব খুব অবগত আছি, ও লোকটা ভয়ানক জুরাচোর, লোককে সামান্য টাকা দিয়া অনেক টাকা লেথায় তারপর বিষয় আশয় বেচিয়া লয়। তোমার বাড়ী যে সেই রকমে লইয়াছে, তাহাতে আর সন্দেহ নাই, আমি তোমার বিষয় উদ্ধার করিব স্থির করিয়াছি, তোমার মত কি জানিতে চাই ?

ব। কাকাবাবু ; আমার হিতার্থে আপনি কাজ করিবেন, আর আমার তাহাতে অমত হইবে ?

ম। আমি আমার কর্মচারির নামে তোমার দ্বারা একটা আমমোক্তার নাম লেখাইয়া লইয়া নোকর্দম করিব ; ঐ দলিল লেখা পড়া শেষ হইলে, তুমি সেই করিয়া রেজেষ্টারি করিয়া দিলে, আর তোমাকে আদালত আদিতে কাইতে হইবে না, তোমার আমমোক্তারই প্রতিনিধি স্বরূপে সমস্ত কাজ করিবে।

ব। একদিন মাত্র বৃথি রেজেষ্টারি হাকিমের কাছে যাইতে হইবে ?

ম। না, না ; ফি দিয়া তাঁহাকে বাড়ী আনিব।

ব। আপনার অপার করুণা ও স্নেহ হেতু শূন্য এবং নিরাশ্রয়ের আশ্রয়দানমূলক। কিন্তু তিনি যে টাকা কর্ত্ত করিয়া হ্যাওনোট লিখিয়া দিয়াছেন, শুনিয়াছি সেই টাকার জন্তই সুদে আমলে নালিস করিয়া বাড়ী নিলাম করিয়া দখল লইয়াছে, কি প্রকারে তাহা উদ্ধার করিতে পারিবেন ?

ম। উপায় চিন্তা করিয়াছি এবং তাহা অতি সহজ ; প্রথমতঃ ডিক্রির টাকা দাখিল করিয়া অযোগ্য নিলাম বলিয়া আপত্তি দিতে হইবে এবং মূল মোকর্দমার ছানি করিতে হইবে, আমি ইহার পূর্বেই বিশেষরূপে

সকান্ন লইয়াছিলাম, ঐ মোকদ্দার সমন জারির কাল হইতে ডিক্রি জারি হওয়া পর্য্যন্ত পঞ্চু জেলে ছিল। অতএব প্রকৃতরূপে সমন জারি হওয়ায় মোকদ্দমা পুনঃ বিচারের প্রার্থনা করা যাইবে। তোমার পক্ষে উক্তি যে, মাতাল—সম্পূর্ণ মাতাল সে পঞ্চাশটা টাকা দিয়া তিনশো টাকা লেখাইয়া লইয়া সেই মর্মে নালিশ দিয়া বাড়ী বিক্রয় করিয়া লইয়াছে। আরও কথা হইবে, বিষয় তোমার শত্রুরের। পঞ্চুর স্বোপার্জিত নহে। তোমার শত্রুরের পৌত্র হইয়াছে, পঞ্চু জ্ঞান হীন মাতাল ঐরূপ অসৎ কার্যের জন্য ঐ বালকের উদরানের অবলম্বন অটল মূল ও আশ্রয় কুটার টুকু বিক্রয় হইতে পারেনা।

ব। আমি মেয়ে মানুষ ভিখারিণী ;—বুদ্ধি ও নাই, টাকা কড়ি লোক-জনও নাই, আপনি যদি দয়া করিয়া অনাথ বালকের উপায় করিয়া দেন, ভগবান নিশ্চয়ই আপনার মঙ্গল করিবেন।

মথুর বাবু একটু হাসিলেন মাত্র।

তৎপর দিবস হইতে মথুর বাবু প্রকৃতই ঐ মোকদ্দমার ডিক্রি আরম্ভ করিলেন এবং বসন্তকে দিয়া আমমোক্তার নামা লেখাইয়া লইয়া রেজেষ্টারি করাইলেন। যখন আদালতে মোকদ্দমা রুজু হইয়া হিরদত্তের উপর নোটিশ জারি হইল, তখন তাঁহার চমক ভাঙিল,। তিনি পঞ্চুর স্ত্রী কোথায় আছে, অনুসন্ধান করাইলেন, যখন জানিতে পারিলেন, মথুর বাবুর বাড়ীতে আছে, তখন অচিরাতঃ তাঁহার বাড়ীর দাসীকে গোপনে বসন্তের নিকট পাঠাইয়া দিলেন এবং বলিয়া দিলেন, অবশ্য অবশ্য যেন তিনি একবার আসিয়া আমার সঙ্গে সাক্ষাৎ করেন, কিন্তু বসন্ত যাইতে স্বীকৃত হইল না, বলিয়া দিল—যশোদাকে পাঠাইয়া দিব, যাহা তাঁহার বলিবার থাকে, তাহা তাঁহার নিকট বলিবেন এবং আমার যাহা উত্তর থাকে যশোদাই দিবে।

তাহাই হইল। তৎপর দিবস যশোদা হিরদত্তের বাড়ী গিয়া উপস্থিত

হইল। আজ যশোদার ভারি খাতির, সে যাইবা মাত্র হিরুদত্ত বলিলেন,—“যশোদা ব'স। পঞ্চর স্ত্রী কোথায় আছে?”

য। কেন আপনিত লোক পাঠাইয়াছিলেন,—মথুর বাবুর বাড়ী আছে।

হি। পঞ্চর স্ত্রী নিঃসম্পর্কী নহেন, এখনও হলে মলে, অশোচ ভোগ করিতে হয়, তা মথুর বাবুর বাড়ী গিয়ে থাকলে তাতে আমাদের অপমান, তার উপর বোটার এখন বয়সও কাঁচা,—মথুর বাবুর ও স্ত্রী পুত্রাদি কেহ নাই। পাঁচ জনে পাঁচ কথা বলছে—গ্রাম শুদ্ধ লোকে ছর্গাম রটাচ্ছে ইহাতে দত্তবংশের মাথা হেঁট হয়।

য। কি করবে বাবু; তার আর কোন রকম আশ্রয় নাই, শুধু সৎনাম বৃকে কেঁপে বসে থাকলেও পেট শোনেনা, দশজনের নিন্দার ভয় করিয়া রাস্তায় ঘুরিয়া বেড়াইলেও বর্ষার বাদল, গ্রীষ্ম কালের রৌদ্র আর শীতের হিম কাটে না; পেটের ভাত আর দাঁড়বার একটু জায়গা এ মানুষ মাত্রেই চায়। প্রথমে আপনার ছয়ারে আসিয়াছিলাম, আপনি যখন পায়ে ঠেলিলেন, তখন গিয়া মথুর বাবুর আশ্রয় লওয়া হইয়াছে।

হি। কৈ, না, তুইত আমাকে বলিস্নাই যে বোটি আপনাদের বাড়ী আসিয়া থাকিবে।

য। আপনি যখন তাহার ছায়সঙ্গত সামান্য প্রার্থনা টুকু পূরণ করিতেই অস্বীকৃত হইলেন, তখন যে তাহার খোরাক পোষাক পর্য্যন্ত দিয়া প্রতি পালন করিবেন, অধিকন্তু তাহার ছেলের খোরাক পোষাক ও লেখা পড়া শিখাইবেন, ইহা আমি কেন—কেহই মনে করিতে পারিত না।

হি। যাক্ যা হবার হয়ে গিয়েছে; তুই বোধ হয় গুলিছিস, পঞ্চর

সামান্য ঐ সম্পত্তি টুকু নিয়ে মথুর বাবু বৃথা আমার সঙ্গে মোকদ্দমা আরম্ভ করেছেন, মোকদ্দমায় পারবেনা, কখনও না; কেননা, পঞ্চর নিজের হাতের লেখা দলিলের বলেই ডিক্রি করা হয়। যাক্ বৌটি যদি মামলা মোকদ্দমায় যোগ না দেন, আমি তার প্রার্থনা মতে একটি কুঠারি প্রাচীর ও প্রাচীরের মধ্যস্থ জমি টুকু ছাড়িয়া দিতে পারি।

য। সে, আমাকে সেই জন্যই আপনার কাছে পাঠাইয়া দিয়াছে। বলিয়া দিয়াছে, এখন আমি নিজে ঐ সম্বন্ধে কিছু করিতে পারিনা, মথুর বাবুর উপর কথা বলিবার ক্ষমতা আমার আর নাই, তাঁহার আশ্রয়ে আশ্রয় লইয়াছি, আমার হিতার্থে তিনি যাহা ভাল বুঝিবেন তাহা করিবেন।

হি। দত্তবংশের বধু হইয়া দত্তদিগকে একরূপ অপমান করা কখনই তাহার উচিত হইলনা, ইহার প্রতিফল নিশ্চয়ই দিব, কোথাকার মথুর বাবু, কবে কার মথুর বাবু সেবে বাড়ীতে আসিয়া বসিয়াছে, তাহাদের সহিত কোন সম্বন্ধ নাই, ইহা প্রতিপন্ন করিতে কিছুমাত্র কষ্ট স্বীকার করিতে হইবেনা, তখন ঐ বজ্জাৎ বোটা বুঝিয়া লইবে, যে আপন বংশ ছাড়িয়া পরের কাছে যাওয়া কত মজা। লোকের বাড়ীগেলে হুশ্চরিত্রা রমণী বলিয়া দূর দূর করিয়া তাড়াইয়া দিবে।

য। না, না, বাবু অমন কথা মুখে আনিবেন না, সে তেমন মোরে নয়, আমি শ্রীগোবিন্দের নাম লইয়া সাক্ষী দিতে পারি,—অমন সতীলক্ষ্মী মিলেনা।

হি। তা দশে ধম্মেই জানচে।

যশোদা চলিয়া গেল।

হিরুদত্ত মনে মনে একটু অনুতাপ করিলেন, আঁবিলেন—কাজটা আমার গোড়ায় খেলো হোরে গিয়েছে, আমি যদি তখন কিছু দিনের

জন্যে ওকে ওই জায়গা টুকু ছেড়ে দিতাম, আর সাত বছর কি আট বছর দখলে রাখিবার কড়ারে উহাকে দিচ্ছি। রেজেষ্টারি করিয়া লইতাম, তা হইলে এত গোলে পড়িতাম না, দেখা যাক কোথাকার জন কোথায় গড়ায়।

সপ্তম পরিচ্ছেদ

বানরগুমা লাফাইয়া চলে, ব্যাঙ লাফাইয়া চলে, আর লাফাইয়া চলে উপন্যাস লেখক। আমরাও একটি লাফে পাঁচ বৎসর অতিক্রম করিলাম, এই পাঁচ বৎসরের মধ্যে পৃথিবীতলে কত ঘটনা ঘটয়া গিয়াছে, কে তাহার সংবাদ রাখে, তবে আমরা মথুর বাবু কেহু এই গ্রন্থোক্ত মানুষ গুলির খবর রাখি বটে, কিন্তু সব কথা বলিতে গেলে— “পৃথি যায় বেড়ে”। আর পাঠকেরও ঐশ্বর্য চ্যুতির সম্পূর্ণ সম্ভাবনা। কেমনা, তাহার মধ্যে বিশেষ উল্লেখ যোগ্য বড় কিছু নাই, একটু আধটু বাহা আছে তাহা এই স্থলে সংক্ষেপে বলিয়া দিতেছি।

মথুর বাবুর সহিত বসন্তের বাড়ী লইয়া হিরুদন্তের যে মোকদ্দমা হইয়াছিল, তাহা আপিল কোর্ট পর্য্যন্ত গিয়াও হিরুদন্ত পরাজিত হইয়াছেন। মথুর বাবু হিরুদন্তের বাড়ীর পুরাতন কৈফিয়ৎ কাটা জমা খরচ দাখিল করাইয়া, মাত্র পঞ্চাশটা টাকা দেওয়া প্রমাণ করান। তারপরে পঞ্চ মাতাল—মনুষ্যত্বের বাহিরে, সে মতিচ্ছন্ন। সুতরাং ন্যবালকের পিতা-মহের সম্পত্তি তাহার দেনার দায়ে বিক্রয় হইতে পারেনা, আরও সে যখন জেলে তখন উপযুক্ত ভাবে সমন জারি করা হয় নাই, কাজেই প্রথম মোকদ্দমা টিকে নাই, দ্বিতীয় বার ঐ হ্যাওনোট তাহাদি বলিয়া হয় নাই। বিষধর সর্প-কবলস্থ আমিষ খণ্ড কাড়িয়া লইলে সে যেমন ক্রুদ্ধ হইয়া, তর্জন গর্জন করিয়া আমিষ খণ্ড গ্রহীতাকে দংশনের চেষ্টা করে, হিরুদন্ত ও মথুর বাবুকে সেইরূপ ভাবে দংশন করিবার জন্য প্রতিজ্ঞা বদ্ধ হইলেন, তদবধি নানাবিধ খুঁটি নাটি লইয়া দেওয়ানি ও ফৌজদারি নানাবিধ মোকদ্দমা চলিতে লাগিল। এইটা বলেরও

সৃষ্টি হইল, একদলের নেতা হইলেন মথুর বাবু, অপর দলের হিরুদত্ত। যদিও হিরুদত্ত ক্রুরপ্রকৃতি ও পরানিষ্টকারী তথাপি তাহার দিকেই গ্রামস্থ ভদ্রলোকের সংখ্যা অধিক,—কেননা তাঁহারা সেখানকার বনিয়াদি লোক, আর পাঁচ সাতঘর জাতি, একঘোটে এক সঙ্গে বাস করিতেন। মথুর বাবু নবাগত,—গ্রামে তাঁহার জাতি গোত্র বা স্বজন বান্ধব কেহ ছিল না, কেবল তাহার দানে, গুণে ও করুণায় কতকগুলি দরিদ্র ও কৃষক তাহার পক্ষে ছিল মাত্র। তিনি একরূপ ‘একঘরে’ হইয়াই ছিলেন। গ্রামে তাঁহার কোথাও নিয়ন্ত্রণ হইত না, গ্রাম্য রাজক পুরোহিত তাহার কাজ করিত না, গ্রামের পরামানিক তাঁহাকে কামাইত না এবং সাধারণের রাজক তাঁহার বস্ত্র ধোত করিত না। কিন্তু ইহাতে তাহার কার্যের বিশেষ কিছু ক্ষতি হইত এমনও বোধ হয় না, পার্শ্বস্থ গ্রাম হইতে ঐ সকল লোক আনাইয়া তিনি কর্ম সমাধা করাইতেন।

পক্ষুর আর কোন সংবাদই মিলে নাই, কেহ বলিত,—সে মরিয়া গিয়াছে, কেহ বলিত তাহার দীর্ঘ দিবসের জন্ত জেল হইয়াছে, কেহ বা বলিত, সে স্ত্রীর ঐ অপবাদ আর মথুর বাবুর বাড়ী বাস কবার জন্ত মনের ঘুণায় বৃন্দাবনে চলিয়া গিয়াছে। কিন্তু কাহারও কথায় কোনও প্রমাণ ছিল না, প্রত্যক্ষ ভাবে কে যে তাহা দেখিয়াছে, তাহারও অনুসন্ধান মিলিত না।

বসন্তের ছেলে পুঁটে এখন একাদশ বর্ষীয় বালক। সে বেশ ছুঁট পুঁট ও বলিষ্ঠ হইয়াছে, গ্রামের মাইনর স্কুল হইতে এইবার মাইনর পাশ করিয়াছে।

বসন্ত ‘হরিষে বিবাদে’ দিন কাটাইতেছিল নিরাশ্রয়ে উত্তম আশ্রয় পাইয়াছে, ছেলেটিও লেখাপড়া শিখিতেছে, কিন্তু পাপ না করিয়াও যে পাপের ঘোষণা গ্রামের নর নারীর মুখে মুখে ঘোষিত হইতেছে, তাহার

জন্ম সে মনে মনে বড় ব্যথিতা, কিন্তু যশোদা আসিয়া তাহাকে প্রায়ই দৃঢ়তার সহিত বুঝাইয়া যাইত, আপনার চরিত্র আপনার কাছে, পাপ পুণ্য আপনার; সংকর্ম্ম অসংকর্ম্ম এ সকলের ফল আপনাকেই লইতে হইবে। তুমি যদি আপনি ভাল হও, ভয় কি মা ; তুমি পাপ কর, অস্তিম্বে নরক ভোগ করিবে, পুণ্য কর স্বর্গে যাইবে।

বসন্ত তহুতরে কাদিয়া জানাইত, তা জানি মা ; কিন্তু আমার মনে হয়, এই অপবাদ—এই মিথ্যা কথা—এই কলঙ্ক ঘোষণা শুনিতে পাইয়া বুঝি তিনি ব্যথিত হইয়াছেন এবং সেই জন্মই বোধ হয় অভাগিনীকে আর দেখা দেন না।

য। নে মা ; থেমে যা,—অমন নিষ্ঠুর স্বামী জন্ম মানুষ আবার কাঁদে, সে দেখা দিয়ে ত লাথি মেরে চলে যাবে। কথায় বলে—‘ছুষ্টু এঁড়ের চেয়ে শূণ্ড গোয়াল ভাল’।

এস্থলে আমাদের একটু ভাণ্ড লিখিয়া দিবার আবশ্যক হইলে, যশোদা ভেক্ লইয়া বৈষ্ণবী হইবার পূর্বে গোয়ালার মেয়ে ছিল।

য। যশোদা, মা ; মেঘের চিকুর ভাঙা তপ্ততাপে উত্তপ্ত হইলেও, চাতকিনী মেঘ দর্শনের আশা পরিত্যাগ করিতে পারে না, বজ্রপাতে যদি তাহার দেহদগ্ধ হয়, বুঝি তবুও সে মেঘের দিকে তাকাইয়া তাকাইয়া মরিতে পারিবে, এই আশায় সরিয়া যাইতে পারে না।

বসন্তর সে সব কথায় যশোদা বড় সন্তুষ্ট হইত না। সে বুঝিত, যে পেটে ছটো ভাত দিল না, পরনের একখানি কাপড় দিল না, থাকিবার একটু জায়গার সংস্থান করিল না—অধিকন্তু প্রহারে প্রহারে পৈতৃক দেহটাকে ভেঙে চুরমার করে দিল, তার সঙ্গে আর শব্দ কি!—‘ভাত দিবার কেহ নহে, কিল মারবার গোসাই।’

বসন্ত যশোদার এরূপ প্রবোধে কিন্তু প্রবুঝা হইতে পারিল না, সে

প্রায়ই তাহার স্বামীর চিন্তায় চিন্তান্নিতা থাকিত ! কোন কোন দিন বড় অবসন্ন হইয়া পড়িত, এক একদিন নির্জনে বসিয়া কাঁদিত, আবার কোনদিন বা সন্ধ্যার সময় সন্ধ্যাহিক ক্রিয়া সমাধা করিয়া অন্তর মহলের কোন নির্জন প্রকোষ্ঠের বাটারণ্ডায় বসিয়া বড় আর্তস্বরে বড় অনন্ত মনে, বড় অনুচ্চকণ্ঠে বিরহ গাথা গাহিয়া ক্রন্দনের চক্ষুর জল ফেলিত ।

সে দিন কৃষ্ণা চতুর্থী, সন্ধ্যা হইতেই দিকে দিকে অন্ধকার জমিয়া পড়িয়াছিল, যদিও মথুর বাবুর বাড়ীর সর্বত্রই আলোক দানে অন্ধকার নিবারণ হইয়াছিল। তথাপি রজন প্রকোষ্ঠের উত্তর দিকের দাবাখানি টাঙ্গা গাছের ডালের তলায় পড়িয়া অন্ধকারের আশ্রয়ে ছিল ! বসন্ত সন্ধ্যার প্রদীপটী লইয়া সেই দিকে আসিল। হঠাৎ তাহার স্বামীর কথা মনে পড়িল—কেন পড়িল,—তাহা সে স্মৃতিতে পারিল না, কিন্তু সমস্ত হৃদপিণ্ডটা যেন বুকের মধ্যে কাঁপিয়া কাঁপিয়া স্নোত মুখের উপল খণ্ডের দ্বায় আছাড়ে আছাড়ে চালিত হইতে লাগিল। সে প্রদীপ নামাইয়া সেখানে বসিয়া পড়িল। বসিয়া বসিয়া চিন্তা করিতে লাগিল,—তিনি আর আসিলেন না, বুঝি আসিবেনও না। হায় ; আমি হতভাগিনী তবে কি জন্ত এ জংগতে রহিলাম, হয় ত কোথায় কোন জেলে পড়িয়া তিনি ঘানি গাছে ঘুরিতেছেন, নয় খাঁতা টানিয়া মরিতেছেন, কিম্বা কঠোর শাস্তির কোন কর্মে নিযুক্ত হইয়া ব্যথিত চিত্তে কর্ম শাস্তির ঘামের জল ফেলিয়া জীবন শেষ করিতেছেন এবং কয়েদীর কদম্ব ভোজন করিয়া জঠর জ্বালায় নিবৃত্তি করিতেছেন। আর আমি হতভাগিনী,—নিত্য নূতন নূতন ব্যঞ্জন রাখিয়া, ক্ষীর সর মাখন প্রস্তুত করিয়া কাহাকে ভোজন করাইতেছি। তিনি হয় ত জেলের মধ্যে শুইবার সময় ধূলি শয্যায় শুইয়া গড়াগড়ি পাড়িতেছেন, আর দাসীর হস্ত পাতিত সুন্দর শয্যায় কষ্ট হইবে বলিয়া

নিবৃত্তি করে, পয়ের দাস্য করিয়া পুত্রকে প্রতিপালিত করিতে পারে, তাহার মত হতভাগিনী আর কে আছে বাবা ?”

সেই উদ্যানের পার্শ্ব দিয়া গ্রামের রাস্তা চলিয়া গিয়াছে, উদ্যানটি বংশ-খণ্ডের বেড়া দিয়া ঘেরা এবং তাহার ফাঁকে ফাঁকে পাতা-বাহার, টগর, করবীর ও স্থলপদ্ম প্রভৃতি ফুলের গাছ বসান। ইহাতে ঐ রাস্তার লোকে উদ্যান মধ্যে বড় দেখিতে পায় না, কিন্তু ভিতরের লোক বাহিরে বেশ দেখিতে পায়। মাতার ঐ করুণ কথা শুনিয়া পুত্রের চক্ষু জলভারে টল টল করিতে লাগিল, পুত্র বলিল,—“মা অনেক দিন গত করিয়াছ, অনেক কষ্ট সহ করিয়াছ,—আর আবশ্যক নাই। আমি এখন যা উপার্জন করিতে পারিব, তাহাতে কোন রকমে আমাদের মা বেটার চলিতে পারিবে। না পারে, আমি ভিক্ষা করিয়া আনিব, আর কষ্ট করিয়া থাকা চলে না, বুড়ো ভারি বজ্জাৎ; কাল আমার সামনে তোমাকে কতকগুলি গালাগালি যা দিলে,—শুনে আমার ইচ্ছা হ’ল এক ঘুঁসিতে বুড়োর মাথাটা ভেঙে দেই। কিন্তু তুমি রাগ করবে বলে তা করিনি।”

ব.। দস্তে জিহ্বা দংশন করিয়া মস্তক নাড়িয়া বলিল,—“ধবরদার, অমন কথা মনে আনিও না বাবা। বড় নিরাশ্রয়ে উনিই আশ্রয় দিয়াছেন, বড় বিপদে উনিই উদ্ধার করিয়াছেন—বড় দুঃখের উনিই অন্ন দিয়া বাঁচাইয়াছেন, সাবধান! উহার অনিষ্ট করিবার ইচ্ছা যেন কখনও অস্তরের এক কোণেও না জাগে।”

নি। তাতেই ত কমা করিয়া গিয়াছি, নতুবা আমার সামনে তোমাকে অমন কোরে গাল দেয়, তাকি আমি নীরবে সহিয়া যাই।

ব.। কখন রে নির্মল ?

নি। কাল সন্ধ্যাবেলায়। তুমি কোথায় গিয়েছিলে,—ব্যাটা ঘরে আসিলা দেখিল, তুমি নাই, ঠাকুর জলখাবার নিয়ে দাঁড়িয়ে আছে,—দেখেই চটে লাল। যা বুখে এলো—তাই বলে তোমাকে গালাগালি পাড়ল, আর সেই পোড়া ভাত কাপড়ের খোঁটা। তোমাকে খেতে দিচ্ছে, আমাকে খেতে দিচ্ছে, এ বকুনি আর থামে না। এর মধ্যে আমি ঘরে আসিলাম,—ওমা! আমার উপরে একেবারে অঙ্গার। আমাকে বললে,—তোমার মাঝে নিয়ে দূর হয়ে চলে যাস, আর থাকিয়া কাজ নাই।

ব। তুই কিছু উত্তর করিস্ নাইত ?

নি। না ; কোন উত্তর করি নাই কেবল তোমার ভয়ে। চল মা আর ভাল লাগে না, আমরা এখনই এ বাড়ী ছেড়ে চলে যাই ; এগ্রামে সুবিধা না হয়, গ্রামান্তরে গিয়া বাস করিব, যা হয় একটু লেখা পড়া শিখেছি, খাওয়া বাদে পাঁচটা টাকাও আনিতে পারিব। তাতেই তোমার চলিয়া যাইবে। না হয় যে প্রকারেই হয় চালাইতে পারিব।

ব। এই যে ছরবস্থা, এতে যে তোর সাহস টুকু—এই যে আশ্বস্ত বাক্য—এও ঐ বুড়োর কৃপায় পাইয়াছি। বুড়ো যদি তখন সাহায্য না করিত, এতদিন আমাদের অবস্থা যে কি প্রকার হইত, কে বলিতে পারে। যখন নিরাশ্রয়ে—নিরাস্ত্র নিরুপায় কালে, উহার কৃপায় জীবন ধারণ করিয়াছি, তখন উহার সেবা ত্যাগ করিয়া অন্যত্র চলিয়া গেলে, আমাদের অধর্ম হইবে এবং তাতে তোর অকল্যাণ হইতে পারে। তোর থাকিবার বন্দোবস্ত করিয়া সত্যই তোকে কলিকাতায় পাঠাইবে বলিতেছে, যদি কিছু লেখা পড়া শিখিতে পারিস্ বাবা ; তাহা হ'লে আমরা স্বাধীন হব, তোর রোজগার দিয়া আমাদের ছঃখ ঘুচিয়া যাইবে।

তারপর আরও কি বলিতে যাইতেছিল, সহসা তাহার দৃষ্টি রাস্তার

উপরে পড়িল এবং সমস্ত ছৎপিণ্ডটা উল্টাইয়া পালটাইয়া অতি দ্রুতবেগে কম্পিত হইতে লাগিল। সেই জনহীন রাস্তা দিয়া তাহার কঙ্কালসার স্বামী, মথুর গমনে চলিয়া যাইতেছিল। পরিধানের বসন মলিন, ছিন্ন ও উরুদেশ পর্য্যন্ত বিস্তৃত, দৈর্ঘ্যহীন জন্য কোঁচা ও কাঁচা সামান্যকারে প্রদত্ত। মস্তকে একখানা ফালি বস্ত্রখণ্ড জড়ান ছিল, বোধ হয়, সেই খানাই তাহার উত্তরীয়, ছত্র ও গামোছার কৰ্ম করিত। পক্ষু চলিয়া যাইতেছিল এবং এক একবার কঠোর দৃষ্টিতে মথুর বাবুর বাড়ীর দিকে চাহিতেছিল।

অনেক দিনের পরে দর্শন, একান্ত নিরাশার পর আশার সুস্বপ্ন। সে মনে করিল, ছুটীয়া যাইয়া স্বামীর চরণে জড়াইয়া ধরে এবং মাথিয়া মাচিয়া ডাকিয়া আনে; তারপরে বুঝাইয়া বলে, তুমি আর কতদিন এমনি থাকিবে কেন? তুমি দেবতা হইয়া নরকে নিবাস করিতেছ? কিরে এস, দেবতা হও, দেখ তোমার পুত্র, তোমার স্ত্রী—তোমাবিহনে কি ছরবস্থার পড়িয়া আছে। কিন্তু—সাহসে কুলাইল না। প্রহার করেন, বুক পাতিয়া সহ্য করিব, কিন্তু আমার সন্তানের সমক্ষে—বাড়ীর দাস দাসীর ও লোক জনের নিকটে আনাকে যদি অবিশ্বাসিনী কলঙ্কিনী এবং পিতৃতুল্য বৃদ্ধের নাম করিয়া অপবাদ ঘোষণা করেন, সে যে বড় বিপদের কথা হইবে। সে ডাকিতে পারিল না, আর পুত্রের সহিত কথা কহিতেও পারিল না—দাঁড়াইতেও পারিল না,—বসিয়া পড়িল। পুত্র মাতার এইরূপ ভাবান্তর দর্শনে ভিত্তাসা করিল,—“মা; হঠাৎ তুই অমন করছিস্ কেন? হঠাৎ কি কোন অসুখ করিল?”

ধ। না, বাবা; অসুখ করে নাই। আগে দেখিয়া নে; ঐ বে রাস্তা দিয়া লোকটি চলিয়া যাইতেছে, ঐ তোর পাপ।

নির্মল চাহিয়া দেখিল, কিন্তু বেশ ভাল ভাবে দেখিতে না পাইয়া সে ছুটীয়া বাগানের উত্তর দিকে চলিয়া গেল এবং তাহার পিতাকে আদ্যোপান্ত

দেখিল,—বেশ করিয়া চিনিয়া রাখিল। তারপরে মাতার কাছে ছুটয়া আসিয়া বলিল,—“মা ; বাবাকে ডেকে আনবো ? তুমি বুঝাইয়া বল ; আমি পারে ধরিয়া কাঁদিয়া দেখি, যদি তিনি আমাদের উপর দয়া করিয়া বাড়ী থাকেন।”

নির্মল তাহার পিতাকে যদিও কখনও চোখে দেখে নাই, কিন্তু তাহার মায়ের নিকট পিতার চরিত্র, অবস্থা ও তাহাদের প্রতি দুর্ব্যবহারের কথা অনেক দিন শুনিয়াছে।

ব। না, বাবা ; পরের বাড়ী.—পাঁচজনের সম্মুখে সে কেলেঙ্কারিতে আর দরকার নাই। অবশেষে কি চুরি চামারি করিয়া লইয়া যাইবেন ও এখান হইতে পুলিশ হাঙ্গামা জেল হইবে, দরকার নাই ; জীবিত আছেন, ইহাই দেখিয়া লইলাম, এই ভাল। যদি তোমার সঙ্গে কোন দিন কোন নির্জন স্থানে দেখা হয়, বুঝাইতে চেষ্টা করিও।

তারপর মাতা পুত্রে যতক্ষণ পক্ষুকে দেখা গেল, ততক্ষণ তাহার দিকে একদৃষ্টিতে চাহিয়া রহিল।

এই সময় রায়দের ছেলে শ্যামাপদ আসিয়া নির্মলকে ডাকদিল, নির্মল বাগান হইতে বাহির হইয়া তাহার সঙ্গে রাস্তার দিকে চলিয়া গেল এবং একটা বৈষ্ণবী স্বকলম্ব ভিক্ষুর ঝুলির উপর ডোরি চাপাইয়া বাহুর নীচে আনন্দ লহরী নামক বাদ্য যন্ত্রে তাহা আঘাত করিয়া বাজাইতে বাজাইতে বাড়ীর মধ্যে প্রবেশ করিল এবং ভিক্ষা প্রার্থনায় তদ্বিনিময়ে সকলকে একটি পুরাতন গান শুনাইতে লাগিল। সে গাহিতে লাগিল,—

“দেখলো সই, আমার শ্যাম নাগর বনে যায়।

বনে যায় চিকণ কাল, গলে বন ফুলের মালা

মোহন চূড়া বাঁধে হেলা রাই বলে বাঁশী বাজায়।

পরিধানে পীতবাস, মুখে মৃদু মৃদু হাস।

পদনখে বিজরা বিকাশ, কটাক্ষে ভুবন ভুলায়।”



নবম পরিচ্ছেদ

আর একটু গতি বৃদ্ধি হইল,—আর একলাফে সাত বৎসর অতিক্রম করিলাম। কলিকাতা মহানগরের শ্রী সম্পদ এখন যতদূর হইয়াছে, তখন ততদূর ছিল না।

তখন রাস্তার ছধারের খোলা নর্দমা দিয়া জল ময়লা চলিয়া যাইত, রাস্তার উপরে দূরে দূরে কেবাসিনের আলো জ্বলিত, রাতে মশক দংশনে নিদ্রা যাইবার উপায় ছিলনা এবং মনুষ্যের গতাগতি জন্ত রাস্তার দুই ধারে ফুটপাথও ছিল না।

শ্রামবাজারের খালের ধারের দিকে এমন পরিষ্কার পরিচ্ছন্ন ও এত দোকান পসারি এবং লোকের বাড়ী ছিলনা।

তখন নিদাঘ কাল। নৈদাঘী সন্ধ্যা অনেকক্ষণ কাটিয়া গিয়াছে, রাত্রি প্রায় এক প্রহর। এই সময়ে একটি খর্ব্বকার মানুষ রাস্তার ঘুরিতে ছিল এবং আসে পাশে চারিদিকে চাহিয়া কি যেন খুঁজিতেছিল; মহসা সেখানে আর একজন আসিল, তাহার গতি স্থলিত, কিন্তু দ্রুত; বসনাদি অতি জঘন্য, নাহি বলিলেই হয়। মধ্য রাস্তায় উভয়েরই সাক্ষাৎ হইল; তাহাতে বৃষ্টিতে পারা গেল, উভয়ে উভয়ের পরিচিত। যে একমাত্র আসিল, সে পঞ্চু মাতাল। সে বলিল,—কি, হেমা খুড়ো যে দেখিছ বাবা; সেই আমার খন্তুর বাড়ী অর্থাৎ কিনা আলিপুর জেলের ভিতর অসংখ্য দিন আসে একবার দেখা হয়েছিল, তারপরে এতদিন কোথা ছিলে বাপখন ?

হে। আমি তার সাতদিন বাদেই চলে এসেছিলাম; তুই সেখানে কতদিন ছিলি বাবা পঞ্চু ?

প। আরে, আমি ঘর জামা'রে, খত্তর বাড়ী প্রায় থাকি। কচিং ছই একমাসের জন্তে বাইরের হাওয়া খেতে আসি। আমার খাণ্ডী অর্থাৎ কিনা জেলের কঙ্কণগুলো আমাকে বুকে না নিয়ে রাত কাটাতে পারেন না। আর স্ত্রী-ধনী অর্থাৎ কিনা জেলের বেত গুলা আমার গাত্র স্পর্শ ব্যতীত সুখে রহেন না। কাজেই আমাকে শীগ্গীর শীগ্গীর সেখানে ফিরতে হয়। যাক্ আপাততঃ কি খুঁজছ মাণিক; কিছু বাগাবার চেষ্টায় আছ নাকি? বলত একটু থেকে যাই।

হে। না, রে শালা, আজ ব্যাটা ভাল। সন্ধ্যার সময় গের্দাতলার ঐ দিকে একটা বাঙাল পথিকের পকেট কেটে একটা টাকা আর তিনটে পয়সা পেয়েছিলাম; ও দিকে পুলিশের নজর; তাতেই এদিকে এসে মামার বাড়ী ঢুকেছিলাম; আট আনার মাল নিয়ে আট আনার পয়সা ফেরৎ চাছিলাম, মামাশালা বললে পয়সা নাই। বলে গেলাম,—রাখ, একটু বাদে এসেও আট আনার মাল নিয়ে যাব। এখন দোকানটা ঠাওরাতে পাচ্ছি না পঞ্চু।

প। দূর ব্যাটা হতচ্ছাড়া, তুই একেবারেই মনুষ্য নামের বাহিরে। মামার হাতে পয়সা গেলে সেটা পাওয়া দুর্ঘট হয়। যাক্; সে দোকানটার সামনে কোন রকম চিহ্ন কোরে গিয়েছিলি কি?

হে। ওরে তা না কোরে কি যাই বাবা; একটা কুলে রঙের ষাঁড় তার দোকানের সামনে ঘুমুচ্ছিল, সেই টাকেইত খুঁজছি তা পাচ্ছি না।

প। দূর ব্যাটা, মন্দাদরীষ ছেলে হনুমান,—সে কি এখানে, সে ষাঁড়টা দাঁড়িয়ে আছে দেখলাম বিডন স্ট্রীটের মোড়ে; ব্যাটা তুমি একেবারেই গিয়েছ। যদি ছই এক গ্লাস দিসুত চল, তোর ষাঁড়ের কাছেই যাই।

হে। চলনা ভাই, ইয়ার মেয়ে কেউ কখনও খায়না; যারা জ্ঞানী মানুষ তারা কি না দিয়ে খায়; চল।

তখন উত্তরে ফিরিয়া রাস্তা দিয়া দক্ষিণ মুখে চলিল ; হেমন্ত বেশ সুকঠ,
সে চলিতে চলিতে গাহিতে গাহিতে গেল ;—

ভায়া ; কখন কি রঙ্গে থাক, যাবনা কিছু বোঝা ।

(তুমি ;) শুঁড়ি বাড়ীর বোতলে মদ, ময়রা বাড়ীর কড়াই ভাজা ।

সরষে হোয়ে ছড়িয়ে পড়' পায়রা হরে খুঁটে তোলা ॥

(আবার) সাপ হয়ে কামড়াও তুমি, ঝাড় হয়ে ওঝা ।

বলদ হয়ে লাঙ্গল টান, নায়েব হয়ে খাজনা আন ॥

ভিক্ষুক হয়ে ভিক্ষা মাঙ, বিচার কর হুঁসে রাজা ।

চোর হয়ে কর চুরি, দারোগা হুঁসে পাঠাও শবুর বাড়ী

(ওগো) বিচার কোরে তুমিই আবার তোমাকেই দাও সাজা ।

ততক্ষণ আসিয়া ষাঁড় মহোদয় মানিকতলা স্ট্রীটের মোড়ে একটি খাবারের
দোকানের সম্মুখে দাঁড়াইয়া একখানা কদলী পত্র চর্কণ করিতেছিলেন। ষাঁড়
দর্শনে হারান আট আনার পয়সা,—ততোধিক আট আনার মত্ত প্রাপ্তির বিশেষ
সম্ভাবনা বুঝিয়া, অতিশয় আনন্দে উৎফুল্ল হইয়া পক্ষুর পৃষ্ঠদেশে, যথাসাধ্য
বল প্রকাশে এক চপেটাঘাত করিয়া হেমন্ত বলিয়া উঠিল,—ভালারে বাবা
পক্ষু ইয়ার, তোর মত হুঁসিয়ার লোক খুব কমই আছে। আমি শালা এক
বারে বেহুঁস আদমী ; কোথায় বা ষাঁড়, আর আমি মামার দোকান খুঁজছিলাম
বা কোথায় গিয়া” ।

• তারপরে ষাঁড় যেখানে দাঁড়াইয়াছিল, তাহার পাশে গিয়া দেখিল, সে মদের
দোকান নহে, খাবারের দোকান ; কিন্তু তাহার এমন জাজলায়ান চিহ্ন কখনও
ভুল হইতে পারে না ।

হেমন্ত তখন দোকানের সন্নিকটে গিয়া বলিল,— কি বাবা, শুঁড়ি
মামা; আট আনা পয়সার জন্তে এর মধ্যে ভইল কিরিয়ে বসেছ ।
ধন্টি কোলকাতা সহর যা হোক, এখানে পদে পদে মানুষ ঠকানর

চেষ্টা গো, ধর্ম নাই—ধর্ম নাই ; যাক্ বাবা দাও ত আমার আট আনা ফিরিয়ে, —পয়সা থাকলে কত শালার দোকানে মার পাব ।”

দোকানদার দেখিল, তাহার মাতাল এবং সমস্ত বিষয় জানিয়া বলিল,—
“বাঁড় মিদর্শন করিয়া পয়সা ছাড়িয়া দিয়া এসোহ ; বাঁড় কি এক জায়গার থাকে গা! সে সেখান হইতে উঠিয়া এইদিকে আসিয়াছে, খুঁজে দেখ ; ঐ দিকে কোথায় দোকান আছে ।”

কিন্তু তাহারা কিছুতেই ছাড়িতে চাহে না ; দোকানদার যে তাহাদিগকে প্রতারণা করিতেছে, তাহাতে কোন সন্দেহ নাই ; তাহারা পয়সা আদায়ের জন্য দোকানদারকে প্রথমে কটুক্তি করিতে লাগিল ; তাহাতেও রুতকার্য্য না হইয়া অবশেষে রাস্তার প্রস্তর টুকরা তুলিল, দোকানদার বিপদ গণিয়া পাহারাওয়াল ডাকিল । পাহারাওয়াল আসিয়া রুলের বাড়ি মারিয়া গলা ধাক্কা দিল । তখন তাহারা রণে ভঙ্গ দিয়া উত্তর মুখে চলিয়া গেল । পথে যাইতে যাইতে পক্ষু বলিল,—“তোমার পয়সা আট আনা হারালি বাবা ; ঐ যে বলে,—‘ভাগ্য পা আকাশে ধায়’ তা মিছে নয় । ভাবলাম নেহাৎ একাদশীর মুখে অমাবস্তার পারলটা হয়ে যাবে, তা’ হবে কেন ! এখন একটা কথা শোন ; কোথাও কিছু বাগাতে না পারলে ত’ আর চলছে না । এই পাড়ায় কোথায় নাকি বিয়ে হচ্ছে ; যাবি ? ঢুকে গিয়ে দেখা যাক, অনেক মেয়ে মানুষ টানুষ যুটবে ; যদি কোন রকম কিছু বাগান যায় ; চল না খুব সুবিধে ।”

হেমন্ত স্বীকার করিল ; তখন তাহারা উভয়ে স্থলিতপদে শ্যাম-বাজারের মোড় পর্য্যন্ত গিয়া একটু বামধারে পশ্চিম মুখে চলিয়া গেল । সেখানকার এক বর্দ্ধিষ্ণু কায়স্থ বাড়ী খুব ধূম ধামের সহিত বিবাহ হইতেছিল । উহারা উভয়ে ক্রমে ক্রমে বাড়ীর মধ্যে প্রবেশ করিল এবং অবকাশ বুঝিয়া ধীরে ধীরে একেবারে অন্তরে ঢুকিয়া পড়িল । তারপরে

যেখানে স্ত্রীআচার হইতেছিল, সেই খানে গিয়া দাঁড়াইল, অনেকে তাহাদিগকে দেখিতে পাইল ; কিন্তু কেহই কিছু জিজ্ঞাসা করিলনা ; কে জিজ্ঞাসা করিবে ? যাহারা নবাগত কুটুম্ব কুটুম্বিনী, তাহারা ভাবিল এই বাড়ীর ভৃত্য হইবে ; আবার বাড়ীর লোক ভাবিল. কোন কুটুম্ব কুটুম্বিনীর ছেলে মেয়ে রাখিবার ভৃত্য হইবে ; সুতরাং কেহই কিছু জিজ্ঞাসা করা আবশ্যিক জ্ঞান করিলনা । একটি চতুর্দশবর্ষীয়া সুন্দরী কিশোরী গৃহ হইতে বাহির হইয়া কি লইয়া যেখানে স্ত্রীআচারের আনন্দ শ্রোত বহিতেছিল, তথায় গমন করিতেছিল । তাহার গাত্রে অনেক স্বর্ণালঙ্কার ছিল ; অক্ষয় বুঝিয়া পক্ষু গিয়া তাহার হাত চাপিয়া ধরিয়া হস্তস্থ সৌগার কঙ্কণ টানিয়া লইয়া ছুটীয়া পশ্চাদ্ধার দিয়া বাহির হইয়া পড়িল ; হেমন্তও তাহার সঙ্গে ভোঁ মৌড় দিল ; কিশোরী চীৎকার করিয়া উঠিল ।

দশম পরিচ্ছেদ

কিশোরীর চীৎকারে সেখানে একটা ভারি সোর গোল পড়িল ; বহু নর নারী তাহার সন্নিহিত হইল এবং শুনিল, তাহার হাতের সোণার কঙ্কণ ছিনাইয়া লইয়া কে পলায়ন করিয়াছে। কিন্তু অধিক লোকের চিত্ত বড় সে দিকে আকৃষ্ট হইল না ; কেননা বিবাহের লগ্ন ভ্রষ্ট হয়—পুরোহিত ও বরকর্তা বাহির হইতে ‘লগ্ন ভ্রষ্ট হয়’ বলিয়া পুনঃ পুনঃ হাঁক দিতেছিলেন। স্ত্রী-আচার সমাধা করিয়া শীঘ্রই বর কন্যা পাঠাইতে হইবে। যে দিকে বর যাত্রীগণ আহাৰ করিতে বসিয়াছে, ত্রুটি হইলে উঠিয়া যাইবে ; স্বতরাং চোরের অনুসন্ধান তাহার পশ্চাৎ অনুসরণ করা বড় অধিক লোকের সম্ভব হইল না ; কেবল কয়েক মুহূর্ত একটু সোর গোল হইয়া সকলেই বিবাহ কার্যে বেগম লিপ্ত ছিলেন, তেমনই থাকিলেন। জন চারি পাঁচ লোকমাত্র চোরের পশ্চাৎ পশ্চাৎ ছুটিয়াছিল ; তাহাদের মধ্যে একজন আমাদের পরিচিত,—নির্ম্মল চন্দ্র দত্ত।

নির্ম্মল এখন বালক নহে, অষ্টাদশ বর্ষীয় ভ্রষ্ট পুষ্ট যুবক। সে রিপন কলেজে বি,এ পড়িতেছিল, যাহার কঙ্কণ চুরী হইয়াছিল, সে তাহার পরিচিত। কেমন করিয়া কোথা দিয়া কোন গুণে পরিচিতা তাহা পরে বলিতেছি। আগে চোরের অনুসরণ করিয়া তাহার ভাগ্যে যাহা ঘটয়াছিল, তাহাই বলিব।

নির্ম্মল কন্যার বাড়ীতে নিঃস্বপ্নে আসিয়াছিল এবং তখন বরযাত্রী দিগের পরিবেশন কার্যে পরিলিপ্ত ছিল। কিন্তু যখন ঐ চুরির ঘটনা জানিতে পারিল, তখন সে চোরের নিকট হইতে ঐ কঙ্কণ কাড়িয়া আনা বা চোরকে ধৃত করা প্রধান কর্তব্য বলিয়া মনে করিল,

স্বতরাং সে তন্মুহুর্তেই পশ্চাদ্ধার দিয়া চোরের অনুসন্ধানে উৎসাহে

পক্ষু ছুটিল বেলগেছিয়া রাস্তা ধরিয়া : হেমন্তও তাহার পশ্চাৎ পশ্চাৎ দৌড়িতেছিল ; সে দিকের ঘন জঙ্গলে লোকের গতাগতি বড় নাই। নগরের আলোক স্তম্ভও ছিলনা ; তবে গুরু পক্ষ বলিয়া চাঁদের আলোতে প্রায় সর্বত্র আলোকিত ছিল, যেখানে অতি ঘনসন্নিবিষ্ট বৃক্ষাদি ছিল, সেই খানে মাত্র অন্ধকার। দৌড়িতে দৌড়িতে পক্ষু ও হেমন্ত পশ্চাৎ দিকে চাহিয়া দেখিতেছিল। দেখিল, তাহাদের পশ্চাৎ পশ্চাৎ লোক ছুটিতেছে, বড় অধিক দূরে নহে : এই ধরত—এই ধরে। তখন তাহারা আরও প্রাণপণে ছুটিতে লাগিল। নিশ্চল তাহাদের পশ্চাৎ অনুসরণ করিয়াছিল। যৌবনবলদৃপ্ত নিশ্চল সমান উৎসাহে দৌড়িতে লাগিল।

তক্ষরদ্বয় আরও খানিক বাইয়া ক্লান্ত হইয়া পড়িল। তখন মনে করিল, এমন ভাবে দৌড়িলে উহার সঙ্গে পারা যাইবে না। তখন তাহারা দৌড়িতে দৌড়িতেই বলাবলি করিল,—ডাঠনে বায় দুইজন দুই দিকে দৌড় দি, শালা কোন দিকে যায় দেখা যাক ; হেমন্ত বামের জঙ্গলাভিমুখে ছুটিল ; কঙ্কণ ছিল পক্ষুর নিকটে।

বাস্তবিক তাহাদের দুইজনের দুইদিক গতিতে নিশ্চল চিন্তিত হইল ! কাহার নিকট কঙ্কণ আছে,—কাহার অনুসরণ সে করে। তারপরে ভাবিল, একজনের দিকে যাই, একজনকে ধৃত করিতে পারিলেই কঙ্কণ অনুসন্ধান হইবে ; অপর জনও ধরা পড়িবে। সে একটু দাঁড়াইয়া দক্ষিণে বামে দুই দিকেই একবার চকিতে চাহিয়া লইল। দেখিল, বামদিকে ক্রমশই অতি ঘন জঙ্গল। দক্ষিণ দিকে কিঞ্চিৎ কম, এবং কলিকাতার দিকে যাওয়া যাইবে, সে তাই দক্ষিণেই ছুটিল।

এখন যেখানে সাকুলার রোড হইয়াছে, তখন সে দিকে খানিক জঙ্গল ছিল, সামান্য একটি রাস্তা কিয়দূর যাইয়া সাকুলার রোডে মিশিয়াছে। পক্ষু সেই পথেই দৌড়িতে ছিল, কিন্তু সে আর পারে না। একে বয়স হইয়াছে, তার উপরে অত্যাচারে অত্যাচারে তাহার শরীরে বড় অধিক শক্তি ছিল না। এতদূর যে দৌড়িয়া আসিয়াছে, সে নিতান্ত অভ্যাসের গুণে ও দমভরে। সেই সময় একটা কিসে হুঁচট খাইয়া সে পথের উপর পড়িয়া গেল, আর উঠিতে পারিল না। ততক্ষণে নিশ্চল তাহার নিকট গিয়া উপস্থিত হইল; দেখিল সে সম্পূর্ণ অজ্ঞান হইয়া পড়িয়াছে। জ্যোৎস্নালোকে আরও দেখিল, তাহার বাম হস্ত-তলে একখানি তীক্ষ্ণ ধার ছোরা রহিয়াছে; সে এদিক ওদিক না করিয়া, তৎক্ষণাৎ ছোরা খানি তুলিয়া লইল; তারপরে কঙ্কণের অনুসন্ধান করিতে লাগিল; অনুসন্ধান করিতে গিয়া দেখিল, কঙ্কণ গাছটি তাহার পরিধেয় ছিন্ন বসনের অগ্রভাগে বাধিয়া ফেলিয়াছে। কিন্তু নিশ্চল সে মূর্তি দেখিয়া চমকিয়া উঠিল; কঙ্কণ গাছটি তখনই খুলিয়া লইল বটে, কিন্তু সে আর চলিয়া যাইতে পারিল না; একি দৃশ্য দেখিল, এষে তাহার বাপ! সেই উদ্যানে তাহার মা বাহাকে দেখাইয়া দিয়াছিলেন—পিতা বলিয়া চিনাইয়া দিয়াছিলেন—ইনি যে তিনিই।

ইহাকে আর একদিন দেখিয়াছিল, সে কাঁচড়া পাড়ার রথের বাজারে। তাহার মনে হইল, আমার মরণই মঙ্গল; পিতা যাহার এমন,—তাহার বাচিয়া লাভ কি? মনুষ্য বলিয়া তাহার পরিচয় দিবার প্রয়োজন কি? যাক্ এখন সে করেই বা কি? বড় ম্রিয়মাণ হইল। তারপরে পক্ষুকে তুলিয়া বসাইল; দেখিল, দমভরে পড়িয়া সে প্রায় মরার মত হইয়া গিয়াছে, এখনও অজ্ঞান—কাঠের মত শক্ত, কেবল প্রাণটা একটু ধুক ধুক করিতেছে মাত্র। তাঁহাকে জঙ্গলের দিকে ক্রোড়ে করিয়া

তুলিয়া লইয়া গেল। সেখানে নামাইল, শয়ন করাইয়া রাখিল। তখনও জ্ঞান হইল না; তবে নিশ্বাস প্রায় অবরুদ্ধ হইয়া গিয়াছিল, এখন একটু ভাল ভাবে বহিতে আরম্ভ করিয়াছে। সে কয়েকটা গাছের শাখা ভাঙ্গিয়া আনিয়া তাহার পত্র দ্বারা বাতাস করিতে লাগিল। আরও অনেককক্ষণ কাটিয়া গেল, তারপরে পক্ষুর জ্ঞান হইল। পক্ষু নিশ্বাস ছাড়িয়া উঠিয়া বসিল, তাহার বহুদিনের অভ্যস্ত মত্ততাজড়িত স্বরে ধীরে ধীরে জিজ্ঞাসা করিল,—“কে তুমি বাপধন; আমার শশুর-বাড়ীর লোক নাকি, জামাই নিতে এসেছ শালা?”

নির্মূল বলিল,—“না, বাপু; তোমার শশুর বাড়ী কোথায় জানিনা; আমি বিবাহ-বাড়ীর লোক; কঙ্কণ চুরী করিয়া পাল্লাইতে ছিলে, ধরিয়াছি।”

প। সে গাছটা বুঝি গেঁড়া সাং করিছিস্‌রে শালা! কৈ আমার ছোরা খানাও বুঝি হাতিয়েছিস্! বা শালা; তোর কপালের খুব জোর,—তুই আমার পাছে পাছে দৌড়ে আসছিলি না? আমি মনে করেছিলাম, এই জঙ্গলের দিকে এসেই ফিরে দাঁড়াব এবং তুই নিকটে এলেই ঐ চুরী খানা দিয়ে তোর ভুঁড়িটা হস্‌কে বার করে দেব। এখন খসে পড়; কিন্তু কঙ্কণ গাছটা নিয়ে বড় ভাল করিলে না; বড় আশায় ছাই দিলে; আমাকে যেমন মনের কষ্ট দিলে, বাবা গাজিপির তোকে তেমনই কষ্ট দেবেন। কিন্তু যদি আমারে নেহাৎ পক্ষে একটি টাকা দিয়ে যাও মানিক, আমি গাজির বেটা—মহারাজ বশিষ্টে শুনিকে বলে কয়ে তোর শাপ উদ্ধার করে দেব, তুই সুখে থাকবি।

নি। আমার নিকট যদি সত্য করিয়া বলিতে পার, সেই টাকাটা তুমি কি করিবে, তাহা হইলে দিতে পারি।

প। তুমি দেখছি নেহাৎ পক্ষুর ব্যাটা খসু; টাকা নিয়ে লোকে

করে কি,—মদ খায়, গাঁজা খায় এইত ; ব্যবস্থা শাস্ত্রে লেখা আছে,—
পিত্তা পিত্তা পুনঃ পিত্তা—আর মনে এলোনা বাবা, ছোট কালে
পড়েছিলাম ;—সব ভুলে মেরে দিইচি জানিস। আসল কথা আজ
তিন দিন থেকে একটু মদ পেটে পড়েনি, কাজেই ভিক্ষেয় সিক্ষেয়
ছোটো ভাত পেলেও তাতে ক্ষুচি হয়নি। দে বাপ ধন, একটা টাকা
বাজার রাজার মত সেকন্দের বাদশার জামাইয়ের মত ফেলে দিয়ে,
তোর কঙ্কণ নিয়ে চলে যা।

নি।, আমি তোমাকে পুলিশে ধরাইয়া দিব।

প। আরে ব্যাটা হতচ্ছাড়া অবোধ বালক অভিমন্যু,—তাতে তোর
লাভ কি হবে ?

নি। তোমার চরিত্র শোধরাবে,—আর যদি তোমার স্বী পুত্র থাকে,
উপকার হইবে।

প। ছটাই তোমার ভুল বিশ্বাস। জেল আমার শ্বশুর বাড়ী, আজীবন
কাল সেখানে যাতায়াত করে দাড়ী পাকিয়েছি। তোমার বিয়ে হয়েছে
গোপাল ? শ্বশুর বাড়ীর সুখ তুমি বোধ হয় জান ; জেলেও আমার তেমনি
সুখ। কেবল একটির অভাব,—স্বাধীনতা থাকে না ; আর একটু আধটু মদ
পাওয়া যায়না ; তা চাঁদ বণিকেরা ছেলে বাপ কক্ষধন ; তুমিও নিশ্চয়ই
অবগত আছ ও জিনিষ ছটা তোমার শ্বশুর বাড়ী ও মিলেনা ; শাশুড়ী যে
কাতে শোয়ান, সেই কাতেই শুতে হয় ; আর শেষের কথা যা বললে
তাদের উপায় তারা করে নিয়েছে ; এক বুড়োর সঙ্গে আমার বোট। মিলে
গিয়ে ছেলেটাকে হেতো ছেলে বাবিয়ে দিয়ে সুখে আছে। আমি মাতাল—
আমি পশু—আমি জ্ঞানহীন—আমি রাবণের ব্যাটা রাজা হর্ষ্যোধন, অথবা
অনিরুদ্ধের ছেলে জয়নাল ফকির ; আমার সাহায্য তারা চায়না—আর আমি
তাদের সাহায্য করবই বা কি করে !

নির্ম্মল অমুভব করিল, বহুদিনের মণ্ডপায়ী পশুভাবাপন্ন তাহার পিতার যেন শেষের কথা কয়টি বলিতে বড় কষ্ট হইয়াছে। আর তাহার সে কথা শুনিয়া তাহার হৃৎপিণ্ড হইতে যেন কোন অগ্নি শিখা বাহির হইয়া, তাহার সমস্ত মস্তিষ্কটুকু জ্বলাইয়া পোড়াইয়া থাক করিয়া তুলিতেছে। সে যেন সে আগুনে দগ্ধ হইয়া এখনই পাংশুস্বূপে পরিণত হইবে। কিন্তু অচিরাতঃ তাহার মাতার মুখ মনে পড়িল,—সর্ব্বাঙ্গ মনে পড়িল, সে সরল—সে শান্তিময়ী প্রতিমা পুণ্যের করুণোজ্জল লাবণ্য মনে পড়িল; যেন তাহার মনে হইল, তাহার মা আসিয়া কোন পুণ্য খাদের জল তুলিয়া, শান্তি মন্ত্রে সে জ্বল পড়িয়া তাহার মস্তকে ঢালিয়া দিলেন! আগুন নিবিয়া গেল,—হৃৎপিণ্ডের গতি আসিল—মন স্থির হইল।

নির্ম্মল ভাবিল,—বাবাকে আমার পরিচয় দিয়া তাঁহাকে সাধিয়া বাচিয়া দেখিব কি! যদি তিনি আমার উপর স্নেহ করুণা করিয়া এই নরক রাজ্য হইতে ফিরিয়া আসেন। কিন্তু পুনরায় মনে করিল, তাঁহার মনে যে খটকা লাগিয়াছে, এই মাত্র যাহা বলিলেন, তাহাতে তিনি সহজে আমার উপর সদয় ব্যবহার করিবেন এমন বোধ হয়না। অধিকন্তু বহুদিনের অভ্যাস এক দণ্ডের কথায় পরিত্যাগ করিতে পারিবেন না। হইবার মধ্যে এই হইবে যে, তাঁহাকে পুলিশে ধরিয়া লইয়া যাইবে,—জেল খাটিবেন। অতএব বর্ত্তমানে তাঁহাকে কিছু দিবার প্রলোভন দেখাইয়া আজ আমি চলিয়া যাই।

এই সময় পঞ্চ বলিল,—“কি যাছ, ভাবচ; কি নগদ বিদেয় দেবে; না ধস্তুর বাড়ী পাঠাবে?”

নি। তোমার মত চোরকে কখনই ছাড়া যায়না।

প। তবে নাও, কাঁধে করে নাও; এর তিরসীমায়ও তোমার পুলিশবাবা নাই; ছোরা খানা আমার হাতে থাকলে, এতক্ষণ কথা কইতে হতনা রে কালাচাঁদ। কি বলব, সেখানা আগেই বাগিয়ে নিয়েছি,

তোমার চেহারাটা যেমন কোমল, কথা শুনে যেমন মিষ্টি মিষ্টি প্রাণটা তেমন সাদা নয়। একটু একটু মদ খেয়ো,—জানলিরে মানিকপীরির ব্যাটা খোদাবক্স ; মদ খেলে প্রাণটা বেশ সাদা হলে।

নি। তোমাকে জেলে দিলে সমাজের উপকার হবে।

প। কি উপকার বাপধন ?

নি। চুরি থামিয়া যাবে ছদ্মিয় রহিত হবে।

প। বা রে, সর্বশাস্ত্র-বিশারদ মহারাজ কালাপাহাড় ; তোমার দেখছি শাস্ত্র জ্ঞানও যেমন, সমাজ তত্ত্বে অধিকার আবার তার চেয়েও বেশী। আরে মুখ্য ;—জগতে কি পক্ষ একটা! অসীম অনন্ত রাজ্যমধ্যে সহস্র সহস্র পক্ষ বিরাজিত। তবে আমার মত পেটী মাতাল, আর ছিঁছেকে চোর ধরা পড়ে জেলে যায়, আর লোকের ঘৃণার ভাজন হয়। যারা ঘরে বসে লম্বা কোঁচা বুলিয়ে বা ছোট কোঁচ পোরে আমাদের চেয়েও অধিক, পাপ করছে তারা কোন দোষেই দোষী নয়। যাক এখন বকুনি ভাল লাগছেন। যাত্রাটাই আজকের ভাল নয়। যা করিবে একথানা করে ফেল।

নি। একটা কথা বলব ?

প। কত কথাই ত বললে মানিক ; আর কি বলতে বাকি আছে বল।

নি। তুমি কি এখন ছাড়তে পারনা ?

পক্ষ তাহার মদ মত্ত বহুদিনের জড়িত আখির ক্ষীণ দৃষ্টিতে সেই চন্দ্রালোকে দেখিতে পাইল, বলিতে বলিতে যুবকের মুখে যেন কোন এক স্বর্গীয় লাবণ্য, আর আকুল আকাঙ্ক্ষার দীপ্তি ভাসিয়া গেল। তাহার যেন বোধ হইল, তাহার বড় নিষ্ঠুর—বড় জ্ঞান হীন—বড় সদবৃত্তি হারান চিত্তটাকে সে একমুহূর্ত্তে কোম ব্রহ্মার কমণ্ডলু-নিঃসৃত সুখা-সিক্ত

বারি দ্বারা ধোঁত করিয়া দিয়াছে এবং নৈমিষারণ্যের কোন যান্ত্রিক
ঋষির হোম ঘৃত মাখা অঙ্গুলির অঙ্কুশ মুদ্রা দ্বারা আকর্ষণ করিয়া
লইতেছে। সে বলিল,—“আমি এ পথ ছাড়িলে তোমার কি হবে?”

নি। আমি সুখী হ’ব।

প। বলিতে পার; কেন তুমি সুখী হবে?

নি। তা জানি না, তা বলিতে পারিব না কেন সুখী হইব।

প। না, না; আমি এ পথ ছাড়িতে পারিব না, যাহা মানুষের
অভ্যস্ত হইয়া যায়, তাহা ছাড়িতে পারে না, আমি নিজেই কতদিন
ভাবিয়াছি এপথ ত্যাগ করি না কেন, পারি না একাদিক্রমে দুই এক
বৎসর জেলে থাকিয়া যখন বাহির হইয়াছি তখনও ভাবিয়াছি, এতদিন
মদ খাই নাই আর খাইব না; কিন্তু কে জানে, বাহিরে আসিলেই
থাকিতে পারি না আবার খাই, আবার গাঁট কাটা আবার চুরি করি,
আবার জেলে যাই, জানহে; মানুষের চেষ্টায় বড় কিছু হয় না বর
যেমন অদৃষ্ট তাকে তেমনি পথে নিয়ে যায়! তুমি এখন কোথায়
যাবি? তোর উপর আমার একটু মায়া পোড়েছে বুঝি; এদিকট
ছায়গা* বড় ভাল নয়, এসব জঙ্গলের মধ্যে বুনো গুয়োর আর বাঘ
থাকে, রাত ও বোধ হয় শেষ হয়ে উঠেছে।

নি। আমি চলে যাব, আমি বড় ভয় করি না, তুমি কি করবে
কখন?

প। যদি একটা টাকা দিয়ে যাস; কোলকাতার উপস্থিত হলে
জোরের বেলায় গঙ্গা স্নান করে, একটু মদ আর দুটা মুড়ী খেয়ে
প্রাণটা ঠাণ্ডা করি। দেখ দেখি বাবা টাকাকে কিছু আছে কিনা, আর
যদি আমার মত গড়ের মাঠ হয় খসে পড়।

নির্মল অনেকক্ষণ কি চিন্তা করিল, তারপরে সে কোঠের অভ্যন্তরস্থ

পকেটে হাত দিয়া একখানি রুমাল বাহির করিল এবং তাহার এক কোনে তিনটা টাকা ও একটি সিকি বাঁধ ছিল, তাহা হইতে একটি টাকা তুলিয়া পঞ্চর হাতে যেমন দিতে গেল,—পঞ্চ মূহুর্তে একবার এদিক ওদিক তাকাইয়া চিলের মত ছেঁ। দিয়া রুমাল সমেত টাকা কয়টা কাড়িয়া লইয়া ভেঁ। দৌড় দিল এবং জঙ্গলের মধ্যে ঢুকিয়া পড়িল।

নিশ্চল নিতান্ত ব্যথিত হইল। কিন্তু উঠিল না,—আর তাহার পশ্চাৎ অনুসরণও করিল না, সেখানে বসিয়া রহিল। বসিয়া বসিয়া ভাবিতে লাগিল,—হায় বাবার বুদ্ধি উদ্ধারের আর উপায় নাই। এই মাত্র তিনি যেক্রপ ভাবে কথা কহিলেন, তাহাতে মনে করিতেছিলাম, কিছুদিন যত্ন করিলে, বাহিরে বাহিরে কিছু দিন সত্বপদেশ দিলে, বুদ্ধি তিনি ফিরিতে পারেন; কিন্তু এখন বুঝিলাম, আমার সে আশা ভ্রাশা মাত্র; তাহার চিত্ত বৃত্তি একেবারেই নরকের শেবস্তরে প্রথিত হইয়া অনেক মূল বিস্তার করিয়া বসিয়াছে। একটি টাকা চাহিলেন, আমি দিতে গেলাম, আমার নিকট হইতে সব কাড়িয়া লইয়া ছুটীয়া পলাইলেন, ইহাতেই বোঝা ঝাইতেছে, সমাজে উঠিলে, গৃহে ফিরিলে, তিনি ঠিক থাকিতে পারিবেন না। তবে আমার চেষ্টা আমি করিব, অদৃষ্টে যাহা থাকে তাহাই ঘটবে। কিন্তু আবার উহার সাক্ষাৎ পাইব কোথায়? উনি লুকাইয়া চলেন, অসৎ সমাজে—কোন ঘুত্ৰদলে মিশিয়া লুকান জায়গায় বাস করেন। তারপর সে উঠিয়া সোণার কঙ্কণ গাছটি পুকের পকেটে পুরিয়া লইয়া পিতৃ হস্তবিধৃত ছোরা খানি সেই জঙ্গলের মধ্যে ফেলিয়া দিয়া পশ্চিমাভিমুখে সহরের মধ্যে চলিয়া গেল।

প্রায় আধ ঘণ্টা সময় পথ চলিয়া যেখানে উপস্থিত হইল, সে বর্তমান স্কিয়া ষ্ট্রীট; উত্তরে দিকে রাজা রামমোহন রায়ের বাড়ী।

একাদশ পরিচ্ছেদ

রাস্তায় আসিয়া নিশ্চল যখন স্থান নির্দেশে সক্ষম হইল, তখন একবার আকাশের দিকে কয়েকবার চতুর্দিকে চাহিয়া দেখিল, আকাশের রুম্ব নবমীর চন্দ্র তখন ভাগীরথীর অপর পার হইতে অস্ত্র বাইতে বসিয়াছেন, আর তত্তীরস্থ কল বাড়ী হইতে কুলি ডাকিবার আওয়াজ সকল উঠিয়া পড়িয়াছে, রাত্রির বাতাস শীতল ও পাতলা হইয়াছে, নিশ্চল মনে করিল, পুনরায় বিবাহ বাড়ী যাইতে হইলে, প্রায় দুই মাইল পথ যাইতে হইবে, কাজেই এখন ততদূর যাওয়া সম্ভবপর নহে, পাথুরিয়া ঘাটায় তাহারা বাসা, সেটা অপেক্ষাকৃত কম দূর। অতএব এখন সে শয়ন করিবে এবং প্রত্যুষে গিয়া বিবাহ বাড়ী কর্ণপ পহঁছিয়া দিবে। তখন সে পাথুরিয়া ঘাটা অভিমুখে চলিতে লাগিল, যখন বারানসী ঘাষের ষ্ট্রীট বহিয়া মানিকতলা ষ্ট্রীটের মধ্য দিয়া রাম বাগানের প্রসিদ্ধ বেণ্ণা পল্লীর সোজা পথ ধরিয়া পুনরায় মানিকতলা ষ্ট্রীটের উপর পড়িয়াছে, ঠিক সেই সময় ঘাটীর পাহারাওয়ালা আসিয়া তাহার পথ অবরোধ করিয়া দাঁড়াইল এবং জিজ্ঞাসা করিল,—“তোম্ কোন হায়?”

নির্ভয়ে নিশ্চল উত্তর করিল,—“হামতো একঠো আদমী হায়, তোমারা মালুম হোতা নেই?”

পা। তোম মাতাল হায়।

নি। বহত আচ্ছা।

পা। বাবু সাহেব খোড়া বখসিস্ দেলায়ে দেও।

নি। হামারা লেড়কাকো, যব সাদী হোগা, তব বখসিস্ মিলেগা।

পা। তোম্ চোড়া হায়।

নি। সাচ্চা বাত বোলতা হয়। তোম্ কেয়ছো জানেগা হাম্ চোটা হয়। ছোটা মুমে বড়ী বাত পুছাতাহেঁ কাঁহে পাহারাওয়াল সাহেব ? হাম্ তদর আদমী থা, তোম্ ইসমফিক বাত বোলনেকা শ্বাচ্ছেগা নেই।

পা। হাঃ, হাঃ, তোম্ আলবৎ চোটা হয়; দেখলাও তোমারা জামা কাপড়বি হাম্ দেখে গা। সাচ্চ বোলতাহেঁ, কোন বেঞ্জা বিবিকো কুছবি অলঙ্কার চুরী করনেকো তোম্ বেদম্ চল যাতে থে। নেই দেখলাও, হাম্ বি তোম্কে পাকড়সে থানায়ে লে যাস্বে।

নির্মল চিন্তিত হইল তাহার নিকট টাকা পয়সা ও কিছু নাই যে পাহারাওয়ালকে তাহা দিয়া গোল মিটায়। যদি পাহারাওয়াল তাহার কাপড় চোপড় অনুসন্ধান করিয়া দেখে, বা থানায় লইয়া যায়, তাহা হইলে তাহার পকেট হইতে একগাছি সোণারকঙ্কণ বাহির হইবে। চোর ধরিয়া কাড়িয়া লইয়া আসিয়াছি, একথা বলিলে যদি কেহ বিশ্বাস না করে, তখন কি আমি চোর হইব! সে আপাততঃ অব্যাহতি পাইবার জন্য যৌবনদৃষ্ট সজ্জত প্রকৃতি বলে পাহারা-ওয়ালার চিবুকে দৃঢ়মুষ্টিতে পুনঃ পুনঃ দুই তিনটী ঘুঁসি লাগাইল এবং প্রাণপণে রাস্তা দিয়া ছুটিল। পশ্চিম দেশীয় দৃঢ়কায় পাহারাওয়াল সে মুষ্ঠ্যাঘাত সহ করিয়া লইয়া তাহার পশ্চাৎ পশ্চাৎ ছুটিল এবং “ছোটা আদমী ভাগতা হয়, পাক্ড়ো পাক্ড়ো” বলিয়া চীৎকার করিতে লাগিল, ততরাতে রাস্তায় পথিক বা অপর লোক জন ছিলনা, কারোই তাহা বড় জুটিল না, বীডন গার্ডেনের পার্শ্বে, চিৎপুর রোডে ও আসে পাশে যে সকল পাহারাওয়াল ছিল, তাহারা সকলেই ছুটিল, কেহ পলায়মান নির্মলের সম্মুখে আসিল, কেহ পার্শ্ব হইতে আক্রমণ করিল, কেহ কেহ পশ্চাৎ পশ্চাৎ ছুটিল, তখন সে মাণিকতলার রাস্তার

শেষ সীমার উপস্থিত হইল সেই সময় এক পাহারাওয়াল তাহাকে ধরিয়া ফেলিল। নিশ্চল হাঁপাইতে হাঁপাইতে জিজ্ঞাসা করিল, “আমাকে ধর কেন?”

একজন পাহারাওয়াল তাহার গায়ের জামা, খুলিয়া ফেলিল এবং তাহার বাহির ও ভিতর পকেট অনুসন্ধান করিয়া দেখিল, বুক পকেটের ভিতর হইতে সোণার কঙ্কণ গাছটি বাহির হইয়া পড়িল, যে ধরিল সে জিজ্ঞাসা করিল, “এ কি এ কাহার কোথা হইতে চুরি করিয়া আনিলে।”

নিশ্চল কথা কহিলনা, যে পশ্চাৎ তাড়াইয়া আসিয়াছিল, সে কল তুলিয়া মারিতে যাইতেছিল, একজন বৃদ্ধ পাহারাওয়াল নিষেধ করিল, সকলে বলিয়া দিল, লইয়া থানায় বাও, মার ধোর করিওনা বিপদ আছে।

প্রহারোদ্ভূত পাহারাওয়াল সাহেব নিবৃত্ত হইল; তাহাকে ধরিয়া লইয়া গেল কুমারটুলির থানায়। পুলিশ কর্মচারীগণ তখন নিদ্রা বাইতে-ছিলেন, বাহির উপর অফিসের ভার ছিল, তিনি নিয়তনার একটা গৃহে নিদ্রা বাইতেছিলেন, ডাকা হাঁকিতে উঠিয়া বসিয়া ব্যাপার কি জানিয়া লইলেন, তারপরে কঙ্কণ গাছটী নিজের কাছে রাখিয়া নিশ্চলকে হাজত গৃহে রাখিতে অনুমতি করিলেন এবং আবার শুইয়া পড়িয়া নিদ্রিত হইলেন।

• অনুমতি মতে কার্য্য হইল, থানার দুইজন কনেষ্টবল হাজত ঘরে লইয়া গিয়া নিশ্চলকে তাহার মধ্যে পুরিয়া রাখিল এবং ডয়ারের চাকি বন্ধ করিয়া চলিয়া গেল।

নিশ্চল সেখানে তখন একা। সে বসিয়া বসিয়া ভাবিতে লাগিল, কি করিতে গিয়া কি ঘটাইলাম, মানুষ ভাবে এক, ঘটনাচক্রে ঘটিয়া যায় আর। কোথায় কনক কুমারীর কঙ্কণ উদ্ধার করিয়া তাহার

নিকট বশস্বী হইব, তাহার পিতা মাতার অন্তর্গত লাভ করিব, এই আশা বুকে বাধিয়া এই উৎসাহে উৎসাহিত হইয়া চোরের পশ্চাৎ পশ্চাৎ ছুটিয়া ছিলাম, কিন্তু ঘটিল কি সেই কঙ্কণ চুরী করা! বলিয়া ধৃত হইলাম,—চোর হইলাম, ইহার চেয়ে আমার মরণই কি মঙ্গল জনক নহে? কিন্তু মরিলেও আমার আত্মা বৃছি শান্তি লাভ করিতে পারিবেনা, লোকে বলিবে আমি পলাইতেছিলাম, রাস্তায় পুলিশের নিকট ধরা পড়িয়া জেলের ভয়ে,—কলঙ্কের ভয়ে আত্মহত্যা করিয়াছি, লোকোও ইহা ভাবিবে, আর কনক কুমারীও ইহাই ভাবিবে। আমার আত্মা যদি সে ভাবনা জানিতে পারে, তবে যেখানেই থাকুক নিদারুণ অশান্তি ভোগ করিবে, কিন্তু এখন উপায় কি : মথুর বাবু প্রাণপণে অর্থব্যয় করিয়া আমার শিক্ষা দিতেছেন, আমি বিদ্বান হইব—বড় চাকুরে হইব, তিনি দেখিয়া সুখী হইবেন, আর চিরছুঃখিনী—চির কাঙালিনী মনে শুধু আমায়ই মুখ পানে চাহিয়া পরের দাসীরূতি করিয়া আমাকে মানুষ্য করিতেছেন,—তিনি যে বড় আশা করিয়া আমাকে মানুষ্য করিতেছেন,—তিনি যে বড় আশা করিয়া আছেন আমি লেখা পড়ার শিক্ষা শেষ করিয়া বড় চাকুরে হইব, মাসে মাসে অনেক টাকা রোজগার করিব, তিনি সুখী হইবেন হা অদৃষ্ট :-—যখন তিনি শুনিবেন, আমি চুরী করিয়া জেলে গিয়াছি, তখন তিনি কি মনে করিবেন? মনে করিবেন, আমি পিতারই উপযুক্ত পুত্র পিতা বি, এ পাশ করিয়া মাতাল চোর এবং চির কারাবাসী আমিও কোথায় আর দুইমাস আগে বি, এ পরীক্ষা দিয়াছি, খবর পাইব পাশের তাহা না চুরী করিয়া জেলে চলিলাম, কোথায় মা আমাকে লইয়া সুখী হইবেন, তাহা না হইয়া মার বুকে আঁধার আগুন জ্বালিয়া দিলাম, ভগবান আমাকে একি বিপদে ফেলিলেন। চক্রধারী; তোমার এ কোন চক্র

সে শুনিতে পাইল, থানা বাড়ীর ঘড়িতে—ঠং ঠং করিয়া পাঁচটা বাজিয়া গেল, বুঝিল ভোর হইয়াছে এবং অচিরে রাষ্ট্রায় গম্যমান জন—কোলাহল তাহার কর্ণে ধ্বনিত হইল, ইহার আর ও দুই তিন ঘণ্টার পরে একতাড়া চাবী লইয়া একজন কনষ্টবল হাজত ঘরের দরোজা খুলিয়া ফেলিল এবং নিম্নলিখিত লইয়া থানার অফিস গৃহে চলিয়া গেল।

অফিসের উন্নতন কর্মচারী ইনসপেক্টার বাবু অফিস ঘরে আসিয়া উপবেশন করিয়াছেন এবং তাঁহার রাইটার প্রভৃতি সকলেই উপস্থিত হইয়াছে, কনষ্টবল নিম্নলিখিত আনিয়া তাহার সম্মুখে দাঁড় করাইল। ইনসপেক্টার বাবু একবার তাহার পাঁ হইতে মস্তক পর্য্যন্ত চাহিয়া জিজ্ঞাসা করিলেন,—তোমার নাম কি ?”

নি। নিম্নলিখিত চন্দ্র দত্ত।

ই। বাড়ী কোথায় ? এই কলিকাতায় কি ; না বাহিরে ?

নি। বাড়ী মফস্বলে, কলিকাতায় থাকি।

ই। কি কর ? বেশ্যা বাড়ী যাওয়া এবং চুরী করা ইত্যাদি এখানকার কাজ, না অপর কোন বৃত্তি আছে ? যদি টুকু আসটুকু ত চলেই বুঝতে পারছি, কোকেন ও খুব চালাও কেমন ?

নি। যখন চুরী করিয়া ধরা পড়িয়াছি, তখন যাত্রা বলিবেন নমস্ত সহ করিব বৈকি ?

• ই। কোন হতভাগিনী বেশ্যার দফা সারিয়া পলাইতেছিলে ‘গাইডিয়া’ ?

• নি। না, না, কোন বেশ্যার ইচ্ছা নহে। পবিত্র বংশোদ্ভব ভদ্র কন্যার হাতের কঙ্কণ।

ই। মিছে কথা, ডায়েরীতে দেখিতেছি পাহারাওয়াল। তোমাকে রূপোগাছির বেশ্যা পল্লী হইতে পলাইয়া যাইতে দেখিয়া সন্দেহ করে

এবং চীৎকার করিয়া অপরাপর পাহারাওয়ালার ক্রিকে ডাকিয়া তোমাকে ধরিয়েছে। বল কাহার ?

নি। ঘটনা চক্রে ঐ পথ দিয়া বাহির হইয়াছিলাম বটে।

ই। যাহা জিজ্ঞাসা করিয়া ছিলাম তাহার উত্তর দেও নাট ; কলিকাতায় কি কাজ কর ?

নি। রিপন কলেজে বি এ পড়ি।

ই। তা হইতে পারে। পিতা মাতা বা আত্মীয় স্বজনে মুখের গ্রাস বিক্রয় করিয়া ছেলেদের উন্নতির জন্যে—নিজেদের ভবিষ্যৎ মুখের জন্ত, কোলকাতায় রাখিয়া লেখা পড়া শিখাইবার চেষ্টা করে, তাহারা এখানে সঙ্গ দোষে আর বারবিলাসিনীর মোহ চক্রে পতিত হইয়া অধঃপাতের শেষ সীমায় চলিয়া যায়। মাতাল, চোর, অবশেষে জেলের কয়েদী হইয়া ঘণ্য পশুর ন্যায় হইয়া পড়ে। প্রায় এইরূপ ঘটনা থাকে দেখিতেছি, তবে যাহারা আপনার বা কোন বিশেষ আত্মীয়ের কাছে থাকিয়া লেখা পড়া শেখে, তাহারাই চরিত্র রক্ষা করিতে পারে। তুমি এখন বল কঙ্কণ কাহার, এবং কি প্রকারে কোথা হইতে চুরী করিয়াছ।

নি। এ কঙ্কণ বাগবাজারের পূর্ণচন্দ্র মিত্রের কন্যার হাতের।

ই। কোন পূর্ণ মিত্র ?

নি। যিনি আলিপুরের ডেপুটী ম্যাজিষ্ট্রেট।

ই। ওঃ,—তা তার কন্যার হাত হইতে তুমি লইলে কি প্রকারে ?

নি। আমি তাঁর ছেলেকে পড়াই।

ই। বাহবা বড় ভদ্র বালক তুমি ;—বড় সুশীল বালকটির মত মূর মূর করিয়া বলিয়া ফেলিলে। কাল বুঝি সন্ধ্যার সময় পড়াইতে

গিয়া কঙ্কণ গাছটি বাগাইয়াছ, তারপরে সেখান হইতে একদম কপোগাছি আসিয়া অবস্থান করতঃ বাসায় গাইতেছিলে, কাল বিক্রম করিয়া কিছু বা বেশ্যা ধনীকে দিতে, কিছু বা কয়েক দিনের মন্ত কোকেন প্রভৃতি ক্রয় হইত, কাজটা বুঝি এই প্রথম আরম্ভ করিয়াছ কেমন? আজি ও পাকা হও নাই কিনা, তাই ধরা পড়িয়া গিয়াছ।

নি। না বাড়ী হইতে চুরী করি নাই। শ্যামবাজারে এক আত্মীয়ের বাড়ীতে তাহার স্ত্রী কন্যা পুত্র ও আমি একসঙ্গে বিবাহের নিমন্ত্রণে গিয়াছিলাম।

ই। সেখানে গিয়া কি তোমার হাতে রাখিতে দিয়াছে না তুমি চুরী করিয়া পালাইতেছিলে।

নিম্মল একটু ইতস্ততঃ করিল তারপরে বলিল,—“না রাখিতে দেন নাই, আমি চুরী করিয়া লইয়াই পালাইতেছিলাম।”

ইন্সপেক্টার নিম্মলের কথার ভাব ভঙ্গিতে বুঝিতে পারিলেন, এই বুক নিতান্ত যে অপরাধী তাহা বোধ হয় না, বোধ হইতেছে এই চুরীর অন্যে কোন রহস্য আছে, বিশেষতঃ বড় লোকের বাড়ী চুরী, চোরটিও ছোট লোক নহে, একটি বড় কলেজের বি এ ক্লাসের ছাত্র। সুতরাং তদন্তের ভার তিনি নিজহস্তেই গ্রহণ করিলেন এবং তখনই সম্মুখিত পোষাক পরিধান করিয়া,—নিম্মল, সোনার কঙ্কণ ও একজন কনষ্টবল সঙ্গে লইয়া গাড়ীতে চাপিয়া শ্যাম বাজার অভিমুখে চলিয়া গেলেন।

দ্বাদশ পরিচ্ছেদ

চোর বলিয়া ধৃত হইয়া অপহৃত দ্রব্যের সহিত নির্মল পুলিশের সঙ্গে গাড়ীতে বসিয়া যখন শ্যামবাজার অভিমুখে বাইতেছিল, তখন তাহার মনে হইতেছিল—আমি মরি না কেন, আমি চোর,—দস্যু তস্কর,—আমার সব গেল। যখন পুলিশের সহিত এই ছুরপনের কলঙ্কের ডালি মাথায় লইয়া শ্যামবাজারে শশধর বাবুদের বাড়ী গাড়ী হইতে অবতরণ করিব, তখন কেমন করিয়া দাঁড়াইব, আমি ভদ্র সম্ভান—রিপণ কলেজের বি, এ ক্লাসের ছাত্র, আমি একজন বিশিষ্ট সম্ভ্রান্ত লোকের গৃহ শিক্ষক, আমার এই বৃত্তি।

যাত্রার হাতের কঙ্কণ সে যে আমার হৃদয়ের আরাধ্যা দেবী। সে যখন শুনিবে, আমি তাহার হাতের কঙ্কণ চুরী করিয়া পলাইতেছিলাম, পাথে পুলিশ কর্তৃক ধৃত হইয়া জেলে বাইতে বসিয়াছি,—তখন সে কি মনে করিবে। পূর্ণবাবু শুনিয়া কি বলিবেন। পূর্ণ বাবুর কী মায়ের অধিক স্নেহ করেন, তিনিই বা শুনিয়া কি মনে করিবেন। যদি আমি বলি, যে একটা চোরে ইহা কাড়িয়া লইয়া পলাইতেছিল, তাহার নিকট আনিবার সময় পুলিশ কর্তৃক ধৃত হইয়াছি। সে কথাও কেহই বিশ্বাস করিবেনা। আসিব শ্যামবাজারে ধর্ম পাইলাম মাণিকতলা ষ্ট্রট বেগুন পল্লী রূপো গাছির মোড়ে। যদিও আমার উতাই সত্যকথা, কিন্তু সে সত্য ঘটনা ক্রমে মিথ্যা হইয়া বাইবে। যখন অপহৃত দ্রব্য আমার নিকট পাইয়াছে এবং পুলিশ কর্তৃক ধৃত না হইয়া এই সোণার কঙ্কণ পছছাইয়া দিতে পারি নাই, এ

চৌরাপবাদে কারাদণ্ড আমার নিশ্চয়। আর শশী বাবু যখনই এ কথা শুনিতে পাইবেন, তখনই দেশে তাহার পিতার নিকট টেলীগ্রামে করিয়া জানাইবেন; বৃদ্ধ মথুর বাবুর সহিত তাহার দশ বৎসরের বিবাদ, তিনি নানা অলঙ্কারে সাজাইয়া এ সংবাদ প্রাপ্তি মাত্রই মথুর বাবুর কাণে তুলিবেন এবং গ্রামের মধ্যে প্রচার করিয়া দিবেন। হয়, বৃদ্ধ যে অনেক আশা করিয়া আমাদের লেখা পড়া শিখাইতেছেন, আমি উকিল হইয়া জেলায় বসিলে, নিৰ্ব্বিরোধে ও নিথরচার তাহার মামল মোকদ্দমা চলিবে, আর এই সংবাদ শুনিয়া তাহার সমস্ত আশা-ভরসা বস্তার জলে উপল খণ্ডের মত ভাঙ্গিয়া যাইবে এবং সেই রাগে সেই দুর্ভাগ্যী বৃদ্ধ আমার চিরদুঃখিনী ও ভাগিনী মাকে কত কঠোর কত দুর্ভাগ্যই না বলিবেন।

আর আমার মা:—এইবার তাহার সর্ব্বাঙ্গ অবশ হইয়া পড়িল হৃদপিণ্ড যেন উল্টাইয়া পড়িল, কপাল দিয়া গল গল করিয়া ধাক্কা মরিয়া পড়িল, সে গাড়ীর তক্তার মাথাটা ঠেস দিয়া বাধিল এবং গাড়ী যেমন চলিতেছিল তেমনই চলিতে লাগিল।

ঈহার কয়েক মিনিট পরেই গাড়ী গিয়া শ্যামবাজারে শশধর বাবুর বাড়ী পহুঁছিল।

শশধর বাবু আশিপুর ফৌজদারী কোর্টের খ্যাতনামা উকীল হেডপোর্ট ম্যাজিষ্ট্রেট পূর্ণ বাবুর সহিত বিশেষ কোন সম্বন্ধ না থাকিলেও বন্ধুত্ব ছিল এবং কন্যার বিবাহে ঈহার স্ত্রী কন্যা প্রভৃতিকে অতি সন্মানদরে বাড়ী আনিয়াছিলেন।

যখন চোর ও অপহৃত কঙ্কণ লইয়া পুলিশের ইনস্পেক্টার বাবু সেখানে উপস্থিত হইলেন, তখন মহাসমারোহে বয় কন্যা বিদায় হইতেছিল, চোর দেখিয়া, বিস্মিত হইয়া শশধর বাবু ইনস্পেক্টার বাবু

কে বলিলেন,—“আপনি বৈঠকখানায় একটু অপেক্ষা করুন, আমি বিদায়ী কার্যটা সারিয়া আসিতেছি।”

তাহাই হইল।

অল্পক্ষণ পরেই শশধর বাবু বৈঠকখানায় ফিরিয়া আসিলেন এবং অত্যন্ত বিমর্ষ ও নতবদন নিশ্চলের দিকে পুনঃ পুনঃ দৃষ্টি নিষ্ক্ষেপ করিয়া ইন্সপেক্টার বাবুকে জিজ্ঞাসা করিলেন,—“এই চোর নাকি?”

ই। হাঁ উহারই নিকট একগাছি সোণার কঙ্কণ পাওয়া গিয়াছে, আপনি কি উহাকে চিনেন?

শ। বিশেষ পরিচয় জানি না, তবে এই মাত্র জানি, আমাদের স্বজাতি, বিপন কলেজে বি, এ ক্লাসে পড়ে এবং পূর্ণ বাবুর ছেলে অমিয়াকে প্রাইভেট পড়ায়।

ই। উহার চরিত্র কেমন তাহা বোধ হয় জানেন না?

শ। না, বিশেষ কিছুই জানি না। তবে পূর্ণ বাবুর বাড়ীতে যাতায়াতে এত পর্য্যন্ত জানি যে যুবকটি খুব বিনয়ী!

ই। পূর্ণ বাবুর কন্যার হাতের সোণার কঙ্কণ চুরী গিয়াছে, একথা আপনি শুনিয়াছেন?

শ। হ্যাঁ, শুনিয়াছি বৈকি; অনেক অনুসন্ধান ও করাইয়াছিলাম।

ই। কোন সূত্র পাওয়াছিল?

শ। বিশেষ কিছু না, কেবল এই নিশ্চলের অনুসন্ধান পাওয়া গিয়াছিল না।

ই। এ আপনার বাড়ীতে কখনও আসিয়াছিল?

শ। পূর্ণ বাবুর স্ত্রী ও কন্যাকে লইয়া কাল বৈকালে আসিয়াছিল।

ই। কঙ্কণ চুরী গিয়াছিল কখন।

শ। রাত্রি তখন দশটা হইবে। যখন স্ত্রী আচার ভইতে ছিল, সেই সময় পূর্ণ বাবুর কণ্ঠা সেখানে উপস্থিত ছিলেন, তাহার ভ্রম হইতে ছিনাইয়া লইয়া পলায়ন করিয়াছিল।

ইন্সপেক্টার বাবু একটু ইতস্তত করিলেন, কি চিন্তা করিলেন, —তারপরে আবার জিজ্ঞাসা করিলেন,—“এই যুবক সেখানে কি করিতে গিয়াছিল?”

শ। পূর্ণ বাবুর বিশ্বাসী লোক বলিয়া আমি বাড়ীর মধ্যে ঘাইতে দিয়াছিলাম এবং রন্ধন ঘরের ঐ দিক হইতে দ্রব্যাদি আনিয়া বরযাত্রীগণকে পরিবেশন করিতেছিল।

ই। পূর্ণ বাবুর কণ্ঠা এখানে আছেন?

শ। না, এই দুর্ঘটনা ঘটায় কালট রাত্রে তাহার বাড়ী চলিয়া গিয়াছেন।

ই। এই যুবক উপস্থিত হয় নাই, খুব সম্ভব এই লইয়া পলাইয়াছিল একথার আন্দোলন, আলোচনা আপনার বাড়ীতে হইয়াছিল?

শ। খুব, সকলেই বলিয়াছিল, এই যুবকই লইয়া গিয়াছে।

ই। পূর্ণ বাবুর স্ত্রী কি বলিলেন?

শ। তিনি বিশ্বাস করেন নাই, অধিকন্তু তিনি বলিলেন, কণ্ঠকে তাহার কঙ্কণ চুরী যাওয়ায় নিশ্চয় চোরের পশ্চাৎ পশ্চাৎ ছুটিয়াছে এবং রাস্তায় নিশ্চয়ই তাহার বিপদ ঘটয়াছে, তাই সে কবে নাই। আপনারা অনুসন্ধান করুন, হয় তাহার জীবন গিয়াছে, নয় অতীত হইয়া রাস্তায় বা কোন জঙ্গলে পড়িয়া আছে।

ই। আপনারা অনুসন্ধান করাইয়া ছিলেন?

শ। হাঁ, কিছু দূর লোক পাঠাইয়াছিলাম, কিন্তু তখন বিবাত

আপারে বাস্তব থাকায়,—বিশেষ কোন অনুসন্ধান করাইতে পারি
নাই।

ই। এ বাড়ীর আর কাহার ও অনুপস্থিত থাকার বিষয়ে অবগত
আছেন কি ?

শ। চেনা পরিচয় বা জানা শোনা লোকের মধ্যে কাহাকেও
বড় অনুপস্থিত হইতে দেখা যায় নাই, তবে আপনি নিজেই বুঝিতে
পারিতেছেন, বর কত্যা উভয় পক্ষীয় বহুজন আসিতেছে, যাঠিতেছে, কে
কাহাকে চেনে, কে কাহার পরিচয় রাখে।

ই। পূর্ণ বাবুর কন্যার বয়স কত ?

শ। চৌদ্দ পনের হবে।

ই। বিবাহিতা ?

শ। না, বিবাহ হয় নাই।

ই। তাহাকে আপনি জিজ্ঞাসা করিয় ছিলেন, কি প্রকারের
লাক তাহার হাত হইতে কঙ্কণ কাড়িয়া লইয়াছিল ?

শ। হাঁ, জিজ্ঞাসা করিয় ছিলাম, তিনি বলিলেন, আমি মোটেই
দেখিতে পাই নাই, বড় অশ্রমনস্ক ছিলাম—বর হইতে জিনিস 'লইয়া
চুটীয়া স্বী আচারের দিকে দাঁড়িতে ছিলাম, তত অশ্রমনস্ক না থাকিলে,
চার আমার সহজে কঙ্কণ লইতে পারিত না।

ই। নিশ্চয় চুরী করিয়া পলাইয়াছে,—এ সম্বন্ধে তাঁহার কি
বৃত্ত ?

শ। সে কথা আমি জিজ্ঞাসা করি নাই, আজ জানিলাম আমার
সঙ্গে জিজ্ঞাসা করিয়াছিল, তাতে উত্তর করিয়াছিলেন, আমি আমার
জিনিস চুরী করিতে পারি, তবু তিনি আমার জিনিস চুরী করিবেন
না ;—চুরী করিতে তিনি জানেন এ বিশ্বাস ও আমার নাই।

ইন্সপেক্টার বাবু চিন্তা করিলেন, তারপরে বলিলেন,—“তবেইত !”

আর ও কয়েক মুহূর্ত চিন্তা করিয়া বলিলেন,—“আগি হবে পূর্ণ বাবুর বাড়ী যাই, বর্তমানে এখানে অনুসন্ধানের অণু-সদ কিছুই নাই।”

শ। নিশ্চল কি বলে ?

ই। ও বলে চুরী করিয়া পলাইতেছিলাম, পথে ধৃত হইয়াছি।

শশধর বাবু চিন্তা করিলেন, তারপরে বলিলেন,—“এমন সরল স্বীকারোক্তি চোরের মুখে অসম্ভব বোধ হইতেছে, ইঁতার মধ্যে কোন রহস্য আছে।”

তখন দৃষ্টির নিষেধ স্বচক ইঙ্গিত করিয়াই ইন্সপেক্টার বলিলেন,—
“কিছুনা। ও সব বজ্জাৎ গুল্লা, পাড়া গা হইতে আসিয়া অসং সঙ্গ
বেশালয় প্রভৃতিতে যায়, শিক্ষার গুণে বিনয়ী ও ভদ্র স্বভাব থাকিলেও
বেশ্য পালনে অশক্ত হইয়া অবকাশ পাইলেই চুরী প্রভৃতি করে এত
তাহাই করিয়াছে।”

শ। চলুন আগিও আপনাদের সঙ্গে পূর্ণ বাবুর বাড়ী যাই।

তখন সকলে গাড়ীতে উঠিয়া পূর্ণ বাবুর বাড়ী অভিমুখে চলিয়া
গেলেন।

ত্রয়োদশ পরিচ্ছেদ

দিবা দ্বিপ্রহর ! মধ্যাহ্নের মার্ভণ্ডদেব খর কর দানে পৃথিবী তপ্ত করিয়া তুলিয়াছিলেন। জনসম্ব পরিপূর্ণ কলিকাতার রাস্তাগুলি তখন ধূলি উঠাইয়া পথিকগণকে বড়ই ব্যস্ত করিয়া তুলিতেছিল, তখন রাস্তায় ধারের কলের জল ভিত্তিতে ছিটাইয়া সেই বিপুল ধূলি রাশি নিবারণ করিবার ব্যর্থ চেষ্টা করিতেছিল। নিমতলার ঘাট হইতে বাগবাজারের অন্তর্গত ঘাট পর্য্যন্ত, এখন যেমন ঘন ঘন বাঁধান ঘাটে পূর্ণ হইয়াছে, তখন তেমন ছিলনা। নিমতলার ঘাট, রথতলার ঘাট, রাজা নবকৃষ্ণের ঘাট, আর কাশী মিত্রের ঘাট এই চারিটি ঘাট মাত্র ছিল। কিন্তু তখন যেরূপ ভাবে বাঁধান ছিল এখন তাহার পরিবর্তন হইয়া গিয়াছে, কেবল অন্তর্গত ঘাটটি তখনও যেমন ছিল এখনও তেমনই আছে, বিশেষত্বের মধ্যে এই যে তখন কাণ্ড প্রকাণ্ড ও বহু শাখা সমায়ুক্ত একটি বকুল বৃক্ষ এই বাঁধান ঘাটের উপরেই ছায়াদান করিত। বৃক্ষশাখায় বসিয়া অনেক বকম পক্ষী অনেক বকম সুর বিস্তার করিয়া স্নানাহী জনগণের চিত্ত বিনোদন করিত।

দিবা দ্বিপ্রহরে সমস্ত ঘাট প্রায় জন শূন্য ; ক্কাচিৎ ছই একজন পুরুষ গাড়ীর গাড়োয়ান, ঘোড় গাড়ীর কোচম্যান বা মুদী ময়র আসিয়া ঘাটে স্নান করিয়া চলিয়া যাইতেছিল।

এই সময় পঞ্চু মাতাল ও হেমন্ত আসিয়া অন্তর্গত বাঁধান ঘাটের বকুল তলার দাঁড়াইল। পঞ্চুর হাতে সরাপ পূর্ণ একটা কাল বোতল আর একখানা মেটে খুলী, হেমন্তর হাতে একটা শালপাতের ঠোঙ্গার পয়সা তিনেকের মুড়ী, একটু লবণ ও দুইটি লক্ষা। পঞ্চু বলিল,—

“বাবা হেমচাঁদ : তুমি এখানে দাঁড়িয়ে থাক, আমি ‘মাতর্গঙ্গে’ স্মরণনিম্ন মুনিকণ্ঠের বক্ষস্থলে একটু চরণ চাপাইয়া, একটা ডুব দিয়া আসি।”

হে। কেন ইয়ার পক্ষু পন ; হঠাৎ এ মতিচ্ছন্ন কেন ?—গঙ্গা স্নানে হরিভক্তি ?

প। তার কাছে—সেই যবকের কাছে সত্যিকারে টাকা নিয়েছি যে, একটা টাকা দে বাপ,—কাল গঙ্গা স্নান করে একটু মদ খেয়ে বাঁচিব।

হে। একি বাবা ; সত্য পালনে এত দৃঢ়তা কেন ? একেবারে যে কোয়ার্টিট চেঞ্জ ; সত্যপিরির বেটা ছঃশাসন মুনি। আচ্ছা বাবা, অত সত্যবাদী ; এদিকে টাকা দেখছি গোটা চার পাঁচ, বোলছ একটা দিয়েছে—মদও আনলে আট আনার, একি এই অধম পরীবকে ফাঁকি দেবার চেষ্টা নয় বাপ !

প। কেন দাদা ; আমিত সব খুলে বলেছি। সে এক টাকা স্ব ইচ্ছায় আমাকে দিচ্ছিল,—আমি থাবা দিয়ে সেই অবকাশে তার মূল শুদ্ধ কেড়ে নিয়ে যথাশাস্ত্র জঙ্গলে মাথা গুঁজি ; শালার বেটার মাথা কি যে আমাকে আর খুঁজে পার।

হে। বেশত ;—‘মারি অরি পারি যে প্রকারে’—আর ভাবনা কি, এখন কয়দিন মদ চালাও—হরদম চালাও ; বুঝলে ইয়ার। আট আনার মদ—জমা খরচ করি নেহাৎ আট বোতল মদ মিলবে, মুড়ী ও এক এক বোতলের সঙ্গে তিন পয়সা করে কিনা যাবে। জয়েন্টষ্টক কোম্পানী কর, দুজনে ভাগে কাজ চালাই ; আবার এর মদো চেষ্টা করা যাক, আবার ক্যাপিটেল যুটুক,—আমাদের মদ খায় কে, রাজার বেটা কাণ্ডালে ধোপার মত ঠাংয়ের উপর ঠাং দিয়ে থাই। সুপের

ওর নাহঁরে ইয়ার,—সুখের ওর নাহঁ। তুই যা একটা ডুব মেয়ে আয়,
আমি প্রাণ খুলে একটা গান গাই।

পঞ্চ বোতল হাতে করিয়াই স্নান করিলে ঘাটে নামিল ; মনে ভয়
ভাঙার অন্তপস্থিতিতে হেঁমা খুড়ে পাছে পূর্ণ বোতল শূন্য করিয়া ফেলে।

হেম ও বকুলের ছায়া তলে বসিয়া সুরা-জড়িত কণ্ঠে গাহিতে লাগিল,—

ও না জরু কন্তে ; মন্দদেবীর সপত্নী গঙ্গা

তোমার খিচরুণী সকল গায়, স্নানে পাপী উদ্ধার হয়,

পানে কেন নেশা ন্য হয়, জল যখন আছে কিছু রাঙ্গা।

তা হোলে খরচ হ'ত না কানা কড়ি, যেতে হ'ত না আমার বাড়ী

অঞ্জলি করিয়া পানে, দেল হ'ত চাঙ্গা

এমন সময় পঞ্চ মাতাল স্নান করিয়া অসিয়া কিঞ্চিং বিরক্তি স্বরে
বলিল,—“শালা বেয়াদব মাতাল ; ও সব অশ্লীল কথা মা গঙ্গার কাছে
বসে যে বলিস্,—তোর কি একেবারেই কাড় কাঁকুড় জ্ঞান নেইরে
শালা ; তুই না বামুনের ছেলে ?”

হে। বাবা আট আনার মদ হাতে করে একেবারে যেন রাজা
নবকেষ্টরও উপরে মেজাজ। যখন তোমার ভাষায়া বংশ, গঙ্গার বুকের
উপর এসে দাঁড়িয়ে স্তব পড়েন,—‘তুঙ্গস্তুনাফালিতং।’ সেটা কি
বাবা অশ্লীল হয় না ; চাড়ুয়ে মণ্ডশায় যখন পাশাপাশি প্রতাপ আর
শৈবলিনীকে চাঁদের কিরণে জলে ভাসান, তা অশ্লীল হয় না, মহা-
ভারতের বাস ঠাকুরের জন্ম বিবরণ অশ্লীল হয় না, বৃন্দাবনের কেষ্ট
ঠাকুরের কথা অশ্লীল হয় না ; আর ধরা পল শালা হেমন্ত মাতাল ;
আর গাচ্চিনা।

যাক্ ক্ষমা দাও বৎস হনুমান ;

মানিলাম পরাভব

গুরু মোর তুমি ।
অনাবধি যা শিখাবে,
করিব প্রচার তাই এ ভব মণ্ডলে ।
বিরচিব মধুচক্র গৌড় জন ঝঞ্জে,
অবিরাম মদ্য পান করিবারে পারে ।

প। তুই বড্ড মাতাল ব্যাটা, না খেয়ে মাতাল ।

হে। না খেয়ে কি রকম দাদাঠাকুর ? সেই বার বছর বরস থেকে মদ ধোরেছি, আর বিয়াল্লিশ পেরোর ; এর মধ্যে গড়পড়তার বছর পানেক জেল খেটেছি, সেই বা বাদ গিয়েছে । নইলে বার মাসে তের পার্কিং করে আসছি,—না খেয়ে মাতাল শালা ইয়ার । তমাস বাপা পরা মাংস খেলে যদি শরীরটা মোটা হয়, তবে এই দীর্ঘকাল মদ খেয়েও কি মাতলামি টুক স্বভাব সিদ্ধ হয় নারে প্রাণাধিক ।

প। কৈ আমার ত এমন হয় না গোপাল ; কখনও কি আমার মেজাজের বেকতার দেখেছিস্ ?

হে। দেখলেও এখন কোন শালা বলেরে ; তোর হাতে এখন আট আনার সরাপ,—গাঁটে তিনটা চারিটা টাকা—তোরে বলে কি পৈতৃক ধনে বঞ্চিত হব মানিক ! বস বাবা, বসে পড় ; আর নদীন মেঘের পানে চেয়ে কার্তিক ঠাকুরের,—সেই যে কি শালার পক্ষীটির নাম কি ভুলে যাচ্চিগো—ঐ যে বার পিঠে গৌড় আছে ; যে গৌড়ের উপর কার্তিক থাকে,—যাক্ শালা ; ধরে নাও তার নাম গড়ুড় পক্ষী । গড়ুড় পক্ষীর মত পেরুম ধরে বসে থাকতে পারিনা । ঢাল বাবা ; খুলীতে একটু মদ ঢাল, খেয়ে প্রাণ ঠাণ্ডা হ'ক ।

তখন উভয়ে বসিয়া বোতল হইতে সরাপ ঢালিয়া মৃন্ময় মাত্রে পান করিতে লাগিল । দুই তিন পাত্র সুরা উদরস্থ হইলেই বাহ্যিক

বিষক্রিয়া মস্তকে উঠিয়া পড়িল। রক্ত-আঁধি বিঘূর্ণিত করিয়া হেমন্ত বলিল,—কি বাবা পঞ্চ-মাণিক ;—আজ অমন নীরব কেন ভাই ? আনতে যাব প্রাণ কানাই ; খুজব মথুরার ঘরে ঘরে এনে দেব তারে ধরে মানবনা রাজার দোহাই।’ বলত ; কি ছুঃখে ছুঃখিত প্যারি ? বলে ফেল দাদা ;—তোমার এমন যে গড়ের মাঠের মত সাদা প্রাণ, ছুঃখাস না টানতে আগেই বোস পাড়ার নরদামার জলের মত গল গলিয়ে কথার সঙ্গে নানাবিধ আচারউপচার ভাসতে থাকে, আজ ত বন্ধ কেন ?”

প। সত্যি কথা বলি শোন হেমা খুড়ো : আমার মনটা আজ ভাল নাট। এই যে তিনগ্লাস চারগ্লাস টানলাম, এতে আমার আনন্দ মাত্রও দেয় নাট, স্ফূর্তি বিন্দুও আসে নাট। মনে হ’চ্ছে কেবল জঙ্গলের ছিদ্র পথ দিয়া চাদের আলো আসিয়া সেই যে যুবকের ম্লানোজ্জ্বল চক্ষুর দৃষ্টি আমার মুখের উপর পড়িয়াছিল, সে দৃষ্টিতে যে কত মোহ-মদিরা—কত স্নেহ-ভক্তি—কত আকুল-আকর্ষণ, বুঝি পৃথিবীতে তেমন আর নাট।

বলিতে বলিতে যেন পঞ্চ দ্রবীভূত হইয়া যাইতে লাগিল ; বড় উদাস—বড় অনামনস্ক—বড় কেমন কি হইতে লাগিল। হেমন্ত সেই ফাঁকে পঞ্চুর সন্নিকট হইতে মাটির খুলী থানা টানিয়া লইয়া বোতল হইতে এক খুলী মদ ঢালিয়া পান করিতে লাগিল, আর পঞ্চুর মুখের দিকে চাহিয়া বলিল,—“চালাও, চালাও বাবা : আমি শুনছি সব।”

প। ওরে শালা পেটা মাতাল, আমি কি বুঝিছি না যে তুই ভাবছিষ্ শালা অনামনস্ক হ’য়েছে—আমি এই ফাঁকে বোতল কাবার করে দেই। হাজার হ’ক, সেটাত মদা ছেলে, মাগী নয় যে ম্তার পিরীতে পোড়ে গিয়েছি। তবে খাবি এক খুলী বেশী, থেয়েনে।

হে। পিরীত কি মেয়ে মদা বেচে হয়রে, অবোধপঞ্চ ; ঐ যে বোষ্টম শাস্ত্রে আছে,—‘পিরীতে মজেছে মন, পাশ্চা ভাতে চড়ক গাছ।’

ও মেয়ে মদ্য বাচেনা বাবা আর এমনও কি হতে পারেনা যে
 জঙ্গলের কোন পেত্নী মানুষের রূপ ধরে তোর ঘাড়ে চেপে
 ধরেছিল ; নইলে আমরা মাতাল—আমরা চোর—আমরা সমাজের শত্রু,
 —বিছানার যেমন ছারপোকা, সমাজেরও আমরা তাই। লোকের
 এমন কিছু করিও না, আবার ভাল করে ঘুমুতেও দিই না।
 মানুষেও আমাদের দেখলে নখে টিপে ছারপোকারই মত মারিয়া
 ফেলিবার 'চেষ্টা' করে। নিশ্চয়ই কোন গেছো পেত্নী মানুষের রূপ
 ধারে তোমার ঘাড়ে চাপতে এসেছিল ; ভুলে যাও,—চালাও মাল।
 তেমন্ত একখুলী মদ ঢালিয়া পঞ্জুর হাতে দিল, পঞ্চু যেন অন্যমনস্ক
 ভাবেই পান করিল এবং শূন্য পাত্র তেমন্তের হাতে ফিরাইয়া দিল,
 তেমন্তকুমার খুলী পূর্ণ করিয়া ঢালিয়া লইয়া পান করিল, তারপর
 মুড়ীর ঠোঙ্গা ছিঁড়িয়া মুড়ী গুলি দুই ভাগে বিভক্ত করিল, একটু
 একটু লবণ দিল এবং দুই ভাগে দুইটি লক্ষা দিয়া বলিল,—“খাও
 মাণিক;—‘কেঁদ না তাহার তরে, বাহার শমন ; জীবন প্রভাতে আহা
 করেছে হরণ’ ।

পা। কি বলিলি শালা ! সে যেন কখনও মরে না —

হে। একটু থাম ত বাবা, আমার বক্তৃত্তাটা আগে করে
 নিতে দাও ; ফাঁক বয়ে যায়, একটা টাকা তোর হাতে দিয়েছে
 বলে কি সে চিরামরত্ন লাভ করতে পারলে ; আহা—হা মাতালে
 দয়াই ওই রকম।

•প। না রে ; আমি মনের কথা বলছি—সত্য কথা বলছি সে সরল—
 সে সুন্দর,—সে নিষ্পাপ মুখ দেখলে তুইও এ পাপ পথ ছাড়িতে ইচ্ছা করবি।

হে। এই রে ; নিশ্চয়ই তোরে শঙ্খপেতনিতে পেয়ে বসেছে।
 ইয়ারে ; সেটা মাগী না মিন্‌সে ভাল করে দেখেছিস্ ত ?

মুড়ী চর্ষণ করিতে করিতে পক্ষ বলিল,—“আমি তোঁর মত কাণা মাতাল নই।”

হে। ছিলিনা বটে, কিন্তু কাল পিরীতের ঘোরে পড়ে হয়ে গিয়েছি। কাণা কয় রকম আছে জানিস্? দিন কাণা, রাত কাণা এক চোখ কাণা; বিষয় কাণা, পক্ষ কাণা, পিরীত কাণা।

প। ওরে; ও দুর্গাম টা আমায় দিস্ না। এই আস্ত জীবনটা সমগ্র বাঙ্গলা দেশে ঘুরিয়ে নিয়ে বেড়ালাম, মদ খেয়ে কোলকাতায় অলি গলিতে ঘুরলাম, চুরী করা উদ্দেশ্য ব্যতীত কখনও কোন শ্রীমতীদের কুঞ্জে পদার্পণ করিতে দেখেছি, না শুনেছি?

হে। তবে আজ যে মরেছি।

প। তুমি মরেছি না তুই মরেছি। রে শাল :—বারে বারে বলছি সে এক যুবক, মিন্‌সে মানুষ। তার দর্য দেখে—তার পুণ্য প্রভাব দেখে—তার সরলতা মাথা কথা শুনে—বোধ হ'ল এই সংসার কঙ্কর-কণ্টকিত মানব জীবনে তাহার মত সূখী কেহ নাই। আমিও মানুষ—আজ না হয় প্রেতজীবনের নরকনিবাসে ঘুরিয়া ফিরিতেছি। কিন্তু এক দিন ছিল,—যখন আমিও ঐরূপ বয়সে শিক্ষার উচ্চপুরে বিচরণ করিতাম। আমারও সব ছিল—হারাইয়া ফেলিয়াছি—সব গিয়াছে, আছে কি? অনন্ত বাতনা,—ধূ ধূ অগ্নিশিখা—লহ লহ জলিতেছে, অর্ধনিশি কেবল জ্বলা। ঐ সুরাবিষ যখন পান করিতেছি, তখনও জলিতেছি, যখন পান না করিতেছি তখনও জলিতেছি। গৃহ নাই—আশ্রয় নাই—আত্মীয় নাই,—স্বজন নাই—জগতে বুঝি আমার বন্দিতে কিছু নাই—ছিল,—সব ছিল, হারাইয়া ফেলিয়াছি। কার জন্য হারাইয়াছি জানিস্ হেমা খুড়ো?—ঐ মদের জন্য। যাহারা উহা পান করিতে নিবেদন করিয়াছে, তাহাদিগকে পরম শত্রু বলিয়া জ্ঞান

করিয়াছি, তারপরে অভ্যাসে অভ্যাসে এমন অভ্যস্ত হইয়া পড়িয়াছি :
নিজে ছাড়িব মনস্থ করিয়াও ছাড়িতে পারি নাই। কিন্তু কাল যে
সেই সুধা মাথা স্বরে বলিল,—এপথ কি ছাড়িতে পার না,—সে স্বর
যেন আমার হৃদয়ের কোন অন্তস্তলে ক্ষুদ্র তীক্ষ্ণধার আলপিনটির মত
বিধিয়া রহিয়াছে। প্রত্যেকবার মনে হইতেছে,—সে যদি আর একবার
তেমনই করিয়া বলে এপথ কি ছাড়িতে পার না ; আমি নিশ্চয়ই বলি,—
তুমি বলিলে পারি। কিন্তু বুঝিতে পারিতেছি না, কে সে—কাহার
সে—কোথাকার সে। সারা জীবনে কাহারও কথায় বাহা
পারিলাম না,—করিলাম না—তাহার একধারকার অনুরোধ তাহা করিতে
এত আকুল আকাঙ্ক্ষা জাগিয়া বলিল কেন ? শুধু জাগা নয় যে হেমা
খুড়ো এই যে এতখানি মদ খেয়ে ফেললাম, স্ত্রান হইতেছে আর
থাবনা, সব হেমা খুড়োকে দেব।

হে। বিষ্ণুর বাটা মা বেঙ্গা ঠাকুরের মন্দিগ্নি কেন ভাই ?
আজ শ্রীমান হেমন্ত কুমার মাহেন্দ্র সোণে পা বাড়িয়েছিল,
বিনা কড়াকড়িতে—জামাই আদরে খুলি খুলি খাওয়া। খাও বাব
মাগিক, হঠাৎ ছেড় না,—আর এক খুলী খাও,—হঠাৎ ত্যাগ করলে
পেট ফুলে দম ফুটে মারা যাবে বাবা।

একপাত্র ঢালিয়া হেমন্ত পঞ্চুর হাতে দিল। পঞ্চু তাহা হাতে
করিয়া নীরবে চিন্তা করিতে লাগিল,—কয়েক মুহূর্ত্ত গত হইতেই
হেমন্ত বলিল,—“ওঃ—নিশ্চয়ই বুঝিলাম, এতদিনের পরে একটা মাতালের
মত, মাতাল হারা হলাম ! হয় তোর মরণ কুবুদ্ধি লেগেছ, নয় প্রাশ্চিত্তের
আগুন পোহাবার সময় হয়েছে। কিন্তু শালা ; তুই দল ছাড়া হবি,
হাতে মাল রেখে, যে শালা মাতাল অন্য চিন্তা করে, বুঝতে হবে তার
শ্রাথ ফরিদ ছেড়েছে। নিশ্চয়ই তোকে পেত্নীতে পেয়েছে। এ মানুষের কন্দ

কেড়ে নিইচি,—তার বাড়ী হয়ত মফস্বলে। সে হয়ত সে বাড়ীতে নিমন্ত্রণ খেতে এসেছে ; তার গাড়ী ভাড়া না থাকলে কি করিয়া দেশে ফিরিয়া যাইবে ? ভদ্র লোকে ধার চাহিতে লজ্জিত হয়, আমি তাহার টাকা তাহাকে ফিরাইয়া দিয়া আসি।

হে। আরে ব্যাটা হতচ্ছাড়া ; মাতাল কুলের কালী। সে নয় বলল, সে নয় ভাল মানুষের ব্যাটা ভাল মানুষ, সে নয় তোকে দয়া করে ছেড়ে দিয়েছে ; কিন্তু, সে করেনি তিনকশ্ম, এই বা করে যায়। আর লোকে যদি তোমার পরিচয় পায় মানিক ; কিছুতেই ছাড়বে না, পুলিশে ধরিয়ে দেবে, তুমি ত ওয়েলনৌন—কোলকাতায় তোমার কি কি নাম ; আবাল বৃদ্ধ বনিতা তোমার নাম সবাই জানে।

পক্ষু বলিল,—“সাবধানে থাকিব, সাবধানে অনুসন্ধান করিব। কিন্তু তাহার টাকা তাহাকে ফিরাইয়া দিতে যাইয়া যদি জেলে বাইতে হয় তাহাও যাইব।”

পক্ষু চলিয়া গেল। হেমন্তও অতি অল্প সময়ের মধ্যে সমস্ত সুরাখানি উদরস্থ করিয়া টলিতে টলিতে টালার খালের পুল পার হইয়া দক্ষিণেশ্বরের কালী ঘাড়ীর পথ ধরিল। বোধ হয়, তাহার মনের ইচ্ছা সেই খানে গিয়া কয়েকদিন আহার লইবে ও নিরাপদে অবস্থান করিবে।

চতুর্দশ পরিচ্ছেদ

সেদিন গ্রামের হাট। দত্তপাড়ার সন্নিকটেই হাটখোলা এবং হিরুদত্তের বাড়ীর সদর দরজার দিক দিয়া হাটের প্রশস্ত পথ ; অধিকাংশ দোকানদার ও ক্রেতা বিক্রেতা সেই পথ দিয়া গমনাগমন করিয়া থাকে,— সেদিনও যাইতেছিল। বেলা তখন বড় অধিক ছিল না, চারিটা অনেকক্ষণ বাজিয়া গিয়াছে। হিরুদত্ত বাড়ীর সম্মুখস্থ সেই রাস্তার পায়চারি করিয়া ফিরিতে ছিলেন। ডাক হরকরা আসিয়া এই মাত্র তাহার হাতে একখানি টেলিগ্রাম দিয়া গেল ; তিনি তাহা খুলিয়া পঠি করিয়া কিঞ্চিৎ ক্রুদ্ধ, কিঞ্চিৎ স্তম্ভ হইয়া, কেহ সেখানে না থাকিলেও বলিয়া উঠিলেন,—ছেলেটা আমার নেহাৎ বোকা। পণ্ডিত মূর্খ হইলে ; ও তাই। আমি তখনই বারণ করেছিলাম,—অমন কুৎসং বাড়ীর আশ্রুকুড় মুখেও আসিতে দিতে নাই। তখন তর্ক দেখে কে ; এখন,— আমি যা বলেছি তাই খেটেছে।

গ্রামের গেজেট বশোদা বৈষ্ণবীও তখন ঐ পথে যাইতেছিল ;—তাহাকে দেখিয়া দত্ত বাবু অধিকতর স্তম্ভ হইলেন এবং ডাকিয়া বলিলেন,— “বশোদা ; শুনে যা—শুনে যা। মথুরবাবুর ভেত্রে ছেলে কি করেছে শুনেছিস্ ।”

য। কৈ, না ; আমি ত কিছু শুনিনি, সে বাড়ী এখন বড় যাইও না।

তি। এই কাল রাত্রে ঘটনা।

বশোদা অনেকখানি চলিয়া গিয়াছিল,—উৎসুক চিত্তে ভ্রমিত পদে

ফিরিয়া আসিয়া দত্ত বাবুর মুখের দিকে চাহিয়া জিজ্ঞাসা করিল, —“কি হয়েছে বাবু?”

হি। আমার ছেলে—শশী,—অফিসের বড় বাবু—তিনি ভাবেন, তাঁর মত বুদ্ধিমান আর দূরদর্শী জগতে বড় একটা নাই! আমার উপরও চাল চালেন। দয়া তাঁর বড় বেশী। আরে বাবা; কুকুরকে ঠাকুর ঘরে যেতে দেওয়া কি দয়ার কাজ? ও সব আঁস্তাকুড়ের এঁটো খেয়ে জীবিত থাকে। ওর বাবা মাতাল—চোর জেলের কয়েদী,—ওর মা চরিত্রহীন কুলের কলঙ্কিনী। ওকি কখনও ভাল হয় রে বাবা; কুকুরের পেটে ঘি ভাত কখনও সয় না।

য। আপনি কার কথা বলছেন বাবু?

হি। ঐ। যে চোরের বাটা—কি নামটা মনে আসছে না,—নির্ম্মল গো,—নির্ম্মল।

য। সে করেছে কি বাবু?

হি। এই দেখ; শশী টেলিগ্রাম করেছে।

য। আমি কি পড়তে জানি বাবু; আপনি বলুন আমি শুনি।

হি। তার বাবা চিরকাল যা করে আসছে, সেও তাই করেছে! আমার নাতনী কনকের হাতের সোণার কঙ্কণ চুরি করে কোন এক বেথাকে দিয়ে ছিল, ধরা পড়ে জেলে গিয়েছেন।

য। জেল হয়ে গিয়েছে?

• হি। হবে না ত কি ছেড়ে দেবে!

য। কত দিনের জন্ম হয়েছে?

হি। টেলিগ্রামে তা লেখেনি।

য। আপনার নাতনীর হাতের কঙ্কণ তিনি কি করিয়া চুরি করিতে,

পারিলেন ? শুনেছি তিনি থাকেন পাথুরে দাটায়,—আপনার মেয়ের বাড়ী বাগবাজারে ।

হি। ঐ যে আমার নাতি অমিয়কে পড়াতেন ! ঐ শশের কাণ্ড ; পরীবের ছেলে কিছু পায়, তাই নিয়ে গিয়ে ঢুকিয়েছিলেন । কম নয়—কম নয়—সকালে এক ঘণ্টা সন্ধ্যায় একঘণ্টা পড়িয়ে মাসে কুড়ি টাকা পেত । আমার জামাই পূর্ণ, জানিস্তো, কোলকাতার খুব বড় হাকিম । সে শশীর কথা খুব শোনে, আর আমার মেয়ে কৈলাস মোহিনী ত ভাই-অনু জীবন । কৈলাসীকে তুই দেখেছিস ?

য। দেখেছি ; এই ত আর বছর পূজোর সময় এসেছিলেন তার ছেলে পিলে সকলকেই দেখেছি ; যে মেয়েটির কথা বললেন, তাকেও দেখেছি ; রূপে গুণে সাক্ষাৎ লক্ষ্মীই বটে ।

হি। আমার ছেলে—মেয়ে, নাতি-নাতনী সবই ত দেখছি ভাল ; সকলেই সুখ্যাতি করে—আশীর্বাদ কর, বেঁচে থাক । আর এক খবর শুনেছিস্ ? মথুর বাবুর দফা বফা, আর সেই হতভাগিনী দত্তবংশের কুলের কালী মাসীটার এইবার খটি পরে ভিক্ষে করে বেড়ান ভিন্ন আর উপায় নাই !

য। কেন নাবু মথুরবাবুর কি হয়েছে ?

হি। ওমা, তুই কিছুই জানিস্ না ! এদিকে লোকে যে বলে তুই নাকি এগায়ের গেজেট ;—সব খবর রাখিস্ !

য। ওটা আমার চর্নাম বটে বাবু ; কিন্তু আমি সাতেও না পাঁচেও না ।

হি। মথুরবাবুর সঙ্গে বড়গাঁতি নিয়ে যে আমার মোকদ্দমা চলছিল ; সে মোকদ্দমা আমি পাইয়াছি । ঐ গাঁতির মালিক ছিল এই গায়ের নসিরাম মুখ্যো, জানিস্ ? তার ছেলে বিবাগী হ'য়ে কোথায় চলে

গিয়েছে। কোথাকার কে দেন দায়ে নাকি তাই বিক্রয় করে, —আমি মথুরাবাবু নাকি লয়েন। এই সাত শোড়া দিয়ে 'পোষনরানী' এখন আমি যোগাড় যত্ন করে সেই জমা বাহির করিয়া লইলাম। এই গাঁতিই মথুরাবাবুর আয়ের প্রধান উপায় হয়েছিল। এইবার খান কি শাল দেখা যাবে; এদিকে হেতো ছেলের আশা হয়েছিল,—বি এ পড়াছিল তাও শেষ হল—সব চুকে গেল। উড়ো পাখী শালা কোথা থেকে এসে এই কর বৎসর আমাকে মামলায় মামলায় জেরবার করে তুলেছে। এইবার পেড়েছি,—এখনও হয়েছে কি; বুড়ো শালাকে 'জেলে দেব, আদালত মার্গীটাকে এনে ঘোড়ার বিষ্ঠা ফেলাব,' তবে আমার মনের রূপ যাবে।

যশোদা সে কথার কোন উত্তর করিল না। এতটি কথা শুনার দিয়া তিরুদত্ত তাহার ছুটী দিলেন।

সে চিন্তা করিতে করিতে হাতে চলিয়া গেল, এক বতশায় সমস্ত হাটের কার্য সমাধা করিয়া ফিবিয়া আসিল ও সন্ধ্যার পরেই মথুরাবাবুর বাড়ী গিয়া সমস্ত বিবরণ বিবৃত করিল। মথুরাবাবুর মোকদ্দমার পরাজয় এবং বিষয় বিচ্যুতির কথা তাঁহারা জানিতেন, সুতরাং পূর্বে হইতেই তাহাতে চিন্তিত ও ম্রিয়মান হইয়াছিলেন, কিন্তু কলিকাতার সংবাদ জানিতেন না, সহসা বজ্রাগ্নির আঘাত এই সংবাদ উত্তাপে তাঁহারা প্রতপ্ত হইয়া উঠিলেন। খিটখিটে স্বভাব মথুরাবাবুর মোকদ্দমা পরাজয় ও সর্বাপেক্ষা অধিক আয়কর বিষয়টি হস্ত বিচ্যুত হওয়ার, পূর্বে হইতেই বেশান উন্মাদের মত হইয়া উঠিয়াছিলেন, ততপরি এই সংবাদ পাইয়া একেবারে যেন ক্ষেপিয়া উঠিলেন। চেষ্টাইয়া চাঁৎকার করিয়া বাহ্যিক সম্মুখে পাইলেন তাহাকেই গালাগালি দিয়া বাড়ীখানা যেন মাপান করিয়া তুলিলেন। আর হতভাগিনী বসন্ত কুমারী :—সেও মোকদ্দম

স্বপ্নায় বড়ই ছঃখিত হইয়াছিল, তাহার উপরে প্রবেশ এই সংবাদ পাঠিয়া কাটিকা বেগ মুখে লতিকা যেমন নিঃশব্দে নরো কম্পিত ও ছিন্ন মূল হইয়া ভূপতিত হয়, তেমনই হইল।

বশোদা তখন বুকিল,—হঠাৎ তাহাকে কথটা শুনাইয়া ভাল করে নাই। ছঃখ জীবনের একমাত্র ভরসা, নিশ্চয় তাহার জেলে রাখা হইবে। সে কিছুই চিন্তা চিন্তা করিতে পারে নাই। বজ্রাগ্নি যেমন কোন চিন্তা করিতে না দিয়াই জীবকে মৃত্যু মনে নিপতিত করে, এই সংবাদও বসন্ত কুমারীকে তাহাই করিয়াছে। বশোদা মনে মনে অপ্রতিভ হইয়া একখানা ভালপত্রের বাজনী দ্বারা তাঁহাকে বাতাস করিতে লাগিল, এবং তাহার কথা মতে একজন দাস একঘটি জল আনিয়া চখে মুখে ঝাপটা দিতে লাগিল।

অনেকক্ষণ কাটিয়া গেল, তারপরে জ্ঞান হইল,—বসন্ত উঠিয়া বসিল ! দীনান্তনয়নের অর্থশূন্য উদাস চাহনিতে চারিদিকে চাহিয়া যেন বসন্ত কণা মনে করিয়া লইল ; তারপরে দীনান্ত ব্যথিত করণ স্বরে বলিল,—“বশোদা রে ; কি সংবাদ দিলি। বর পোড়া আগুনে সব পুড়িয়া ছারে খারে গিয়াছিল—বাস্তু তুমি পর্যন্ত জীবিত ছিল না,—তারপরে সেই শূন্য গৃহ বাস্তুভূমির মাঝখানে ক্ষুদ্র একটি লতা কেবল গজাইয়া উঠিতেছিল ; কে আমার সর্বনাশ করিল—কে আমার সেই আশালতাটি সম্পূর্ণ তুলিয়া পোড়াইয়া দিল ; ওরে বশোদা ! বুক যে ফাটিয়া গেল—বাবা আমার জেল খাটিতেছে,—সত্যই আমার সেই চাঁদ, বাহুগ্রস্ত হ’য়েছে—সত্যই কি আমার নিশ্চলচাঁদ কাল মেঘে ঘিরিয়া ফেলিয়াছে ? অহা হু চির ছঃখিনীর বাছা আমার ত’ তেমন নয়।”

ঠিক এই সময় মথুরবাবু তাঁহার ক্রোধ-কণ্ঠস্বরে চীৎকার করিয়া বলিতে বলিতে আসিলেন,—কখনই নয়—কখনই সে চুরি করে নাই—চুরি,

করিতে সে জানে না—মিথ্যা কথা বলিতে জানে না—পাপ করিতে পারে না,—এ শালা, হিরুদত্তর বড়বন্দু ! সে সরল—হিরের ছেলে শশে শালা এই ঘটাবে বলে তাকে বোনের বাড়ী ঢুকিয়ে নিয়েছিল। সব মিছে—সব মিছে ; শুধু বড়বন্দু—শুধু বড়বন্দু ; আমি তখনই বাতল করেছিলাম, বাপু হে ; সে আমার চিরশত্রু—তাহার সঙ্গে আমার নামলা মোকদ্দমা লাগিয়াই আছে, তাহার সাশ্রবে যাইও না। বিপদ ঘটিতে পারে, তখন আমার কথা শোনা হইল না ! এখন,—নর শালা জেল খেটে, আমি আর কি করব।

বসন্তকুমারী ভাবিয়াছিল, এই ব্যাপারে ক্রোধন-স্বভাব বন্ধ মহরবাবু, হতভাগ্য নিশ্বলকে নিশ্চয়ই দোষী বিবেচনা করিবেন এবং তাহাকে বাড়ী হইতে তাড়াইয়া দিবেন। কিন্তু বৃদ্ধের কথায় তাহার একটু আশা হইল। সে কাঁপিতে কাঁপিতে আনু খান্ন বেশে ছুটিয়া গিয়া বৃদ্ধের পায়ে জড়াইয়া ধরিল। কাঁদিতে কাঁদিতে বলিল,—“কাকাবাবু, আমার সর্বনাশ হয়েছে। হতভাগিনীর শিব-রাতিরের ক্ষীণ মলিতা নিব্বিয়া বাইতে বসিয়াছে ; তুমি না রাখিলে আর কেহ রাখিবার নাই—আমার কি গতি হবে ?”

ম। মৃত্যুই তোমার একমাত্র গতি ; স্বামী তোমার চোর—মাতাল ! পুত্রও সেই পথ ধরিলেন ! তোমার গতি আমি কি করিব ; ইচ্ছা হয় এখানে থাক, না হয় চলিয়া যাও। আমার মাথার দায় আমি অস্তির ! শালা দত্ত আমার প্রধান গাঁতিটি ফাঁকি দিয়া কাড়িয়া লইয়াছে। কেবল মিথ্যা সাক্ষী—কেবল মিথ্যা সাক্ষীর বলে ! হুঁ,—আমার ধারণা ছিল, মিথ্যা কখনও সত্য হয় না ; মিথ্যার বলে কেহ সত্য পরাজিত করিতে পারে না। এখন দেখিতেছি, সে ভুল ! আমার সর্বস্ব গেল মিথ্যা সাক্ষীর বলে ; নিশ্বলও জেলে গেল মিথ্যা সাক্ষীর বলে ; তবে সত্যের সমাদর কোথায় ?

বসন্ত কিক্ষিং হঠিয়া আসিয়া রকের ভিক্রিখাত্রে ঠেসান। দিয়া বড় করুণ কণ্ঠে বলিল,—“কাকাবাবু, নিশ্চল। আমায় জলে! বুক ফেটে গেল কাকাবাবু! তোমার পায়ে ধরি, তাকে খালাস করে দাও; তারপরে বাড়ীতে স্থান দেওয়া যদি বিবেচনা না কর, হাড়িয়ে দিও। লোকের জ্বারে জ্বারে ভিক্ষা করে পোড়া উদর পোরাব। অনেক সয়েছি, কাকাবাবু; কিন্তু আর সহিতে পারি না।”

মথুরবাবু বলিলেন,—“যাব একবার; দেখব, কি হয় না হয়; তবে বিশেষ কিছু। যে হবে এমন বিবেচনা করিতে পারি না। হিরের ব্যাটা শশে, ভিজ়ে বেড়াল; মুখে ভাষি সরল,—কাজে বাপ কো ব্যাটা। গুর জামাইটা ডেপুটা ম্যাজিস্ট্রেট কাজেই অনেক পুলিশের লোক হাতে আছে; তারা সকলে মিলে সেই সরল যুবকের বিরুদ্ধে ষড়যন্ত্র করেছে। তাই যে আমি হঠাৎ গিয়ে সন্ধান করে উদ্ধার করে নিয়ে আসব, তেমন ভরসা করিতে পারি না।

ব। কাকাবাবু চল যাই, হাকিমের উপরও হাকিম আছে—পুলিশের উপরও পুলিশ আছে। আমাকে চিনিয়ে দিও—দেখিয়ে দিও,—আমি কল্জে ছিঁড়ে রক্ত বার করে, তাদের পায় ঢেলে দিয়ে, আমার বাছাকে খালাস করে আনব।

তারপরে নানা কথার আলোচনার পর স্থির হইল, তাঁহারা উভয়ে কলিকাতায় যাইবেন এবং গাঁড়ির জন্ত হাটকোট আপিল ও নিশ্চয়গণ উদ্ধারের চেষ্টা করিবেন। মথুরবাবু তখনই বহির্দ্বাৰীতে গমন করিয়া ষ্টেশনে গমনের উপযুক্ত বানাতির বন্দোবস্ত করিতে লাগিলেন।



পঞ্চদশ পরিচ্ছেদ

মধ্যাহ্নের খর দিবাকরোত্তপ্ত ধরণী বক্ষে পড়িয়া পোষা কুকুর কেলো যখন তাহার সজল লেলিহান জিহ্বা বাহির করিয়া হাঁপাইতেছিল এবং পূর্ণ বাবুর বাড়ীর মেডো ঝি একরাশ শক্ড়ী বাসন লইয়া, কলতলার বসিয়া মার্জিতৈছিল, আর গুন্ গুন্ করিয়া,—“আখিয়া উদাস করি গেয়ো পরাণ হামারি” একটা গানের এই ছত্রাকি পুনঃ পুনঃ আবৃত্তি করিতেছিল, তখন কনক কুমারী দ্বিতলের একটা নিজ্জন প্রকোষ্ঠের মেঝেয় পাতিত শীতল পাটীর উপর পড়িয়া গড়াগড়ি দিতেছিল, আর বড় অন্তমনস্ক ভাবে চিন্তা করিতেছিল। এই সময় পাশের বাড়ীর স্কেশী একখনা কি বই হাতে করিয়া সেই ঘরে আসিয়া প্রবেশ করিল।

ঘরে দরোজা ভেজান ছিল, সে তাহা ঠেলিয়া দিয়া মৃছ মৃছ হাসিতে হাসিতে বলিল,—‘শ্রাম গ্যাছে মথুরায়, রাধা পড়ি ধরায়, শোচনের নীরে ভাসে ধরণীর অঙ্গ।’ তা কেঁদ না; শ্রাম আসিয়া সত্বরেই তোমার কুঞ্জ শোভন করিবেন, এখন ওঠ, বদন তোল, গুড়ুক খাও।’ আমি বৃন্দে দৃষ্টী; মথুরাতে যাব, দাস খত দেখাইব, আনিব বাধিয়া শ্রীপতি ’না উঠিতেই এক কাঁদি দিদি,—একেবারেই গলে, গলে, মানুষের ঘটনা চক্রে কখন কি ঘটে বলা যায় না, তার জন্ত অত উতলা হ’লে চলবে কেন রাই নোনা। তবু ত এখনও সাত পাক ঘোরেনি।”

স্কেশীর গলার আওয়াজ পাইয়াই কনক উঠিয়া বসিয়াছিল এবং মেঘ ভরা আকাশের এক পাশ দিয়া যেন টানিয়া টানিয়া চাঁদের আলো বাহির করিল। চিন্তা-কুঞ্চিত অধরপ্রান্তে একটু হাসির রেখা ফলাইয়া বলিল,—“মরণ আর কি, কে রাধা কে কৃষ্ণ--কার জন্ত কে চিন্তা

করিতেছে,—নির্বিবাদে আসিরা একরাশ বক্তৃতা যে করিয়া ফেলিলে কথক ঠাকুর, তার দক্ষিণা মিলবে কোথায় ?”

সু। এক বর্ণও মিথ্যা বক্তৃতা করি নাই, যার উদ্দেশে বক্তৃতা, সেই দক্ষিণা দিবে।

ক। তবে কি আমার উদ্দেশেই এসব তীক্ষ্ণবাণ ছাড়া হইল ?

সু। ঘরে কে,---আমি দই খাইনি।

ক। এর দক্ষিণা এই দেখ।

কনক কিল দেখাইল।

সু। মিষ্টান্ন মিতরেজনাঃ---ও কার্যে ইতর জনের ভাগ্যে মিষ্টান্ন বই আর কিছু না। কিন্তু ও কিল আমার কাছে মিষ্ট লাগবে না, যার কাছে লাগিবে, আমি তাহাকে দক্ষিণাপ্রাপ্ত কিলটি বরাত করিয়া উহার বিনিময়ে, কিছু ভীম নাগের গোলা আদায় করিয়া লইব।

ক। খনার জিব খেগো টিক্‌টিকি সুন্দরী !—জ্যোতিষ শাস্ত্র না পড়িয়াও ত খুব পণ্ডিত হইয়াছ দেখিতেছি। আপাতত আসন গ্রহণ কর, আমি অব্যাহতি পাই।

সুকেশী হাসিতে হাসিতে কনকের পাশে গিয়া উপবেশন করিল, এবং অদূরস্থিত একটা ছোট তাকিয়া বালিশ টানিয়া লইয়া যুগল উরুর উপর সংস্থাপন পূর্বক তাহার উপর ঝুঁকিয়া পড়িয়া সমুন্নত বন্ধ দ্বারা চাপিয়া ধরিল; তারপরে হাসিতে হাসিতে বলিল,—“এখন খবর কি বল দেখি? বাস্তবিক আমিও বড় উতলা আছি কনক; খবর জানতেই আমি তাড়াতাড়ি এসেছি।”

ক। কার খবর ?

সু। এ রে,—আমার কাছেও চাপতে চাস; তা তুই কি জানিস না, আমি তোঁর সব জেনেছি—সব বুঝেছি? তুই ত এ কথা ও কথার

সঙ্গে কত দিন আমার নিকটে ব'লে ফেলেছি নিশ্চলকে ভালবাসিস, আজ এত লুকান কেন ?

ক। কবে তোমার কাণ ধোরে আমি বলতে গিয়েছি যে, একটা চোরকে আমি ভালবাসি ? শুধু চোর নয় মাতাল,—বেশাসক্ত ! আমার হাতের সোণারকঙ্কণ চুরি ক'রে সে নাকি কোন্ বেস্তাকে দিতে যাচ্ছিল, রাস্তায় পুলিশে ধরেছে।

সু। মিছে কথা।

ক। কি মিছে কথা ; কঙ্কণ চুরি ?

সু। হাঁ।

ক। তবে তার নিকট গেল কি করিয়া ? কঙ্কণের ত আর পা হয় নাই যে ছুটিয়া গিয়া তাহার হাতে উঠিল ; জীবনও হয় নাই যে, রূপ দেখিয়া তাহার বুকের পকেটের মধ্যে আপনার সর্বস্ব লইয়া লুকাইয়া রহিল।

সু। -সে বাহার হাতে ছিল, তাহার প্রাণও আছে পাও আছে।

ক। তবে কি আমি খুলিয়া দিয়াছিলাম ;—বলিহারি তোমার বুদ্ধির।

সু। আমার বুদ্ধি খুব স্বল্প—

ক। এত স্বল্প, যে নাই বলিলেই হয়। ভেবু গঙ্গারাম, —আমি তাহাকে কেন দিতে যাব ? আর সেই বা কোন সাহসে—কোন সম্পর্কে আমার হাতের এক গাছি কঙ্কণ লইয়া তাহার ছুক্রিয়া সাধন করিতে গমন করিবে ?

সু। ছুক্রিয়াসাধন ব্যতীত বৃষ্টি মাতৃষের আর কোন কাজ নাই ? ধরিয়া লও, হয়ত তাহার এমন কোন আবশ্যক পড়িয়াছে যে, কাল সকালে কিছু টাকা না পাইলে তাহার কলেজের ক্ষতি হয়, অথবা মেসে থাকার ব্যাঘাত ঘটে ; তাই তুমি খুলিয়া দিয়াছ ; আপাতত

বন্ধক দিয়া সেই কার্য সম্পাদন করিবে। তারপরে বাড়ী হইতে টাকা আসিলেই হউক, আর তোমাদের কাছে যেতন পাইলেই হউক, ঐ কঙ্কণ খালাস করিয়া আনিয়া দিবে।

ক। চূপ কর, চূপ কর, আর বুদ্ধির ছড়া দিস না— অত বুদ্ধি জানতে পারলে, লাট সাহেব ধরে নিয়ে গিয়ে আক্রা করে দিয়ে বড় গাড়ীতে বৃত্তে দিবে। অত বুদ্ধির লোক খুঁজে মিলচে না। মূর্খ;— তার টাকার দরকার, তা আমারই বা কি, আর সে আমার সাফাতে তা বলতেই বা আসবে কেন? সে আমার কে, আমিই বা তার কে? সুকেশী হাসিল, হাসিয়া অনতি উচ্চৈঃস্বরে গাভিল,—

‘আমার পরাণ যাহা চায়, তুমি তাই গো তাই গো,
তুমি ছাড়া এ জগতে আমার কেহ নাই গো নাই গো।’

বাক্ : এখন সে বেচারার খরর কি বল দেখি?

ক। খরর ত’ ঐ রকমই শুনেছি। বাব সেই যেদিন, দিন ছিল; নিজে জামিন হয়ে খালাস করতে গিয়েছিলেন; শশধর কাকাও অনেক চেষ্টা করেছিলেন; কিন্তু হাকিম জামিনে ছাড়িয়া দেন নাই; তিনি বলিয়াছেন চুরির জিনিস সমেত যখন ধরা পড়িয়াছে, তখন জামিনে খালাস হইতে পারে না; কাল আবার তাহার দিন আছে।

কচি কলার পাতে আগুনের তাপ দিলে তাহা যেমন শুকাইয়া উঠে, সুকেশীর মুখ থানাও তেমনই হইল। বালক-নখর-বিচ্ছিন্ন মধ্যাংশের পদ্ম যেমন বিবর্ণ হইয়া পড়ে, তেমনই তাহার গণ্ডদ্বয় বিবর্ণ হইল। সে একটু এদিক ওদিক করিয়া তারপরে জিজ্ঞাসা করিল,—“আচ্ছা কনক, ঘটনাটা কি মনে হয় বল দেখি?”

ক। কি করে জানব দিদি; তবে ইহা স্ননিশ্চয় যে তিনি চুরি করেননি।

সু। না, না, তিনি চোর—কেহই বিশ্বাস করে না; তবে তিনি স্বীকার করিতেছেন কেন যে আমি চুরি করিয়াছি। আর বেগ্যাপন্নীর নিকটেই বা কি করিতে গিয়াছিলেন!

ক। বাবাও তাই বলিতেছেন—মাও তাই বলিতেছেন! সকলেই দ্বিমিত। যে চোর, সে সহজে চুরি স্বীকার করে না; মিথ্যা কথা বলিতেও তার অটিকায় না। মায়ের নিকট বাবা সেদিন—বলিতেছিলেন; জীবনে অনেক চোর দস্যু, অনেক পাপী, অনেক দুষ্ক্রিয়ান্বিত লোকের বিচার করিয়াছি; অনেক ভদ্র যুবকেও পাপ কন্ডা করিয়া বিচারার্থ আনিতে হইয়াছে; তাহাদের অঙ্গ প্রত্যঙ্গ ও হাব ভাব দর্শন করিয়াছি; কিন্তু এমন দুঃভা, এমন সহাস-সারল্য-মাথা মুখভাব কাহারও দেখি নাই। যখন প্রজত ঘর হইতে তাহাকে আনিয়া আসামীর কাটগড়ায় দাঁড় করাইল, তখন তাহার দিকে চাহিতে আনার চিত্ত চমকাইয়া উঠিল; চক্ষুতে জল আসিল,—প্রাণের ভিতর একটা কাঁপুণী উপস্থিত হইল; কিন্তু তাহার দিকে সাহিয়া দেখিলাম—তাহার যেন কিছু ঘটে নাই; সে যেন তাহার মাষ্টারের সম্মুখে উঠিয়া দাঁড়াইল এবং নির্দোষ নিষ্পাপ যুবকের মত কথার উত্তর প্রত্যুত্তর করিতে লাগিল। সেই এককথা—চুরি করিয়া পলাইতেছিলাম; কিন্তু কোন বারবনিতাকে দিতে যাই নাই, বাসায় যাইতেছিলাম।

সু। সাক্ষী কিছু বুঝিয়াছে?

ক। মর পোড়ার মুখী! আনি কি সেখানে গিয়েছিলাম?

সু। তোমার বাবাকে জিজ্ঞাসা করিলে না কেন?

ক। আমি ত তোমার মত লজ্জা জিনিষটাকে এখনও বেহারেগীর তীক্ষ্ণ খাঁড়ায় কণ্ঠচ্ছেদ করিতে পারি নাই যে, বাবাকে বিনাইয়া বিনাইয়া সব কথা জিজ্ঞাসা করিব।

সু। বিদগ্ধাননী; তবে যে বলিলে আমি তাকে ভাল বাসি না।

ক। বেশ কথা! এর মধ্যে ভালবাসার কথা উঠিল কোথা হইতে?

সু। সবই ভালবাসা মাথা; বাবার কাছে তার কথা যে বলতে পারলে না, এর হেতু কি বুঝিয়ে দাও ত? সে তোমার ভাইকে পড়ায়, এই যদি শেষ সম্বন্ধ হ'ত, তবে তাহার কথা জিজ্ঞাসা করিতে লজ্জা আসিবে কেন?—এর উত্তর দেও।

ক। অত উত্তর পূর্ব আমার জ্ঞান নাই।

সু। এখন ঠাকা! তিনটেয় গোড়া গুলে কার? তোমার পাঁচটা কার? আমার! কেন এমন গুলে? আমি ঠাকা;—পালটে নাও,—মা বকিবে।

ক। হার মানিলাম; তোমার সঙ্গে কথায় পারে এমন কেউ নাই।

সু। কেবল হার মানিলে চলিবে না, আজ হইতে আমার নিকট স্পষ্ট স্বীকার করিতে হইবে, তাহাকে ভাল বাসিয়াছ এবং সে সম্বন্ধে যাহা যাহা প্রাণে উদয় হইবে—যে ভাব প্রাণের অন্তস্থলে অনুভব করিবে, আমাকে তাহা বলিবে; আমি তোমার আবালোর সহচরী,—আমাকে যদি এসব বার্তা জানিতে না দিবে আমার আনন্দ হইবে কেন? আমি আমার প্রাণের ভাব তোমার নিকট গোপন করিব এবং তুমি তোমার হৃদয়ের গোপনপুরের গুপ্ত ভাব, বন-কুসুমের মত ফুটাইয়া বরাইয়া আধারে বিলুপ্ত করিবে, তবে আনন্দ আসিবে কোথা হইতে? আমি অনেকদিন হইতে তোমাকে অধ্যয়ন করিয়া আসিতেছি;—অনেকদিন হইতেই তোমার কথার ভাব ভঙ্গিতে বুঝিয়া আসিতেছি; সীতাহার কুসুমের লতার মত তাহার ভালবাসা তোমার হৃদয় নিম্ন গাছটিকে আচ্ছন্ন প্রচ্ছন্ন করিয়া ফেলিতেছে এবং গুচ্ছে গুচ্ছে তাহার শ্যামল পত্র মধ্য হইতে লোহিত শ্বেত পুষ্প সকল প্রস্ফুটিত হইয়া পড়িতেছে; তুমি দিনে দিনে তাহার নিতান্ত আপনার জন হইয়া পড়িয়াছ।

ষোড়শ পরিচ্ছেদ

কনক অনেকক্ষণ কোন কথা কহিল না ; তাহার আকর্ষণ বিশ্রান্ত ডাগর ডাগর চক্ষু দুইটি শুষ্ক লোহিত—উদাস—তরল ; সে একদৃষ্টে স্নকেশীর স্নন্দর মুখের দিকে চাহিয়া রহিল। স্নকেশী বলিল,—“কি ভাবছিস্‌ মৌ ?”

ক। না, না ; এমন কি কঠিন কথা ভাবছি, তবে—

কথার সমাপ্তি না হইতেই স্নকেশী বলিল, “ভাল, কনক, যদি উহার চুরি অপবাদে জেল হয়, তুই কি করবি ?”

ক। করব আর কি।

স্ন। আমার বিশ্বাস তা হ'লে আর তোর বাপ মা তাঁর সঙ্গে তোর বিবাহ দিবেন না !

ক। তা কি দেন ! এমনই মা স্বীকার হন না বলেন, দেশে ওদের কিছু সম্পত্তি নাই, ঘর নাই ছয়ার নাই ওর মা এক বাড়ীতে থাকিয়া কোন রকমে ওকে মানুষ করিয়াছেন। বাবা দিতে চান ; তিনি বলেন বংশ ভাল ; ছেলেটাও লেখা পড়া শিখেছে ; যদি বেঁচে থাকে ঘর ছয়ারেরও অভাব হবে না ভাতেরও অভাব হবে না। স্নকেশী, সত্য বলিতে কি, আমি তাঁহাকে ভাল বাসিয়াছি। বাবার ঐ কথার উপর নির্ভর করিয়াই বড় আনন্দে দিন কাটাইতেছিলাম। ভাবিতেছিলাম, তাঁহার সেবা করিয়া জীবনটা সুখে কাটাইব ; কিন্তু হ'ল না স্নকেশী, বিধি বাদ সাধিলেন। ঘটনাচক্রে যে কি ঘটয়া গেল, তাহা বুঝিতে পারিলাম না। চন্দনতরু যে কেন কণ্টকবক্ষে পরিণত হইল, কেন যে তাঁহার মত নিষ্পাপ মানুষ এমন ঘটনাচক্রে পতিত হলেন, কিছুই

বুঝিয়া উঠিতে পারিলাম না ; তবে এই বুঝিলাম, এই হতভাগিনীর অদৃষ্ট
বিড়ম্বনাতেই ঐ সকল ঘটনা গেল ; শীতল বলিয়া সিনান করিলু,
সকলি গরল ভেল ;

সু। একটা কথা সত্যি বল্বে কনক ?

ক। কি কথা বল ; আর লজ্জা করিব না ; আমার দিন ঘনাইয়া
আসিতেছে, তুমি আমার ভগিনী হইতেও অধিক পরম আত্মীয়া হইতেও
করুণাময়ী। আর তোমার কাছে গোপন বা লজ্জা করিব না ; শ্মশানে
লজ্জা থাকে না।

শুষ্ক নদীতে বান ডাকিল। কনকের শুষ্ক চক্ষু জলভারাকীর্ণ হইয়া
পড়িল ; কিন্তু চক্ষুর জল চক্ষুতে রাখিয়া কনক পুনরপি বলিল, “যাহা
জিজ্ঞাসা করিবে, তাহারই উত্তর দিব। তবে আমার একটি কথা রাখিতে
হইবে, আমি যাহা তোমার নিকট বলিব আর কাহারও নিকট তাহা
বলিবে না।—এমন কি আমার মায়ের নিকটেও না।”

সু। ওমা, আমি কি পাগল ! তুমি এ সম্বন্ধে আমার নিকট যাহা
বলিবে, আমি তোমার মায়ের সঙ্গে বলিব ! আমার কি জ্ঞান কাণ্ড
করবারেই নাই। যাক্ ; আমি যাহা জিজ্ঞাসা করিতেছিলাম। যদিই
যটনাচক্রে তাঁহার জেল হয়, আর যদি তোমার বাপ মা অগ্রত
তোমার বিবাহ দেন, তবে কি করিবে ?

ক। তাঁহার জেল হইলে আমি বাঁচিব না ; সুতরাং বিবাহও হইলে
না।

সু। বাঁচবি না কি রকম ? কথা শুনে আড়ষ্ট হয়ে মরে যাবি, ল্লা
কি হবে ? কত অন্ধের যষ্টি একমাত্র ভরসা ছেলে, মরে যায়, তারা
বাঁচে। কত দুঃখিনীর সম্মানের জেল হয় তারা বাঁচে, জীবনের আশ্রয়
স্থল স্বামীর জেল হয়, তারা বাঁচে। আর তোর চোখের দেখার

ভালবাসা 'হবু বরের' জেল হবে বলে! তুই মরে যাবি? মরণ কি এমনই গাছের ফল?

ক। মরণে বরণ করিয়া লইলে সেটা বড় সহজ জিনিষ : একটা আলপিনে একটু দড়িতে অথবা এক বিন্দু ঔষধে সে কার্য সমাপ্ত হয়।

সুকেশী শিহরিয়া উঠিল। চমকচঞ্চল স্বরে জিজ্ঞাসা করিল,—“তবে কি আত্মহত্যা করবে? তুই কি পাগল হয়েছিস্ নাকি; সকল দেশের সকল শাস্ত্রই বলে,—‘আত্মহত্যা মহাপাপ।’”

ক। তুমিও বোধ হয় সকল দেশের সকল বইতেই পড়িয়াছ, স্ত্রীলোকের সতীত্বই সর্বাপেক্ষা বড় জিনিষ; তাহাকে রক্ষা করিতে রমণীগণ সব করিতে পারে। আমি মনে মনে তাঁহার চরণে আমার প্রাণ-কুম্ব ঢালিয়া দিয়াছি; দেওয়া জিনিষ ফিরাইয়া লইতে পারিব না; এখন অন্নের সহিত বিবাহ হইলে; আমি নিশ্চয়ই অসতী হইব, সুতরাং তাহার আগে যে প্রকারেই হউক, মৃত্যু পথের পথিক হইয়া সকল বিপদ হইতে রক্ষা পাইব।

সু। শোন, কনক, অত উতলা হইও না; আমাকে না বলিয়া কোন কাজ করিও না; শেষ না দেখিয়া, শেষ না করিয়া হঠাৎ কাজ করিও না; যদিই তাঁহার জেল হয়; তথাপি যে বিবাহ হইতেই পারিবে না, এমন কথা নহে। তোমার এই দৃঢ় প্রতিজ্ঞা তোমার পিতা মাতা, জনিতে পাইলে তিনি জেল হইতে খালাস হইয়া আসিলে তাঁহারই সহিত দিতে পারেন।

• ক। না, না সুকেশী, আমার মাথা-খাও মরা মুখ-দেখ, একথা দুর্গাক্ষরেও কাহাকে জানিতে দিয়োনা; বিন্দু বিন্দু ও মা বাবার কাণে তুলিয়ো না। আমি জানি—প্রাণের সঙ্গে জানি—তিনি চুরি করেন নাই; কিন্তু অপরে বুঝিবে না; অপরে বলিবে—অপরে জানিবে, পূর্ণবাবু

চোরের সঙ্গে—জেলের কয়েদীর সঙ্গে,—কেলখাটা দাগীর সঙ্গে—
তাহার মেয়ের বিবাহ দিয়াছেন। সাধারণে আমাকে চোরের স্ত্রী বলিবে!
কখনই না, আমি জীবন থাকিতে সে কথা সহ্য করিতে পারিব না।
যদি তিনি নির্দোষভাবে খালাস না হন, তবে বিবাহ হইবে না।
আমি অপরকেও বিবাহ করিব না অতএব আমার মৃত্যুই নিশ্চয়।

নাথের বাগানে দেশী সরাপের দোকান প্রভাত হইতেই খোলা হইয়াছিল ; অনেক কুলী মজুর গৃহ মধ্যে ঢুকিয়া কতক ক্রয় করিয়া লইয়া চলিয়া যাইতেছিল, কতক সেখানে বসিয়া পান করিয়া উন্নত চিৎকার চোঁচনি ও কথা বার্তায় সোরগোল পাকাইয়া তুলিতেছিল।

এই সময় হেম ঠাকুর একটা খালি বোতল হাতে করিয়া আট আনা পয়সার বিনিময়ে স্বহস্তের বোতল মধ্যে পূর্ণ করিয়া লইয়া চলিয়া গেল, এবং কিয়দূর যাইয়া একটা মাঠের উপর রাখা ছড়া ফুলের গাছের তলায় উপবেশন করিল ; অদূরে পঞ্চ তাহার অপেক্ষায় দাঁড়াইয়া ছিল ; পঞ্চর মাথায় একখানা মলিন গামছা জড়ান বাধা, পরিধানে ছোট একখানা ছিন্ন ও মলিন কাপড়। হেম ঠাকুরকে আসিয়া উপবেশন করিতে দেখিয়া সেও আসিয়া তথায় উপস্থিত হইল, এবং হেম ঠাকুরের পার্শ্বে একেবারে পা ছড়াইয়া বসিয়া পড়িল। হেম ঠাকুর বলিল,—“কি বাবা, একেবারে সাত পোয়া দেখছি, চোঁদ পোয়া হবে নাকি ?”

প। চোঁদ পোয়া হবারই মত,—কাল রাত্রি থেকে শরীরটা ভারি, ম্যাস-মেসে হয়েছে।

হে। হবে না! আজ তিন দিন একাদশী চলছে,—তার উপরে ভোতে আমাতে এই দারুণ বিরহ গিয়েছে। পাঁচ ছয় দিন দেখা সাক্ষাৎ ছিলনা ; যদি ও কাল সন্ধ্যা থেকে দেখা সাক্ষাৎ হয়েছে কিন্তু নিরসু একাদশী,—তার উপরে আকাশে ও একটু মেঘ হয়েছিল, কাজেই শরীরটা ও রকম হয়ে পড়েছে যাক বাবা, এখন চলাও,—এক

বোতল ত এনে ফেলেছি,—চালাও—অনেক কষ্টের জিনিষ বাবা। দক্ষিণেশ্বরের বাগানে কালী বাড়ীতে পাঁচদিন ছিলাম; এই পাঁচদিন লোকের কাছে ভিক্ষে করে করে যা যোগাড় করে ছিলাম, তাই দিয়ে একটু আধটু কিনে খেয়ে কোন রকমে জীবন ধারণ করেছি এবং তোমাকে খাওয়াব বোলে আট আনা যোগাড় করে এনেছি; তোকে আমি বড় ভালবাসি, জানিস্ পঞ্চ মাণিক।

অতঃপর তাহারা পরপর দুই তিন খুলী করিয়া মত্তপান করিল। উভয়েরই চক্ষুলাল হইয়া উঠিল,—কথা জড়াইয়া গেল এবং মত্ততা আসিয়া উদ্ভাসিত হইল। হেমন্ত ঠাকুর বলিল,—“শোন, পঞ্চ মাণিক; একদিন দক্ষিণেশ্বরের কালী বাড়ী যাবি?”

প। কেন, বাবা হেমা খুঁজে; সেখানে চুরির কোন বিশেষ সুবিধা আছে নাকি?

হে। তাও আছে রে,—খুব আছে; কালী ঠাকুরের অনেকগুলি পাহানা,—বাগাতে পারলে ঢের টাকা হয়।

প। রাণী রাসমণির ঠাকুর, নিতান্ত পাহারাশূন্য থাকে ব'লে মনে করোনা প্রাণাধিক; বন্দুকের আগার তীক্ষ্ণধার কালা ঘাড়ে করে শিখ বাবাজীরা ঘুরে বেড়ায়—তোমার বামুনে ভূঁড়ি টুকুর মধ্যে তা ধসিয়ে দিলে মুরগী পাখীটির মতন ঝুলিয়ে রাখবে। খবরদার সেখানে আঁকাম করিতে যেও না।

হে। তা জানি রে, জানি; তবু কিন্তু সুবিধে আছে; যেমন পাহারা আছে, তেমনই পলাবার অনেক পথও আছে।

প। তবে পারলিনে কেন?

হে। চেষ্টা করেছিলাম; দিন দিন তিনদিন করিয়াছি,—ঠাকুরের কাছ পর্য্যন্ত গিয়াছি, কিন্তু পারি নাই। কয়দিনই সেই পাথরের মূর্ত্তি আমাকে

নিষেধ কোরেছে—যেন সে মূর্তি হাসিয়া আমায় বলিয়াছে পাপিষ্ঠরে ;—
আর কতকাল মদের ঝোঁকে কাটাবি,—মৃত্যু যে শিয়রে আসিয়াছে,—আমি
পিছাইয়া পড়িয়াছি। এ মন্দিরে এক সন্ন্যাসী আছে ; সেই ঠাকুরের পূজা
করে ; সে একদিন সন্ধ্যাকালে আমাকে ডাকিয়া বলিল,—প্রাণের বন্ধু ;
আমার নিকটে আয় ভাই। তুইও মাতাল ; আমিও মাতাল ; রাজা-মহারাজ
—মেয়ে পুরুষ—দীন দুঃখী পশুপক্ষী—মুনি-ঋষি সবাই মাতাল। কেহ মদ
খাইয়া মাতাল,—কেহ বিষয় লইয়া মাতাল,—কেহ জ্ঞান ভক্তি লইয়া মাতাল,
—কেহ যশ লইয়া মাতাল,—কেহ ভক্তি লইয়া মাতাল,—কেহ কেহ আবার
চুরি জুয়াচুরি জাল মামলা মোকদ্দমা লইয়া মাতাল—কল কথা। মোহময় মদ
খাইয়া সকলেই মাতাল। তাই সকলে মত্ত হইয়া সংসারে ঘুরিতেছে—
ফিরিতেছে ; গর্বের তাণ্ডব হাশ্বে জগৎ পূর্ণ করিতেছে। অতএব তুমি
লজ্জা করিও না—ভয় করিও না—সত্য করিয়া বল ভাই, কিসের জন্ত
তুই আজ কয়দিন ধোরে গায়ের মন্দিরে অবস্থান করিতেছিস্ ?”

প। রাখ বাবা তোর সন্ন্যাসী মহাস্তর কথা ; খাচ্চিস্ মদ, গাচ্চিস্
খোদার নাম। ঢাল—ঢাল মদ ঢাল ; একখুলী মদ দিয়ে এক সন্ন্যস্তর কাটান
ভাল নয় ; চালাও চালাও বাবা চালাও—নেশা ধরে যাক।

হে। কেন, মাণিক ; আজ অত তাড়াতাড়ি কেন ?

প। তাড়াতাড়ি আছে রে, হেমা খুড়ো ; আজ আমার দশটার
মধ্যে ছ্যান—বিশ্‌টের মধ্যে আহা—অস্ত্রে অফিসে গমন।

হে। হেতু—প্রিয়তম ?

• প। আজ সেই যুবকের বিচারের দিন।

হেঃস্ত মদ্য ঢালিয়া পঞ্চকে দিল এবং তৎপরে নিজে পান করিল।
তারপরে বলিল,—“তাই কি প্রাণেশ্বর তুমি আমার, ওকালতী গ্রহণ
করেছ ? কোন পক্ষে ওকালতী নিয়েছ মীরজাফর খাঁ বাহাদুর ?

প। এর মধ্যে শালা মাতাল হোয়ে গেছিল; এখনও অর্ধেক মাল
বোতলে বিরাজিত !

হে। তবে নে, আর একখুলী খা ; খেয়ে ঞাণের কথা খুলে বল,
আজ মরণে কেন পুলিশ কোর্টমুখো টেনে নিয়ে যচ্ছে তোমায়—

ওহে প্রাণধন ;

ইন্ডিজিং মোর

নিকুস্তিলা যজ্ঞাগারে

বধিবে নিশ্চয়,

আজ লক্ষ্মণ তোমারে ।

পাঠাইবে ভীষণ জেলেতে—

পরাইবে গলদেশে

লৌহ-বিনির্মিত পদক একখানি ।

পতঙ্গ যেমতি মরিবারে যায়,

আলোক দর্শনে আগুনের কাছে

বিনা ওয়ারেন্টে অথবা পুলিশের

বিনা ধাক্কা খেয়ে

যেতেছ জেমানি বাবা !

লাল বাজারের সেই বিভীষণ কোর্টেতে ।

প। হেমা খুড়ো,—হেমা খুড়ো ;—জানি আমি আজ আমার
নিশ্চয়ই জেল ! আজ আমি নিশ্চয়ই স্বাধীনতাপূর্ণ জগৎ ছাড়িয়া অধীনতার
নিগড় পুরীতে কোর্টে যাইব । কিন্তু হেমা খুড়ো, না যাইয়া পারিব না ;
সেই নিষ্পাপ সরল সুন্দর যুবক আমার জন্মে জেলে যাইবে,—আমি
চোর,—চুরি করিয়া পলাইতেছিলাম ; সে ধরিয়া অপহৃত দ্রব্য কাড়িয়া
লইয়া বাসায়,যাইতেছিল,—পথে পুলিশে ধরিয়াছে—সে সত্য বলিলে নিষ্কৃতি

পাইবে না; আমার নামও জানে না--কোথায় থাকি তাও জানে না--
কাছেই সে নিজের স্বন্ধে দোষ চাপাইয়া লইয়াছে।

হে। এসব খবর কোথায় পেলে মাণিক ?

প। এই কয় দিন ঘুরে ঘুরে সংগ্রহ করেছি।

হে। কিন্তু বারে বারে নিষেধ করিলে ছাদশ বর্ষীয় বাদল
আমার যেও না হে দ্রোণাচার্য্য রচিত চক্র ব্যূহ মাছে আর আসিবে
না ফিরে। অভাগিনী মাতা তোর হুঃশাসন কাছে শোন হতভাগা
পক্ষু. মরে মরুক সে ছোকরা, সে মরুক, তার বাবা মরুক তার
চৌদ্দ পুরুষ মরুক, তোমার আমার কি মাণিক ? সে শালা বরং কাছের
হস্তারকই হয়েছিল, সে শালার বেটা শালা হুর্য্যোধনের বেটা উরুভঙ্গ,
যদি সোণার কঙ্কণ গাছটা কেরে নিয়ে না যেত, বেচে নেহাৎ পঞ্চাশ
টাকাও পাওয়া যেত। কেননা, আমাদের জিনিষ যেখানেই বেচতে যাওয়া যাক,
আসল মূল্যের দু'আনা অংশের অধিক দেয়না, তা হলে আমাদের কত
দিন--কত দীর্ঘ দিন, রাজার বেটা পক্ষু দত্তের মত মদ আর মুড়ি
ভোজন চলিয়া যাইত।

অতঃপর তাহারা পুনরপি মত্ত পান করিল, সুরাটুকু প্রায় তখন
শেষ হইয়া গিয়াছে, উভয়ের চক্ষু লোহিত, মস্তকের কেশ উর্দ্ধে উর্ধিত
এবং সমস্ত দেহ টলিতে আরম্ভ করিয়াছে, কথা জড়াইয়া আসিয়াছে,
বেলাও তখন প্রায় দশটা বাজে বাজে। পক্ষু বসিয়াছিল, উঠিয়া
দাঁড়াইল, সুরারূপ চক্ষুর উন্মাদ-দৃষ্টিতে একবার আকাশের দিকে চাহিয়া
তারপরে হেমন্তের দিকে চাহিল, তারপরে ব্যথিত কঙ্কণ গানের সুর
করিয়া বলিল,—“যাবার সময় হল আমার, বেঁধ না আর মায়াজালে।”
শোন হেমন্ত, চলিলাম, বুঝি আর দেখা হইবে না, সত্যই আমি নিজ
ইচ্ছায় পতঙ্গের মত আগুনে ঝাঁপ দিতে যাইতেছি, শত নিষেধে ও আর

থাকিতে পারিব না, না জানি কোন আকর্ষণে আমার এমন গতি হইল। তুই কত দিন থিয়েটারের কত বক্তৃতা আমার সামনে করেছিস্, পকেট মারার জন্য কতদিন থিয়েটারে ঢুকে কত বক্তৃতা শুনেছিস্ চুরি করিবার জন্য কত বড় লোকের বাড়ী কথকের কথা শুনিয়েছিস্, কিন্তু কখন ও প্রাণের মধ্যে সে ভাব প্রবেশ করিতে পারি নাই। বুঝি প্রাণের ছয়ারে চুরি করা উদ্দেশ্য রূপ সিপাহী জাগিয়া বসিয়া থাকিত, তাই সেই ছয়ার গলাইয়া আর কিছুই প্রবেশদিকার রহিত না। এই কয়দিন হইতে সারা প্রাণ উদ্দেশ্য হীন ধূ ধূ প্রান্তর পড়িয়া রহিয়াছে।

কাল সন্ধ্যার সময় গঙ্গাতটে এক বালকের মুখে একটী ছোট গান শুনিয়া তাহা যেন ব্রজের বাঁশরীর স্বরাকর্ষণ হইতে ও আমার কাণের ভিতর দিয়া মর্ম মাঝে প্রবেশ করিয়াছে। ভাবিস্ না হেমাখুড়ো, আমি মাতাল হয়েছি, তোর এত মদে—মদের বিষ আমার শিরায় শিরায় উঠিয়াছে বটে, সমস্ত অঙ্গ প্রত্যঙ্গ টলিতেছে বটে, কিন্তু আমাকে মাতাল করিতে পারে নাই, কথা জড়াইয়া আসিয়াছে, কিন্তু প্রাণের জ্ঞান ঠিক আছে, উদ্দেশ্য হীন হই নাই, বালক তাহার মধুর স্বরে গাহিতেছিল—

মা আর নাই মোচন

পিতা ত্রিলোচন

বসলেন শর মধ্যে আমার জীবন বধে

তাহার পুরাতন গানের এই ছত্র কে জানে আমার মর্ম মাঝে প্রবেশ করিয়া বড় কাতর করিয়া ফেলিয়াছে, তাহার গান শুনিতে শুনিতে আমি জগৎ ভুলিয়া গেলান—আপন ভুলিয়া গেলাম, সব ভুলিয়া গেলাম, দেখিলাম—সেই ভীষণ হাজত ঘর,—হাজত ঘরের মধ্যে সেই যুবক একা তাহার ছই চক্ষু দিয়া ঝর ঝর জলঝরিতেছে আর কঙ্কণ স্বরে কাঁদিয়া কাঁদিয়া গাহিতেছে,——‘মা আর নাই মোচন পিতা

ত্রিলোচন বসলেন শরমধ্যে আমার জীবন বধো' কেন এমন হইল হেমন্ত খুড়ো, বলিতে পারিস্? থাক্ থাক্, আর বলতে হইবে না, সময় হইয়াছে, এক্ষণ তাহার বিচার আরম্ভ হইয়াছে।

পক্ষু আর মুহূর্ত্ত দাঁড়াইল না, সে টলিতে, টলিতে চলিয়া গেল। তাহার গমনে হেমন্ত বাস্তবিকই অত্যন্ত ব্যথিত ও বিচলিত হইয়া পড়িয়াছিল, বিশেষতঃ তাহার যাইবার সময়ের কথাবার্তা ও অঙ্গ প্রত্যঙ্গের ভাব ভঙ্গি দেখিয়া শুনিয়া, তাহার ও মন যেন কেমন উদাসবিহ্বল হইয়া পড়িল, সে অবশেষে মস্ত টুকু বোতলের কানায় ঢক্ ঢক্ করিয়া গিলিয়া ফেলিল। তারপর উঠিয়া দাঁড়াইল।

এই সময় এক পাহারাওয়াল। তাহার বেশসজ্জিত মশরীরে আসিয়া হেমন্তের নিকটে দাঁড়াইল, কোমরে কোমরবন্ধের সঙ্গে মথারীতি এক গাছি রুলও বুলিতেছিল।

সে আসিয়া মাত্রই হেমন্ত যেন চমকিয়া উঠিল,—বলিল,—“জনাব খোদাবন্দ ; অধীনের সেলাম গ্রহণ কর বাবা ; তোমার ঐ ভীষণ হরিভকী কাষ্ঠ বিনির্মিত রুলগাছটা সম্বরণ কর, কয়দিন কালীবাড়ীর ধাবার খেয়ে খেয়ে একে পেটে অসুখ জন্মে গিয়েছে, তার উপরে ঐ হরিভকীকাষ্ঠ বিনির্মিত মহাযন্ত্রের ছই একটা গুতা মারলে এখনই মেথর ডাকতে হবে বাবা ; তা না হয়ে পথ দেও, আমি সুর সুর করে চলে যাই বাবা।”

পাহারাওয়াল। সাহেব পশ্চিম দেশীয় মুসলমান, জন্মাব, খোদাবন্দ, প্রভৃতি উচ্চ সম্বোধনে নিতান্ত প্রীত ও গর্বিত হইয়া বাম হস্তের অঙ্গুলি দ্বারা তাহার মুখের অবিরল শুভ্র গুলিতে মোড়া দিয়া বলিলেন,—

“তোম্ বহুত মাতোয়ারা হয়।”

হে। তাতে তোমার কি জন্মাব? দিন দুপুরে আমার উপর তোমার কোন অধিকার নাই খোদাবন্দ, যতক্ষণ ‘পপতি ধরণীতলে

না ইচ্ছা, ততক্ষণ থানায় নিয়ে যেতে পার না, তবে তোমরা হুনিয়ার মালিক, যা কর তাই সাজে বাছা হুম্মান, কোথা রাজা বন্ধুমান— কোথায় লাগেন হায়দ্রাধিপতি বা আমাদের স্বাট সপ্তম এডোয়ার্ড। যাওত বাছ, পথ ছাড় ; চলে যাই। ওমূর্তি সামনে থাকলে, 'শিহরে কদম্ব ফুল, দাড়িম্ব বিদরে'।

পা। তোমত ভদর আদমী থা, ইস্‌মাফিক কাম কাঁহে কর্তা হায় ?
হে। চিনেছ বাবা ঠিক চিনেছ ; আমি ভদর আদমী থা, তবে আর ছেড় দিতে 'ইতস্ততঃ' কর কেন যাছ, একটু পথ দেও, খসে পড়ি।

" পা। হ্যামরা বাংকো উর্তর দেও, কাঁহে ইস্‌মাফিক কাম করতে থা ?
হে। কি কহিব রণের বীরতা, তোমার সাক্ষাতে ; দশানন, প্রাণধন, ওহে মহম্মদ খাঁ।

দেশে পাহারাওয়াল সাহেবের নাম মামুদ খাঁ, মহম্মদ খাঁ, বলায় তিনি ভাবিলেন, এই ব্যক্তি কোন বড় চাকুরে হইতে পারে এবং তাঁহার নাম ধামও জানে, মামুদের পরিবর্তে মহম্মদ বলিয়া সম্বোধন করিতেছে, তিনি আর ও গর্বি অনুভব করিলেন, তখন নিজের উচ্চ ও গর্বিত স্বর কিঞ্চিৎ নম্র ও বিনীত করিয়া বলিলেন,—“হামতো আপকো আচ্ছা বাং বোলা হায় ; দারুপিনসে বহৎ লোক বাউরা হো গিয়া ; কাঁহে আপ ইস্‌মাফিক কাম কিয়া ?

হে। কাঁহে কিয়া ?

মহম্মদ ;—মহম্মদ শোন তবে বলি—

দেখেছ কি নির্জন শশ্মান,

দেখেছ কি নিদাঘ, নিশিথে তাহা পড়িয়া থাকিতে একা ?

শুধু ধু ধু চিতায় আগুণ ভরা।

মনে কর মনে কর মহম্মদ,

নাহি সেথা পুতি গন্ধ,
নাহি সেথা মরণের উচ্চ কোলাহল,
নাহি সেথা ক্রন্দনের আকুল বারতা
শব নাই, শিবা নাই, নাই কুকুর শৃগাল সেথা ;—
নাই গৃধিনী শকুনি

আছে শুধু হু হু করা নিশার বাতাস।

দেখেছ কি মহম্মদ তেমন শ্মশান নিশীথ—দৃশ্য,

তা'হ'লে বুঝিতে পার পাবে কাঁহে কিয়া দারু পান।

কোন ব্যথা, কি যে জ্বালা, জুড়ীবার তরে

ছিছু আমি প্রথমে দারুপান করে

বলিবার নাহি কেহ ? ত্রিজগতে মহম্মদ চলিলাম।

সেলাম করিয়া তব হরিতকী বিনির্মিত

লগুড়ের পায়ে, গৃহে কাঁদিতেছে মা

বশোদা নসরদা সুন্দরী, পড়িয়া তাঁহার

কোলে, নিদ্রা ঘাব মুখে।

মহম্মদ তাহার একবর্ণ ও বুঝিলেন না, তবে এই মাত্র বুঝিয়া
বুঝিলেন, লোকটা নামজাদা থিয়েটারের একটার হইবে, নতুবা এমন বক্তৃতা
করিবে কি প্রকারে। একদিন তাঁহার নেকার বিবির প্রথম পক্ষের খসমের
চাঠাত ভাইকে থিয়েটার দেখাবার আবশ্যক আছে। ইহার দ্বারা বিনা পয়সায়
সে কার্য্য হইতে পারে। বলিলেন,—“আপতো থিয়েটারকো আদমী হায়”।

•হে। ঠিক ধরেছ বাবা ; এইবার ঠিক ধরেছ। তুমি থিয়েটার
দেখতে যাবে যাছ ? আপাততঃ আমার পথ ছেড়ে দেও ; আমি খসে
পড়ি, তারপর শনি মঙ্গল বার দেখে একদিন ঠার থিয়েটারে গিয়ে
আমাকে খুঁজো, আমি তোমাকে থিয়েটারে বসিয়ে দেবো।

পা। হামারা সাং আউর একঠো আদমি বানে হোগা।

হে। আচ্ছা, তোমরা তিন পুরুষ একত্রে হয়ে যেও, রাস্তা হতে আমার নাম করে ডেকে। কত সমাদরে তোমাদিগকে থিয়েটারের মধ্যে ঢুকিয়ে দেব।

পা। আপকো কিয়া নাম হায় বাবু ?

হে। হামারা নাম হায় ট্যাংসি চন্দ্র ভট্টশালিনী। যেও, যেও, বাবা সকাল সকাল যেও।

পাহারাওয়াল সাহেব, সেনাম জানাইল, হেমন্ত কুমার খালি বোতলট কুড়াইয়া লইয়া বাম বগলের তলে রাখিল, তারপরে গঙ্গার দিকে চলিয়া গেল। পাহারাওয়াল সাহেব নিজ মুখস্থিত দাড়িগুলোকে পুনঃ পুনঃ আন্দোলন করিতে করিতে ধীর পদক্ষেপে রাস্তার উপর গমন করিল।

অষ্টাদশ পরিচ্ছেদ

বেলা এগারটা, লাল বাজারে পুলিশ কোর্টে লোকে লোকারণ্য।
নিম্নে বহুবাজার ও চীংপুর রোডের রাস্তার সঙ্গম স্থলে বহুপ্রকারের
অশ্রয়ান সকল আরোহী শূণ্য অবস্থায় দণ্ডায়মান। বেঁসা-বেসি ঠেসা-
ঠেসি, মিশামিশি, তাহার মধ্য দিয়া পথিকগণের ষাতায়াত চূর্ঘট হইয়া
উঠিয়াছে। লোহিত বর্ণের সেই প্রকাণ্ড প্রাসাদের সিঁড়ি দিয়া বহু লোক
উঠিতেছে নামিতেছে, সকলেই ব্যস্ত; সকলেই উন্মনা। প্রাসাদমধ্যে
লোকে লোকারণ্য;—উকীল, উকীলের মুহুরী, ব্যারিষ্টার, পুলিশের দোড়া-
দোড়ি ছুটাছুটা এবং কতক কতক কম্পিত হৃদয় ধীর মধুর গামী
দর্শক ও মোকদ্দমাকারীর পক্ষীয় লোক চলিতেছে, ফিরিতেছে, ঘুরিতেছে
আপন আপন সাক্ষী ডাকিতেছে, হাঁকিতেছে, উকীল কৌন্সলি
খুঁজিতেছে। ত্রিতলের উপর বিচারক গণ কক্ষ কক্ষ বিরাজমান।
প্রতিকক্ষেই পুলিশ পাহারার কড়াকড়ি তাড়া তুড়ি; উকীল কৌন্সলির
ছড়াছড়ি এবং বিচারার্থী জনসম্মেলন ও তৎপক্ষীয় তদ্বিরকারীগণের তৃপা
সাক্ষীগণের কম্পিত হৃদয়ে গমনাগমন হইতেছিল।

এই সময় হাজত গৃহ হইতে শৃঙ্খলাবদ্ধ নির্মলকে লইয়া তিনজন
কনষ্টেবল তৃতীয় ম্যাজিষ্ট্রেট সাহেবের কক্ষে প্রবেশ করিল। পঞ্চ
মাতাল আগে হইতেই আসিয়া দ্বিতলের বারেণ্ডায় বসিয়াছিল, নির্মলকে
যদি ও সে, সেই একরাতে একবার দেখিয়াছিল, কিন্তু তাহার ছবি
খানি হৃদয়মধ্যে সে বেশ করিয়া আঁকিয়া রাখিয়াছিল, কিন্তু তথাপি
নিঃসন্দেহ হইতে পারিল না। সে ধীরে ধীরে পশ্চাৎ পশ্চাৎ যাইয়া
প্রবেশ দ্বারে দাঁড়াইল।

কনষ্টবলগণ নির্মলকে আসামীর কাটগড়ায় দাড়া করাইয়া দিয়া শৃঙ্খল মৃত্তক করিয়া লইল। নির্মলের বিচার আরম্ভ হইল; পুলিশ পক্ষের উফীল জিজ্ঞাসা করিলেন,--“তোমার নাম কি ?

নি। নির্মল চন্দ্র দত্ত।

উ। এখানে কোথায় থাক ?

নি। পাথুরিয়া ঘাটা।

উ। কি কর ?

নি। রিপণ কলেজে বি, এ ক্লাসে পড়িতাম।

ম্যাজিষ্ট্রেট বাঙ্গালী, তিনি একবার নির্মলের দিকে চাহিলেন। তারপরে উকীলসরকারের দিকে চাহিলেন।

উ। তুমি বাগবাজারের পূর্ণ বাবুকে চেন ?

নি। হাঁ, চিনি; আমি তাঁহার পুত্র অমিয়কে আজ তিন বৎসর হইতে পড়াইতেছি।

উ। কত করিয়া মাসিক বেতন পাও।

নি। অমিয় যখন ফোর্থ ক্লাসে পড়িত, তখন বার টাকা পাইতাম;— আমি ও তখন এফ এ ক্লাসে পড়িতাম, তারপরে ষোল টাকা হয়, এখন সে সেকেণ্ড ক্লাসে উঠিয়াছে এখন কুড়ি টাকা করিয়া পাই।

উ। তুমি পূর্ণ বাবুর কল্লার হাতের কঙ্কণ চুরি করিয়াছ ?

নি। হাঁ,--করিয়াছি।

উ। রূপো গাছি তোমার একটা রক্ষিতা বেগা আছে ?

নি। না হজুর, আমি নিতান্ত গরীবের ছেলে, পরের অনুগ্রহে কোন রকমে একটু লেখা পড়া শিক্ষা করিতেছি। মা আমার, অতিকষ্টে দিন কাটান, তাহার দৈন্য অবস্থা দূর করাই আমার জীবনের একমাত্র উদ্দেশ্য, আমি কোন নিকৃষ্ট বৃত্তির দাস নহি, নরকের কীট নহি, দেশে

মা আমার দাসী বৃত্তি করিতেছেন, আর আমি কলিকাতায় আসিয়া
বেশ্যাসক্ত হইব, ইহা সম্পূর্ণ অসম্ভব।

হাকিম নির্মলের মুখের দিকে পুনরপি চাহিলেন, দেখিলেন, তাহার
চক্ষু জলভারাকীর্ণ, যেন আষাড়ের মেঘ, জল ভারে টল মল করিতেছে।
সরকার পক্ষীয় উকীল জিজ্ঞাসা করিলেন, “তবে কি জগু বেশ্যা
পল্লীতে গিয়েছিলে?”

নি। ঐ পথ দিয়া বাসায় যাইতেছিলাম।

উ। বিশ্বাস হয় না, শ্রামবাজার হইতে পাথুরিয়াঘাটায় যাইবার
সে পথ নহে।

হাকিম পুলিশ পক্ষের সাক্ষী তলব করিতে আদেশ করিলেন। আলী-
পুরের ডেপুটী ম্যাজিষ্ট্রেট পূর্ণবাবুর প্রথম সাক্ষী। তিনি সাক্ষীর
কাটগড়ায় উঠিয়া কোর্টকে সেলাম করিলেন, হাকিম তাঁহাকে
চিনিতেন, উভয়েই সমান পদস্থ, মন্দ মন্দ হাসিয়া উভয়ে উভয়ের প্রীতি
সম্পাদন করিলেন, তারপরে যথারীতি হলফ পড়িলে সরকার পক্ষীয়
উকীল সমস্ত্রমে জিজ্ঞাসা করিলেন, “আপনি এই যুবককে চিনেন?”

পু। হাঁ চিনি, তিন বৎসর হইতে আমার ছেলেকে পড়াইতেছে।

উ। উহার চরিত্র কেমন জানেন?

পু। খুব ভাল বলিয়াই জানি এবং এখন ও বিশ্বাস করি, উহার
দ্বারা এ চুরি হয় নাই।

উ। ও নিজে স্বীকার করিয়াছে, আমি চুরি করিয়াছি।

• পু। তাহা ও শুনিলাম, কিন্তু তথাপি ও চুরি করিয়াছে বলিয়া
আমার মন বিশ্বাস করে নাই।

উ। গতদিনে আপনার কণ্ঠ্যার জবানবন্দী লইতে আপনার উপর ভার দেওয়া
হইয়াছিল, আপনি ও ম্যাজিষ্ট্রেট, তিনি আপনার সাক্ষাতে কি বলিয়াছেন?

পু। সে বলিয়াছে, আমি চোর চিনিতে পারি নাই। আমি অত্যন্ত মনস্ক ভাবে একহাতে একটা জিনিষ লইয়া অপর হস্তে খুলাইয়া দিয়া ঘর হইতে দ্রুতপদে বাহিরে যেখানে স্ত্রী-আত্মার হইতেছিল, সেইখানে গাইতেছিলাম, কে আসিয়া শ্বশ্চাৎ হইতে নিষ্কেষ মধ্যে আমার হাতের কঙ্কণ ছিনাইয়া লইয়া পলায়ন করিয়াছিল।

উ। নিশ্চলের উপর ত্রিনি সন্দেহ করেন কিনা ?

পু। না, না, সে কিছুতেই বিশ্বাস বা সন্দেহ করে না।

উ। কঙ্কণ চুরী যাইবার পরে, আর কেহ নিশ্চলকে দেখিয়াছিল বলিয়া আপনি শুনিয়াছেন কি ?

পু। না ; আমার বাড়ীর চাকর চাকরানী, আমার স্ত্রী কথ্য বা পুত্র কেহই উহাকে আর দেখিতে পারি নাই।

হাকিম নিশ্চলের দিকে চাহিয়া বলিলেন, 'তোমার উকিল কোন্সিল কিছু আছে বা এই বাবুকে কিছু জিজ্ঞাসা করিবে ?'

নিশ্চল নতবদনে বড় অন্তমনস্ক ছিল, সে কথা তাহার কর্ণে পৌঁছছিল না। উকিল ধমক দিয়া পুনরপি সেই কথা জিজ্ঞাসা করিলেন। চমক ভাঙ্গা চঞ্চল নম্রনে উকিলের দিকে চাহিয়া সে কথার উত্তরে বলিল,—“না”।

উ। কি না ? উকিল কোন্সিলি নাই, না জিজ্ঞাসা করিবার নাই ?

নি। উত্তরই নাই।

এই সময় বন্ধের খ্যাতিনামা একজন ব্যারিষ্টার উঠিয়া দাঁড়াইলেন এবং বলিলেন, “উহার পক্ষে আমি আছি, আমি একটা কথা জিজ্ঞাসা করিব। তিন বৎসর নিশ্চল আপনার বাড়ী যাতায়াত করিতেছে, আপনার টাকা কড়ি অলঙ্কার লইবার সুযোগ আর কখনও উহার ঘটিয়াছে কি ?”

পু। বহু দিন ; ও আমার সন্তানের গায় বাড়ীর মধ্যে যাতায়াত করিয়া থাকে; ঘটনার দিনও ছপুরের সময় যখন বিবাহের 'বাড়ী যাইবে' বলিয়া

বস্ত্রালঙ্কার বাহির করিতেছিল, তখন একছড়া নেকলেস্ মূল্য অনুমান পাচশত টাকা, পরিত্যক্ত বস্ত্রের মধ্যে জড়াইয়া গিয়াছিল, তাহা আমার স্ত্রী বা কেহই দেখিতে পায় নাই। অপ্রয়োজন বিধায় তাহার অনুসন্ধানও তখন হয় নাই; ঘরে চাবি দিয়া রাখিয়া সকলে বিবাহবাড়ী চলিয়া যায়, ঘটনার কিছু পূর্বে সহসা নেকলেসের কথা আমার স্ত্রীর মনে হয়, এবং তাহা তুলিয়া রাখিয়া যান নাই একথা স্মরণ হওয়ায় ভাড়াভাড়ি নিশ্চলকেই বাড়ী পাঠাইয়া দেন। নিশ্চল বাড়ী আসিয়া, নেকলেস্ খুঁজিয়া লইয়া গিয়া আমার স্ত্রীর নিকট পঁছছিয়া দেয়।

হাকিম কথা শুনিয়া অবাক হইয়া গেলেন এবং হস্তে মস্তক কণ্ঠয়ন করিতে করিতে ব্যারিষ্টারকে জিজ্ঞাসা করিলেন,—“আর কিছু জিজ্ঞাসা করিবেন কি?”

ব্যারিষ্টার ঘাড় নাড়িয়া বলিলেন,—“না”।

হাকিম সরকার পক্ষীয় উকিলের দিকে চাহিলেন; তিনিও বলিলেন, “না ইহাকে জিজ্ঞাসা করিবার আর কিছু নাই। অপর সাক্ষী আছে।”

নিশ্চল জনসমূহের মধ্যে চাহিয়া দেখিল, কে তার আপন জন আছে, কে তাহার পক্ষে এই বিখ্যাত ব্যারিষ্টার নিযুক্ত করিয়াছে। দেখিল ব্যারিষ্টারের পশ্চাৎ ভাগে বৃদ্ধ মথুর বাবু চিন্তাক্লিষ্ট বদনে একখানি চেয়ারে উপবিষ্ট, সে তখন লজ্জায়, ক্ষোভে ও মাতার কথা স্মরণ করিয়া বড় ম্রিয়মান হইয়া পড়িল। এবং এই সময় ধৃতকারী পাহারাওয়ালার আসিয়া সাক্ষীর কাট গড়ায় উঠিয়া দাঁড়াইল। প্রকৃত কথাই সমস্ত বলিল।

• তখন সরকারপক্ষীয় উকিল নিশ্চলের পক্ষীয় ব্যারিষ্টারকে জিজ্ঞাসা করিলেন, “আপনার মকেলের পক্ষে সাফাই সাক্ষী দিবেন কি?”

ব্যারিষ্টার বলিলেন,—“না।”

সরকারপক্ষীয় উকিল বক্তৃতায় যাহা বলিলেন, তাহার সংক্ষিপ্ত মর্ম এই;—

“এই নিৰ্মলচন্দ্র এই অলঙ্কার যে, চুরী করিয়াছে, তাহা মহামাণ্ড কোটে নিজমুখেই স্বীকার করিয়াছে এবং প্রথম ধৃত্ত কারীর নিকট অপহৃত দ্রব্য স্বেচ্ছায় দেখায় নাই, ছুটিয়া পলায়ন করিতেছিল, ধৃত করিয়া লুকান স্থান হইতে বাহির করিয়াছে এবং আসামী নিজেও তাহা স্বীকার করিয়াছে। অতএব অণু সাক্ষী থাক বা না থাক, ইহাতেই এ দণ্ড পাইবে সুনিশ্চিত।”

তাঁহার বক্তৃতা-অন্তে নিৰ্মলের পক্ষীয় ব্যারিষ্টার নানারূপ বাক্‌জাল বিস্তার করিয়া যাহা বলিলেন, তাহা এই যে ;—

“যাহার জিনিষ, তিনি °চোর চিনিতে পারেন নাই, তিনি বা তাহার আত্মীয়স্বজন কেহই উহার চরিত্রে সন্দেহ করেন না ; অভাবে স্বভাব নষ্ট ; ধরিয়া লইলেও সেই দিবসই সন্ধ্যা কালে পাঁচশত টাকার মূল্যের অলঙ্কার লইয়া গিয়া তাঁহাদিগকে দিয়াছে ; পাই নাই বলিলেই সকল গোল চুকিয়া যাইত। অতএব সে যে চুরী করে নাই, ইহা নিশ্চিত ; অতএব চুরী অপরাধে যুবক অপরাধী হইতে পারে না, ইহার ভিতর অণু কোন রহস্য আছে বলিয়াই জ্ঞান হয় এবং সে রহস্য পুলিস্ কর্মচারির দ্বারায় ভেদ হওয়া উচিত ছিল, অতএব আসামী নির্দোষ খালাস পাইবার উপযুক্ত।”

সরকার পক্ষীয় উকীল বলিলেন,—“আসামী নিজমুখে অপরাধ স্বীকার করিয়াছে এবং অপহৃত দ্রব্য তাহার নিকট পাওয়া গিয়াছে এবং আর এই কঙ্কণ চুরি গিয়াছে, তাহাও সত্য। অতএব আসামী যে চৌর্য্যাপরাধে দোষী, তাহাতে আর সন্দেহ নাই।

বিচারক কি বলিতে যাইতেছিলেন, বলা হইল না। স্থলিত খন্দে টলিতে টলিতে পঞ্চ আতাল গৃহ প্রবেশ করিয়া, একেবারে আসামীর কাঠগড়ায় নিৰ্মলের পার্শ্বে গিয়া দাঁড়াইল, কনেষ্টবলেরা দ্রুত আগমনশীল পঞ্চকে ধমক দিয়া নামাইতে গেল, পঞ্চ নামিল না এবং বলিল,—

‘খাম বাবা সকল; আসামী আমি, হাকিম বাহাছুরকে আমার কিছু বলিবার আছে।’

তারপরে সেলাম করিয়া হাকিম বাহাছরের মুখের দিকে চাহিয়া অতি সুন্দর ইংরেজী ভাষায় যাহা যাহা বলিয়াছিল, আমরা তাহার মর্মানুবাদ নিয়ে লিখিয়া দিলাম, যেহেতু বাঙলা উপভাষা, ইংরেজিতে উত্তর প্রত্যুত্তর বড় মিশ খাইবে না এবং অনেকের অসুবিধাও হইতে পারে।

প। আমার নাম পঞ্চু মাতাল,—আমি কলিকাতার একজন বিখ্যাত বদমায়েস, অনেকবার এই এজলাসে আসিয়াছি, জেলে ও গিয়াছি। বর্তমান এই চুরি—যাহার জন্ত এই নির্দোষ যুবক জেলে যাইতে বসিয়াছে, তাহা আমা কর্তৃকই ঘটয়াছে।

হাকিম তাহার মুখে ঐরূপ সুন্দর ইংরেজী ভাষা শুনিয়া অবাক হইয়া গেলেন। তাহার বেশ ও শরীরের অবস্থা দেখিয়া, নিরুপস্থিতশালী মাতাল বলিয়াই বিশ্বাস করিলেন, কিন্তু সে যেরূপ ইংরেজীতে কথা বার্তা কহিতে লাগিল, তাহা উচ্চ শিক্ষিত ব্যক্তি ভিন্ন অপরে সম্ভবে না।

হ। তুমি এরূপ ইংরেজী বলিতে কোথায় শিখিলে?

প। হজুর, আমি প্রেসিডেন্সি কলেজ হইতে বি, এ পরীক্ষায় অনারে উত্তীর্ণ হইয়াছিলাম।

হ। তারপরে এত অধঃপতন কিসে?

প। মদে। শুধু হজুর, আমি একবর্ণ ও মিথ্যা বলিব না, ঐ নিষ্পাপ যুবককে জেলে দিবেন না, পাপ করিয়াছি আমি, দণ্ড আমাকে দিন।

হাকিম তারি অগ্ৰমনস্ক ভাবে কি চিন্তা করিলেন, যেন অনেক দিনের কোন পুরান স্মৃতি স্মরণ পথে টানিয়া আনিলেন, তারপরে

জিজ্ঞাসা করিলেন,—“তুমি কি পঞ্চানন দত্ত, তুমি কি বোর্ডিংএ থাকিয়া পড়িতে, তোমার আমলে কি মিষ্টার বুথ ম্যাথামেটিক প্রফেসর ছিলেন? গৌরীশঙ্কর দাদা কি তোমার একসঙ্গে একজামিন দেন?”

পঞ্চ শিহরিয়া উঠিল।

বলিল হাঁ। হজুর এ সকল সংবাদ কি করিয়া পাইলেন?

হা। হতভাগ্য ;—আমিও তোমার সহায়ী ছিলাম, আমিও তোমার একসঙ্গে বি, এ একজামিন দিয়াছিলাম, আমার নাম রাম কানাই বসু ; মনে পড়ে ?

পঞ্চ ঘাড় হেঁট করিল, তারপরে দীর্ঘনিশ্বাস ত্যাগ করিয়া বলিল, “না না সে সব কিছু মনে পড়ে না, আমি সে পঞ্চ নই, আমি বিএ পাশ করি নাই, আমি বুথ সাহেবকে চিনি না গৌরীশঙ্কর দেকেও চিনি না, তোমাকে ও চিনি না। চিনি মদ, চিনি চুরি, চিনি কোন পথিকের পকেটে কি আছে। যাক্ যাহা বলিতে আসিয়াছি, তাই শুনুন।” সে চুরির বিষয় যথার্থীতি বর্ণনা করিল। ম্যাজিষ্ট্রেট সাহেব সে কথা শুনিলেন এবং ঘন ঘন তাহার মুখের দিকে চাহিয়া বেদনার ক্ষুদ্র শ্বাস পরিত্যাগ করিলেন।

হাকিম ও পঞ্চতে যে কথা হইল, তাহা শুনিয়া নিশ্চল আকুল হইয়া উঠিল। হায়; কোথায় অকশাস্ত্রবিৎ গৌরীশঙ্কর দে, কোথায় ম্যাজিষ্ট্রেট সাহেব? আর কোথায় তাহার পিতা! হায় সুরা, হায় অসৎসঙ্গ, তুমি দেবতাকে নরকের কীট করিতে পরে। তাহার বাধা যদি মদ না ধরিতেন, এমন অধঃপতনের তমোময় গুহায় প্রবেশ করিতেন না, শুনিলাম বাবা প্রেসিডেন্সি কলেজ হইতে অনারে পাশ করিয়াছিলেন, তিনি অকশাস্ত্রে অদ্বিতীয় বুথের শিষ্য, এই সকল নাম

জাদা উচ্চ পদারূঢ় ব্যক্তি তাহার সহাধ্যায়ী বন্ধু বাবা। বাবা; কি করিয়াছ! তোমার স্ত্রী হইয়া আমার মা পরের দাসী—পথের কাঙালিনী তাহার চক্ষু দিয়া জল ঝরিল। সরকারপক্ষীয় উকীল উঠিয়া বলিলেন হুজুর; অনর্থক আদালতের সময় নষ্ট করিবার জন্তই এই ব্যক্তি এখানে আসিয়া জুটিয়াছে, নিশ্চয়ই ইহাকে টাকা বা মদ্যাদি দিয়া বশীভূত করিয়া ঐ যুবকের দোষ তাহার সন্ধে চাপাইয়া যুবককে খালাস করিবার জন্ত ষড়যন্ত্র ঘটাইয়াছে।”

নির্ম্মল চক্ষুর জল কোচার কাপড়ে মুছিয়া হাকিমের দিকে চাহিয়া বলিল, “সত্যই তাই, চুরি আমি করিয়াছি, আমাকেই জেলে দিবন। এই ব্যক্তি যাহা বলিতেছে তাহা মিথ্যা।”

পক্ষু সুরা-রক্ত জাঁথির তীক্ষ্ণ দৃষ্টিতে একবার যুবকের মুখের দিকে চাহিয়া দৃঢ়স্বরে বলিল, “এই না মাণিক, তুমি মিছে কথা বলনা; বুঝেছি সে দিন সেই জঙ্গলে ঢুকে, কোন একটা ব্রহ্মদৈত্যের দৃষ্টি তোমার উপর পড়েছে, তাই তুমি স্বইচ্ছায় জেলে যেতে চাচ্চ, বাবা, জেলটা সুখের জায়গা নয়? একবার ঢুকলে জানতে পারবে, সে কি ভীষণ নরকারণ। পক্ষু হাড়ে হাড়ে সে সকল অবগত আছে।”

তারপরে সে, নিজের মস্তক হইতে জড়ান ছিন্ন গামছা খুলিয়া হাতে লইল এবং তাহার অগ্রভাগ হইতে খুলিয়া একখানি রুমাল বাহির করিয়া বলিল,—“দেখত বাপধন এ কাহার রুমাল।”

নির্ম্মল দেখিয়া বলিল, “হাঁ এ আমার রুমাল।”

পক্ষু হাকিমকে সে রুমাল দেখাইয়া বলিল, “হুজুর আমি থালা দিয়া যে রুমাল কাড়িয়া লইয়া পলায়ন করিয়াছি, এই মাত্র যাহা আপনাকে বলিলাম এই দেখুন সেই রুমাল আমার হাতে।”

নির্ম্মল মনে মনে বলিল বাবা! তুমি আমার স্বর্গ, তুমি আমার

দর্শ্য, তুমি আমার সকল দেবতার বড়, তোমাকে আমি কখনই জেলে দিতে পারিব না, তোমাকে বাঁচাইবার জন্য যে মর্গ্য্য বালিব, তাহা আমার ধর্ম্ম। জেলের কষ্ট প্রত্যক্ষ করি নাই বটে, কিন্তু অনুমান করিতে পারি! যেখানে নরঘাতক, দস্যু তস্কর ও বিবিধ প্রকারের অপরাধীগণের বাসস্থান, প্রায়শ্চিত্তের পাপনিকেতন, সে যে কি প্রকার স্থান, তাহা অনুভব করিয়া বহিতে পারি। কিন্তু তুমি পিতা, আমি পুত্র; তোমাকে সেখানে পাঠাইয়া আমি স্বাধীনতা সূত্রেপথে বিচরণ করিব, ইহা অসম্ভব; আমি তোমাকে চিনি; তুমি আমাকে চেন না।

হাকিমের ইঙ্গিতে পেস্কার বাবু পক্ষুর হাত হইতে রুমাল লইয়া হাকিমের সম্মুখে টেবিলের উপর সংস্থাপন করিলেন, হাকিম দেখিলেন, তাহার এককোণে সূচীশিল্প দ্বারা একটা অপরাজিতা ফুল অঙ্কিত এবং তাহার মধ্যে ইংরেজী হরফে একটা “কে” লেখা আছে। হাকিম নিশ্চলের মুখের দিকে চাহিয়া জিজ্ঞাসা করিলেন, “রুমালের কোণে অপরাজিতা ফুলের মধ্যে “কে” লেখা কেন?”

নিশ্চল আসল কথাটা চাপিয়া গেল, তাহার মুখের ভাব ও অপর কথা শুনিয়া, হাকিম তাহা বুঝিতে পারিলেন। সে বলিল, জানি না হুজুর, এই রকমই কিনিয়াছিলাম।

হা। সত্যই কি পক্ষু তোমার হাত হইতে কয়টা টাকা ও রুমাল লইয়া পলাইয়াছিল?

নি। না হুজুর, উহার সহিত আমার সে দিন দেখাসাক্ষাৎই হয় নাই।

হা। তবে এই ব্যক্তি তোমার রুমাল কোথায় পাইল?

নি। আমি তা বলিতে পারি না।

উকীল সরকার উঠিয়া দাঁড়াইয়া বলিলেন,—“বাহারা ষড়যন্ত্র করিয়া এখানে আনিয়াছে। ইহাকে তাহারাই উহার হাতে এই রুমাল দিয়াছে অতএব হার আদালতের মূল্যবান সময় এইরূপ রঙ্গালয়ের অভিনয়ে না কাটাইয়া যে চোর, তাহাকে দণ্ড দেওয়া হউক।

পক্ষ একবার তীক্ষ্ণ দৃষ্টিতে উকীল সরকারের মুখের দিকে চাহিল। তারপরে অত্যন্ত জড়িত স্বরে বলিল,—“কেন বাবা, তোমার এত ভাড়াভাড়া কেন? কোন যারগায় ফলারের নেমতন্ন আছে নাকি, একটা লোককে সাঁই সাঁই জেলে ঢুকিয়ে দিয়ে—ঘাড়ের বোঝা নামিয়ে, সেই কাজে চলে যাবে?”

উকীল রাগিয়া উঠিলেন। রক্ত চক্ষুতে তাহার দিকে চাহিয়া বলিলেন, সাবধান!—এ মদের দোকান নয়, মাতলামির জায়গা নয়, ইহা বিচারালয়—পুলিস কোর্ট।”

প। তা চিনি বাবা, পক্ষর এখানে এই প্রথম আগমন নয়, তুমি যেমন আইন পোড়ে পোড়ে বে আইয়েনী কথা বোলতে পার না, আমি তেমন মাতলামি করে করে মাতলামির কথা না বলে থাকতে পারি না, বেরিয়ে পড় বাবা, মাতালের মুখে ছ একটা বেছুট কথা শুনে রাগ কর না উকীল সাহেব। আপাতত এই চুরীর কি হয় ঠাউরে নিয়ে আসল কথা হাকিমকে শুনিয়ে দাও, নিষ্পাপ যুবককে জেলে পাঠিয়ে কোন ফল হবে না। ও ব্যাটার ছেলের ঘাড়ে কোন বেঙ্গদত্তি চেপে বোসেছে। আহা! কশর আইবুড়ো ছেলে সেই রাত্তিরে জঙ্গলের ভেতর ঢুকেছিল, বেঙ্গদত্তির দৃষ্টি পড়েছে, তাই এই মতিচ্ছন্ন ধরেছে, আমি কি ওর বাপ—না ঠাকুরদাদা, তাই আমার দোষ নিজে ঘাড়ে নিয়ে, জেলে যাবার এই ভীষণ প্রতিজ্ঞা। সত্য কথা, আমি চুরি করিয়াছি, সেই পূর্ণ বাবুর মেয়েটা যখন ঘর থেকে বেরিয়ে দ্রুত গমনে চলে যাচ্ছিল, তার হাতে কি জিনিষটা ছিল, আমি বলতে পারি, ও আগে বলুক ত।”

হাকিম বলিতে বলিলেন, নির্মল ইতস্তত করিতে লাগিল, বলিতে পারিল না। পক্ষ বলিল, “আমি বলিব ?”

হা। বল।

প। শ্রী—আপনি শ্রী চিনেন ?

হা। চিনি, বিবাহ, অনুরোধ প্রভৃতিতে চাউলের গুঁড় দ্বারা নানাবর্ণে সজ্জিত করিয়া মেয়েরা মন্দিরাকারে প্রস্তুত করে।

উ। ইহাও নির্মলের শিক্ষণীয় লোকগণ শিখাইয়া দিয়াছে ?

প। তবে আমি যাহা বলিব, তাহাই তাহারা শিখাইয়া দিয়াছে। সত্যের সম্মান হইবেনা, অসত্যের জয় হইবে, চুরি করিল পক্ষু মাতাল, সাজা পাবে নির্মল চন্দ্র, বাহবা বিচার তোমার উকিল সাহেব।

উ। মাননীয় আদালতের সমক্ষে আমি পুনঃ পুনঃ এই নিবেদন করিতেছি যে, একটা মাতালের কথায় অনর্থক সময় নষ্ট না করিয়া, স্বীকৃত অপরাধী চোরকে দণ্ড দিয়া এই মোকদ্দমার চূড়ান্ত করা হউক।

প। আপনাকে যিনি সরকারি উকীলের ভার দিয়াছেন, তাহার বুদ্ধিকে ও ধন্যবাদ দিতে হয় বরা; চুরি করে নগণ্য মাতালে,—না বি এ ক্লাসের ছেলে; ওর ঘাড়ে বেঙ্গদতি চেপে বসেছে তাই অমন চেষ্টাচেষ্টা করিয়া মরিতেছে। হাকিম চিন্তা করিলেন, তারপরে নির্মলের ব্যারিষ্টারকে জিজ্ঞাসা করিলেন, “আপনি কি বলিতে চাহেন ?”

ব্য। আমি যে কি বলিব, ঠিক বুঝিতে পারিতেছি না হুজুর; উভয়েই দৃঢ়তার সহিত চুরি স্বীকার করিতেছে, উভয়ের সঙ্গে উভয়ের পরিচয় আছে, ইহা উভয়ের কথায় বুঝিতে পারা যায় না এবং উভয়ের অবস্থা ও কার্য মনে করিলে একশ্রেণীর নহে তাহাও জানা যায়। অতএব কে দোষী, কে নির্দোষী তাহা বলিতে পারি না। মোকদ্দমা

বুঝিয়া লইবার সময় ঘুগাফরেও পশ্চাদাগত এই ব্যক্তির কথা শুনিতে পাই নাই।

হাকিম অনন্ত মনে অনেকক্ষণ কি চিন্তা করিলেন, তারপরে বলিলেন, “—মোকদ্দমার রায় কাল দিব, আজ উভয়েই হাজতে থাকিবে।”

আদেশ শুনিয়া কনষ্টবলগণ উভয়কে শৃঙ্খলবদ্ধ করিল। পক্ষু বলিল, “চল মাগিক, একা এসেছিলে ; এখন দুজন যাই। যেন দুই বাপ ব্যাটায় নেমস্তন্ন খেতে যাচ্ছি।”

কনষ্টবলেরা তাহাদিগকে লইয়া চলিয়া গেল। উকিল ব্যারিষ্টার অনেকে উঠিয়া গেলেন। নিশ্চলের পক্ষীয় ব্যারিষ্টার চলিয়া গেলেন। পূর্ণ বাবু অনেকক্ষণ চলিয়া গিয়াছিলেন, মথুর বাবু বড় চিন্তাক্লিষ্ট হৃদয়ে ধীরপদক্ষেপে গৃহ হইতে বাহির হইয়া সিড়ি ভাঙ্গিয়া একেবারে রাস্তায় নামিয়া গেলেন। তাঁহার জন্ত একথানা ভাড়াটিয়া ঘোড়ার গাড়ী অবস্থান করিতেছিল, তাহাতে উঠিয়া বসিলেন, সঙ্গে একজন ভৃত্য ছিল, সে কোচম্যানের কাছে গিয়া বসিল ; গাড়ী ছুটীয়া বহুবাজার ষ্ট্রীট অভিমুখে চলিয়া গেল।

উনবিংশ পরিচ্ছেদ

মথুর বাবু যখন বাসায় পৌঁছিলেন, তখন বেলা চারিটা উত্তীর্ণ হইয়া গিয়াছে। তিনি কলিকাতায় আসিয়া, চাঁপাতলা অখিল মিস্ত্রির লেনে দুই মাসের জন্য একটা ছোটখাট বাড়ী ভাড়া লইয়াছিলেন। মথুর বাবু, বসন্তকুমারী, যশোদা বৈষ্ণবী, হরে চাকর ও আর একজন দাসী আসিয়া সেই বাড়ীতে বাস করিতেছিল। মথুরবাবু নির্মলের মোকদ্দমায় গমন করিলে, বসন্ত যখন আফ্রিক করিয়াছিল, সে সময় সে ষত ঠাকুর-দেবতার নাম জানিত, সকলকেই স্মরণ করিয়া নির্মলের মুক্তির জন্য কাঁদিয়া কাঁদিয়া প্রার্থনা করিয়াছিল, এবং সকলকেই তাঁহাদের নিজ নিজ প্রীতিসম্পাদক দ্রব্য উপহার দিতে প্রতিশ্রুত হইয়াছিল। কেবল যে, হিন্দুর দেবতার কাছে প্রার্থনা করিয়াই নিশ্চিন্ত হইয়াছিল, তাহা নহে। প্রাণের বেদনায় মুসলমানের পীর-পয়গম্বর, জৈনের পরেশনাথ, খৃষ্টানের যীশুখৃষ্ট, কাহাকেও বাদ দেয় নাই। সে দিবস সে অন্ন মুখে দেয় নাই, যশোদার নিতান্ত যত্নে কেবল গোটা দুই সন্দেশ গিলিয়া এক ঘটি জল পান করিয়াছিল মাত্র, আর এই দীর্ঘ সময়টা উন্মুক্ত জানালার ধারে বসিয়া, রাস্তার দিকে চাহিয়া চাহিয়া অতিবাহিত করিয়া দিয়াছে। যখন মথুর বাবু নির্মলকে সঙ্গে লইয়া বাসায় আসিলেন, তখন নির্মলের মুখ দেখিয়া ব্যথিত-বেদনাভরা বুক জুড়াইবে।

গাড়ী আসিয়া ছুয়ারে লাগিল, মথুর বাবু এক নামিয়া বাড়ীর মধ্যে প্রবেশ করিলেন। উন্মুক্ত জানালায় বসিয়া বসন্ত তাহা দেখিতে পাইল, কুকুরীর বন্ধ হইতে তাহার শাবক কাড়িয়া লইয়া শৃগাল প্রস্থান করিলে, সে যেমন চীৎকার করিয়া কাঁদিয়া উঠে, মৃগশিশু ব্যাঘ্র কবলস্থ হইলে মৃগী

যেমন চীৎকার করিয়া ক্রন্দন করে, বসন্তকুমারীও তেমনই কাঁদিয়া উঠিয়া সে বুঝিল, তাহার নিশ্চল জেলে গিয়াছে, তাহার দণ্ড হইয়াছে ; তাই মথুর বাবু একা ফিরিয়াছেন । সে কাঁদিতে কাঁদিতে উন্মাদিনীর গায় মথুর বাবুর পায়ে তলে আছাড় খাইয়া পড়িল । মথুর বাবু তখন সবে মাত্র বাড়ীর উঠানে আসিয়া পৌঁছিয়াছিলেন । বসন্তকুমারীর কেশরাশি উন্মুক্ত, পরিধানের বস্ত্র আলু-থালু, মূর্তি সম্পূর্ণ শোক-বিহীন । সে কাঁদিয়া বলিল, “কাকাবাবু, কাকাবাবু; আমার নিশ্চল কৈ ; নিশ্চলকে কি কিছুতেই আনিতে পারিলে না ; সে কি জেলে গেল, বাবা আমার কবে আসিবে, কবে তাহার মুখ দেখিব ? বল কাকাবাবু ; আর সহ করিতে পারি না ।”

মথুরবাবু বলিলেন,—“আঃ, থামনা ; জেল হয় নাই ।”

ব। তবে সে কৈ, কোথায় আমার কাঙালিনীর ভিকার ভাঁড় ?

ম। মোকদ্দমা শেষ হইয়াছে, কিন্তু রায় প্রকাশ হইল না, কাজেই আজ খালাসও হইল না ।

ব। কবে রায় প্রকাশ হবে কাকাবাবু ; কবে নিশ্চল বাড়ী আসিবে ?

ম। কাল রায় প্রকাশ হবে ।

ব। কাকাবাবু ; নিশ্চল খালাস পাবে ত ?

ম। সব বলচি, ঘরে চল ।

বসন্ত উঠিয়া ঘরের মধ্যে চলিয়া গেল । দাসী রকের উপর মথুরবাবুর বস্ত্রাদি ও হস্ত-পদ প্রক্ষালনের জল লইয়া অপেক্ষা করিতেছিল, মথুরবাবু বস্ত্র পরিত্যাগ করিয়া হাত-মুখ ধুইয়া গৃহে প্রবেশ করিলেন । গৃহমধ্যে জল-খাবারের আয়োজন ছিল, দাসী একথানা আসন পাতিয়া দিল । মথুরবাবু তাহাতে গিয়া উপবেশন করিলেন এবং বলিলেন, “ক্ষুধা-তৃষ্ণা উভয়ই হইয়াছে ।”

উন্মাদ আকৃতিতে অসম্বরিত কেশপাশে মথুরাবাবুর সন্নিকটে আসিয়া বসন্ত বসিল এবং করুণার্ত্ত স্বরে বলিল,—“কাকাবাবু! তোমার নিকটে আমি শত অপরাধে অপরাধী। তোমার এই বৃদ্ধ বয়সে কোথায় সেবা-শুশ্রূষা করিয়া সুখী করিব, তাহা না হইয়া আরও জ্বলাইতেছি। সকলই আমার অদৃষ্ট।”

ম। তুমি কিছু খাইয়াছ?

ব। পোড়া পেট বোঝা না, খেয়েছি বৈকি কাকাবাবু!

বশোদা নিকটে ছিল, সে বলিল,—“ছাই খেয়েছেন। দুটো সন্দেশ, আর এক ঘটি জল খেয়ে এঁত বড় দিনটা কাটাচ্ছেন।”

ম। খাওয়া ত্যাগ করে কি করিবে বসন্ত; এই সংসারটা নিত্য সুখের আগার নহে,—আমার জ্ঞান হয়, এখানে সুখ চেয়ে দুঃখই অধিক, দুঃখের কশাঘাত সহ করিতেই বুঝি জগতে আসা।

ব। সে দুঃখের জ্বালা আমি খুব জানি কাকাবাবু এবং এও জানি, দুঃখটা যখন প্রথম আসে, তখন যত পাগল করিয়া তোলে, তারপরে হয়ে গেলে দিনকতক ছিন্নকণ্ঠ পাখীর মত ছটফট করে করে সয়ে নিতে হয়। কাকাবাবু, যারা পাপ করে না, পরের ভালতে হিংসে করে না, পরের অনিষ্ট করিতে একবিন্দুও চেষ্টা করে না, তারাই কি কষ্ট বেশী পায়?

ম। হাঁ, তাই ঠিক।

ব। তবে কি ধর্ম্য নাই,—ভগবান নাই, পাপ-পুণ্যের বিচারও নাই?

ম। সোনা সর্কীপেক্ষা সুন্দর, দামী এবং মূল্যবান,—লোকে বুঝি তাই তাকে ঘন ঘন পোড়ায়, টুকরো টুকরো করে, আর বাস্তবে পুরিয়া কেঁটায় পুরিয়া না হয় মাটিতে পুতিয়া কষ্টে রাখে। আর লোহা অল্প মূল্যের জিনিষ, অসুন্দর, তার জিনিষে মানুষের কণ্ঠচ্ছেদ হয়, বক্ষ বিদীর্ণ হয়, যেখানে পড়ে সেখানে ভাঙ্গিয়া চুরমার করে, তাই তাহাকে টুকরা করে না, বেশী পোড়ায়

না এবং স্বাধীন বায়ুতে রাখিয়া থাকে। সোনার পরিমাণ বুনো কুঁচুকে সঙ্গে স্থির করে, আর লোহার পরিমাণ লোহারই সঙ্গে করিয়া থাকে।

ব। নিষ্মলের বিচার শেষ হয়ে গিয়েছে ?

ম। হাঁ, হয়েছে।

ব। কি রকম বুঝলে কাকাবাবু; সে আমার খালস ভবে ত ?
আমাদের ব্যারিষ্টার কি বলিলেন।

ম। তিনি কিছুই বলিলেন না।

ব। তুমিও ত একজন কম লোক নও, মামলা মোকদ্দমাও বেশ বোঝ।
তোমার কি জ্ঞান হইল কাকাবাবু ?

ম। তত সোজা হলে হাকিম আজই রায় প্রকাশ করিত, খান এক কথা বলিব, বেশী কান্নাকাটা করিয়া যেন অস্থির হইও না।

একটু অধিকতর ব্যস্ত ও উতলা হইয়া বসন্ত বলিল,—“আমার নিরর্থক কান্নায় আর কি হবে কাকাবাবু ? সারা জীবনই কাঁদিলাম, কাঁদিয়া কখনই কল পাই নাই, কান্নায় কোন ফলই হয় না, তা আমি জানি কাকাবাবু ; হৃদয় পাষণ হইয়া গিয়াছে, তবে নিরাশার বড় আধারে নিষ্মল আমার একটু ক্ষুদ্র আলোরূপে কেবল উঠিতেছিল ; হায় ! তাহাও নিবিয়া গেল। বল কাকাবাবু, যাহা বলিবার আছে, বলিয়া ফেল ; কিছু গোপন করিও না।”

ম। নিষ্মল নিজ মুখে ত চুরি স্বীকার করিয়াছে, সাক্ষী তাহার বিপক্ষে কিছুমাত্র নাই, পূর্ণ বাবু এবং তাহার মেয়ে, তাহার স্ত্রী নিষ্মলের পক্ষে খুব ভাল সাফাই সাক্ষী দিয়াছেন, তবে নিজের মুখে অপরাধ স্বীকার করা এবং তাহারই নিকটে চুরির জিনিস পাওয়া এই যা। কিন্তু আর এক কথা, যখন প্রায় তাহার বিচার শেষ হইয়া উঠিয়াছে, সেই সময় পঞ্চু কোথা হইতে টলিতে টলিতে কাটগড়ায় আসিয়া দাঁড়াইল এবং সে বলিল,—আমি চুরি করিয়াছি, ও চুরি করে নাই, আমাকে জেলে পাঠান।

বসন্ত চমকিয়া উঠিল, জিজ্ঞাসা করিল, “তিনি কি এখনও জীবিত
আছেন, কাকা বাবু?”

ম। হাঁ, চাক্ষুষ দেখিয়া আসিলাম, সেই মূর্তি, সেই রকম কাপড়
পরা, সেই সবই। ভাল, বসন্ত; নিশ্চল কি পঙ্কুকে চিনিত?

ব। আমি ঠিক বলিতে পারি না কাকা বাবু; তবে আজ কয়
বৎসর হইল, আমরা মাঝে-পোয়ে আপনার বাড়ীর পশ্চাতের বাগানে
ছিলাম। বাগানের রাস্তা দিয়া তিনি টলিতে টলিতে যাইতেছিলেন,
আমি নিশ্চলকে চিনাইয়া দিয়াছিলাম।

ম। তবেই হয়েছে; গঙ্কুই চুরি করে দৌড় মারিতেছিল, নিশ্চল
পিছু পিছু ছুটিয়া যায়, এবং পথিমধ্যে ধরিয়া সোণার কঙ্কণ
কাড়িয়া লয়, ফেরবার সময় পথে পুলিশে ধরিয়াছে, পঙ্কুও সেই কথা
বলিয়াছে, কিন্তু নিশ্চল বলিতেছে, তা নয়, আমিই চুরি করিয়াছি।
পিতাকে বাচানই তাহার উদ্দেশ্য।

বসন্ত আঁচলে চক্ষুর জল মুছিল, তারপরে বলিল,—“তিনি কি নিশ্চলকে
চিনিয়াছেন বলিয়া বোধ হইল কাকাবাবু?”

ম। না, তেমন বোধ হইল না।

ব। তবে তিনি নিজ ইচ্ছায় পুলিশের নিকট আসিয়া কেন দোষ
স্বীকার করিতেছেন?

ম। প্রদীপ হইতে যেমন প্রদীপ ধরাইয়া লয়, তেমনই আত্মা হইতে
আত্মা জন্মগ্রহণ করে, এমন আত্মিক টান—রক্তের ভালবাসা, আর কিছুতেই
নাই। যখন পঙ্কু গুনিতে পাইল, তাহারই জন্ত যুবক জেলে যাইতেছে—
তাহারই জন্ত নিষ্পাপ যুবক কারাদণ্ড ভোগ করিতে যাইতেছে, অপর হইলে
তাহার কিছুমাত্র দুঃখ হইত না; কারণ, তাহার আত্মা অত্যন্ত মমিনতা
মাখা। কিন্তু পুত্রের উপরের টানে থাকিতে পারে নাই।

ব। নিষ্পাপ নির্মল আমার যদি মানব-সমাজে পরিত্যক্ত ও ঘৃণিত পিতার জন্তু জেলে যায়, তবে তাহারও জীবনের উপর দাগ পড়িবে। আর লেখা-পড়ার আশা থাকিবে না,—ভাল চাকুরী হইবে না—ভদ্র-লোকের সঙ্গে মিশিতেও পারিবে না, এ কথা নির্মলকে কি কোন প্রকারে বলা যায় না, কাকাবাবু ?

ম। আর বলিয়া কোন ফলই নাই, সে অপরাধ স্বীকার করিয়াছে, সাক্ষী-সাবুদ সব শেষ হইয়া গিয়াছে, হুকিমে: দায় মাত্র বাকি। তবে এ কথা ঠিক জানিও বসন্ত; আমার মনে হয়, নির্মল কৃত্য কন্ম করিয়াছে, বাপকে চিনিয়া, তাহার দোষ নিজস্বন্ধে লইয়া জেলে ফাইতেছে, ইহা তাহার পুরুষাণ্ড হইয়াছে।

ব। কাকাবাবু ; আমি চিরছঃখিনী—হতভাগিনী—আমার মুখের দিকে একবার চাহিল না কেন ? আমি যে বড় আশায় বুক বাঁধিয়া তাহাকে মানুস করিলাম, আমার যে আর কেহ নাই।

মথুরবাবু জলযোগ করিতে করিতে নানারূপ প্রবোধ বাক্যে বসন্তকে প্রবোধিত করিবার চেষ্টা করিতে লাগিলেন।

—

বিংশ পরিচ্ছেদ

সন্ধ্যার পরে হাজত গৃহের মধ্যে সে দিন পঞ্চ ও নিশ্চল দুইজনমাত্র অপরাধীরূপে বন্দীকৃত ছিল। পঞ্চ এতক্ষণ অন্য দিকে ছিল, এখন ঘুরিয়া আসিয়া যেখানে নিশ্চল বসিয়া চিন্তা করিতেছিল, তথায় উপবেশন করিল। স্বভাবজড়িত স্বরে বলিল,—“কি বাপধন, বসে বসে ভাবছ কি, বিয়ে থাওয়া হয়েছে! শশুর বাড়ী আদর-টাদর জান; এই কয়দিন হাজত বাস করছ, এত শশুর বাড়ীর যন্ত্রণার পথে, বাজারের দোকানে বিশ্রাম করার জায়গা মাত্র। কাল এতক্ষণ বোধ হয় দুজনকেই শশুরবাড়ীর সেই রাঙা বাড়ীর মধ্যে ঢুকতে হবে। যদি বিয়ে হয়ে থাকে, শশুরবাড়ীর সমাদর মনে আছে, জেলের মধ্যে ঢুকে তেমনই আদর পাবে, শালা-শালিতে এসে কেউ গলায় তক্তি পরাবে, কেউ কুর্নি পরাবে, কেউ বেত লাগাবে, কেউ পাতিয়া দিবে কন্ডলের বিছানা, শুইবার তরে আহা সহস্র ছারপোকা মাথা। তারপরে হয় ঘানিগাছে যুড়বে, নয় ষাঁতা ঘুরিয়ে ময়দা বের করে নেবে, নয় ভূমি কুপিয়ে নেবে; চারিদিক থেকে সুখ অসীম। বাবা; এ প্রেসিডেন্সি কলেজ নয়—প্রেসিডেন্সি জেল। মনে করেছ বুঝি, রিপন-কলেজ ভাল নয় ওখানে যাব, তা নয় মাণিক—তা নয়। আচ্ছা গোড়া থেকেত তোমার সুবিধাই ছিল—চুরী অস্বীকার করলেই পারতে, এ ছবুন্ধি কেন? একেবারেই বোকাচন্দ্র; তোমার জ্ঞান আমাকেও ধরা দিতে হত না, তোমার বিপক্ষে একটাও সাক্ষী নাই, বেকসুর খালাস হয়ে যেতে।”

ঘরে একটা আলো জ্বলিতেছিল, নিশ্চল পিতার চরণ হইতে একবার মস্তক পর্যন্ত চাহিয়া দেখিয়া লইল, তারপরে বলিল,—“আমি না হয় বোকামী করিয়াছি, কিন্তু তুমি আবার আসিয়া যুটিলে কেন?”

প। বাহবারি বুদ্ধি, চুরী করিলাম আমি ; জেলে বাবে তুমি ?

নি। এমন মায়া, এমন দয়া—আর কখনও কাহারও উপর তোমার হইয়াছে কি ?

পঞ্চ চিন্তা করিল, অনেকক্ষণ ধরিয়া চিন্তা করিল, চিন্তা গাঢ় ও গভীর বোধ হইল, নিশ্চলের এ কথাটি কোন দেবতার—কোন ঋষির পুণ্য কন্মুণ্ড হইতে পূত মন্দাকিনী সলিলরূপে, তাহার হৃদয়ের অন্তস্থলে পৌছিয়া তাহার আত্মাকে স্নান করাইয়া দিল। আনন্দবনের ত্রিফলাপঙ্ক-পুতিগন্ধ-বিলেপিত তাহার আত্মা সেই গন্ধোদকে স্নান করিয়া যেন সেই মুহূর্ত্তে নবীন ও পবিত্র হইয়া দাঁড়াইল। সেই পবিত্রতা তাহার হৃদয়ে বিকাশ পাইল, পাপ-পরিমলমুখে যেন সংপ্রবৃত্তির সুন্দর জ্যোতি স্ফটিয়া বাহির হইল। কুঞ্চিত শিরা সকল এক মুহূর্ত্তে যেন প্রসারিত হইয়া পড়িল, মুগ্ধভাব প্রসন্ন হইল, গণ্ড রক্তাভ ধারণ করিল, চক্ষুর দৃষ্টি প্রশান্ত হইল, অনেকক্ষণ পরে বলিল,— “না যুবক ; আর কখনও এমন হয় নাই। কত শিশুর হস্ত হইতে বাল টানিয়া ছিনাইয়া লইয়া পলাইয়াছি, কত পথিকের পকেট কাটিয়া পাথের তুলিয়া লইয়াছি, কত দুঃখিনীর রক্তজর্জিত সঞ্চিত অর্থ অপহরণ করিয়াছি, কিন্তু কখনও কাহারও উপর এমন দয়া হয় নাই, তুমি কি কোন যাদুমন্ত্র জান বাবা ?”

নি। সে দিন জঙ্গলে একবার জিজ্ঞাসা করিয়াছিলাম,—আজ আবার জিজ্ঞাসা করিতেছি, তুমি কি এ পাপপথ পরিত্যাগ করিতে পার না ?

প। তুমি যদি সত্য করিয়া বলিতে পার, আমি এ পাপপথ পরিত্যাগ করিলে তোমার কি হবে, তবে না হয় চেষ্টা করিয়া দেখি।

নি। এ পথ পরিত্যাগ করিলে তোমার সুখ বৈ দুঃখ হইবে না, তুমি একজন জ্ঞানী মনুষ্য, বিশ্ববিদ্যালয়ের উচ্চ শিক্ষায় শিক্ষিত। তোমার কি এরূপ ঘৃণ্য পথ অবলম্বন করা উচিত ? কি শুনিলাম,—ভারত বিখ্যাত

অন্ধ-শাস্ত্রে ও বঙ্গভাষায় অভিজ্ঞ গৌরীশঙ্কর দে তোমার সতীর্থ ও বন্ধু ; ম্যাজি-
স্ট্রেট সাহেব তোমার সহাধ্যায়ী ও বন্ধু,— এইরূপ কতজনই উচ্চ সম্মানে
সম্মানিত তোমার বন্ধু-বান্ধব আছে, তুমি কেন এই ঘৃণ্য পথ অবলম্বন করিয়া
নরকের কীট হইয়া গিয়াছ ? এখনও এ পথ ত্যাগ কর, আবার মানুষ
হইবে, আবার লোকে ডাকিয়া কথা কহিবে ।

প। লোকচার ছাড় মানিক,—তোমার চেয়ে আমি ভাল লোকচার দিতে
পারি, বয়সও অনেক বেশী—যুরেছিও অনেক দেশ—জেলও খেটেছি অনেক-
বার । আমার হেমা খুঁড়োর বক্তৃতা যদি শোন ; তবে অমনি ‘থ’ হয়ে
যাও । ওসব ছাড়ান দেও, আমি যা জিজ্ঞাসা করি, তারই উত্তর কর ;
আমার ভাবনা ভেবে—আমার ভাল হবে ভেবে, তোমার কোন ফল হবে
না । জিজ্ঞাসা করি, আমি এ পথ ছাড়লে, তোমার বা তোমার বাবার কি
উপকার হবে ?

নি। আমার বাবা প্রেত-যোনী হইতে উদ্ধার হইয়া মনুষ্যরূপ ধারণ
করিবেন, আর আমি পিতৃহারা—পিতৃ-স্নেহ-করণায় বঞ্চিত ; আমি মহাসুখে
সুখী হইব ।

প। কি মানিক ; আমাকে বাবা বানাইয়া নিবে নাকি ?

নি। যদি বলি, হাঁ ?

প। আমি বলিব,—না ; আমার মতন বাবা যেন মানুষের আস্তা-
কুঁড়েও যায় না, তা হলে সে ছেলে ত ছেলে, তার চোদপুরুষেও ভদ্রসমাজে
মুখ দেখাতে পারবে না ।

নি। বাবা, বাবা ; তুমি আমায় চেন না’ আমি তোমায় চিনি, এক
দিন আমাদের গ্রামের রাস্তায় মথুর বাবুর বাড়ীর পার্শ্ব দিয়া তুমি যাইতেছিলে,
মা তোমাকে চিনাইয়া দিয়াছিল, তারপরে আর একদিন তোমাকে দেখিতে
পাই । পিতৃ-মূর্তি, ইষ্টদেবতার মূর্তি, আমার হৃদয়ে আঁকান ছিল, কিন্তু হঠাৎ

তুমি চলিয়া যাওঁয় তোমাকে সে দিন ধরিতে পারিয়াছিলাম না। তারপরে গত দিবসে যেরূপ অবস্থায় সাক্ষাৎ পাইয়াছিলাম, তাহাতে পরিচিত হওয়া সুবিধাজনক ছিল না।

পক্ষু বসিয়াছিল, লক্ষ্য দিয়া উঠিয়া দাঁড়াইল; বোধ হইল, যেন কোন মহৎ উদ্ভেজনা শক্তি তাহার পদতল হইতে উঠিয়া মস্তকের কেশরাশি পর্য্যন্ত ধাবিত হইল; সারা জগৎ যেন তাহার সম্মুখে জ্যোৎস্নাভরা নিশীথের নৈশ ফুল কুসুমগন্ধ মাথিয়া শান্তির নিকেতনরূপে দণ্ডায়মান। আর কোন দেববালা যেন আকাশ হইতে স্নেহের পারিধাতরেণু হাতে করিয়া ধীরে ধীরে আসিয়া তাহার হৃদয়ের সমস্ত বৃত্তিগুলির উপর মাখাইয়া দিল। পক্ষুঃ গলা ধরিয়া গেল—বাপ্প দ্বারা স্বর অবরুদ্ধ হইল, গলা ঝাড়িয়া বলিল,—“তুই কি আমার সেই পুঁটে?”

তাহার চক্ষু দিয়া জল ঝরিল। নির্মলও বিচলিত হইল, তাহারও গলা জড়াইয়া আসিয়াছিল, ধরা গলার ভরা আওয়াজে বলিল,—“বাবা আমি তোমার সেই পুঁটে।”

পক্ষু বসিয়া পড়িল। অনেকক্ষণ চিন্তা করিল, তারপরে বলিল,—“শোন বাবা পুঁটে; আমার অনুরোধ রাখিস; আমি চুরী স্বীকার করিয়াছি, তুইও স্বীকার করিয়াছিস, একজনকে জেলে যাইতেই হইবে, কিন্তু কাল আমার স্কন্ধে দোষ চাপাইয়া তুই বাড়ী যা। আমার স্বগ্য জীবন—কলঙ্কিত জীবন; নূতন কলঙ্ক কি হইবে; অনেকবার জেল খাটিয়াছি, এবারেও কিছুদিন খাটিব। তারপরে যদি বাঁচিয়া থাকি, তোমার সঙ্গে গিয়া সাক্ষাৎ করিব, তুই যা বলবি তাই শুনিব। কিন্তু তুই আমার নিষ্কলঙ্ক,—নিষ্পাপ; তোর উপর এই চুরীর অপবাদ আর জেল হইলে—ভবিষ্যৎ আশা সমুদয় নষ্ট হইবে।

নি। তা কি কেহ পারে বাবা? পিতাকে জেলে পাঠাইয়া নিজের মুখের

কল্প ঘরে ফিরিয়া শান্তিতে দিন কাটায় এমন কেহ বোধ হয় জন্মে নাই।

প। বি-এ ক্লাসে পড়িতেছিল বলিলি, বি-এ পরীক্ষাত ও মাসে হইয়া গিয়াছে, এবার কি তুই একজামিন দিয়াছিলি ?

নি। হাঁ বাবা, দিয়াছিলাম, আজিও সংবাদ বাহির হয় নাই।

প। তোরা এখন কোথায় থাকিস্ ?

নি। মথুর বাবুর বাড়ী।

প। তোরা মা জীবিত আছে ?

নি। আছেন; তিনিও মথুর বাবুর বাড়ী থাকেন। শুনিয়াছি, আমাদের ঘর ছয়ার সব হিন্দুদেরা কিনিয়া লইয়াছিল এবং মাকে ও আমাকে তাড়াইয়া দিয়াছিল। মা আসিয়া মথুর বাবুর বাড়ী আশ্রয় লয়েন, মথুর বাবু তারপরে মোকদ্দমা করিয়া আমাদের বাড়ী উদ্ধার করিয়াছেন, কিন্তু এ সময় মধ্যে ভাঙা বাড়ী পড়িয়া চুরমার হইয়া গিয়াছিল।

প। না, বাবা; আমি আর ফিরিব না, আর তোরা সঙ্গে বাড়ী যাব না; সে সকল দৃশ্যও দেখিব না। মথুর বাবু;—শালা, বজ্জাং।—

নি। না বাবা; তিনি দেবতা। যদিও কর্কশ ভাবী, কিন্তু তাঁহার হৃদয়ের বৃত্তি সমস্তই উঁচু, মা তাঁহাকে কাকাবাবু বলিয়া ডাকেন—আমার মাকে তিনি মা ভিন্ন কথা কহেন না এবং আপন কণ্ঠার মত স্নেহের ধারে প্রতিপালন করেন, আমাকে ঠিক আপনার দৌহিত্রের মতই দেখেন, এত দিনের এই দীর্ঘ দিনের অধ্যয়নে আমি যাহা জানিতে পারিয়াছি, মথুর বাবু নির্দোষ শিব-চরিত্রের মানুষ; আপনি তাঁহার উপর কেন, নন্দেহ করেন? আমি তোমার ছেলে, আমি তোমার সাক্ষাতে শপথ করিয়া বলিতে পারি, মথুর বাবু খুব ভাল লোক। তিনি আপনাকে পাইলে, ঠিক জামাইয়ের মত আদর-যত্ন করিয়া প্রতিপালন করিবেন।

প। আপাতঃ তুই আমার ঘাড়ে দোষটাত চাপিয়ে খালাস হইবে

যা। আমি ফেলে যাই ; যুরে এসে, তোর সঙ্গে দেখা করব, তারপরে
না হয়, হবে।

নি। না, বাবা ; আমি ত তাহা পারিতামও না, এখন উপায়ও নাই ;
মোকদ্দমার বিচার সারা হইয়া গিয়াছে, রায় মাত্র বাকি ; বলিবান্ন-কহিবান্ন,
আর কিছু নাই।

প। তাও ঠিক ; হয় ত বাপ-বেটারই এক সঙ্গে জেলের মজা
লুটতে হবে রে ; তোর মার ভাগ্যের বহরটা খুব বেশী দেখাছি ; স্বামী
এই,—ছেলেটারও গতি বেশ হলো। তবে সবুই যে, আমা কর্তৃকট ঘটিল
ইহা নিশ্চিত।

পক্ষুর চক্ষু হইতে জল ঝরিল। নির্ম্মলও না কাঁদিয়া থাকিতে পারিল না।

একবিংশ পরিচ্ছেদ

পূর্ণ বাবু আফিসে বাইবেন, পূর্বাঙ্ক সাড়ে নয়টা বাজিতেই আহাৰ
কৰিতে বসিয়াছেন ; তৃতীয় গৃহিণী তৎপাশ্বে বসিয়া এ কথার ও কথার
পরে বলিলেন,—“তুমি আজ একবার লালবাজারে পুলিস কোটে যাবে না ?
আজত নিৰ্ম্মলের মোকদ্দমার ঝায় প্রকাশের দিন।”

পূ। আমি গিয়া আর কি করিব ; হতভাগ্য, নিজে চুরি স্বীকার
করিয়াছে, দণ্ড কিছু হইবেই।

গৃ। চোর বলিয়া যদি দণ্ড হয়, তবে ত আর তাহার সহিত মেয়ের
বিয়ে দেওয়া চলিবে না।

পূ। তা আর চলিবে কি প্রকারে ; উহার ভবিষ্যৎ-আশা এই শেষ।
আহা ; ছেলেটার পরিণাম ভাবিয়া দুঃখ হয়, যে বকম বুদ্ধিমান ছেলে—
পরীক্ষায় নিশ্চয়ই পাশ করিবে, কিন্তু চুরির জন্ত শাস্তি পাইলে, সি ক্লাসের
দাগী হইলে, বি এ পাশের কোন ফলই ফলিবে না।

গৃ। তোমার মেয়ে কিম্বা মারা যাইবে, আগে জানিতাম না—
যুগাঙ্করেও অবগত হিলাম না যে, সে নিৰ্ম্মলকে মনে মনে পতিত্বে বরণ
করিয়া বসিয়াছে, এবং বিবাহ না হইতেই সমস্ত প্রাণখানা দিয়া তাহাকে
ভাল বাসিয়াছে।

পূ। এখন কি করিয়া বুঝিলে ?

গৃ। স্কুলের নিকটে জানিতে পারিলাম। সেও কি বলে,—অনেক
কৌশলে, ভাব-ভঙ্গিতে, কথার ছলে, বুঝিয়া লইয়াছি। এখনকার মেয়েরা
ভারি চাপা।

পূ। এই জন্তই হিন্দু সমাজে বাল্য বিবাহ ছিল, সকাল সকাল

মেয়ের বিবাহ দিলে, আর এমন গোল পাকায় না। দেখা যাক, কোথাকার জল কোথায় গবে ;—তবে একটু চিন্তার বিষয় বটে। কনকের নিজমুখে কিছু শুনিতে পাও নাই ?

গৃ। না, সে বড় চাপা ;—তবে তার মুখ-ভঙ্গিতে, সর্বদা অন্তমনস্ক ভাবে, আর খাওয়া দাওয়ায় অনিচ্ছা প্রভৃতিতে বোধ হইতেছে,—সে যেন মরমে মরিয়া রহিয়াছে।

এদিকে ঘড়িতে চণ্ড করিয়া দশটা বাজিবার শব্দ ঘোষিত হইল, পূর্ণবাবু আহার সমাপ্ত করিয়া উঠিয়া অফিসের পরিচ্ছদ পরিধান করিলেন ; তারপরে গৃহিণীর নিকট বিদায় লইয়া বাটার বাহির হইলেন। বিদায় কালে গৃহিণী বলিয়া দিলেন,—আসিবার সময় জানিয়া আনিও নিশ্মলের ভাগ্যে কি ঘটিল।

মথুর বাবুও নিজের বাসা হইতে দশটার সময় আহার করিয়া লালবাজার পুলিশ কোর্ট গমন করিলেন। সে দিবস তাঁহাদের পক্ষীয় ব্যারিষ্টার আসেন নাই। কোন প্রয়োজনও ছিল না, একজন সাধারণ উকীল মাত্র তাহার পক্ষে দেওয়া ছিল। দশটা হইতে তিনটা বাজিয়া গেল, কত মোকদ্দমা হইল, কত বিচার শেষ হইল, কিন্তু নিশ্মলের রায় প্রকাশ হইল না। ক্রমেই মথুর বাবু বিচলিত হইয়া উঠিলেন ; উকীলের নিকট জিজ্ঞাসা করিলেন। উকীল বলিলেন,—“দিবসের শেষ বেলাতেই প্রায় পূর্ব বিচারের ফল প্রকাশ হইয়া থাকে ; এই এখনই হইবে।” হইলও তাহাই। চারিটার সময় নিশ্মলও পঞ্চকে হাজত হইতে যথারীতি হাত কোড়ি লাইয়া কনষ্টবল লইয়া আসিল এবং আসামীর কাঠগড়ায় দাঁড় করাইয়া দিল। বিচারক রায় পাঠ করিলেন, তাহার খুব সংক্ষেপ মর্ম এই—“এ সোণার কঙ্কণ চুরি বলিয়াই আমার বিশ্বাস হইল না, যে রুমালখানি পাওয়া গিয়াছে, তাহার কোণে ‘কে’ লেখা আছে ; এই ‘কে’ পূর্ণবাবুর কন্যা এবং

সোণার কঙ্কণের অধিকারিণী কনক কুমারীর নামের মাগুফর। আমার বিশ্বাস, নির্মলও কনক কুমারীর বিবাহ হইবে এই সম্বন্ধ স্থির হওয়ায়—যাহা কনক কুমারীর পিতা পূর্ণ বাবুর সাক্ষীতে আভাষ পাওয়া গিয়াছে, উভয়ের মধ্যে ভালবাসা ঘটিয়া গিয়াছে, নির্মলের বিশেষ কিছু টাকার আবশ্যক হওয়ায়, কনক ঐ সোনার কঙ্কণ খুলিয়া দিয়াছে এবং তাহা লইয়া সে বাসায় যাইতেছিল, পথে পুলিশ কর্তৃক ধৃত হয়, পাছে কনকের পিতা মাতা এই সূত্রে তাড়না করেন—ধমক দেন, এই জন্য নির্মল চুরি বলিয়া স্বীকার করে, অবশেষে পূর্ণবাবু আসল কথা সমস্ত জানিতে পারেন, তাই তিনিও নির্মলের আত্মীয় স্বজন একত্র হইয়া রাস্তার একজন মাতালকে ধরিয়া নির্মলের মুক্তির জন্য তাহাকে এই চুরি স্বীকার করিবার হেতুতে আদালতে লইয়া আসিয়াছেন। নতুবা পূর্ণ বাবুর নিজ মুখেও পুলিশের রিপোর্টে যতদূর জানা যায়, তাহতে এই যুবক চুরি করিতে পারে, বা করিয়াছে, এরূপ কোন আভাষ পাওয়া গেল না। ইহাতে এই উভয় ব্যক্তির উপরই চুরির অপরাধ চাপান যায় না, অতএব আমি উভয়কেই বেকসুর খালাস দিলাম।”

রায় শুনিয়া মথুরবাবু আনন্দে লাফাইয়া উঠিয়া দাঁড়াইলেন, কনকবলেরা সসম্মানে কাট গড়ার দ্বার ছাড়িয়া দিল, পঞ্চু ও নির্মল নামিয়া গেল। দর্শকও শ্রোতাগণের মধ্যে অনেকে ক্লাবলি করিল, এই অব্যাহতির মধ্যে পূর্ণবাবুর অনুরোধ ছিল, কেহ কেহ বলিল পঞ্চু হাকিমের বালাবন্ধু বলিয়া এরূপ ঘটিল, কিন্তু কেহই প্রকাশে কিছুই বলিল না। বলিবার প্রয়োজনও কিছু ছিল না। বাহিরে মথুর বাবুর ঘণ্টা হিসাবে ভাড়া করা দ্বিতীয় শ্রেণীর অশ্বখান অপেক্ষা করিতেছিল, মথুর বাবু, নির্মল ও পঞ্চুকে সঙ্গে লইয়া মিলনের আনন্দ-হাসি, হাসিতে হাসিতে তথায় আসিয়া উপস্থিত হইলেন, এবং নিজে লক্ষ্য দিয়া গাড়ীতে চাপিয়া বসিলেন এবং নিজের বাফর্ভাগে

স্থান দেখাইয়া দিয়া হাসিমুখে বলিলেন,—“নির্মল ; তুই এইখানে বস, ভাই।”

নির্মল মথুর বাবুকে কি বলিতে যাইতেছিল, কিন্তু কিছু না বলিতেই মথুর বাবু বলিলেন,—“আমি চিনিয়াছি নির্মল ;—আমি চিনিয়াছি, আমার জামাই আমি চিনি না। এস বাবা পঞ্চ ; তুমি সামনের এই ধারে বস।”

পঞ্চ অন্তমনস্কভাবে কি চিন্তা করিতেছিল ; তারপরে অন্তস্তল ভেদী এক দীর্ঘ নিশ্বাস পরিত্যাগ করিয়া বলিল,—“না, আমি যাব না ; আমি কোথায় যাব। আশ্রয়হীন, কর্মহীন, রাস্তার মাজাল আমি,—আমার রাস্তা আমার জন্ত খালি রহিয়াছে, আমি সেই স্থানে ঘুরিগে।”

নির্মল বলিল,—“বাবা ; আর কেন, অভাগা সন্তানের উপর দয়া কর, ঘরে চল ; মা আমার চির হুঃখিনী—মা আমার স্বামী-করুণা বঞ্চিতা অভাগিনী, আপনি ঘরে গেলে তিনি মহাসুখী হ’বেন। আমি তোমার হতভাগ্য সন্তান, পিতৃ স্নেহের অপার্থিব ভাবে হৃদয় পূর্ণ করিয়া কখনই বাবা বলিয়া ডাকি নাই, আমার সে সাধ পূর্ণ করিতে দাও বাবা, বাড়ী চল।”

প। আমার মনে কত সন্দেহ-শ্রেণের তাণ্ডব নৃত্য শব্দ হয়, তুই অস্বাভাবিক কি বুঝি বল।

নির্মল কি বলিতে যাইতেছিল, কিন্তু বাধা দিয়া মথুর বাবু মেঘ-মস্তক স্বরে বলিলেন,—“আমার মেয়ের মত সতী বোধ হয়, নাই ; বসন্ত আমার সাধিত্রীর চেয়েও সতী—বসন্ত আমার অপর নহে, আমার আপন সহোদর দাদার মেয়ে ; সুতরাং আমারও কন্যা। তবে এতদিন পরিত্যক্ত দিই নাই, তাহার অনেক কারণ আছে, সবই বাসায় যাইয়া বলিব।”

নির্মল অবাক হইয়া গেল, পঞ্চ বলিল,—“ইহা কি সত্য ?”

ম। মিথ্যা বলিবার আমার কারণ কি ; আমিই উহাদিগকে খাইতে পরিত্যক্ত দিয়া প্রতিপালন করিতেছি—উহাদিগের প্রতিপাল্য আমি নহি।

তখন পঞ্চ হুঁটে চিত্তে গাড়ীতে চাপিয়া বসিল।

এই সময় খবরের কাগজ বিক্রেতা এক খোটার ছেলে “অমৃত বাজার চাই, বেঙ্গলি চাই, ডেলি নিউস চাই, বি, এ পাশের খবর আছে।” বলিয়া হাঁকিল। মধুর বাবু পকেট হুঁতে পয়সা বাহির করিয়া একথানা ডেলি নিউস ক্রয় করিলেন এবং নির্মলকে হস্তে প্রদান করিয়া বলিলেন,—“অত ছোট লেখা আমি দেখতে পাই না, দেখ দেখি; পাশ হ’লি কি না।”

এই সময় গাড়োয়ান বলিল,—“বাবু; হাঁকাই?”

মধুর বাবু আঙ্গা করিলেন,—“হাকাও।”

গাড়ী হটাইয়া লইয়া কোচম্যান বহুবাজার অভিমুখে অশ্ব চালনা করিল।

নির্মল কাগজ খুলিয়া বি, এ, পরীক্ষার ফল দেখিবার জন্য বড় একাগ্র-চিত্তে নামের পর নাম অনুসন্ধান করিতে লাগিল এবং তৃতীয় পেজে যখন সে পাশের সংসাদের উপর চক্ষু স্থির রাখিয়া অনুসন্ধান করিতে লাগিল,, তখন গতিশীল গাড়ীর ঝাকুনিতে কাগজখানি সম্পূর্ণ রূপে কাঁপিতে ছিল বৃদ্ধ মধুর বাবুও সেই দিকে চাহিয়া ছিলেন। তিনি দেখিলেন, তৃতীয় পেজের শেষ কলামের শীর্ষদেশে বড় বড় অক্ষরে লেখা আছে, মহেন্দ্রনাথ বসু—আপনি কোথায় আছেন; আপনার এলাহাদের বাসার ঠিকানায় টেলিগ্রাম করিয়া সন্ধান মিলে নাই, যেখানেই থাকুন আমাদের অফিসে সত্বরেই আসিবেন। বিলাত আশিলে মোকদ্দমা পাওয়া গিয়াছে এবং সরকার পক্ষের তত্ত্বাবধানে রক্ষিত আশিলক টাকা আপনারাই প্রাপ্য হইয়াছে। মোকদ্দমার খরচার বাবন আমাদের টাকা মিটাইয়া দিয়া, আপনার সমুদয় টাকা আপনি লইয়া যাইবেন, শীঘ্র আমাদের অফিসে আসিয়া উপস্থিত হইবেন, নতুবা ঐ টাকা পাইবার একাকী অধিকার আপনার হইবে না, আপনার দাদার কন্যা যদি জীবিত থাকেন তাঁহাকেও সঙ্গে করিয়া লইয়া আসিবেন। ইতি আপনাদের পক্ষীয় এটর্নীগণ।

লেখা অবশ্য ইংরেজি কাগগে ইংরেজি ভাষাতেই প্রকাশ হইয়াছিল। মধুরবাবু কাগজের সেই পেজ, পড়িয়া লক্ষ্য দিয়া উঠিয়া দাঁড়াইতে যাইতে ছিলেন, বোধ হইতেছিল, তিনি অজ্ঞান হইয়া গিয়াছেন, পক্ষু ধাঁ করিয়া হাত চাপিয়া বসাইয়া দিল এবং বলিল,—“করেন কি ; এখন দাঁড়ান কেন, পড়িয়া যাইবেন যে, প্রয়োজন থাকিলে বলুন গাড়ী দাঁড়াক, নামিবেন।”

ঠিক এই সময় আনন্দোৎকল্ল-স্বরে নিশ্চল বলিয়া উঠিল,—“পাশ করিয়াছি দাদামহাশয় ; এই দেখুন। প্রথম বিভাগে দ্বিতীয় হইয়াছি। আপনি যে তাড়াইতেন, আর বলিতেন, এইবার আমার কষ্ট সঙ্কিত টাক্রা গুলো ভুই মাটা করবি ; মাটি করি নাই দাদামহাশয়—মাটা করি নাই, এখন যা ‘হুকুম হয়’ বলুন।”

মধুরবাবু বাহু প্রসারণে নিশ্চলকে জড়াইয়া ধরিলেন, তাঁহার চক্ষুদিয়া আনন্দাশ্রু ঝরিতেছিল, বলিলেন,—“ভাইরে ; একসঙ্গে এত সুখের—এত আনন্দের সংবাদ প্রাপ্তি মানুষের ভাগ্যে বৃষ্টি ঘটে না। চল বাসায় যাই, সব শুন্তে পারবি।”

গাড়ী যেমন দৌড়িতেছিল, তেমনই দৌড়িতে লাগিল।

দ্বাবিংশ পরিচ্ছেদ

ক্রমে গাড়ী গিয়া অখিল মিত্তির লেনে উপস্থিত হইল এবং মথুরবাবুর বাসা বাড়ীর সম্মুখে গিয়া দাঁড়াইল। আনন্দোচ্ছন্ন চিত্তে মথুর বাবু সর্বাগ্রে গাড়ী হইতে নামিলেন, তৎপরে নিশ্চল নামিল,—পক্ষু কিন্তু নামিতে পারে না; তাহার যেন জ্ঞান হইতেছিল, সে আজীবন যে অপরাধ করিগাছে, আজ যেন তাহার সমস্ত শাস্তির দিবস উপস্থিত। কিন্তু শাস্তি দাতা কে, এবং সেই গুরু অপরাধের শাস্তিই বা কি, সে প্রশ্ন একবার মনে হইতেছিল না, মনে হইবার কারণ ও কিছু ছিল না। তথাপি তাহার প্রাণে আতঙ্ক—দেহের শিরায় শিরায় সে সে আতঙ্কের প্রবাহ ঘুরিয়া ফিরিয়া বেড়াইতে লাগিল। তাহার কপাল ঘামিয়া উঠিতেছিল, এবং সর্বাঙ্গ মৃদু মৃদু কাঁপিতেছিল।

মথুর বাবু প্রসন্নমুখে স্নেহভরা স্বরে বলিলেন,—“এস বাবা; নেমে এস। আজ তোমাকে এমন সংবাদ শুনাইব, যাতে তুমি সকল সন্দেহ তরীকৃত করিয়া মহা আনন্দ উপভোগ করিতে হইবে। আর আমাদের কাহাকেও চাকুরি বাকুরি করিয়া খাইতে হইবে না, জমিদারী কিনিয়া তাহার আয় হইতে রাজ সম্মানে দিন কাটাইতে পারিব।”

নিশ্চল হাসিয়া বলিল,—“আমি এবার বাড়ী থেকে এলে, দাদা মহাশয় কি কোন নেশা টেশা ধরেছেন নাকি? হঠাৎ এই রকম বোল চালা নইলে আসে কোথা থেকে।”

মথুর বাবু নিশ্চলের কাণের কাছে হাত লইয়া হাসিতে হাসিতে বলিলেন, “তোমার কাণ ছেড়ে দেবো, “চলত শুনবি! আমি আজ আনন্দের নেশার বিভোর হয়েছি।”

পঞ্চু ধীরে ঋণিতপদে গাড়ী হইতে নামিল, তাহার তখনও সেই পূর্ব বেশ, মাথায় একখানা গামছা বাঁধা এবং পরিধানে একটু ক্ষুদ্র বস্ত্র মথুর বাবু অগ্রে চলিলেন, মাঝখানে পঞ্চু এবং পশ্চাতে নির্মল।

বসন্ত কুমারী, সে দিনের মত আজ আর উন্মুক্ত জানালার পথে বসে নাই। সে মথুর বাবুর মুখে শুনিয়াছিল, তাহার স্বামী, পুত্র; দুই-ই চুরি অপরাধ স্বীকার করিয়াছে, সুতরাং এক জনের জেল হইবেই নিশ্চয়, বসন্তের পক্ষে উভয়ই সমান সুতরাং সে অতিশয় শোকোচ্ছল হৃদয়ে গৃহের মেঝেয় শুইয়া, পড়িয়া ভাবিতেছিল, মথুর বাবু আসিয়া কি সংবাদ প্রচার করিবেন। মথুর বাবু প্রাক্কণ হইতে ডাকিলেন, “মা বসন্ত বাহিরে আয়; আমরা আসিয়াছি।”

আমরা আসিয়াছি, কথা শুনিয়া, বসন্তের মনে হইল; নির্মল আর কাকা বাবু আসিয়াছে ত, তাহার স্বামীরই জেল হইয়া গিয়াছে, সে ছুটিয়া বাহিরে আসিল কিন্তু দরজা পর্য্যন্ত আসিয়া যাহা দেখিল, তাহাতে সে যেন কি এক বিহ্যৎবেগে সংস্কারিত হইয়া গমনের শক্তি হারাইয়া ফেলিল, সে একখানা দরজা চাপিয়া ধরিয়া দাঁড়াইল। দেখিল, স্বামী পুত্র ও মথুর বাবু তিন জনেই আসিয়াছেন, আনন্দ-আবেগে তাহার হৃৎপিণ্ড অতিক্রান্ত প্রচালিত হইয়া, তাহার জ্ঞান নষ্ট করিতেছিল, মথুর বাবু বলিলেন, “মা, যে দৃশ্য দেখিতেছিস্’ ইহা হইতে ও সুখবর পাবি। তোমার পক্ষে এমন সুখের দিন বুঝি, কখনও আসে নাই, আজ কোন কোন দেবতার সাধন করিয়া, তাহার অভয় হস্তের বর দানে, তুমি অনন্ত ঐশ্বর্য্য, অনন্ত সুখ, অনন্ত শান্তি প্রাপ্ত হসি। হস্তের কোথায়?”

বসন্ত কিয়ৎক্ষণ কথা কহিতে পারিল না, তারপরে ঘামিয়া মুখ চোখ লাল করিয়া, গলা ঝাড়িয়া, ধরা গলায়, তরা আঁজাঝে বলিল,

“আপনার জলযোগের মিষ্টি আনিতে তাহাকে দোকানে পাঠাইয়াছিলাম, সে অনেকক্ষণের কথা ; কিন্তু এখন ও ফিরিল না।”

ম। হরে ; সে, যে রকম বোকা, কথ ভুলিয়া অন্তদিকে চলিয়া গিয়াছে, যশোদাকে পাঠালিনে, কেন মা ?”

যশোদা সেখানে উপস্থিত হইয়াছিল, সে বলিল,—“কে জানে বাবু মিন্সে মানুষ যে অভ নরকা হয়, তা আমি আগে বুঝতেই পারিনি। ঐত, ও রাস্তার উপর সন্দেশের দোকান, আমি দুই তিন দিন সঙ্গে ক’রে নিরে গিইছি—দেখিয়ে, কেনেছি, একটা পাচ বছরের ছেলে গিয়েও আনতে পারে।

ম। যশোদা, মা ; রোঙ্গাকের উপর মাহুর পেতেছে, হাত পা ধোয়ার জল এনেছে, আর জামাইকে আগে একখানা কাপড় এনে দেত।

এত কাল পরে আজ পক্ষুর পরিধানের কাপড় জন্ত বড় ঘুণা বোধ হইতেছিল। সে বাম হাত দ্বারা ধীরে ধীরে মাথায় জড়ান গামোছা খানা খুলিয়া ফেলিয়া দিল, বসন্ত তাহা দেখিল, পক্ষুও ফিরিবার সময় সলাজ চাহনিতে স্থিরদৃষ্টিতে একবার চাহিয়াছিল,—কত অতীত দীর্ঘকাল পরে সেই প্রৌঢ় প্রৌঢ়ার চারিচাথে মিলিত হইল,—বয়সে তাহারা প্রৌঢ় হইলেও এই শুভ মুহুর্তে তাহাদের সে জ্ঞান ছিল না। কিশোর কিশোরীর নবানুরাগ মাথা নবীন নূতন মিলনের চক্ষুর দৃষ্টির মত, মিলনের বিনিময় দৃষ্টি তাহাদের উভয়ের সংস্পর্শের মধ্যে প্রবেশ করিল। উভয়েরই সে ভাব স্পর্শ পাইল এবং উভয়েই দাম্পত্য-মিলনের সলাজ হাসির মৃদু রেখা, গুষ্ঠ প্রান্তে ফলাইয়া লইয়া ঈষন্নত বদন হইল।

যশোদা একটা লম্বা মাহুর ও বসন্তের পরিধেয় একখানা কাপড় লইয়া আসিল এবং মাহুরটা র’কের উপর বিস্তৃত রাখিয়া পাতিয়া দিয়া বস্ত্রখানি তাহার উপরে রাখিল।

এই কথা শুনা শুড়াইয়া চলিতে আমাদের যতক্ষণ সময় লাগিল, সেখানে কিন্তু ততক্ষণ সময় 'অতিবাহিত হয় নাই, কয়েক মুহূর্ত মধ্যোই ঐ সকল কার্য সম্পাদিত হইয়া গিয়াছিল।

নির্মূল ছুটিয়া গিয়া, তাহার মাতৃচরণের ধূলি লইয়া, সর্বান্তে মাথিল। তারপরে বলিল, "মা, মা ; তোমার মনে বড় কষ্ট দিয়েছি, তুমি যে এখানে এসেছ, তা আমি ধারণা করি নাই। কিন্তু এখন বুঝিলাম, মঙ্গলময় বিখাত যা করেন, সবই মঙ্গলের জন্ত। এইসমুদয় ঘটনার মূলে বুঝি, আমার ভাগ্য ফিরিবার আজিকার এই শুভ মিলনের বীজ প্রোথিত ছিল। বাবা গৃহে ফিরিবেন, আমি আবার বাবা বলিয়া ডাকিব ; আবার বাবার স্নেহ-করণায় সুখে সংসার করিব ; ইহা কল্পনায় কখনও আনিতে পারি নাই ; আমার ভাগ্যে যে একরূপ শুভ সংযোগ ছিল, ইহা ধারণায়ও আনিতে পারি নাই। আর এক সুখবর শোন মা ; বাহিরে কাকা বাবুর কাছে যে কাগজ খানা পড়িয়া আছে, আসিবার সময় ঐ খানা কিনিয়া দেখা গেল, আমি বি, এ পাশ করিয়াছি।"

বসন্ত কুমারী কি বলিতে যাইতেছিল কিন্তু বলা আর হইল না, অতি দ্বরিত গতিতে সেই কাগজ খানা কুড়াইয়া লইয়া মুহূর্ত মধ্যো মধুর বাবু তাহাদের নিকট আসিয়া উপস্থিত হইলেন, বলিলেন, "আমি আর এক সুখবর শুনাইতেছি, যাহা শুনিলে তোমরা আনন্দের মুগ্ধ হইয়া যাইবে।"

তারপরে বাহিরের দিকে চাহিয়া দেখিলেন, পঞ্চ বস্ত্র পরিষ্কার করিতেছে। বলিলেন,—“কাপড় ছাড়িয়া ঘরে এস বস ; তোমাদিগের অতি মঙ্গল জনক সংবাদ শুনাইব।"

পঞ্চ কাপড় ছাড়িয়া গৃহে প্রবেশ করিল। বসন্ত কুমারীকে দিয়া সে কুড়াইয়া বসিল।

ম। বস বাবা; ঐখানে বস! অনেক কথা বলিতে হইবে।

এই সময় যশোদা আসিয়া বলিল, “এক এখনও ত হরের খোঁজ নেই। আমি রাস্তা পর্যন্ত দেখব নাকি?”

ম। কেবল রাস্তায় নয়, আশে পাশের গলি-যুজি একটু খুঁজে দেখে আর,—সে বোকা, কোথা দিবে কোথায় চুকে পড়েছে, তার ঠিক কি।

যশোদা চলিয়া গেল।

মথুরাবাবু পঞ্চর মুখের দিকে চাহিয়া বলিলেন,—“আমার পিতামহ উমাকান্ত বহু কলিকাতার সূতানটী—এখন যাহাকে হাটখোলাবলে, ঐ স্থানে রেশম ও সূতার কারবার করিতেন এবং গুনিয়াছি মুর্শিদাবাদে তাহার দুইটা রেশমের কুঠী ছিল, টাকা ও তাঁহার অনেক ছিল। পরে তাহার মৃত্যু হইলে আমার পিতামহ ঐ সকল সম্পত্তির ও কুঠীর অধিকারী হন। তিনি লক্ষ্মীপুর ঘোষদের বাড়ী বিবাহ করেন, আর তাঁহাদের গ্রামে পল্লী ভবন প্রস্তুত হয় এক আর তিনজন কোথায় বিবাহ করেন আমি ঠিক জানিনা। এই সময় কলিকাতায় একবার মহামারী হয়, তাহাতে আমার পিতামহ ও অপরাপর সকলেই মারা পড়েন। পিতামহী সেই সময় গর্ভাবস্থায় পিত্রালয়ে থাকেন। তাঁহার সেই গর্ভে আমার পিতার জন্ম হয়; তারপরে তিনি ঐ বালককে লইয়া আমাদের পল্লী ভবনে চলিয়া যান, কিন্তু ঐ সময় ঐ আড়তের এক কর্মচারী আড়তের প্রধান অংশীদার বলিয়া দাবী করেন, পিতামহীর পক্ষে ও লোক দাঁড়ায়।”

এই ও নিযুক্ত হয়, উভয় পক্ষে মোকদ্দমা আরম্ভ হইলে গবর্ণমেন্ট নিজের তত্ত্বাবধানে লয়েন এবং কারবারে লোকসান দেখিয়া সমুদয় টাকা ব্যাঙ্কে গচ্ছিত করা হয় এবং মোকদ্দমা শেষ না হইলে, উভয় পক্ষের কেহই টাকা পাইবেন না, এই বন্দোবস্ত হয়, ক্রমে আমার পিতা বয়ঃপ্রাপ্ত হন, তাঁহার বিবাহ হয়, আমার পিতার দুই পুত্র জন্ম

ও আমার দাদা, আমার দাদার নাম যোগেন্দ্র নাথ ও আমার মহেন্দ্র নাথ। দাদার একটা মাত্র কন্যা হয়, সে তুমি বসন্ত; আমি বাল্যকাল হইতে উদাসীন। বিবাহ করি নাই।

বাঙলা দেশের চির শাস্তি অপহরণ জ্ঞাত; যেবার সর্ব প্রথম ম্যালেরিয়া রাকসীর প্রথম আগমন হয়,—সে বৎসর গদখালি, উলা, শ্রীনগর, এত্ৰতি তাহার বুবুকু জঠরানলে জীর্ণ হইয়া যায় এবং সমগ্র বাঙলার পল্লীই তাহার বিষ দস্তে নিম্পেষিত হয়, সেবার আমাদের পরিবারবর্গও মৃক্যুস্থে পতিত হন। আমার পিতা মাতা দাদার স্ত্রী সকলেই মরিয়া যান, একে আমি উদাসীন, তাহাতে এক সঙ্গে এতটা ঘটনাতৈ আমি একেবারে তাড়িত পড়ি। তখন আমি এলাহবাদে ছিলাম, আমাদের এটনী, পর পর সমস্ত সংবাদ রাখিতেন এবং তাহাদের রেজেষ্টারি বহিতে এ সংবাদ পরপরই লিখিতেন, শুনিলাম, এই সময় সেই গ্রামের বাড়ীখানি ভূমিকম্পে পড়িয়া যায়। ইহার প্রায় তিরিশ বৎসর পরে আমি একবার কলিকাতায় আসি এবং আসিয়া শুনিলাম, কেবল আমার দাদা জীবিত আছেন। তিনি ঐ মহামারীর সময় কলিকাতায় ছিলেন বলিয়া বাঁচিয়া গিয়াছিলেন, অনেক দিন তিনি বিবাহ করিয়াছিলেন না, পরে বৃদ্ধ বয়সে শুক্রবার নিতান্ত অন্তর্বিধা হওয়ার, এক দরিদ্রের বয়স্ক কন্যার পাণি গ্রহণ করেন, আমি যাইয়া তাহার সহিত সাক্ষাৎ করি, কিছু দিবস তাহার সহিত বসবাসও করি, তারপরে আমি, আমার কন্যানে চলিয়া যাই, এই সময় দাদার মুখে শুনিয়াছিলাম এবং লক্ষ্মীপুরে যে কুইথ ছিল, তাহার সম্পূর্ণ নির্বংশ হইয়া গিয়াছে, ইহার পর আর কুড়ি বৎসর উত্তীর্ণ হইয়া গিয়াছিল, আমি আবার কলিকাতায় আসিলাম, আসিয়া শুনিলাম আমার দাদা মরিয়া গিয়াছেন। ভ্রাতৃবধূটীও মরিয়া গিয়াছেন, তাহাদের একটা মাত্র মেয়ে হইয়াছিল। তাহার বিবাহও হইয়াছে, জামাইটীও খুব ভাল, বি এ পাশ,

সে জামাই তুমি পঞ্চ ; এটী অফিসে জানিলাম, আমাদের মোকদ্দমা তখনও শেষ হয় নাই, কতকাল ব্যপী মোকদ্দমা বিলম্বিত চলিতেছে—মোকদ্দমায় টাকা প্রাপ্তির আশায় আমি অনেক দিনই নিরীশ হইয়াছিলাম ; তাহাতে কিছুই আসে যায় নাই। কিন্তু আমি অনুশ্রদ্ধানে জানিলাম, দাদার জামাইয়ের চরিত্রে দোষ ঘটিয়াছে, তিনি মণ্ডপায় আরম্ভ করিয়াছেন, তখন আমার ভ্রাতৃপুত্রীর ভবিষ্যৎ ভাবিয়া বিচলিত হইয়াছিলাম, এই সময় এটী অফিস হইতে একটি যুবকের এক গাঁতী জমা বিক্রয় হইতেছিল, তাহার দ্বায় বার্ষিক দুই হাজার আড়াই হাজার টাকা, ভবিষ্যতে দাদার কণ্ঠার গ্রাসাচ্ছাদন চলিবার আশায়, ঐ সম্পত্তিটা আমার নিজের টাকা দিয়া ক্রয় করিলাম, তারপরে সেই সম্পত্তি দখল লইয়া আবার এলাহাবাদে ফিরিয়া গিয়াছিলাম। ইহার দশ বার বৎসর পরে ফিরিয়া আসি। কলিকাতায় আসিয়া জামাতার কোন সন্ধান না পাইয়া তাঁহার বাসস্থানও আমার সেই খরিদা জোতের নিকটবর্তী স্থান—লক্ষ্মীপুর গমন করি। আমি যাহা আশঙ্কা করিয়াছিলাম, সেখানে গিয়া জানিতে পারিলাম ঘটিয়াছেও তাহাই। জামাতাটা সম্পূর্ণ মনুষ্যত্বের বাহিরে গিয়া পড়িয়াছে, কিন্তু তখন আমার পরিচয় সেখানে, দেওয়া কোন একটি গুপ্ত কারণে সম্ভব বলিয়া মনে করি নাই। তাহি মথুরামোহন নামে পবিচিত হই এবং সেই ক্রীত জোত, জমায় ভোগ দখল আরম্ভ করি—যে বাড়ীতে আমি এখন বাস করি ঐ বাড়ীটা আমার পিতামহের স্বপুত্র বাড়ী। তাহাদের কেহ না থাকায় আমরা উহা উত্তরাধিকারী স্বত্রে প্রাপ্ত হইয়াছিলাম। এটী অফিসে গেলেই ঐ সমুদয় সংবাদ জানিতে পারিবে। এই কাগজের এই বিজ্ঞাপন দেখ, এই অতীত দীর্ঘকাল পরে দুই তিন পুরুষ অন্তরে, আমাদের মোকদ্দমার জয় হইয়াছে; এটী গণ টাকা লইতে নোটাশ দিয়াছেন, অনুমান আট দশ লক্ষ টাকা মোকদ্দমায় খরচ হইয়া গিয়াছে, আমি

জানিতাম, আলী লক্ষ টাকা আমাদের ব্যাঙ্কে জমা আছে, যদিও দশ লক্ষ টাকাও এটর্নীগণের পাওনা হইয়া থাকে, তাহা হইলেও বর্তমানে আমরা সত্ত্বর লক্ষ টাকা প্রাপ্ত হইব। কালই দশটার পর এটর্নী-গণের অফিসে গিয়া সাক্ষাৎ করিয়া টাকা লইবার চেষ্টা করা যাইবে। পক্ষ;—তুমি আমার জামাতা, বসন্তুও আমার দাদার মেয়ে, সুতরাং আমারও মেয়ে, নির্মল আমাদের দৌহিত্র, নির্মল আমাদের উত্তরাধিকারী, আর কেহ নাই। নির্মল লেখাপড়া শিখিয়াছে, কিন্তু চাকুরী আর করিবার কোন প্রয়োজন নাই। কয়েকখানি মৌজা, জমিদারী কিনিয়া সুখে বাস করা যাইবে। শ্রীভগবানের কৃপায় আমাদের সুখের দিন আসিয়াছে, তাই এ শুভমিলন সংঘটন হইয়াছে।

সকলেই নির্ণিমেষ নয়নে মহেন্দ্রবাবুর মুখের দিকে চাহিয়া রুদ্ধ নিশ্বাসে কথাগুলি শুনিতেছিল, এতক্ষণে তাহারা হাঁপ ছাড়িল। সকলেই বুকি ভাবিতেছিল, ইহা বাস্তব জগতের ঘটনা—না, স্বপ্নের মোহ রাজ্য। এই সময় যশোদা হরেকে সঙ্গে লইয়া বকিতে বকিতে গৃহমধ্যে আগমন করিল এবং হস্তস্থিত একঠোঙা সন্দেশ বসন্তুর সম্মুখে নামাইয়া দিয়া বলিল;—
“এমন লোকও কি সঙ্গে আসে, আস্ত পাগল, সন্দেশ আনিতে যাবে আমহাষ্টষ্টীটে, তা না গিয়াছে জেলেটোলার গলির মধ্যে, আর চিনিতে পারিতেছে না, একটা বাড়ীর কাছে দাঁড়াইয়া হাউ হাউ করিয়া কাঁদিতেছিল, আমি একজন পথিকের নিকট জানিতে পারিলাম, একজন লোক খুব সম্ভব পথ হারাইয়া দাঁড়াইয়া কাঁদিতেছে, সে তাহার বাসস্থান ঠিকানাও বলিতে পারিতেছেনা, শুনিয়া উর্দ্ধ্বাসে ছুটিয়া গেলাম, গিয়া ধরিয়া আনিলাম। ও হতভাগা মিন্‌সে মানুষ কেন হয়েছিল জানি না।”

যশোদার এতখানি বক্তৃতা ও হরেকে খুঁজিয়া আনার কেহ তাহার ক্ষুব্ধবাদ প্রদান করিল না এবং সন্দেশগুলিও তাড়াতাড়ি তুলিয়া লইতে

দেখিল না, অধিকন্তু দেখিল, সকলেই নীরব—নিস্তব্ধ ; যেন পাথরে গড়া মূর্তি, বিশেষ । তখন সে পুনরপি বলিল,—“তোমাদের আবার হল কি ? জামাই-বাবু ঘরে এল, নির্মল নির্দোষ হ’য়ে বাড়ী ফিরে এল, এমন শুভদিনে আবার বসে কি ভাবছ ; জলটল খাও, আনন্দ কর । তোমাদের কি সেই জোতের জমার মোকদ্দমার গোল হ’য়েছে ?”

মধুরবাবুর তীক্ষ্ণ দৃষ্টি একবার যশোদার উপর পতিত হইল, তিনি বলিলেন,—“না যশোদা ; সে মোকদ্দমার এখনও শেষ হয় নাই, আগামী পরশ্ব বিচারের দিন আছে ।”

নির্মল জিজ্ঞাসা করিল—“সে আবার কি মোকদ্দমা দাদাবাবু ? সেই দেশে হিরু দত্তের সঙ্গে, যে মোকদ্দমা হইতেছিল, তাহাই না কি ?”

ম। হাঁ ।

বসন্ত সন্দেশগুলি লইয়া উঠিয়া গেল

ত্রয়োবিংশ পরিচ্ছেদ

পর দিবস পূর্বাঙ্কে দশ ঘটিকার মধ্যেই তাড়াতাড়ি আহাঙ্গাদি সম্পন্ন করিয়া মহেন্দ্রবাবু জামাতা ও দৌহিত্রকে সঙ্গে লইয়া, এক গাড়ীতে চাপিলেন, আর একখানা গাড়ীতে বসন্তু এবং যশোদাকে চাপাইয়া লইয়া এটর্নী অফিসে গমন করিলেন, ও নিজের পূর্বকার সমস্ত দলিল দস্তাবেদ দেখাইয়া তাহাদের সহিত হিসাব মিটাইলেন। এটর্নীগণের পাওনা বাদে একান্তর লক্ষ বার হাজার তিনশো টাকা তাহাদের প্রাপ্য হইল। তখন তাহারা তিনটী ব্যাঙ্কের উপর ঐ টাকার চেক লইয়া ফিরিলেন এবং আসিবার সময় নিজের, জামাতার ও নিশ্বলের জুতা, জামা, ছাতা প্রভৃতি ক্রয় করিলেন। বসন্তুর জন্ত মূল্যবান শাড়ী দুইখানিও সর্বদা পণ্ডিত্বের জন্ত কয়েক খানি শাড়ী ক্রয় করিয়া লইলেন। যশোদা বৈষ্ণবী এবং হরে চাকরও বাদ গেল না, তাহাদের জন্ত ও এক এক জোড়া ক্রয় করিয়া লইলেন, বেলা তিনটার সময় তাহারা বাসায় ফিরিয়াছিলেন।

বাসায় আসিয়া কাপড় জামা জুতা প্রভৃতি পরিধান করিয়া এক গাছি ছড়ি হাতে করিয়া, পঞ্চ ভ্রমণে বহির্গত হইল। একদিনের ভঙ্গ ভাবে থাকায় ও মনের গতির পরিবর্তন ঘটয়া গিয়াছিল। পঞ্চ একেবারে গঙ্গাতীরে চলিয়া গেল, তখন বেলা পাচ ঘটিকা উত্তীর্ণ হইয়া গিয়াছে; নিদাঘকাল, সন্ধ্যা হইবার তখনও প্রায় দুই ঘণ্টা বিলম্ব ছিল। সমস্ত দিবস পৃথিবীকে প্রধরকরোত্তাপে স্থাবর, জঙ্গম উত্তপ্ত করিয়া সূর্য্যদেব নিশ্চেষ্ট হইয়া অস্ত গমনোন্মুখ হইয়াছিলেন। পশ্চিমাকাশপ্রান্তে স্নেহিত রাগ রঙে রঞ্জিত হইয়া, গঙ্গাবক্ষে শোভায়মান হইতেছিল।

দীর সমীরান্দোলিত হইয়া, গঙ্গা বক্ষু তরঙ্গ গুলি ধীরে ধীরে নৃত্য করিতেছিল, বাণিজ্যপণ্য পূর্ণ জাহাজ বৃহৎ 'কুদ' তরগীতে প্রসারিত জাহুবী কুল পরিপূর্ণ। তত্ততটে বণিক ভৃত্য সকল পণ্য লইতে ব্যতিব্যস্ত ছিল। পথিক গমনাগমনও যথেষ্ট ছিল।

পক্ষু আপন মনে সেই রাস্তা দিয়া চলিয়া যাইতেছিল।

একটা উড়িয়া ব্রাহ্মণ, তিলক তুলসী ও পৈতার দোকান পাতিয়া গঙ্গার ঘাটের চাঁদনীর মধ্যে বসিয়াছিল, এবং হেমন্ত মাতাল তাহারই অদূরে একটা বোতলে দেশীয় সরাপ ও শাল পাতার টোঙায় চারিটি মুড়ী, দুইটা কাঁচা লক্ষা, একটু লবণ ও দুইখানি খুলী লইয়া যেন কাহার আসিবার আশায় বসিয়াছিল। অনেককাল অন্তর এক একবার যেন মনে হইতেছিল, কৈ সে আসিল না, বুঝি আসিবে না; বুঝি আসিবার শক্তি আর তাহার নাই; বুঝি ধরা দিয়া নিজের জেলে গিয়াছে। আর ~~নে~~ আসিবে না।

তাহার মনে হইতেছিল পক্ষু কেন গেল,—কেন সে সত্য আবিষ্কার করিতে গিয়া, পরকে বাঁচাইয়া, নিজের দোষ, নিজের স্বীকার করিয়া জেলে গেল।

তাহার মনে হইল, পাপ পরিপূর্ণ হইলেই বুঝি ধ্বংস প্রাপ্ত হয়। তাহার বুঝি সেই কাল আসিয়াছে। ধ্বংসের মধ্য দিয়া নূতন অঙ্কুর হইল, এ বীজ কোষ পচিয়া যাইবে অঙ্কুরের দ্বারায় নূতন বৃক্ষ সৃষ্টি হইবে, তদাদি বীজে আবার বৃক্ষ পুষ্প আবার ফল হইবে, এই রকমেই বুঝি ধ্বংস ও সৃষ্টি হইয়া থাকে। আমার মহাপাপের কি এখন ও পূর্ণতা আসে নাই? কে জানে তাহার প্রাণ যেন বড় বিচলিত হইয়া উঠিল, কিন্তু সে আর চিন্তা করিবার অবকাশ দিল না। বোতল হইতে ঢালিয়া পর পর দুই খুলি মত্ত পান করিল এবং এক মুঠো মুড়ী মুখে দিয়া

চর্কণ করিতে আরম্ভ করিল। ঠিক এই সময় পঞ্চ ভাহার সম্মুখে
রাপ্তা দিয়া, ধীর পদক্ষেপে মন্দির গমনে চলিয়া যাইতেছিল। হেমন্তও
পথের দিকে চাহিয়াছিল, সহসা তাঁহাকে দেখিয়া চিনিতে পারিল না।
কিন্তু অল্পক্ষণ পরেই পারিল এবং ডাকিয়া বলিল,—“পঞ্চ, পঞ্চ; ফিরে
এস। মান করে চলে যেওনা সখা, ওগো তুমি ফিরে এস।

আমি ও কুঞ্জ মাঝারে, বিছায়ে আচল

সারা নিশি আছি বসিয়ে

তুমি কেন যাও সখা নির্মম হইয়া

আমার পরাণ দলিয়ে

প্রভাতে এসেছ করেছ ভাল,

মুখের কাপড় খোল।

প্রভাতে দেখিলে ও চাঁদ বয়ান

দিন যাবে আজি ভাল।

হরি এ কিরূপ আজি দেখি,

তোমার পরিধানের শাট কোথায় ফেলে

পরিয়াছ নীল শাট।

নরনের কাজর মুখেতে মেখেছ,

সিতের সিন্দুর মুখে।

মৃহ মৃহ হাসি শঠতার রাশি.

পরকাশে হুঁটা চোখে ॥

আমি বোতলে করিয়া রেখেছি সরাপ,

ঠোঙায় রেখেছি মুড়ী।

তুমি চরণে ঠেলিয়া, যেওনা চলিয়া,

ওগো আমার সহচরী ॥

বহুদিনের পরিচিত হেমন্তের গলা ও কবিচাঁচা শুনিয়া পঞ্চ জানিল, হেমন্ত তাহাকে ডাকিতেছে, সে তাড়াতাড়ি উথায় গিয়া উপস্থিত হইল। হেমন্ত মদ বিহ্বল নয়নের তীক্ষ্ণ অশ্রু উদাস-দৃষ্টিতে একবার পঞ্চর আপদ মস্তক নিরীক্ষণ করিয়া বলিয়া উঠিল, “একি পঞ্চ মানিক, ভেলকি-চাল্ কেন বাবা; কি মতলব এটেছ বল ত? ফাঁকি দিও না বাবা; তোমার আমার জয়েন্টষ্টক কোম্পানী, কোন বড় লোকের সর্কনাশ করবে নাকি? বেশ; এই দেখ আমিও এই কয় দিনে যা পকেট মেরে সংগ্রহ করতে পেরেছি, তোমার জন্ত তা নিয়ে বসে আছি, একাউন্টে ফাঁকি বুকি নাই, গোণ; দুটা লক্ষা আছে, দু পয়সার মুড়ী আছে, আর ঐ বোতলে সরাপ আছে আমি দুখুলী বেশী খেয়েছি, তুমি দুখুলী খাও, আর এক মুঠা মুড়ী খেয়েছি, তুমি ও খাও। ফাঁকি দিওনা বাবা; একাউন্টে ঠিক রেখো; আমি কিন্তু ঠিক রেখে যাচ্ছি।”

পঞ্চ বলিল,—“হেমন্ত খুঁড়ো; আর আমি ওতে নই, আমি মদ ত্যাগ করিয়াছি ওপাপ-পথ পরিত্যাগ করিয়াছি।”

হে। একি কথা শুনি আজ মহরার মুখে,
ওহে রাজা হর্যেগাধন ;
কুল-দল দিয়া বিধাতা কাটিল কি শাস্তি তরুবরে ?
সরাপ ছাড়িয়া দিল পঞ্চ মানিক আমার,
পিতৃহীণ হলো শুঁড়ি মামা, দোকান হইল তার
রাজা হীন রাণী। হাহাকার হলো আজি
পথিক বনের পকেট, পঞ্চর সুকোমল হস্ত স্পর্শ বিনা।
কহ বাপ পঞ্চদত্ত ;
এ দুর্ঘটি ঘটিল তোমার কিসের কারণে ?

প। শোন হেমখুড়ো, যে কারণেই হোক, আমি মন ছাড়িয়াছি, ও পাপপথ ত্যাগ করিয়াছি। আশা করি, তুই ও পথ ত্যাগ করবি। ওতে সুখ নাই, বহুদিন করিয়া দেখিয়াছি, তুইও বহুদিন করিয়া দেখিলি, সুখ কিছু পেলি কি ?

হে। ইয়ারে পক্ষু ; সুখ কিসে আছে, কোথায় সুখ পেলি আমার বলে দে, আমি আজই এ পথ ত্যাগ করতে পারি, আমি একদিনে সুখ সম্পত্তি সমুদয় হারাইয়া তবে এ পথ অবলম্বন করিয়াছি। ভাবিয়াছিলাম, বুঝি ইহাতেই সুখ পাইব, কিন্তু পাই নাই। বহুদক্ষ তরুকে যেমন টাড়াইয়া থাকিতে হয়, আমিও তেমনি এ পাপ পথে চলিয়া যাইতে হয়, তাই যাইতেছি, বলে দে ভাই ; কোথায় সুখ পেলি ?

প। সুখ পাইয়াছি কিনা ঠিক বলিতে পারি না, তবে পুত্র পাইয়াছি, স্ত্রী পাইয়াছি, খণ্ডর পাইয়াছি,—আর অতুল ধন সম্পত্তি পাইয়াছি। তাহাতেই মন বসাইয়া শ্রীভগবানকে ধন্যবাদ দিয়া এ পাপ পথ পরিত্যাগ করিয়াছি।

হে। ব্রেভো, কোথায় পেলি পক্ষু মাণিক ; তুইও ত, আমার মত রাস্তার মাতাল, জুয়াচোর, পকেট কাটা, নামজাদা মাতাল। হঠাৎ তোর এ সকল কোথা হইতে জুটিল ?

পক্ষু তখন তাহার নিকটে বসিয়া আদ্যোপান্ত সমস্ত বৃত্তান্ত ধীরে ধীরে বর্ণনা করিল। তচ্ছবনে হেমন্ত বলিল,—“ভাইরে ; তোর এ সুখ মিলনে আমি মহা আনন্দিত হইলাম এবং যথার্থই প্রাণের সহিত নিষেধ করিতেছি, আর এ পথে আসিস্ না ; যদি ত্যাগ করিয়াছিস্—ত্যাগ করিয়া চলিয়া যা। এখন আমি কি করি, বলিয়া যা ভাই। এক পুকুরে এক জোড়া মাছ ছিল তুই জাল ছিড়িয়া চলিয়া গেলি, আমাকে বলিয়া যা, আমি কি করিয়া জাল ছিড়িব ?”

প। শোন হেমন্ত ; আমার চেয়েও তোর জ্ঞান বেশী ; যদিও তুই মাতাল, তবু তোর মত্তাবস্থায়ও তোর আসল জ্ঞানের লুপ্তাবস্থা কখনও জানিচ্ছে পারি নাই। আমি বলি কি ; শর্যপের বোতল গঙ্গাগর্ভে ফেলিয়া দে, তোর মুড়ীর ঠোঁড়া, লঙ্কা, লবণ গঙ্গায় ভাসাইয়া দে। আমার নিকট দশটা টাকা আছে, চল তোর কাপড় চোপড় জামা জুতা কিনিয়া দেই। আজ আমাদের বাসায় গিয়া থাকবি, কাল তোর দক্ষিণেশ্বরের সন্ন্যাসীর নিকট ছ জনে যাব; তিনি যা বলেন, তুই সেই রকম করিস, এ পথ পরিত্যাগ কর, ইচ্ছা অশুখের বৈ সুখের নয়।

হেমন্ত তাহাতে স্বীকৃত হইল—এবং মস্তাদি সমস্ত গঙ্গাগর্ভে ফেলিয়া দিয়া তাহারা হইলেনে বড় বাজার অভিমুখে চলিয়া গেল।

চতুর্বিংশ পরিচ্ছেদ

দক্ষিণেশ্বরের কালী বাড়ীর উত্তরাংশের উদ্যান নানাবিধ বৃক্ষে সুশোভিত। উদ্যানের পশ্চিমাংশে পূতসন্নিলা ভাগীরথী, কল কল নাদে সমুদ্রাভিমুখে প্রেমাভিসারে চলিয়াছেন। দিবা অবসানোন্মুখ,—সূর্য্যদেব লোহিত বর্ণে পশ্চিমাকাশে হেলিয়া পড়িয়াছেন, উদ্যানস্থ বৃক্ষ-বৃক্ষে, বহু পক্ষীর কলনাদ মানবের প্রাণে সুধা বর্ষণ করিতেছে, উদ্যানের উত্তর পূর্বাংশে এক বিহ বৃক্ষমূলে ইষ্টক বেদিকার উপরে এক সন্ন্যাসী উপবিষ্ট, সম্মুখে পঞ্চদত্ত ও হেম ঠাকুর বসিয়া শিষ্যের মত—নিতান্ত্র অবস্থা বালকের মত প্রশ্ন করিতেছিল, সন্ন্যাসীর নিকট উত্তর পাইয়া তর্ক করিতেছিল এবং কখনও বা অতি গম্ভীর হইয়া জিজ্ঞাসাবিবয় বৃষ্টি চিন্তা করিয়া লইতেছিল। অনেক কথার পরে এবার পঞ্চদত্ত জিজ্ঞাসা করিল,—“তবে কি আপনার মতে, গৃহস্থ আশ্রমটা কিছুই না?”

সন্ন্যাসী মৃদু হাসিয়া তত্বতরে বলিলেন,—“না, কি হাঁ, তাহা আমি বলিতে পারি না, তবে আমার মনে হয়, কি জানিস্। বেড়াচিয় লেজ খসিলেই সে ব্যাঙ হয়। মানুষও বৃষ্টি বিবিধ প্রলোভন পূর্ণ সংসার ত্যাগ করিতে পারিলে আপনার স্বরূপ ধারণ করিতে পারে ও যদি ছেড়ে বেতে পারে আর ওকে বাঁধা কেন।”

প। আমার মনে হয় কি জানেন,—‘কখনও কেই নন্দোৎসব, একেবাবেই হুর্গোৎসব’ তা’ ভাল নয়। ছিল হেমন্ত মাসাল, একেবারে সন্ন্যাসী সাজিয়া, বনে গিয়া, মুনি ঋষি হওয়া উচিত নয়; বনে গিয়ে একা বসে চিন্তা করিতে করিতে, আরার কাল বোতল ও শালপাতের ঠোঙার কথা মনে জাগিয়া বসিতে পারে। তা না হয়ে, এখন নগরে বসিয়া মন্দির

বানাইয়া তার মধ্যে মাতৃমূর্তি সংস্থাপন করিয়া নিত্য ধূপ ধূনার অর্চন করিতে করিতে যখন জ্ঞান বেশ পাকা রকম হ'য়ে যাবে, তখন জঙ্গলে চূকা ভাল।

স। তা বলা যায় না বাপু; জগাই মাধাই একদিনে উদ্ধার হইয়াছিল। রত্নাকর দম্ভ্য এক মুহূর্তে বাণীকি মুনি হইয়াছিলেন। পূর্ব জন্মের কর্ম নিয়ে কথা, যাক অত খুটি নাটীতে দরকার নাই। হেমস্তের বাহা প্রাণের টান তাহাই করিতে দাও; মানুষের জীবনে এমন শুভ মুহূর্ত—এমন অষ্টমী-নবমীর সন্ধিক্ষণ আগমর করিয়া থাকে, যখন তাহার নব জীবন সম্পূর্ণ নূতন পথ অনুসরণ করিয়া ফিরে, তখন তাহাকে তাহার ইচ্ছা মত পথে ছাড়িয়া দেওয়া মন্দ নয়। হেমস্ত; তোর কি মত রে?

হে। আপনি যাহা বলিলেন, তাহাও মনে লাগিতেছে, আর পঞ্চ বাহা বলিতেছেন তাহাও যে একেবারে না শুনিবার কথা তাহাও নয়। বরসম্মাই যে, আবার বিয়ে খাওয়া করে জালে জড়াব। জীবনের এই দীর্ঘকাল মদ খাইয়াছি, পথে পথে ঘুরিয়াছি, শূগাল কুকুরেরও অধম হইয়া জীবন কাটাইয়াছি, কিন্তু কখনও স্ত্রীলোকের রূপে মুগ্ধ হই নাই, আর সুখ সচ্ছন্দ ইন্দ্রিয় পরিপোষণের কোন আশাই মনে জাগে নাই; শুধু ধূ ধূ—শুধু নিরাশা—শুধু ত্যাগ লইয়াই ফিরিয়াছি, এক রাস্তায় তাড়া খাইয়া অপর রাস্তায় পলাইয়াছি, কাহারও প্রহার খাইয়া, কখনও হাত তুলি নাই, কাহারও ভাল দেখিয়া—কাহারও সর্বেন্দ্রিয় পরিতৃপ্তিকর - হৃৎশূন্য দেখিয়া, তাহা পাইবার আশা করি নাই। ফল কথা, যশ; মান, ভোগ এ সকল প্রবৃত্তিগুলি অনেক দিন হইতেই মরিয়া পড়িয়া থাথ হইয়া গিয়াছে; এখন মনে করিয়াও আর তাহাদিগকে হৃদয়ে আগাইতে পারি না। তাই ইচ্ছা; কিছুদিন সমাজে থাকিয়া, মাতৃমূর্তি পূজা করি; জঙ্গলে যাইব।

স। সে উত্তম ব্যবস্থা—নিজের রোগও নিজ চিনিয়া ঔষধের ব্যবস্থা করিতে পারিলে ব্যাধি আরোগ্য শীঘ্রই হয়। এখন সন্ধ্যা হইয়াছে, মাতের মন্দিরে শঙ্খ—কামর বাজিতেছে, আমি আরত্রিক করিতে চলিলাম। তোমাদের যদি ইচ্ছা হয়, রাত্রে এখানে থাকিয়া প্রসাদ পাইতে পার।

“না ঠাকুর, আমরা কলিকাতায় গেলাম—”

এই কথা বলিয়া পঞ্চুও হেমচন্দ্র পার্শ্বের পথ ধরিয়া বহির্গমনের দরোজার দিকে চলিয়া গেল এবং সন্ন্যাসী মন্দিরাভিমুখে গেলেন।

তাহারা যখন মধুর বাবুর বাসা বাড়ীতে উপস্থিত হইল, তখন রাত্রি আটটা বাজিয়া গিয়াছে; বাহিরের ঘরে একটা ফরাসের উপর মধুরবাবু বসিয়াছিলেন, নির্মল নিম্নে দাঁড়াইয়া, বৃদ্ধের সহিত কথা কহিতেছিল।

কথাগুলো এইরূপ :—

নি। রাত্রি আটটা বাজিয়া গিয়াছে, আপনাকে কয়েক বার ডাকা যবেও আপনি বাড়ীর মধ্যে যান নাই। সন্ধ্যা আন্ধিক বা কখন করিবেন, আর একটু জল মুখেই বা কখন দিবেন! অত চিন্তা করিতেছেন কিসের?

ম। এ বৃদ্ধো বয়সে আর কিসের চিন্তা করিব পাছি; আমি ত আর কার কঙ্কণ নিয়ে পলাই নি। আমি ভাবছি সেই মোকদ্দমটার কথা। একেবারে ডাঁহা ঠকে গেলাম রে।

নি। সে মোকদ্দমার কি চূড়ান্ত নিষ্পত্তি হয়ে গিয়েছে? বিপদের কেউ আসিল না, উকিল কোন্সলি নিল না, প্রথম দিকেই শেব হইয়া গেল?

ম। হাঁ শুনানির দিনটু নিম্ন আদালতের আপিলের ব্যয় বজার হইয়া গেল।

নি। নাগুগে, আপনি যে অগাধ টাকা পাইয়াছেন, তাহাতে অমন

কত বিষয় হইবে, এই আনন্দের সময় সাধারণ বিষয় লইয়া মামলা মোকদ্দমা করা উচিত নয়।

ম। মোকদ্দমায় ঠকা যে কি বেদনা তা ভোর মতন প'ড়ে মানুষে কি বুঝবে বল।

পঞ্চ ও হেমন্ত সে সময় গৃহমধ্য আসিয়াছিল। পঞ্চ জিজ্ঞাসা করিল, “কি মোকদ্দমার হার হইয়াছে?”

ম। আমি দেশে একটা গাঁতি জমা কিনিয়াছিলাম, অনেক দিন আগে, বোধ হয় কুড়ি বৎসর হইতে পারে, এটর্নী অফিসে এক ব্রাহ্মণ যুবকের সম্পত্তি কিনিয়াছিলাম। বর্তমানে হিরু দত্তের সঙ্গে মোকদ্দমায় নিয়ম আদালতে জিতিয়াছিলাম। তারপরে জেলার আপিল আদালতে হিরু দত্ত জিতিল, আমি হাইকোর্ট আপিল করিয়াছিলাম, আপিলে শুনানির দিনই হারিয়া গিয়াছি।

প। কি অজুহতে আপনার হার হইল?

ম। আমি ভালরূপ প্রমাণ করাইতে পারি নাই সে যুবক কে, তাহার আত্মীয় স্বজনের দ্বারা সাক্ষী ও দেওয়াইতে পারি নাই এবং দলিল দস্তাবেদ ও বিশেষ কিছু দাখিল করিতে পারি নাই। হিরু দত্তেরা সে লোকটাকে এবং তাহার আত্মীয় স্বজনকে ও অনেকগুলি দলিল দস্তাবেদ হাজির করিয়া দিয়াছিল এবং হিরু দত্ত যে সেই লোকটার নিকট লইয়াছে, তাহাও প্রমাণ করাইয়াছিল।

প। তবে নিয়ম আদালত আপনার পক্ষে জয় দিলেন কি প্রকারে?

ম। রায়ে পড়িয়াছিলাম হইতে পারে হিরু দত্তের মনিব লোকটা ঠিক—হইতে পারে দস্তাবেদ ও ঠিক, আত্মীয় স্বজন যাহারা সাক্ষী দিল তাহারা ও ঠিক কিন্তু ইহার পূর্বে বা পরে এই সম্পত্তির যে এটর্নী অফিসে বিক্রয় হয় নাই তাহার কোন প্রমাণ পাওয়া যায় নাই।

অতএব মথুর বাবু কিনিয়াছেন একথা সত্য না হইবে কেন ?

প। আর আপিলের হাকিমেরা কি বলেন।

য। তাঁহাদের মত এই যে, এটর্নী সমেত যে কোন প্রভারকের চক্রান্তে প্রতারিত হইয়া প্রকৃত ব্যক্তির অনুপস্থিতিতেও তাহার সম্পত্তি বিক্রয় করেন নাই এমন হইতে পারে না। হিরু দত্ত বাহার কাছে ঐ সম্পত্তি জমা লইয়াছে, সে বলিতেছে সম্পত্তি আমার, আমি কখনও বিক্রয় করি নাই। উহার দলিল দস্তাবেদ ও ঐ ব্যক্তি দেখাইয়াছে, তাহার আত্মীয় স্বজনেরও মধ্যে দুই তিন জন তাহাকে সেনাক্ত করিয়াছে এবং ঐ গাঁতি জমা দুইজন মাতৃকর প্রজা সাক্ষী দিয়াছে যে এই ব্যক্তি আমাদের বাস্তবিক মনিব ও গাঁতিদার।

পক্ষু আর কোন কথা কহিল না। পার্শ্বের দরজা গলাইয়া বাড়ীর মধ্যে চলিয়া গেল। হেমন্ত ততক্ষণ পরিধানের জামা জুতা - খুলিয়া বৈঠক খানার মধ্যেই যথা স্থানে রাখিতেছিল এবং মনোযোগ সহকারে কথোপকথন শুনিতেছিল। নিশ্চল ও তখন চলিয়া গিয়াছিল, বোধ হয় সে পিতা ও পিতৃ-বন্ধুর আহারাদির বন্দোবস্ত জগুই বাড়ীর মধ্যে গিয়াছিল। হেমন্ত একটু উৎসাহের সহিত মথুর বাবুর পার্শ্ব গিয়া উপবেশন করিল এবং জিজ্ঞাসা করিল, “আপনার ঐ গাঁতি জমা কোন্ গ্রামে ?”

মথুর বাবু গ্রামের নাম করিয়া তারপরে বলিলেন, —“আপনি চিনিতে পারিবেন না। সে আমাদের দেশে।

হে। ঐ মোকদ্দমায় বোধ হয় আমি আপনাকে জিতাইতে পারিব, কিন্তু গোড়া হইতে আবার মোকদ্দমার রুজু করিতে হইবে, সেই বিক্রেতা লোকটার নাম কি বলুন দেখি ?

ম। হেমন্ত কুমার মুখোপাধ্যায়, পিতার নাম নসিরাম মুখোপাধ্যায়।

হে। সে হতভাগ্য আমি।

মধুর বাবু লাকাইয়া উঠলেন, বিষয় সূচক স্মৃতি 'বরে বলিলেন,—

“সত্যই আপনি প্রমাণ করাইতে পারিবেন ঐ গাঁতি আপনাদের ছিল ?

হে। তা পারিব না উহার কাগজ পত্র অমিদারের চিঠা দাখিলা সমুদয়ই আমার কাছে ছিল তারপরে আমার ভরাদুবি হইয়া গেলে আমি সুরাপায়ী দলের মধ্যে মিশিয়া উচ্চনের পথে দাঁড়াইয়া অনেক দেনা করি, দেনার দায়ে এটর্নি অফিস হইতে আমার মহাজন উহা বিক্রয় করিয়া লয়েন। আমার এক মামা ঐ সকল কাগজ পত্র লইয়া গিয়া, তাহার বাড়ী রাখেন। তিনি জীবিত নহে, তাঁর ছেলের কাছে আছে।

ম। ষাক্ বাপু, যদি ঐ সম্পত্তি তোমার দ্বারা উদ্ধার হয়, তোমার সম্পত্তি তোমাকেই দিব নিশ্চয়ই ; আমি উহা গ্রহণ করিব না, আমার টাকা কড়ির অভাব মাই। ছ পাঁচ হাজার ব্যয় করিতে কুণ্ঠিত হইব না।

হে। সম্পত্তি আমাকে দিবেন, অথচ মোকদ্দমা করার স্বরণা ও অত টাকা খরচ করিবেন ইহাতে আপনার লাভ ?

ম। লাভ, মোকদ্দমার হঠাৎ ব্যথা দূর হবে ; আর শালা হিক দস্তের মুখে কালি চূণ পড়িবে !

হায়, আত্মরিক প্রবৃত্তি হৃদয়ে জাগরুক হইলে মানুষকে এই রকমই আলাইয়া তুলে। তারপরে হেমন্ত ও মধুর বাবুতে যে সকল কথোপকথন হইল, তাহার স্মার ভাগ এই যে,—ঐ গাঁতি হেমন্তের পুরুষাণুক্রমে ভোগ দখলিকৃত। উহার কাগজ পত্র সমস্তই আছে আর সাকী সাবুদ সমস্তই পাওয়া যাইবে। মধুর বাবু ইহাও স্থির

বুঝিয়া লইলেন। হিরু দত্ত, যে লোক উপস্থিত করিয়াছিল সে ভাল, তাহার কাগজ পত্র ভাল, সাক্ষী সাবুদও সব ভাল। অতএব মোকদ্দমার তিনি জয়লাভ করিবেন এবং সেই লোকগুলি সমেত ভাল করা অপরাধে হিরু দত্তকে জেলে পাঠাইবেন। তিনি হেমন্ত কুমারকে সম্বন্ধিত আশা দিয়া বন্ধ করিয়া নিকটে রাখিলেন।

পঞ্চবিংশ পরিচ্ছেদ

ইহার দুই মাস পরের ঘটনা বলিব।

সন্ধ্যা উত্তীর্ণ হইয়া গিয়াছে। মহানীল সাগরের মত মাথার উপর অনন্ত বিস্তৃত নীলাম্বর শোভা পাইতেছিল; কোন্ দেববালা যেন সন্ধ্যা হইতেই হীরার কুল, তুলিরা আনিয়া, তাহাতে ছড়াইয়া রাখিয়া গিয়াছে; কোন্ দূরতর দেশ হইতে ধীরে মলয় পবন আসিয়া প্রবাহিত হইতেছে। রাস্তার রাস্তার গ্যাসের আলো গৃহস্থের গৃহে গৃহে উজ্জ্বল আলো জ্বালাই দরিদ্রের পর্ণ কুটারে কুটারে টীন বা মৃন্ময় আধারে ক্ষুদ্র ক্ষুদ্র আলো জ্বলিয়া কলিকাতা মহানগরীকে আলোকোজ্জ্বল-সমুদ্ভাসিত মহৎ-শ্রীসম্পন্ন করিতেছিল। পূর্ণবাবু অবস্থাপন্ন গৃহস্থ। তাঁহার বাড়ীর কক্ষে কক্ষে কাচধারের মধ্যে উজ্জ্বল আলোক জ্বলিতেছিল এবং প্রায় সমুদয় শব্দ-কক্ষ গুলি সন্ধ্যা-কুল কুল রাশিতে সুশোভিত ও সুগন্ধিকৃত ছিল। কাহারই এক কক্ষে বসিয়া একাকিনী কনক কুমারী, একটা ছোট হারমোনিয়মের তিলক কামোদর আওয়াজ বাহির করিতেছিল।

এই সময় ভেজান ছয়ার সিলিয়া এক যুবতী গৃহমধ্যে প্রবেশ করিল এবং উজ্জ্বল ছয়ার ভিতর হইতে পুনরপি বন্ধ করিয়া দিয়া একেবারে গিয়া বসিয়া পড়িল। কনক কুমারীর হারমোনিয়মের পার্শ্বে। বিনা বাক্যব্যয়ে, বিনা অনুরোধে হারমোনিয়মের সুরের সঙ্গে নিজের কণ্ঠের সুর মিলাইয়া হাসিতে হাসিতে গান ধরিল এবং দুই হস্ত হারমোনিয়ম বাণ নিপুণা কনকের মধ্যস্থ রবিকর প্রকৃষ্ণা মুখখানি চাঙ্গিয়া ধরিয়া নিজ তরুণাক্ষণ কিরণ সম্পৃষ্ট-স্বর্ধাঙ্কিত-নবনলিন-সম্পৃষ্ট অধকোষ্ঠ দু'খানি প্রচলিত করিতে লাগিল।

গানটা কিছু তাড়াতাড়িই হইতে লাগিল। আসিতে আসিতে সে গান
রচাইয়া আনিয়াছিল, নয় গাহিতে গাহিতেই বাধিয়া লইতেছিল।

গাহিল ;--

এসেছে সোণার কঙ্কণ চোর ;
রাখলো পূরে হৃদয়-করাঁয়,
ভেজিয়ে দিলে ভক্তি-দোর।
প্রহরী রাখিস্ নয়ন ছুটী
যেন না পলার ছুটি,
পায়ৈ দিস্ প্রেমের বেড়ী
খেতে দিস্ অধর সুধা তোর।

ক। পোড়ার মুখ আর কি ! লোকে দেখে ঘুমিয়ে স্বপন, আর
সই আমার দেখে জেগে স্বপন।

গায়িকা সুকেশী। সে গান বন্ধ করিয়া মূহ মূহ হাসিতে হাসিতে
বলিল;—“বর্তমান বৈজ্ঞানিক ও দার্শনিকগণের দ্বারা স্থির হইয়া গিয়াছে
যে, জাগিয়া ও মানুষ স্বপন দেখে—তাহা নাকি মনস্তত্ত্ববাদ।”

হারমোনিয়ম তখনও বাজিতেছিল, বেসুরা হইয়া দাঁড়াইল, কনক
বলিল,—“মনস্তত্ত্ববাদই হোক, আর প্রাণটাও যতই হোক, আসলে
তোমার কথা ঠিক হবে না।”

সু। রাখ প্যারী, তোমার বিরহ-বন্ধুতা ; প্রাণটা উধাও হয়ে
উজান ঘমনার ওপারে চলে গিয়েছে, বেসুরা বাজনাই তাহার বিশিষ্ট
প্রমাণ। আসল কথা আবার বে ঠিক কোথায় দেখা গেলো পোড়ারমুখী ?
এই ত সে দিন শুনে গেলাম ও বিবাহে কাহারও আর অমত নাই বরং
সকলেরই স বিশেষ আগ্রহ পড়িয়া গিয়াছে। যেষ্ট কিছু চক্রে মতন
নির্মল বিচারে মুক্ত হইয়াছে বি এ পাশ করিয়াছে, আবার ধারণার ক্ষমতা

কন্ননার বহিভূত টাকার অধিপতিও হইয়াছে আঁই দেখতে তো মনোহরা
বাঃস্বপুলী—ইচ্ছে করে তুলি বুনি, পারিত ফেলি গিনি।

ক। গিনাটা সহজ কথা নয় গলার ছাড় বিধে বাবে!

সু। তখন বধোদয়ের সেই বাঘের মত—‘ইতস্ততঃ ছুটায়া’ কেড়ান
বাইবে।

ক। তবে সে গেলার লাভ ?

সু। গলার কাঁটা বেধে জানা সঙ্গেও মানুষ মাছ খায়, গোলাপ
কুল তুলতে গেলে কাঁটার গা ছুঁতে যায় তাও জানে ; মৃগাল তুলিতে সিঁড়ি
ধাঁছে হিনে ধের তাও জানে ; ‘তু এ সব করে কেন ?

ক। থাক্ তর্কবাগীশ ঠাকুর। ছুটো গান গাও, আমি একটু
হারমোনিয়ম বাজাই। তারপরে ছুটো ভাল কথা বল শুনি। ঐ পুরাণ
কাম্বুদি সর্বদা ঘাঁটিয়া আর কি হবে।

সু। ‘এমন অনুরাগের দিবে গুণ কীর্তনটা বড় মধুর লাগে, মুখে যাই
বল সেই, আসলে আমি ভ্রান্ত নই, তোমার প্রাণ রাজ্যদিন কক্ষে কেবল
কান্ত কৈ কান্ত কৈ। সত্যি বল ত প্রাণ সেই ; আমি কি মিথ্যে কই ?

ক। মিথ্যা হউক, সত্য হউক, আসল কথা, ও বিষয় এখন ছাড়ান
দে। ওটা আমার কাছে তপু আকের টিপলি চিবানর মতন হরে দাঁড়িয়েছে।
তুই তোর সেই ‘শশান ভাল বাসিল্ বলে শশান করেছি হৃদি’, গানটা গা,
আমি হারমোনিয়ম বাজাই।

সুকেনী আড়ি পাকাইল, সে গান গাহিল না ; গাহিল :—

আখিরা উদাস করি গৈয়ো পরাণ হামারি

মরমে লিখি গৈয়ো মুরতি ভাহারি।

পিয়সা রহি ঠৈগৈয়ো না মিলিল বারি,

পিয়াকো.লে গৈয়ো বিধি অবিচারি।

কনক শ্বেতশীতল অক্ষর করিল। সেও আড়ি করিল। হারমোনিয়ম বন্ধ করিয়া দিল, বাজনা বন্ধ হইলেও গায়িকা কিন্তু থামিল না। সে আগা গোড়া গাহিয়া হাসির দ্বারা উগ্রসংহার করিয়া তবে গান ছাড়িল। তারপরে জিজ্ঞাসা করিল, "আজ আবার তোমার ঘাড়ে সেকো ভূত চাপিল কেন মা, বিবাহের বিরুদ্ধে কোন কথা হয়েছে নাকি?"

ক। কথা কী! হবে না স্থির হয়ে গিয়েছে।

সু। সে কি! আমি মোটে এই সাত দিন আসতে পারিনি, খবর টবরও নিতে পারিনি, দিদির খোকার অনুরোধের নিমন্ত্রণ খেতে গিয়েছিলাম, কি হয়েছে বলত?

ক। তুমি শুনে গিয়েছিলে তারা সব দেশে চলে গিয়েছেন। বিবাহের কথা, মা তাঁর বাবাকে লিখেছিলেন। দাদা মহাশয় সে পত্র পেয়ে তারি রেগে গিয়েছেন এবং তোমার মেয়ের বিয়ে দাও; জীবনে আমি তোমার মুখ আর দেখিব না। বুঝিব, তুমি আমার মেয়ে নও। সেই পাজী বেটার সঙ্গে আমার রক্তের শত্রুতা, জীবনে মরণে সে আমার শত্রু, আমি তার শত্রু। আবার তাহার সঙ্গে ভীষণ মোকর্দমা বাধিয়া উঠিয়াছে মোকর্দমার যেকোন গতিক, হয় সে জেলে যাইবে, নয় আমি জেলে যাইব। বিশেষতঃ সে এখন অনেক টাকা লোক হইয়াছে, এখন যাচিয়া সাধিয়া তাহার পোড়ে নাতির সঙ্গে আমার নাভীনির বিবাহ দিলে লোকে আমাকে কুকুর বলিয়া মনে করিবে। মনে করিবে আমি কুকুরের মত তাহার প্রসাদ ভোজনের জন্য নাভনীটিকে দিয়া তাহার করুণা ভিখারী হইয়াছি। অতএবই কোন প্রকারেই এ কাজ হইতে পারিবে না, বাবাকে পত্র দিয়াছেন, তাহাতে লিখিয়াছেন,—তোমাদের মেয়ে তোমরা দিলে মোখ করিবার সাধ্য আমার নাই, কিন্তু লোকে তাহা বুঝিবে না, লোকে আমারই জর্গুম

করিবে। অতএব বিবাহে আমি যাইব না এবং তৎপর দিবসই শুনিতে পাইবে আমি আশ্চর্য্য করিয়াছি। মামাকে ও ঐরূপ কি লিখিয়াছেন, তাহার আজ রাতে এখানে আসিবার কথা, আজ তিন জনে শেষ পরামর্শ করিবেন ইহাই শুনিয়াছি।

সু। কি বালাই! তোমার বাপ মায়ের কি মত?

ক। তাহারা বলেন, যখন তাহার এতদূর প্রিদ তখন আর হয় কেমন করিয়া, তবে এক মামার সঙ্গে পরামর্শ হইলেই ইহার শেষ যবনিকা পাত হয়।

সু। তিনি বুঝি এসেছেন লো, আমি আসবার সময় দরজার নিকটে একখানা গাড়ী দাঁড়িয়ে থাকতে দেখেছি। চলনা, নীচে গিয়ে একটু গোপনে থেকে শুনিয়ে, কি কথাবার্তা হয়।

ক। কি ছাই শুনতে বাব, যদি কেও দেখে, আমায় বেহারা বলবে।

সু। তবে তুই থাক, আমি যাই, আমি সদর থেকেই শুনতে পাব।

সুকেশী আর তিলার্কিও বিলম্ব করিল না, তখনই উঠিয়া নীচে নামিয়া গেল। কনক হুঁট হইল, কেন না, সব কথা সুকেশী আসিয়া তাহাকে জানাইয়া দিবে।

ষড়বিংশ পরিচ্ছেদ

সুকেশী যখন সংবাদ জানিতে গমন করিল, তখন নিম্নতলের একটা সজ্জিত প্রকোষ্ঠে নানাবিধ সুভক্ষ্য ভোজনের ব্যবস্থা ছিল, পূর্ণবাবু ও শশী-বাবু তাহা ভোজন করিতেছিলেন এবং গৃহিণী তাহাদের সম্মুখে বসিয়া কথোপকথন করিতেছিলেন। সুকেশী যখন উপস্থিত হইল, তখন সে যাহা শুনিল, তাহাতে বৃষ্টিতে পারিল, বাস্তবিক বিবাহ বিষয়ের কথা লইয়া এতক্ষণ আন্দোলন আলোচনা হইয়াছে, গৃহিণী তাহাকে দেখিয়া আদরে নিকটে বসাইলেন এবং বলিলেন,—“এই মেয়েটী আমার কনকের সই এবং উভয়ে বড় ভালবাসাবাসি, উভয়ে উভয়ের মনের সমস্ত সংবাদ অবগত থাকে, জিজ্ঞাসা করনা কনকের কি মত?”

পূর্ণবাবু একখানা খাস্তা কচুরী চিবাইতে চিবাইতে বলিলেন,—“মেয়ের মত ত বোঝা যাইতেছে, কিন্তু মেয়ের আজ্ঞার মত বড় না মেয়ের মত বড়?”

শশীবাবু একটা পান্তোয়ায় কামড় দিয়া বলিলেন—“মেয়ের আজ্ঞা বিবাহ করিবেন না, বিবাহ হইবে মেয়ের,—সুতরাং মেয়ের মতই যেন প্রধান বলিয়া মনে হয়।”

পূ। তাই আমি বলিতেছিলাম, আগামী কল্যাণনিবার আছে, চল বৈকালের লোকালে আমরা তিনজনাতেই লক্ষ্মীপুর যাই, তাহাকে ভাল করিয়া বুঝাইয়া বলি, তিনি সমস্ত শুনিয়া এবং আমাদের অনুরোধে অনুমতি দিতে পারেন।

শ। তুমি বাবাকে তবে ভালরূপ চেন নাই, তিনি যে জিদ ধরেন, তা

কিছুতেই ছাড়েন না। বিশেষতঃ মামলা-মোকদ্দমা, দাঙ্গা-হাঙ্গামা লাঠা-লাঠি প্রভৃতি কাজে লিপ্ত। অনুরোধ রক্ষা হইবে, এমন মনে করি না।

পূ। বাস্তবিক বাঙলার হুঁতগ্য ক্রমে কি দরিদ্র কৃষককুল, কি মধ্যবিষ্ণু গৃহস্থ, কি জমিদার, সকলেই এই দোষে দুষ্ট, দলাদলি, লাঠালাঠি, মামলা-মোকদ্দমা, পরকুৎসা, পরচর্চা ইহা লইয়া দিন কাটানই তাহাদের জীবনের পৌরষ কর্ম বলিয়া জ্ঞান করিয়া থাকে। বিনয়, শান্তি; ত্যাগ প্রভৃতি যাহা মনুষ্য জীবনের প্রধান লক্ষ্য, তাহা তাহারা হৃদয়ে বিদ্যুন্মাত্র স্থান দেয় না এবং ইহা যাহাদের আছে, তাহাদিগকে ভাল মানুষ, আখ্যায় আখ্যাত করিয়া থাকে। ভাল মানুষ এই কথাই অর্থ তাহাদের অভিধানে বোকা। ভাল মানুষের পল্লীতে কোন সম্মান নাই, কেহ তাহার নিকটে যায় না, কোন কথা সুধাইয়া কাজ হয় না, একগুন মূল্যের জিনিষ দ্বিগুন মূল্যে কিনিতে হয়।

শ। বাস্তবিক পল্লী উচ্ছিন্ন হইবার কারণই মানবের ঐ হুঁতবৃত্তিগুলি অতিশয় প্রবল হওয়া। যাক্ একগুণে আমাদের অত উঁচু বিষয় ভাবিয়া কোন ফল নাই, আমরা যে রোগের হাতে পড়িয়াছি, তাহার চিকিৎসা করাই কর্তব্য, রোগ বড় কঠিন।

পূ। যেমন রোগ ঔষধও তেমন আছে ত? তবে কেতে কুযাণি। সেখানে গিয়ে যে যুক্তি হয় দেখা যাবে, আমার বিশ্বাস মথুরাবাবু ও খণ্ডর মহাশয়ের এই বিবাদ বা দলাদলি উভয় বংশের চির অশান্তি ও উচ্ছন্নের কারণ হইবে। অন্য দিকে যাহা হউক, আমি শুনেছি, তোমাদের সম্পত্তির অনেক টাকা আয়, তুমিও মাসে মাসে অনেক টাকা রোজগার করিয়া থাক। কিন্তু এক পয়সাও সঞ্চয় হয় না,—তুমি মামলা মোকদ্দমার জন্তই হয় না। বাঙলার কৃষক হইতে জমিদার পর্য্যন্ত মামলা করিয়াই পথের কাণ্ডাল। কনকের মহিত নির্মলের বিবাহ হইবে এই দুইটি বংশে সৌভাগ্য সংস্থাপন হইতে পারে, কাজেই মামলা মোকদ্দমাও অন্তিমিত হইতে পারে।

শ ! চল ত কালা চাই ।

সেই মতই ব্যবস্থা হইয়া গেল, অন্য কথা উঠিল, স্নেহী ও উঠিয়া ধীরে ধীরে ময়ূর গমনে দ্বিতলে তাহার সহকে সংবাদ দিবার জন্ত চলিয়া গেল ।

পর দিবস শনিবার সন্ধ্যার আগে লোকাল ছাড়ে । যথাসময়ে শশীবাবু শশীবাবুর ভাগিনী এবং পূর্ণবাবু একটা পুরাতন পশ্চিম দেশীয় ভূত্ম সঙ্গে লইয়া ষ্টেশনে গমন পূর্বক লোকাল ট্রেনে একখানি দ্বিতীয় শ্রেণীর গাড়ীতে আরোহণ করিলেন, চাকরটী অবশ্য তাহাদিগের কৰ্ম্ম সমাপন করিয়া দিয়া, তৃতীয় শ্রেণীতে চলিয়া গেল, যথা সময়ে গাড়ী ছাড়িয়া গেল ।

শনিবার রাত্রি দশটার সময় তাঁহারা লক্ষ্মীপুর পৌছিয়াছিলেন । হিরণ্যবাবুর সঙ্গে বিবাহ সম্বন্ধে যদিও কিছু কিছু আলাপ হইয়াছিল, কিন্তু তেমন বিশেষ কিছু হয় নাই, পরদিবস হইবে বলিয়াই সে দিন সকলের সহিত আলাপ আপ্যায়িত, দেখা-শুনায় অতিবাহিত হইয়া গিয়াছিল । নিশ্চয় সেই রাত্রে শুনিয়াছিল, তাঁহারা আসিয়াছেন, নিশ্চলের অতি প্রত্যাশে উঠা অভ্যাস ছিল এবং রাহ্মার প্রাতঃস্নান করিয়া ফিরিত, আজিও অভ্যাসমত কাজ করিয়াছে, প্রাতঃস্নান করিতে করিতে সে চিন্তা করিতেছিল, পূর্ণবাবু ও পূর্ণবাবুর স্ত্রী গ্রামে আসিয়াছেন, তখন তাঁহাদিগকে নিমন্ত্রণ করিয়া খাওয়ান উচিত ; কিন্তু বুড়ো তাহাতে স্বীকৃত হইবেন কি ! হিরণ্যবাবুর সহিত তাঁহার প্রবল শত্রুতা, তাহার কি জামাইকে খাওয়ান বুড়োর বিবেচনার খোসামদ করা হইবে, তবে একবার যাইয়া তাঁহাদের সহিত সাক্ষাৎ করিয়া আসা আমার নিতান্ত কর্তব্য । নতুবা তাঁহাদিগকে অনজ্ঞা করা হয় । আর এই অনজ্ঞা অকৃতজ্ঞের কার্য্য, সন্দেহ নাই । কিন্তু বুড়ো ইহাতেও অসম্মত হইতে পারে, তবে এ কার্য্য তাঁহাকে জানিতে না দিয়া সারিয়া আসি, যেমন বেড়াইতে আসিয়াছি, অমনি যাইয়া দেখ

করি। তারপরে মনে হইল, তাঁহারা মনে করিবেন না ত' বিবাহের লোভেই আমাদের কাছে আসিয়াছে।

নির্মলের চিন্তে সবিশেষ চিন্তার উদয় হইল—এ বিবাহ হইবার নহে। উভয় পক্ষের মাতামহেরই ঘোর আপত্তি এবং উভয়ে উভয়ের প্রবল শত্রু। যদি না হয়, তবে আমি কি করিব; অন্য বিবাহ করিয়া কখনই সুখী হইতে পারিব না। অপর কাহাকেও আমার বলিয়া আদরে সোহাগে লালন পালন করা ভাল লাগিবে না। কিন্তু অপর বিবাহ না করিলে মাতামহ অসন্তুষ্ট হইবেন, মা কাঁদিবেন, বাবা মনে আঘাত পাইবেন। অপর স্থানে সম্বন্ধও হইতেছে,—জেতার কোমর এক উকীলের সুন্দরী কন্যার সহিত দাদা মহাশয় আমার সম্বন্ধ স্থির করিতেছেন। সে বিবাহ হইলে নাকি মামলা মোকদ্দমা করার তাঁহার বড় সুবিধা হইবে, মান সম্মমও বৃদ্ধি পাইবে। কিন্তু বিবাহ সেজন্য নহে, হৃদয়-বৃত্তির শাস্তি করাই বিবাহের উদ্দেশ্য। আমার কখনই তাহা হইবেনা, জীবনে কনককে ভুলিতে পারিব না।

এই সকল ভাবিতে ভাবিতে সে হিরু দত্তের বাড়ীর দিকে চলিয়া যাইতেছিল। হিরু দত্তের বাড়ীর দক্ষিণের রাস্তার ধারে হিরু দত্তেরই এক পুস্করিণী। পূর্ণ বাবুর স্ত্রী তিন চারি জন আত্মীয়্য সঙ্গে লইয়া সেই পুস্করিণীতে স্নান করিতে আসিয়াছিলেন। পল্লীর জন-হীন রাস্তায় সহস্রা নির্মলের সাক্ষাৎ পাইয়া স্তম্ভ হইলেন—অনেক দিনের পরে সাক্ষাৎ। গৃহশিক্ষকরূপে তাঁহাদের বাড়ীর বহুদিন যাতায়াত ও মিশামিশি থাকায় এবং নির্মলের স্বভাব-গুণে জাহাকে সকলেই ভালবাসিত তিনি ও বাসিতেন বলিলেন,—“নির্মল ভাল আছ ত?”

নির্মল প্রণাম করিয়া বিষয়াবনত ভাবে অতি নমন্বরে বলিল,—
“আঁছি। কাল রাতে এসেছেন শুনিয়া সাক্ষাৎ করিতে যাইতেছিলাম।”

ক-মা। বাও, বৈঠকখানায় থাকিও ; আমি স্নান করিয়া বাড়ী ; গিয়া তোমাকে সংবাদ দিব, বাড়ীর মধ্যে যাইয়া আমার সহিত সাক্ষাৎ করিবে। আমার সহিত সাক্ষাৎ না করিয়া যাইও না।

এই সময় পায়চারী করিতে করিতে হিরু দত্তও সেইস্থানে আসিয়া উপস্থিত হইলেন। তিনি নির্মলকে কখনও দেখেন নাই, বেশ টুকু টুকে সপুষ্ট দেহ এক নব যুবককে উপস্থিত দেখিয়া, তিনি কিছু আশ্চর্যান্বিত হইলেন। এ গ্রামে যে তাহার বাড়ী নহে এমনও মনে করিতেছিলেন কিন্তু হঠাৎ মনে পড়িয়া গেল,—এই ছোকরাই নির্মল হইতে পারে, তা এমন ছেলেকে কত দান করিতে কাহার না সাধ হয়, ইহাকে দেখিলেই একটু অনন্ত সাধারণ বলিয়া জ্ঞান হয়, লেগা পড়াও খুব শিথিয়াছে শুনিয়াছি, অনেক টাকাও অধীশ্বর হইয়াছে কিন্তু অস্তুরায় মোথরো শালা। সে শালা হাসিবে—সে শালার সহিত যে মিত্রতা করিতে হইবে তাহা আমার দ্বারা ঘটিবে না—কখনই না। ছেলে হোক, ঝি হোক, জামাই হোক কাহারও অনুরোধ উপরোধ শুনিব না। আমার নামের সংস্রব আছে—আমার দৌহিত্রী বলিয়া যখন লোকে জানে, তখন এই বিবাহ হইবে, আমি উহাতে মিশি না মিশি লোকে আমাকে কাপুরুষ মনে করিবে। কখনই না—কখনই না ; পুরুষ মানুষ একটু ঘেন ঘেনানি পেন পেনানিতে ভুলিবে কেন ? দৃঢ়চিত্তে কাঙ্গ করিতে হইবে।

তিনি এইকথা চিন্তা করিতেছিলেন, ততক্ষণ তাঁহার কত্তা তাঁহাকে বলিল,—“বাবা একে চেন ত ?”

হি। না,—এরপূর্বে কখনও দেখেছি বলে মনে হয় না, অনুমানে বোধ হইতেছে মোথরোর নাতি হইতে পারে।

নির্মলের সে কথাটার একটু বিরক্তির কারণ হইল, কিন্তু কনকের উপরের আসক্তিতে তাহা তাহার হৃদয়ে স্থান পাইল না।

পূর্ণ বাবুর স্ত্রী বলিলেন,—“নিশ্চল ; বাবাকে প্রণাম কর। বাবা আপনি ঠিক অনুমান করেছেন, এ মধুর বাবুর নাতি নিশ্চল। একেই জামাই করিব ভাবিতেছি।

“তোমাদের ইচ্ছা কখনই পূর্ণ হইবে না।” এই বলিয়া তিনি বিরক্ত ভাবে ধীর-মধুর গমনে রাস্তা বহিয়া চলিয়া গেলেন। তাহার কথা কৈলাস মোহিনী কিছু ক্ষুণ্ণ হইলেন মনে মনে বলিলেন,—মেয়ের যখন তত মত আর ছেলে এমন ভাল শুখন একাজই করব, বাবা সেই জন্মই তোমার কাছে আসিয়াছি। সকলে মেলে তোমার পায়ে ধ'রব, মর্ত করিয়ে তবে ছাড়ব। তারপরে নিশ্চলকে বলিলেন,—“ধাও বাবা তুমি বসত আমি আসছি।”

নি। এখানে অধিকক্ষণ বসা আমার পক্ষে সম্মান জনক নহে বলিয়া মনে করি। তবে বাবুর সহিত সাক্ষাৎ করিব, সেই জন্ম একবার বৈঠকখানার যাইবেই হইবে।

কৈ। একটুখানি অপেক্ষা করগে আমি এলাম বলে।

নিশ্চল আর কোন কথা কহিল না, সে ধীরে ধীরে হিরু দত্তের সদর দরজা অভিমুখে চলিয়া গেল। কৈলাস মোহিনীর সঙ্গে অপর রমণীরা নিশ্চলের দিকে পুনঃ পুনঃ চাহিয়া বলিলেন,—“না, মা, এমন জামাই ছাড়িস্ না।”

কৈ। আমার ত ইচ্ছা ছিল গো ; কিন্তু বাবার যে রকম জিদাদেখছি।

একজন বলিল, “হোগগে জিদ, এমন জামাই ছাড়া যায় না।”

দাসী হরমণি বলিল,—“জামাইর বেটা জামাই। এমন জামাই ছেড়ে না গো, বাপ না হয় দুদিন রাগ করবে।”

ক্ষুণ্ণক্সাস পরিত্যাগ করিয়া কৈলাস মোহিনী বলিলেন, “তা কি হয় হরমণি ; বাবাকে অসন্তুষ্ট করে—বাবার অনুমতি না নিয়ে কাজ করা যায় না।”

হ। কি জানি মা তোমাদের বড় ঘরের কথা তোমরাই জান। আমার যদি মেয়ে থাকত, আর আমার বাবা যদি বারণ করত, আমি লুকিয়ে আম বাগানে নিয়ে গিয়ে ও জামাইর হাতে মেয়ে কুলে দিয়ে আসতাম।

হরমণি জাতিতে সদগোপ। নিশ্চল সদর দরজা গলাইয়া সদর প্রাঙ্গন বহিয়া বৈঠকখানায় উপস্থিত হইল, বৈঠকখানার সদর বারেন্দায় একটা লম্বা মাদুরের উপর শশীবাবু বসিয়াছিলেন, নিশ্চলকে আসিতে দেখিয়াই অতি সমাদরে ডাকিয়া নিকটে বসাইলেন, তারপরে কুশল জিজ্ঞাসা করিলেন, নিশ্চল বিনীত স্বরে কুশল জ্ঞাপন করিয়া বলিল,—“আপনার কাল রাতে এসেছেন শুনে দেখা করতে এসেছি, বাবু কোথায়?”

শ। দুইজনে বেড়াইতে বাহির হইয়াছিলাম। তারপরে চা খাইতে বাড়ীর মধ্যে গিয়াছিলাম, আমি এইমাত্র আসিয়াছি, তিনিও নীত্রেই আসিতেছেন।

ইহার একটু পরে পূর্ণবাবু আসিলে নিশ্চলের সহিত সাক্ষাৎ হইল এবং তাহার একটু পরেই এক দাসী আসিয়া নিশ্চলকে ডাকিয়া বাড়ীর মধ্যে লইয়া গেল। কৈলাস মোহিনী তাহার মাতাকে ভাবী জামাই দর্শন করাইল, শূণের পরিচয় দিল, আরও পাঁচজনকে টানিয়া আনিয়া দেখাইল। নিশ্চল বিদায় হইল। নিশ্চলের নিরাশাস্কর হৃদয়ের মধ্য স্থলে আশা নিরাশা উভয়ই পুনঃ পুনঃ উদয় ও বিলয় হইতে লাগিল।

সেই দিন দ্বিপ্রহরের পরে কণ্ঠা, পুত্র, জামাতা, মুহিনী এবং পৌত্র-জন-বর্গ নানাবিধ বাক্যে এই বিবাহে মত দিবার জন্য অনেক উপরোধ,—অহরোধ,—সাধাসাধি ও হিতকথা কহিল, কিন্তু হিরু দত্ত কিছুতেই সম্মত হইলেন না, তাহার সেই ভীষপ্রতিজ্ঞা—সেই এককথা; মোথরো শালার নাটিকে আমার নাভনীর সহিত বিবাহ হইতে দিওনা, যদি তোমরা

আমাকে অবজ্ঞা করিয়া দাও—বিবাহ মাঝেই আমি আত্মহত্যা করিয়া
মরিব।

পূর্ণ বাবুর স্ত্রী নৈফলোর বেদনা লইয়া পূর্ণবাবুও শশীবাবুর সহিত
সন্ধ্যার গাড়ীতেই কলিকাতায় চলিয়া গেলেন।

পঞ্চবিংশ পরিচ্ছেদ

ছই মাস পরের কথা।

সন্ধ্যা উত্তীর্ণ হইয়া গিয়াছিল। লক্ষ্মীপুরের নাতিদূরস্থিত বিবাদ-মান গাঁতি জমার প্রজা এবং আরও কতকগুলি কৃষক, মথুর বাবুর বৈঠকখানার বারেণ্ডায় বসিয়াছিল। কেহ ধূমপান করিতেছিল, কেহ চাষ-বাষের কথা কহিতেছিল, কেহ কেহ জমিদার মহাজনের অত্যাচারের—অবিচারের কথা আন্দোলন করিতেছিল, কেহ কাহারও গুরু বাছুরের বিষয় লইয়া কথা কহিতেছিল, তাহারা মথুর বাবু কর্তৃক আহ্বান হইয়াই আসিয়াছিল এবং হরে চাকরের উপর তাহাদের বসিবার আসন ও ধূমপান করিবার তামাক, কলিকা প্রভৃতি দিবার ভার ছিল। হরিও খুব 'বড়ান চালে'র সহিত সে কার্য সম্পাদন করিতেছিল। মথুর বাবু তখনও সেখানে আসেন নাই, তিনি বাড়ীর মধ্যে সন্ধ্যাহিক প্রভৃতি কার্য সারিয়া আসিবেন বলিয়া হরি চাকর ঘোষণা করিয়া দিয়াছিল। যাহারা আসিয়াছিল, তাহারা মামলা মোকদ্দমার ব্যাপারেই আসিয়াছিল।

হরি চাকর যখন অনেকখানি তামাক দিয়া পার্শ্বে আসিয়া বসিল, তখন সেই দলের প্রাচীন মামুদ খাঁ জিজ্ঞাসা করিল,—হরি, কুমি বুঝি বাবুর সঙ্গে কলিকাতায় গিয়েছিলে।

হরিচরণ খুব গাঙ্গীর্যের এবং কার্য-তৎপরতার একই স্বর বাহির করিয়া বলিল,—“নয় ত আর কে যাবে বাবা ; ‘ছাই ফেলতে ভাঙা কুলো’ এ সব কাজে হরে।”

মা। যাক্ রে ভাই ; বেগারের দৌলতে কলকাতাটা ত’ দেখা হরে গিয়েছে।

হরিচরণ বলিল,—“চাচা ! আর মামুদ খাঁ বলিলেন ভাই,—ইহা গ্রন্থ-কারের ভুল বলিয়া কেহ মনে করিবেন না, যেরূপ বটিয়াছিল, আমরা তাহাই লিপিবদ্ধ করিলাম।”

শ্রেমচাঁদ মোড়ল কিছু অগ্রসর হইয়া বলিল,—“যাক্ হরে মামা, তোর ত বেগারের দৌলতে কল্কেতা দেখা হয়েছে। শুনেছি কল্কেতা বাঙলার স্বগ্য।”

আর একজন সোৎসুকে জিজ্ঞাসা করিল,—“আমার খালুর বোনাইর ভাইর কাছে নাগী নামগির কথা শুনেছি ; অমন হেতের নাকি বাঙলায় স্মার জন্মানে না, ইংরেজের ধারও ধারে না সে, গুলি-গোলার ভয়ও করে না।”

কুড়োন পাডুই জিজ্ঞাসা করিল,—“সত্যি নাকি ? আচ্ছা হরিদা তুমি তারে দেখেছ ?”

হ। কল্কেতার গেলাম তা আর দেখলাম না।

কু। তুমি যখন গেলে, তখন কি করছিল ; দেখতেই বা কেমন ?

হ। হই-রে হেতের, হিরা চৌ-গোঁপা ; রূপর খাটে পা ছড়িয়ে সোনার খাটে বসেছিল। এ দিকে চেনির বস্তা ও দিকে চেনির বস্তা— এদিকে ফিরছিল চেনি খাচ্ছিল, ওদিকে ফিরছিল চেনি খাচ্ছিল।

মা। হাওড়ার পুল দেখেছিল।

হ। ও মা তা দেখিনি ; রোজ বাজারের থেকে কিনে আনতাম সে যে খেতে মজা রে।

মামুদ খাঁ বলিল,—“পুল কি খায় ?”

কুড়োন পাডুই বলিল,—বলি চাচা, রাগ করো না, তোমাদের মুসল-মানের বুদ্ধিই ঐ রকম, হিঁদুর কথার উন্ট ভিন্ন বলতে জান না। ওদেখে এলো কিনে খেয়ে এলো আর তুমি বলে ওকি খাবার জিনিষ, এতেই ত

হিঁহু মুসলমানে বিবাদ যায় না, তোমার সাত পুরুষ কি কখনও কল্কাভায় গিয়েছে।

মামুদ খাঁ পরাভূত হইল।

শ্রামচাঁদ দাস জিজ্ঞাসা করিল,—“বড়লাটকে দেখেছ হরি ?”

হ।, হরিচরণের দেখতে কিছু বাকী নেই, আমাদের বাসার কাছে রাস্তা দিয়ে বেলাস্ত আসা যাওয়া করত, মস্ত একটা ঘোড়ায় চড়ে ছই কাঁদে ছই কামান নিয়ে যেত। মাথায় মুকুট আঁটা, কাণে কুণ্ডল দিয়া, বাবরী ছাটা চুল, পা পর্যাস্ত পাঞ্জাবী পরা, পরনে ফরাস ডাঙ্গার ধুতি পরা, পায়ে বুট জুতা পরা, রূপ দেখলে চোখ জুড়ায় কিন্তু সামনে কথা কওয়ার যো নেই, কথা কইলেই অমনি গুডুম।

কু। যাহ ঘর দেখেছে ?

হ। বোললাম যে দেখতে কিছু বাকী নেই। যাহ ঘরে কি থাকে জানিস্ ; শুধু মালিনী মাসীর বাস, পুরুষ গেলেই ঘেড়া করে ফেলে কত রাজা কত রাজ পুত্র কত ভাল লোক ভেড়া হয়ে বাঁধা রয়েছে, মাথাগুলো মুখ গুলো মাল্সার মতন। ধড় ভেড়ার মত।

কু। তোকে ত ভাই ভেড়া করেনি ?

হ। সকলকে কি করে রে ; দরকার বুঝে করে। হাইকোটের নাম শুনেছিস্ তাও দেখেছি।

মা। সে আবার কেমন।

হ। সেই ত স্বগো রে, স্বগো। সেখানে শুধু সাহেব মেম দিন রাত্তির নাচে—গান গাচে—বাজাচে, হাঁসি চহু তামাসা ভারি জার যায়গা।

কু। হাইকোটে নাকি মামলা মোকদ্দমা হয় শুনেছি।

হ। হবে না কেন, সে হাইকোটের, চণ্ডীমণ্ডপে জন কতক লোক করে থাকে।

একসময় গল্পে যখন তাহার অত্যন্ত মনোনিবেশ করিয়াছিল, ঠিক সেই সময় চটা জুতা পায় দিয়া মথুরাবাবু কাসিয়া উপস্থিত হইলেন। সহসা তাহার আগমনে গল্পের জমাটি ভাঙিয়া গেল। হরিচরণ উঠিয়া দাঁড়াইল, কৃষকেরা কেহ সেলাম করিল, কেহ নমস্কার করিল, কেহ করধৃত কলিকা ভূমিতলে রক্ষা করিয়া সম্মুখ হইতে পশ্চাৎ দিকে হটিয়া গিয়া উপবেশন করিল। নাতিদূরে পতিত একটা বিছানার উপর গিয়া মথুরাবাবু উপবেশন করিলেন এবং তাহাদিগের সহিত কথা আরম্ভ করিলেন।

ম। মামুদ খাঁ এসছে ?

প্রবীণ মামুদ খাঁ একবার কাসিয়া লইয়া বলিল,—“কত্না হুকুম করলে কিনা এসে থাকতে পারি গো, তোমার খেয়ে মানুষ।”

ম। তোমাদের ডেকেছি আমি এই জন্য যে,—মোকদ্দমার দিন অতি নিকট, আর তিন দিন আছে মাত্র, এদিন মোকদ্দমা থাকবে না, সাক্ষী সাবুদ সব নিয়ে যাওয়ার দরকার। যে যে সাক্ষী আছে,—যে যে সমন পাইছে সকলকেই যেতে হবে।

ম। তা যাব ষোল আনা ‘হুকু’ কথা কব, আজ ষোল সত্তর বছর আপনাকেই দিচ্ছি, তাকে না কবে। আচ্ছা কত্না, ঐ যে হেমবাবু আপনাদের বাড়ী এসে রয়েছে, ঐ কি যথার্থ আমাদের নসীরাম ঠাকুরের ছেলে ? তবে এত কাল কোথায় গিইছিল ;—

ম। মাতাল হ’য়ে পথে পথে ঘুরত, তাতেই ওর সমস্ত যায়। শালা হিরুদত্তর জাল করা সম্পত্তি ত যাবেই, অধিকতর জাল মানুষ, জাল সাক্ষী, জাল দলিল দাখিল করা অপরাধে জেলে যেতে হবে।

কুড়োল পাড়ুই বলিল,—“কত্না মোকদ্দমা নাকি মিটে যাচ্ছে ?

ম। স্বপ্ন দেখলি নাকি ?

কু। আঙ্কে কত্তা না। আমাদের পারে রাম পাভুই কচ্ছিল,—ওরা, মোকদ্দমা মিটাবার জন্য নাকি হিরুদত্তর নাতনীর সঙ্গে আমাদের নিশ্চল বারুর বিয়ে দেবে, ছ হাজার টাকা নগদ দেবে, আর মেয়ের গ্যুয় ছ তিন হাজার টাকার গয়না দেবে।

ম। (হাসিয়া) পাগলের কথা। কোন ভদ্রলোক কি তা করেরে মোকদ্দমার ভয়েতে মেয়ের সঙ্গে বিয়ে দেয়। তবে বিয়ের কথা হচ্ছিল বটে হিরুদত্তর ছেলে, মেয়ে, জামাই, সকলেরই একান্ত মত। কিন্তু আগারও মত না,—হিরুদত্তরও মত না। যার সঙ্গে এতকালকার বিবাদ, তার সঙ্গে কি কুটুম্বিতা করা সাজে।

মামুদ খাঁ একটু অগ্রসর হইয়া বলিল,—“জানেন কি কত্তা; আমরা গরীব মানুষ, বুঝি না বুঝি এককথা কই, বিবাদ চিরকাল ভাল না, মামলা মোকদ্দমাও ভাল না, বড় অশ্বোয়াস্তির কাজ, তার চেয়ে যদি শান্তি হয় বিবাদ মিটে যায় তাই করুন কত্তা। সে জেলে গেলে আগনার কি লাভ হবে।”

ম। ব্যাটা আমাকে বড় ছঃখু দিবেছিল, যাই হোক তোমরা ~~পকেত~~ থেকে পরশু আদালতে যেতে হবে।

তাহারা স্বীকৃত হইল, তারপরে আরও নানা কথা অনেকক্ষণ কাটিয়া গেল, অবশেষে তাহারা বিদায় লইয়া চলিয়া গেল। তখন মথুরাবাবু একা কেহ কোথাও ছিল না।

সেদিন কুম্বপক্ষের একাদশী—বাহিরে অন্ধকারের একাধিপত্য। সমস্ত অন্ধকারে ডুবিয়া গিয়াছিল, কেবল মথুরাবাবুর গৃহ মধ্যে এক পার্শ্বে আলো। মথুরাবাবু চিন্তা করিতেছিলেন,—মামুদ খাঁর সেই কথা শুনা মথুরাবাবুর প্রাণের সুপ্ত সং প্রবৃত্তিগুলোকে যেন একটু আগাইয়া দিয়া গিয়াছিল। যাহা শাস্ত্র ন্যায় ও নীতি কথায় গ্রাহ্যের মধ্যে আসে না,

তাহা সময়ে একটা চাষার কথায় হয় ত মনে পড়িয়া যায়, মথুরাবাবুও তাই মনে পড়িতেছিল, বাস্তবিক চিরদিন মামলা মোকদ্দমা আর অশান্তি লইয়া বাস করা চলে না, আমার জীবনের প্রায় সমস্ত কার্য ফুরাইয়াছে— আমি চির উদাসীন যে কার্য সাধিতে আবার সংসারে আসিয়াছিলাম, অতি সুন্দর ভাবে সে কার্য সমাধা করিয়াছি, অথবা আমি করিবার কে! যাহার কার্য তিনি করিয়াছেন, হিরুদত্তের ছেল হইলে আমার কি হইবে, তাহার আত্মীয় স্বজন স্ত্রী পুত্র কাঁদিয়া হাহাকারের রোল তুলিবে; তার চেয়ে তাহাদের মুখে ইস্তি ফুটিবে অথচ আমিও সংসার হইতে শীঘ্রই অবসর পাইব, কিন্তু হিরে ব্যাটা বড় পাজী সে স্বীকৃত হইবে না, যশোদার মুখে শুনিলাম, তাহার ছেলে মেয়ে জামাই এই বিবাহের জন্তই অনুরোধ করিতে আসিয়াছিল, ব্যাটা স্বীকার করে নাই, না করে মরিবে। তবে আমার কথা এই আমার গাঁতি আমাকে ফিরাইয়া দিবে, আমি মোকদ্দমা তুলিয়া লইব, বিবাহ দিতে হয় দিব। কেননা, বিবাহ আমার নয়, যার বিবাহ তার নাকি এই মেয়েই বড় পছন্দ।

—~~কি~~ এই সময় নির্মূল তথায় আসিয়া উপস্থিত হইল, দাদামহাশয়ের দিকে চাহিয়া বলিল,—আপনাকে যে একা দেখছি।”

বৃদ্ধ তাহার দিকে চাহিয়া বলিলেন,—“দোকা কোথায় পাবরে তাই, চির দিনই একা।”

নি। ভাবছেন কি ?

ম। একটা দোকা কোথায় পাই।

নি। এই আমিও আপনার দোকা ডাকলেই হাজির হই।

ম। একটা ছুঁড়ী দোকান কথা ভাবচি, হিরের নাতনীর কথা ভাবছি বুড়ো বয়সে সেই টেকে দোকা একাতে পারলে ভাল হয়।

নি। তা ইচ্ছে করলেও কোন্‌তে পারেন, হুকুম কোরলেই দিবে যার।”

ম। সে আসবে পাকা চুল তুলতে, ঘামাচি গালতে, আকিং এর বড়ী পাকাতে আর ফৌজদারী বালাখানার তামাকের টাকের আশুণ দিয়ে দিতে পারবে !

নি। তা আমি কি জানি, আপনি দেখে দোকম কোরবেন। তবে একটা কাজ পারবে শ্রামা বিষয় গান শুনিয়ে আপনাকে সন্তুষ্ট রাখিবে।

নির্মল আর দাঁড়াইল না, ত্বরিত পদে বৈঠকখানায় চলিয়া গেল।

বুদ্ধ মনে মনে হাসিলেন এবং মনে মনে বলিলেন, ওরে পাজি ; তুই আমাকে প্রকারান্তরে বলিয়া গেলি, যে বিবাহে মত দিন। এখনকার ছোড়া গুলি একটু বেহায়া।

অষ্টবিংশ পরিচ্ছেদ

মোকদ্দমার দিবসের পূর্বে দিন বৈকালে হিরুদত্ত গ্রামে যথায় তাহাদের সবডিভিসন এবং এই মোকদ্দমার বিচার হইবে, তথায় উপস্থিত হইয়াছেন, শেষ রাত্রে গাড়ীতে সাক্ষী সাবুদ লইয়া আসিবে। তাহার অগ্রে পৌছান এইজন্য যে মোকদ্দমার অবস্থা তত ভাল নহে, তাই কলিকাতা হইতে হাইকোর্টের একজন বিখ্যাত উকিল লইয়া শশী বাবুর 'পূর্বে দিবস' আদালতের কথা, উভয় পক্ষের কাগজ পত্রের নকল দেখিয়া তিনি কর্তব্যাকর্তব্য স্থির করিবেন এবং মোকদ্দমা চালাইবেন। ঠিক সন্ধ্যার পরই মেল ট্রেনে শশী বাবু একজন বিখ্যাত উকিল লইয়া কলিকাতা হইতে আগমন করিলেন এবং সরাইয়ে যেখানে তাহার পিতা কাগজ পত্রের সহি-মোহরের নকল লইয়া প্রতীক্ষা করিতেছিলেন তথায় উপস্থিত হইলেন। উকিল বাবু বয়সে প্রবীণ কিন্তু বিশ্রাম করিয়া উভয় পক্ষের কাগজ পত্র পাঠ করিয়া দেখিয়া জিজ্ঞাসা করিলেন, "এ মোকদ্দমা যেরূপ ভাবে আজি করিয়াছে, বাদী পক্ষ কি ঠিক তাহা প্রমাণ করাইতে পারিবে?"

হি। বোধ হয় পারিবে।

উ। তবে যে দলিল ও যে সকল মানুষ পূর্বেকার মোকদ্দমায় উপস্থিত করিয়াছিলেন, তাহারা কি অপ্রকৃত?

হি। এখন তাহাই বোধ হইতেছে। কিন্তু আমি জানিয়া শুনিয়াই তেমন করিয়াছি, একদল প্রতারক আসিয়া আমাকে ঐরূপ ভ্রান্তির পথে লইয়াছিল।

উ। এখন যদি উহারা সঠিক ভাবে প্রমাণ করাইতে পারে, তবে

বিষয় ত যাবেই অধিকন্তু জাল করা অপরাধে আপনাকে জেলে যেতে হইবে। অতএব একটা নিষ্পত্তি করুন।

হিরুদত্ত কি চিন্তা করিলেন, তারপর বলিলেন, “না, না; তা হইবেনা, মোথরো শালা সে রকমের লোক নয়; আর প্রাণ থাকিতে আমি তার তোষামোদ করিতে পারিব না। জেল ত পুরুষ মানুষের জন্মই হইয়াছে, না হয় ছয়মাস খাটীয়া আসিব।

শশী বাবু ধা করিয়া পিতার পা চাপিয়া ধরিলেন, গলদশ্রনয়নে বড় করুণার্ভু স্বরে বলিলেন, “বাবা, বাবা রক্ষা করুন, ক্ষমা করুন। ক্ষমাই পুরুষের পুরুষত্ব, ক্ষমাই মানুষের মনুষ্যত্ব। বিষয় যখন তাহা-দিগের যথার্থ, তখন ছাড়িয়া দিতে দোষ কি? আর মোকদ্দমা করিলেও কিছু তাহা পাইবেন না। আমাদের রক্ষা করুন, আপনি জেলে গেলে আমরা আত্মহত্যা করিয়া মরিব, সামান্য বিষয় ছাড়িয়া দিন। জিদ অশিক্ষিত—অসদাচারী অধাৰ্ম্মিক মানুষের জন্ম, সদাচারীর জন্ম নহে। জিদের আশুগে রাবণ বংশ ধ্বংস হইয়াছিল, হর্যোদন স্ববংশে মজিয়াছিল, রোম ছারে খারে গিয়াছিল, আপনি আমি ত তুণাদপি, তুচ্ছ কনকের সহিত নিশ্চলের বিবাহ হউক লোককে বলা যাইবে। নিশ্চলের বিবাহ উপলক্ষে বিষয় ছাড়িয়া দিলাম, নাতজামাইর সহিত মোকদ্দমা শোভা পায় না।

উকিল বলিলেন, “ভাল কথা।”

হিরুদত্ত কি চিন্তা করিলেন। বলিলেন, “এত ঠাড়াতাড়ি আমি স্থির করিতে পারিব না আমার কর্তব্য কি, কাল মোকদ্দমা মূলতবী রাখিবার চেষ্টা কর, অন্ততঃ পনের দিন সময় নাও যাহা হয় বলিব। কিন্তু হাকিম যে আর সময় দিবেন এমন বোধ হয় না।

উকিল বাবু বলিলেন, “সে ভার আমার উপর রহিল।” কাল মোকদ্দমা

মূলভবী রাখিয়া, আমি যাইব তবে আমার অনুরোধ রহিল, আপনি এ মোকদ্দমা কখনই চালাইবেন না।

পর দিবস মোকদ্দমা মূলভবী থাকিল, এবং হাকিম দশদিন মাত্র সময় দিলেন। উভয় পক্ষ সাক্ষী সাবুদ লইয়া বাড়ী চলিয়া গেলেন।

সাত আট দিবস পরে হিরুদত্ত তাহার বাটার মধ্যের একটা নিভৃত কক্ষে বসিয়া চিন্তা করিতেছিলেন। কয় দিনের চিন্তায় তাহার সমস্ত মুখে কালি ঢালিয়া দিয়াছিল। কপালের শিরা সমুদয় কুঞ্চিত গণ্ড কালিমাময়, দেহ শীর্ণ ও চিত্ত বিভ্রম ঘটিয়া উঠিয়াছিল।

আমাদের সরল হৃদয় শিক্ষিত পাঠক পাঠিকা হিরুদত্তের আকৃতির পরিবর্তন প্রকৃতির অবস্থান্তর পাঠ করিয়া মনে করিবেন, ইহা উপন্যাস কারের অতিরঞ্জিত বর্ণনা মাত্র। মোকদ্দমা মিটিয়া যাইবে নাতনীর ভাল জায়গায় বিবাহ হইবে, আর অবস্থাপন্ন চিরশত্রুর সহিত চির সৌহৃদ্য সংস্থাপন হইবে, ইহা শান্তি ও সুখের কথা। তজ্জন্য আবার হিরুদত্তের তেমন হইবে কেন? প্রকৃত পক্ষে কিন্তু তাহা নহে, মানুষের অন্তরের প্রবৃত্তির ভাব প্রকট করাই যদি উপন্যাস লেখকের কাজ হয়, তবে আমরা ঠিক করিয়াছি, কেন না প্রত্যেক পল্লীতেই এমন জেদী মধ্যবিত্ত গৃহস্থ আছে, — নিজেদের জেদ বজায় রাখাই যাহারা জীবনের মহত্তর কার্য্য বলিয়া জানেন তাহাদের বিষয় আশয় সমুদয় এই জিদ রাক্ষসের বুভুক্ষু জঠরানলে আহুতি দিয়া ক্রমে ঋণ জালে জড়িত ও পরিণামে পথের ভিখারী হইতেও পশ্চাৎপদ নহে। সর্বদা দুশ্চিন্তা, সর্বদা অশান্তি ও সর্বদা দুষ্ট প্রকৃতি লোকের সহিত বনবাস প্রভৃতি করিতে করিতে মরণ পথের পথিক হন। যাহাতে ধনাগম হয়, সংসারে লক্ষ্মী শ্রী বাড়ে, — যাহাতে নিত্য আনন্দ ভোগ করিতে পারেন, এমন সুখকর কার্য্যের উপদেশ দিলে 'জেদ' রক্ষা হয় না বলিয়া মনে করিয়া থাকেন। বাঙালার পল্লীর দিকে চাহিয়া দেখিবেন মধ্যবিত্ত

গৃহস্থ অর্থশূন্য এই কারণেই, ইহার অন্ততম দৃষ্টান্ত হিরদত্ত সেই প্রকৃতির লোক,—কাজেই তাহার মনে হইতেছিল, তাহার সব গেল, মথুরবাবু জয়ী হইলেন, কাল যাহাকে মথুরো শালা ভিন্ন বলেন নাই, আজ তাহাকে কি বলিয়া 'কোল' দিবেন। লোকে তাঁহার হুঁগাম তুলিয়াছে, তিনিই সাধিয়া যাচিয়া মথুর বাবুর নাতীর সঙ্গে নাতনীর বিবাহ দিয়া এবং গাঁত্তি ছাড়িয়া দিয়া, অনেক টাকা ঘুস দিয়া তবে রক্ষা পাইতেছেন। তাহাজে,—
আমি মরিলাম না কেন! আমি দত্ত বংশের কলঙ্ক হইয়াছি। মথুরবাবুর কাছে লোক গিয়াছিল, ওঃ—ভাবিতে প্রাণের আগুন লহ লহ জ্বলিয়া উঠে। বুড়ো শালা সদন্তে বলিয়া দিয়াছে,—এখনই হইয়াছে 'কি তাহার' পাপের প্রায়শ্চিত্ত কেবল আরম্ভ হইল মাত্র, আমি তাহার শেষ না করিয়া ছাড়িব না, আমার ভ্রাতৃকণ্ঠা যে দিন বড় নিরাশ্রয়ে পড়িয়া যশোদাকে পাঠাইয়া একটা ভাঙাঘর কিছুদিন বাস করিবার প্রার্থনা করিয়াছিল। সম্মতান সেদিন মনে করে নাই পাপের প্রায়শ্চিত্ত আছে—নিরাশ্রয়ের আশ্রয় আছে, পারের শাস্তি দিবার লোক আছে। ফাঁকি দিয়া তাহার বাড়ী টুকু দখল করিয়া লইয়া নিরাশ্রয়কে অকুল পাথারে ভাসাইয়া দিয়াছিল,—যিনি জগতের প্রভু—সর্বকার্যের বিচারক, তাঁহার কৃপায় আজ সেই বসন্তের পুত্রের সহিত নাতনীর বিবাহ দিয়া তবে রক্ষা পাইতে ইচ্ছা হইয়াছে। কিন্তু সে যেমন নিষ্ঠুর, তাহার সহিত সেইরূপ কাণ্ড করাই উচিত। জাল জুয়াচুরীর দণ্ড নাই, কিন্তু আমরা একটা পোষা ঘোড়ার উঠিতে হইলে সুপথে চালাইবার জগ্গ ছড়ি না লইয়া তাহাতে আরোহণ করি না। আর যিনি বিরাট জগতের পরিচালক তিনি কি সম্মতান দিগকে শাসন করিবার উপযুক্ত শাস্তির শক্তি বিকাশ না করিয়া অতি শৃঙ্খলার সহিত কার্য্য করিতে পারেন। তবে সে শক্তির পরিচয় কেহ হাতে হাতে পায়, কেহ কেহ বা দীর্ঘকাল পরে পায়, কেহ কেহ বা বঙ্গালক্রমে পায়, হিরদত্ত

চিরকাল জাল জুয়াচুরী ও নিরীহ লোকদিগকে অশান্তির আশ্রমে দগ্ধ করিয়া ফিরিয়াছে, তাহার সে কৰ্মের শাস্তির সময় আসিয়াছে, এখন হইতে সমস্ত জীবন তাহাতে জলুক শুড়ুক থাক হোক আমি মিটাইব না, গাঁতী জমা কাড়িয়া লইলে জেলে দিয়া। তারপরে তার অস্থায়রূপে গৃহীত সমস্ত সম্পত্তি একে একে বাহির করিব, ইহাতে নয় আমার দশ পনের হাজার টাকা ব্যয় হইয়া যাইবে।

হিরদত্ত বসিয়া চিন্তা করিতে ছিলেন লক্ষ দিয়া উঠিয়া দাঁড়াইলেন, অনুরক্ত-চিৎকারে অসমিত হৃদয়াবেগে বলিয়া উঠিলেন,—জেলে যাইতে হয় যাইব—পথের ভিখারী হইতে হয় হইব; তথাপি মথরো শালায় যাইতে পারিব না, ছেলো যাক্, মেয়ে যাক্ জামাই যাক্, আমি মোকদ্দমা মিটাইতে পারিব না, আরও কথা আছে।—শালা নাকি অবজ্ঞার হাসি হাসিয়া বলিয়া দিয়াছে, হিরদত্ত যদি নিজের আসিয়া মোকদ্দমা মিটাইবার জন্য অনুরোধ করে এবং নির্মলের সহিত তাহার নাতনীর বিবাহের প্রস্তাব করে; তবে কি করিব না করিব বিবেচনা করিয়া বলিব।

তাহার মাথার কেশ উর্ধ্বে উৎখিত হইল, চিন্তা কুঞ্চিত মুখমণ্ডলের সমস্ত শিরাস্থলি ক্ষীত হইল। হৃদয়াবেগ অতিশয় বৃদ্ধি পাইল, তদ্রূপ ভাবেই বলিতে লাগিলেন,—কখনই না—কখনই না;—প্রাণ থাকিতে পারিব না। হঠাৎ যেন তাঁহার চিন্তের গতি অন্যদিকে গেল, তিনি ধা করিয়া একখানা আরাম চৌকিতে যাইয়া বসিয়া পড়িলেন, সমস্ত দৈহিক প্রকৃতিতে যেন অন্তর্ভাবের বিকাশ পাইল, বাহ্য দৃশ্যে বোধ হইল তাহার হৃদয়ে তখন শত বৃশ্চিকের দংশন আলা উপস্থিত হইয়াছে। অনেককণ নীরবে নীস্তব্ধ থাকিলেন, তারপরে কম্পিত কণ্ঠের উদার স্বরে বলিয়া উঠিলেন,—জেলে হইব—নিশ্চয়ই হইবে কেবল গাঁতী হইয়া

মথারো শালা কখনই কাস্ত হইবে না, জ্বালের মোকদ্দমা নিশ্চয়ই রুজু করিবে। হাইকোর্টের বিখ্যাত উকীল বলিয়া গিয়াছেন, জেল হইতে রক্ষা করিবার কোন উপায় নাই। জেলের কি ভীষণ বাতনা, নিজের চলে সেবার দেখিয়া আসিয়াছিলাম, জেলের কয়েদীর কি ভীষণ যন্ত্রণা মানুষ হইয়া ঘানি টানিয়া তেল বাহির করা, যাতা টানিয়া ময়দা বাহির করা এই সকল কয়েদীর কাজ। হায়, তাহাই করা কি আমার শেষ লম্বাট লিপি কি করিয়াছি কেন পঞ্চ দত্তর স্ত্রীকে তখন একটু স্থান ছাড়িয়া দিলাম না মথারো শালা তাহা কাড়িয়া লইয়াছে, কেন জাল জুয়াচুরী করিয়া, মথারো গাঁতী জমা কাড়িয়া লইলাম এখন তাহার জ্বালার আমার স্বর্কস্ব ঘায়, হৃদয়ে আগুন আরও দাউ দাউ জলিতে লাগিল।

হিরু দত্ত আরাম : চাঁকি ছাড়িয়া লাফ দিয়া উঠিয়া দাঁড়াইল। চিন্তা আগুন বুঝি তাহার সর্কাসে পুড়াইয়া থাক করিয়া তুলিল, সে আর চিব করিতে পারিল না। পাশের পালঙ্কের উপর সটান শুইয়া পড়িল।



ঊনত্রিংশ পরিচ্ছেদ

মোকদ্দমার আগের আগের দিন শনিবার। রাত্রি দশটা ব্রাজিয়া গিয়াছে, মথুর বাবুর বৈঠক খানায় কাছারী কাণ্ডে ভাঙে—কতক লোক উঠিয়া গিয়াছে, কতক লোক যাইবে; মথুর বাবুও যাইবেন; এমন সময় তথায় শশী বাবু ও পূর্ণ বাবু আসিয়া উপস্থিত হইলেন।” তাঁহাদ্বিগকে মহাসমাদরে শিকটে বসাইয়া বৃদ্ধ জিজ্ঞাসা করিলেন,—
“এত রাত্রে আমার নিকটে আসিবার কারণ কি?”

শ। আমরা এই মাত্র কলিকাতা হইতে বাড়ী আসিয়াছি, আগামী পরশু মোকদ্দমার দিন—কাল তাহার সমস্ত কার্য শেষ করিতে হইবে, তাই এখনই আপনার কাছে আসিলাম। যদি ঐ মোকদ্দমাটা মিটাইয়া লয়ন, তবে বাধিত হইব এক সেই জন্তই আপনার এখানে আসিয়াছি।

অতি সরল হৃদয় বালকের তায় মথুর বাবু হো হো করিয়া হাসিয়া উঠিলেন এবং বলিলেন, “আমি পাড়া গেঁয়ে জিদওয়াল। মোকদ্দমাজীবী মানুষ নহি। উহাতে কোন আনন্দ আছে, সুখ আছে। এমত আমি বুঝি না। তবে বুঝি, শান্তি নাই। মোকদ্দমা মিটাইতে আমার কিছুমাত্র আপত্তি নাই। রাগ করিবেন না শশী বাবু; আপনার পিতা বিষধর সর্পের সমান; মস্ত্রৌষধি বলে বা সতর্কতার জন্ত সর্পের মস্তক চাপিয়া ধরিতে পারিলে, যেমন আকুল-ব্যাকুল হয়, আপনার পিতাও বর্তমানে তাহাই হইয়াছেন। বিষ দস্ত না ভাজিয়া ছাড়িয়া দিলে ক্রুর সর্প যেমন ধৃতকারীকে দংশন করিয়া মারিয়া ফেলে, আপনার পিতাও তেমনই করিবেন। এমতাবস্থায় আমি কি করিতে পারি?”

শ। সেজন্য আমি জামিন রইলাম। আর আমাকেও জামিন থাকিতে হইবে না; আমার ভাগিনেয়ী—এই পূর্ণ বাবুর কস্তার সহিত আপনার দৌহিত্র নির্মলের বিবাহ দিব, কাজেই আর ত্রিনি বিবাদ করিতে পারিবেন না।

ম। এ প্রস্তাব আমার কাছে প্রথিত করা হইয়াছিল; আমি হইটী কথা বলিয়া দিয়াছি।

শ। কি, কি?

ম। পরশ্ব মোকদ্দমার দিনই সোলেনামা করিয়া আমার গাঁতি আমাকে ফিরাইয়া দিতে হইবে।

শ। তাহাই হইবে। দ্বিতীয় কি?

ম। হিরুবাবু আসিয়া ঐ মোকদ্দমা মিটাইবার জন্ত নিজে আমাকে অহুরোধ করিবেন।

শ। সেইটী হইবে না। আমি আসিয়াছি, আমার অহুরোধে, এ কার্য আপনাকে করিতেই হইবে। অধিকন্তু পূর্ণ বাবু আমার ভাগিনীপতি এবং গভর্নমেন্টের একজন উর্দ্ধতন কর্মচারী; ইনিও আসিয়াছেন। আপনার যাহা ভাল বিবেচনা হয় করুন।

মথুর বাবু হাসিতে হাসিতে বলিলেন, “আমি পিলাচ নহি, মাথুষ; স্বীকৃত হইলাম।”

শ। এইসঙ্গে আরও স্বীকার করুন,—সতরই বৈশাখ বিবাহের যে দিন আছে, সেই দিনে আমার ভাগিনেয়ীর সহিত আপনার দৌহিত্রের বিবাহ দিবেন।

ম। স্বীকৃত হইলাম।

শাহারা আনন্দিত হইয়া উঠিয়া দাঁড়াইলেন, মদ্রও তাকাতক্ষি উঠিয়া দাঁড়াইয়া বলিলেন, “সে কি! এখনই যাঁহা কি একারে?”

সম্বন্ধের কথা বলিতেছেন, একরূপ পাকা পাকি কথা হইল; অতএব চিরাগত নিয়মানুসারে একটু মিষ্টমুখ করিয়া যাইবেন।”

শশী বাবু কথা না কহিতেই পূর্ণ বাবু বলিলেন,—“আপনার ব্যবহার অতি-শয় মিষ্ট। তাহাতে আমরা সম্পূর্ণ আপ্যায়িত হইয়াছি, এমন সদাশয় লোকের সহিত আমার খণ্ডর মহাশয় যে, কেন বিবাদ বাধান বলিতে পারি না।

শশী বাবু বলিলেন,—“অগামী কল্য হুপুর বেলা আপনার এখানে নিমন্ত্রণ রহিল, জলযোগ নহে—অন্ন আহার করিব। পারি যদি বাবাকে ও সঙ্গে আনিব।”

ম। বড় আনন্দিত হইলাম।

তৎপর দিবস প্রভাতে উষ্ণীয়া খুল্লমাতামহের নিকট ভার প্রাপ্ত হইয়া বড় আনন্দমনে নিশ্চল হিরুদত্তের বাড়ী গমন করিল, এবং পূর্ণ বাবু, শশী বাবু হিরুদত্ত ও সেই বাড়ীর আরও পাঁচ সাত জনকে নিমন্ত্রণ করিয়া আসিল।

মথুর বাবুর বাড়ী সে দিন মধ্যাহ্ন-ভোজনে ভারি আয়োজন হইয়াছিল। বথাসময়ে নিমন্ত্রিত ব্যক্তিবর্গ আগমন করিলেন, কেবল আসিলেন না হিরুদত্ত।

মথুর বাবু তাহার কথা জিজ্ঞাসা করিলে শশী বাবু উত্তর দিলেন,—“তিনি আসিলেন না, কিন্তু আপনি তজ্জগু কুণ্ড হইবেন না, বিবাহ হইয়া গেলে, না আসিয়া কখনই থাকিতে পারিবেন না। মথুর বাবু সে কথার কোন উত্তর করিলেন না, একটু হাঁসিলেন মাত্র। তারপরে পান ভোজনের আনন্দোৎসবে মধ্যাহ্ন অতিবাহিত হইল।

তৎপর দিবস আদালতে গিয়া মোকদ্দমা সোমে নিষ্পত্তি হইয়া গিয়াছিল। মথুর বাবু সম্পূর্ণ সম্পত্তি ফিরাইয়া পাইলেন, বিবাহ উৎসবের খুম পড়িয়া গেল।

মোকদ্দমা মিটিবার পর দিবসই সন্ধ্যার সময় মথুর বাবু; পঞ্চদশ ও হেমন্ত মুখো তিনজনের কথোপকথন হইতেছিল। হেমন্ত বলিল, “বিবাহের পরই আমি চলিয়া যাইব; আমার কর্ম ফুরাইয়াছে।

ম। সে কি! তোমার সম্পত্তি উদ্ধার হইলে তোমাকে দিব বলিয়া প্রতিশ্রুত হইয়াছিলাম, বিবাহ অন্তেই। ঐ গাঁতি—তোমার সম্পত্তি তোমাকে আমি লিখিয়া পড়িয়া রেজেস্টারী করিয়া দিব।

হে। আমি সম্পত্তি লইয়া কি করিব, ত্রিজগতে আমার কেহ নাই।

ম। তা আমি জানিনা। তোমার যাহা ইচ্ছা করিও, আমি ফিরাইয়া দিব। তারপরে তোমার যা ইচ্ছা করিও।

হেমন্ত চিন্তা করিতে লাগিল, পঞ্চ বলিল, “আমারও কোন কাজ দেখিতেছি না, তুমি ও যেমন দুটো দুটো খাও, আর আমি বেড়াও—আমিও তাই আমি তোমার চিরসঙ্গে বাইতে হয় দুই ভবনই বাইব।

হে। আমার সঙ্গী,—বল কি পঞ্চদা; তোমার খণ্ডক—তোমার স্ত্রী—তোমার পুত্র—তোমার বধু বলিতে গেলে সংসারই তোমার।

প। দেখ ভাই হেমন্ত; সত্য কথা বলিতে গেলে এ সকলে যেন আমার মন বসে না। বোধ হয় যেন কাহাদের বাড়ী আসিয়াছি—কাহার যেন আমাকে ভক্তি দ্বারা—সেবা দ্বারা—স্নেহ দ্বারা বাস দ্বারা বাধিবার চেষ্টা করে। সে বাধন যেন আমার কাছে অসহ্য। আমার ইচ্ছা করে স্বাধীন হৃদয়ে যেখানে ইচ্ছা সেইখানে ভ্রমণ করিয়া ফিরি।

হে। ওটা জান কি পঞ্চদা; আজীবনের অভ্যাসে অমন হইয়া গিয়াছে। চিরদিন পথে পথে ঘোরা;—এখনও তাই ভাল লাগে। আমি এখন ঐ বিষয়েরই চিন্তা করিয়া দেখিলাম; যদি জ্ঞানজন মথুরবাবু অনুমোদন করেন, তবে তাহাই করা যাক।

মথুরবাবু হেমন্তের মুখের দিকে চাহিলেন।

হেমন্ত বলিল ;—“আমার গাঁতি-জমার আয় অনেক, বিশেষতঃ এই কয় বৎসর আপনার তত্ত্বাবধানে থাকিয়া আয় আরও অনেক বাড়িয়াছে। আমি কোন দেবতার নামে ঐ সম্পত্তি উৎসর্গ করিতে চাই, তদ্বারা দেব সেবা ও অতিথি সেবা হইবে। আমি ও পঞ্চদশেই দেবালয়ে থাকিব,— সেবারত গ্রহণ করিয়া তাহা সুস্বরূপে সম্পন্ন করিব ; আর নির্জনে বসিয়া ধর্ম্মালোচনা করিব।

ম। আনন্দিত হইলাম,—আমিও তোমাদের সাহায্য করিব এবং সময়ে সময়ে তথায় গিয়া বাস করিব। সে দেবতা কি ও কোথায় ?

হে। আমার মনে হয়, দেবতা সর্বত্র। ডাকার মত ডাকিতে পারিলে, কাঠ-পাথর হইতেও সাদা দেন।

ম। ব্রাহ্মণের মত কথাই হইয়াছে। আমি বলি শোন,—এই গ্রামের উত্তর প্রান্তে পঞ্চর বাড়ী ছিল,—এক সঙ্গে চারি বিঘা জমি, তছত্তরে আমার জমি প্রায় ষোল বিঘা এক সঙ্গে আছে ; ঐ কুড়ি বিঘা জমি দেবতার নামে লিখিয়া দিব। আরও দেখিয়া শুনিয়া ঐ জমি সংলগ্ন কিছু জমি সংগ্রহ করিয়া লইতে হইবে, তাৎপরে ঐ স্থানে একটা দেবালয় নির্মাণ, শিব প্রতিষ্ঠা ও একটা দিঘী খনন করান যাইবে। গ্রামে বড় জল কষ্ট এই দিঘীর জলে তাহা নিবারণ হইবে দেব সেবাও চলিবে।

এই পরামর্শই হির হইয়া গেল।

ত্রিংশ পরিচ্ছেদ

লোখা বাহুল্য এই ধনী বংশত্রয়ের উদ্যোগ আরোজনে যে বিবাহ, তাহা খুব ধুম ধামের সহিতই হইয়াছিল। তাহার বর্ণনা করা বাহুল্য মাত্র, এবং গ্রন্থ কলেবর বৃদ্ধির উপায় ভিন্ন আর কিছুই নহে।

নির্মল ও কনকের মিলনে অবরুদ্ধ ক্ষীণ প্রেমের নদীতে ধান ডাকিয়া পড়িয়াছিল, তাহার-আনন্দ সাগরে ভাসমান হইল। বড় হুঃখিনী বসন্ত এই সমুদয় সুখ-মিলনে বড় আনন্দিত হইল, কিন্তু সে ভগবানে অস্তিত্ব আসক্তা হইল। তাহার নিত্যই মনে হইত, আমার কৰ্ম ফলে আমি গোড়ার যে হুঃখ-সাগরে ভাসিতে ছিলাম, মধুসূদন—দীনবন্ধু—অনাথ নাথ আমাকে ত্রাহণ হইতে উদ্ধার করিয়া এই অসীম আনন্দ দান করিয়াছেন। আমি তাঁহাকে ভুলিব না, আমি তাঁহার চরণার্চনা না করিয়া কোন কাজই করিব না; সংসারে তিনিই আশ্রয়, তিনিই গতি। বিবাহ সুসম্পন্ন হইল আর হইল, এই বিবাহে এক স্ত্রীস্থ দুইটা মধ্যবিত্ত গৃহস্থের মিলনমঙ্গল; মোকদ্দমার ও শত্রুতার নিবৃত্তি।

আর হইল,—দেবালয় নির্মাণ, খুব বৃহৎ এক দীর্ঘিকা ধনন, অতিথি-শালা সংস্থাপন ও একটা শিবলিঙ্গের প্রতিষ্ঠা, শিবলিঙ্গের মিত্য অর্চনা, করিবার জন্ত একজন পূজক নিযুক্ত হইল। অতিথি ও দরিদ্র মেসার অন্নাদি প্রস্তুত করিবার জন্ত একজন পাচক ব্রাহ্মণ ও দাস দাসী নিযুক্ত হইল। পক্ষ ও হুঃমস্ত সেই স্থানেই বাস করিতেন, সেই স্থানেই অধিকাংশ দিন আহার করিতেন এবং ধর্ম কথা আলোচনার দিন কাটাইতেন। পক্ষ মধ্যে মধ্যে বাড়ীও যাইতেন, মধ্যে মধ্যে মথুরাবাবু, বসন্ত কুমারী এবং বাড়ীর আর আর সকলে আসিয়া পূজাদি করিয়া যাইতেন; এইরূপ দিন অতিবাহিত হইয়া যাইতে লাগিল। আমাদেরও আখ্যায়িকা সমাপ্ত হইল।

একটা কথা বলিতে ভুলিয়া গিয়াছি, কথাটা বিশেষ প্রয়োজনীয়ও নহে। তবে আমাদের পাঠক পাঠিকার অবস্বিতির জন্য সে টুকুও বলা বাইতেছে।

এই শিব লিঙ্গের নাম বলা হইয়াছিল, কঙ্কণেশ্বর। দিঘীর নাম রাখা হইয়াছিল, কঙ্কণদেবী। আর সেই বাড়ীর নাম হইয়াছিল, কঙ্কণেশ্বরের মন্দির। বাগান, সম্পত্তি, গাভীপাল সমস্তই কঙ্কণেশ্বরের নাম সংযুক্ত ছিল। ইহা কনকের অনুরোধে মথুর বাবু কর্তৃকই হইয়াছিল। একদিন সন্ধ্যার পর একটা ছোট হারমোনিয়ম কক্ষে করিয়া বহিয়া বসিয়া আসিয়া কনক কুমারী তাহার বুড়ো দাদা শশুরের শয্যা পার্শ্বে নামাইল। বৃদ্ধ মথুর বাবু তখন বৈকালের সেবিত কালাচাঁদ ওরফে অহিফেনের ঝোঁকে ঘুমাইতেছিলেন এবং কালাচাঁদ প্রসাদ সুধ-সায়রে নিমগ্ন ছিলেন, কনককুমারী ডাকিয়া বলিল,—“দাদা মশায় ; আপনি কি ঘুমাইয়াছেন ?”

চক্ষু উন্মীলন করিয়া খুব ক্রম্বরে মথুর বাবু বলিলেন,—“কে ও. সহই নাকি ?”

কনককে মথুর বাবু সহই বলিয়া ডাকিতেন, কনক কখনও দাদা মশায়ও বলিত, কখনও দাদা মশায়ের ইচ্ছানুক্রমে সহইও বলিত। সে উত্তরে বলিল,—“হ্যাঁ সহই ; আমাকে জল সহই করবে বলে, তোমাকে একটা গান শুনাও, তাই এটাকে ঘাড়ে করে এসেছি।”

মথুর বাবু বলিলেন,—“সহই তোমার নিজের বাঁধা ? তুমি যেমন গরম লুচি আর ফীর খাইয়ে এবং পাকা চুল তুলে, ঘামাচি গেলে, বা সন্ধ্যাবিধর গান শুনিয়া আমাকে সস্তোষ করিতে পার ; তেমনি পান্নও বলিতে পার ! এমন নইলে কি ছোড়াটা অত মজেছিল “গানটা কি টপ্পা ?”

সোণার কঙ্কণপাতা মুড়িকের মা ২০৩

ক। না। সেই ; টপ্পা শুনিয়া এ বুড়ো বয়সে আবার বুড়ো দিদি
মা কোথায় খুঁজে পাব। বুঝি কঙ্কণ কনকের জীবনের এই সুখৈশ্বর্য
প্রদায়ক। আপনাকে ধরিয়া তাই প্রতিষ্ঠিত, অনাদি অনন্ত—আমাদের
কুলদেবতা মহামহেশ্বরের নাম রাখিয়াছিলাম কঙ্কণেশ্বর। সেই
কঙ্কণেশ্বরের প্রণামের একটা ক্ষুদ্র গান, তাই কি ছাই বলতে জানি,
সন্ধ্যার সময়ে একা বসিয়া তাঁহার চরণ চিন্তা করিতে করিতে বাহা
মনে আসিয়াছিল, সুরে। বাহা বাহির হইয়াছিল, তাহাই আপনাকে শুনাইতে
আসিয়াছি।

ম। গাও সেই, তাই গাও ; মধু হুইতেও তাহা আমার নিকট
মধু লাগিবে।

কনক তখন ধনতিদুরস্থ একখানা বেঞ্চি টানিয়া আনিয়া দাদা
মহাশয়ের পালক-পার্শ্বে রাখিল এবং তত্পরি হারমোনিয়ামটি হুঁপিয়া
লইল। তারপরে কঙ্কণেশ্বরের শ্রীমূর্তি ধ্যান করিয়া মুদিত নরনে
গাহিতে লাগিল ;—

পুরুষ প্রধান স্বগুনে নিগুণ

পতিত পাবন

নমো নমস্তে হে কঙ্কণেশ্বর।

নমো নমস্তে ওহে বিশ্ব-আদি নমো নমস্তে ওহে অনাদি।

পরাম্পর দিগম্বর।

রত্নগিরি সম উজ্জল অঙ্গ শাশান নিবাসী স্তোত্র সঙ্গ—

মদন মারণ অধ নিবারণ

নমো নমস্তে সর্বভূত ঈশ্বর।

অনাশ্রয়-আশ্রয় দায়ক পাতকী পরিত্রাণকারক

গুণত্রয় পরিচালক বিশ্বস্তর বিশ্ব নায়ক

নমো নমস্তে মহাযোগেশ্বর।

বৃক প্রেমাশ্রুতর। নয়নে ভক্তি গদগদ স্বরে স্নেহ-কারুণ্য-কণ্ঠে
কহিলেন,—“দিদি—দিদি ; আজ আমার সুপ্রভাত, আর আজ আমি
বুঝিলাম, সার্থক তোমাকে ঘরে আনিয়াছি। তুমি যেরূপ মধুর কণ্ঠে
আমার ইষ্ট দেবতার গাথা গাহিয়া আমার প্রাণকে বিমোহিত করিলে,
এমন বুঝি জীবনে কখনও হয় নাই।”

কনক হাসিতে হাসিতে বলিল,—“সই ;—গান শুনিয়া যদি করে
থাকি তোমার প্রাণটাকে চিনি পাতা দই ; তবে আমার পুরস্কারটা কই ?”

“ম। যা চাইবে, তাই দিব সই।

“ক। দাঁদা মশায় ; আমাকে এক জোড়া কঙ্কণ গড়িয়ে দাও।
কিন্তু কিসের কঙ্কণ দিবে ?

“ম। উপরে জুয়েল, নীচেয়

সোণার কঙ্কণ

—:—

সমাপ্ত ।

শ্রীশ্রীকৃষ্ণচন্দ্র চন্দ্র। Estd-1918.



বিজ্ঞাপন ।

শ্রীমহাশয় শ্রীমহাশয় ভট্টাচার্য্য বেদান্ত-শাস্ত্রী প্রণীত ।

সকলের সেবা, সকলে সার, সকলের শ্রেষ্ঠ চির নূতন, গভীর গবেষণা
পূর্ণ অথচ সরল, সহজ শারদ পূর্ণিমার ত্রায় বিমল ; কল্পখানি বই উপহার
দিতে পাঠ করিয়া স্ত্রী, পুরুষ, স্কুল কলেজের ছাত্র অধ্যয়নশীল যুবক সকলেরই
জ্ঞান লাভ করিতে আবার গৃহ লাইব্রেরী উজ্জ্বল করিতে শ্রেষ্ঠ ।

১। অগ্নি-সাক্ষী ।

সামাজিক উপন্যাস ।

আজকাল সোণার বাংলায় যে আশুগ জলিয়া সকলকে দগ্ধ করিতেছে
সে আশুগ কি ?

ভ্রাতৃবিচ্ছেদ ।

এই পুস্তক সেই ঘটনা অবলম্বন করিয়াই লেখা, এবং নববধুকে
গৃহে আনিয়া তাহাকে কিরূপে শিক্ষা দিলে নববধু স্বামীগৃহের স্বর্গের
শাওড়ী, ভাস্কর দেবর এবং অন্যান্যকে আপন করিয়া লইয়া গৃহলক্ষ্মী
হইতে পারে। এবং কিরূপ শিক্ষার অভাবেই বা নববধু গৃহে
আসিয়া কেবল মাত্র স্বামীকে তাহার পূজনীয় পিতা মাতার স্নেহের ক্রোড়
হইতে সিনাইয়া লইয়া নিজের করিয়া লইয়া তাহাকে সংসারের সমস্ত
সুখশান্তি দূর করিয়া দেয়। এবং পরীগ্রামের দাদাঠাকুর যে কিরূপ জন্ত
তাহাও এই গ্রন্থে বিস্তারিত আছে। ইহার ভাষা সম্পূর্ণ নূতন
এরূপ ষড়সপূর্ণ গ্রন্থ আর বাহির হয় নাই।

উৎকৃষ্ট সিল্ক বাধাই ছাপা, কাগজ সব প্রথম শ্রেণীর ।

মূল্য—১৯ ছই টাকা মাত্র

সারস্বত লাইব্রেরী ।

২। পথের আলো।

উপন্যাস জগতের সারস্বত ।

বাল্মীকীর মুখে মুখে এই পুস্তকের প্রশংসা। স্মৃতি করিয়া কি বলিব ! অজ্ঞানের দেব-মন্দিরে ভক্তির ঘুত্ৰ প্রদীপ জলিয়া জলিয়া অজ্ঞানের অন্ধকার আলো করিবে। এই পুস্তকে বহুবর্ণ রঞ্জিত ও একবর্ণ কয়েকখানি ছবি আছে, ছাপা ও বাঁধা প্রথম শ্রেণীর। মূল্য ১।।০ দেড় টাকা।

৩। ব্রহ্মচর্য্য শিক্ষা।

পাঠে লক্ষ টাকার উপকার হইবে। বিপথগামী যুবক সংপথে আসিবে। অসংযমী মন সংযমী হইবে; আর হইবে ব্রহ্মচর্য্য রক্ষা করিবার নিয়মপ্রণালী শিক্ষা। ইহাতে বহুপ্রকার বোগ, মুদ্রা, আসন নিখাস প্রখাস চলিবার বৈজ্ঞানিক ও তাত্ত্বিক উপায় শিক্ষা। ব্রহ্মচর্য্য অর্থে শুক্রধারণের যত প্রকার কল কৌশল আছে তাহাও এই গ্রন্থে আছে। বিবাহিত ও অবিবাহিত জীবনে স্বচ্ছন্দে বাহাতে ব্রহ্মচর্য্য রক্ষা করা যায়, তাহার বিধি ব্যবস্থা লিখিত আছে। এই গ্রন্থ স্কুলের কর্তৃপক্ষগণ ইহা ক্রম করিয়া উপহার দিতেছে। ছাপা, কাগজ, বাঁধাই উৎকৃষ্ট, মূল্য ১।।০ টাকা।

৪। দীক্ষা ও সাধনা।

(বোগ ও তত্ত্ব—বিজ্ঞান ও মন্ত্র)

শিষ্যকে মন্ত্র দিতে শুরুকে যাহা কিছু জানিতে হয়, তার মন্ত্র লইয়া যাহা কিছু করিতে হয়—তৎসমস্তই এই গ্রন্থে আছে। তত্ত্বের বোগশিক্ষার অনেক বিষয় আছে। শাক্ত, শৈব, বৈষ্ণব, প্রভৃতি সকলেরই সন্ধ্যা, উপাসনা

